

**COMMENTARIUS
IN TITULUM
IURIS CANONICI
DE SIMONIA PER
QUAESTIONES...**

Peter Binsfeld, Giovanni
Battista Coccini





Ex Bibliotheca
majori Coll. Rom.
Societ. Jesu

13-14 I 17

13-14 I 17

COMMENTARIUS
IN TITV-
LVM IVRIS CANO-
NICI DE SIMONIA PER
Quæstiones & Conclu-
siones.




AVCTORE
PETRO BINSFEL-
DIO SVFFRAGANEO TREVI-
*rensi Doctore Theologo, editus post
obitum eius ex autographo
Auctoris.*



ACTOR. VIII.

Pecunia tua tecum sit in perditionem, quia
existimasti donum Dei pecunia possideri.

Allegato  *Henr. Cocchini*

AVGVSTÆ TREVIRORVM,

Excudebat Henricus Bock, Anno

M. DCIIII.

Cum gratia & privilegio Archiepiscopali.



REVEREN-
DISSIMO ATQVE
ILLVSTRISSIMO DOMINO D.
IOACHIMO IMPERIALIS ECCLE-
sæ Hirsfeldensis Abbati dignissi-
mo, ac S. Romani Imperij
Principi.



QUOD multo ab-
hinc tempore An-
tistes dignissime,
crebris & arden-
tibus votis optaueram, vt pig-
nus aliquod meæ ergate ob-
seruantia, atque amoris in lu-
cem proferrem; id tandem vi-
):(2 deor

E P I S T O L A

deor diuino beneficio, saltem
ex parte aliqua adsecutus; dū
hunc de Simonia libellum
Petri Binsfeldij, B. memoriæ,
viri grauiſſimi ac doctiſſimi,
tam iuris Canonici, quàm re-
rum Theologicarum, Reue-
rendiſſimi atque Illuſtriſſimi
Archiepiſcopi Treuirenſis pri-
dem in ſpiritualibus Vicarij, &
Episcopii Azotenſis, ante ſex-
ennium omnium bonorum
gemitu, & dolore, immatura
morte extincti, quaſi partum
poſthumum, primò in manus
excudendum accepi. Illud e-
nim opuſculum nulli alteri
quàm tuæ amplitudini à me
inſcribendum eſſe, multis de
cauſis

DEDICATORIA.

causis statim in mentem venit. Primò quidem quòd insinuavi, vt meæ erga te modestiæ, Reuerentiæ, & amoris perpetua quasi tessera esset; qua omnibus testatum facerem, quanti semper fecerim Reuerendam Amplitudinem tuam, quamque semper officia mea illi præstare studuerim; etsi non ignorem nullam me partem ipsius erga me beneuolentiæ, ac meritorum, quibus obligatus sum, assequi posse. Deinde ipsa argumenti ratio talem patronum efflagitabat. De Simonia enim Liber, si ipse deligere posset sibi defensores, ac propu-

):(3

gna-

gnatorem ; quem potius legeret de multis , quàm talem virum , ac Principem ; qui & à detestabili illa labe in omni vita sua abfuit longissimè , & illud hominum genus in clero contaminatissimū ac perditissimum , omnibus modis execratur ? Quid enim tam indignum , atque impium , quàm diuinæ gratiæ dona , vel id quod spirituale est , vel sic annexum spiritualibus , vt ab ijs per se dependeat , pretio temporario vel vendere , vel acquirere ? Pecunia tua (ait ad Simonem Petrus) tecum fit in perditionem , quoniam donum Dei existimasti pecunia

DEDICATORIA.

nia possideri, non est tibi pars,
neque fors in sermone isto,
cor enim tuum non est re-
ctum coram Deo. Quo quid
gravius in illud hominum ge-
nus à Principe Apostolorum
dici poterat? dum & perdi-
tionem minatur certam, &
Euangelij, id est, diuinæ gra-
tiæ saluantis pronunciat ex-
ortes, & cordis non recti co-
ram Deo accusat? Accedit et-
iam quòd vitium hoc perpe-
tuam cum auaritia, quæ te-
ste Paulo ad Ephes. 5. est ido-
lorum seruitus, coniunctio-
nem habeat, quin potius, vt
rectius dicam, ab illa semper
exoriatur. Qua quid clerico,
):(4 quid

E P I S T O L A

quid viris Ecclesiasticis , quid
ipsis Ecclesiæ Prælatiſ (quo-
rum omnium animus ad be-
nignitatem , ac benefici-
am exporrectiſſimus eſſe de-
bet) indignius accidere po-
teſt ? Conuincuntur tamen
hoc crimine , eſſe auari ; dum
vel excæcati cupiditate de gra-
tuitis Dei donis , pretium ab
illis quibus ſpiritualia confe-
runt , tacitè vel expreſſè ſtipu-
lantur , vt cenſum ſuum au-
geant , conſcij iniquitatis ; vel
acquirere pretio ſtudent ſpi-
ritualia huiuſmodi , vt anne-
xa temporalia commoda per
fas & nefas auidiſſimo opum
animo auarè abſorbeant , vt
iure

DEDICATORIA.

iure optimo in vitium hoc ter-
rimum exclamet Aluarus
Pelagius de planctu Ecclesiæ
libro 2. capite 9. in hunc mo-
dum. O lepra contagiosa, le-
pra foetida , vsque ad nares
Domini Sabaoth , lepra labe-
faciens interiora vitalia , &
sacra in Dei Ecclesia sacrifi-
cia , abominabilis Deo , &
diuinis hominibus : apud ho-
mines incurabilis , soli Chri-
sto Domino qui apparere vo-
luit tanquam leprosus , Esaiaë
53. curatu possibilis , &c. De-
nique postulabat sibi à me
munusculum hoc Reueren-
da dignitas tua , vir Amplissi-
me , vt illius scilicet auctori-
): (s tate,

E P I S T O L A

tate , grauitate , prudentia
ab improborum calumnijs
facilius vindicaretur : Etsi e-
nim libellus hic sat commen-
datus videri poterat , tum ar-
gumenti grauitate atque v-
tilitate , tum insigni Scripto-
ris nomine , & auctoritate :
cuius alia quædam opuscu-
la plena doctrina , & iudicio
ante complures annos emis-
sa ; magno omnium Natio-
num Christianarum applau-
su , passim teruntur ; sæpius-
que recusa , longè lateque
distrahuntur : faciet tamen
nominis tui , vitæque digni-
tas , vt commendatior et-
iam , bonisque omnibus mul-
tò ac-

DEDICATORIA.

tò acceptior tali patrono idem
lucem aspiciat. Accedit quæ
inter nos est à natura , fan-
guinis coniunctio : in qua
etsi te insignis tua virtus , &
eruditio iuis fecit præluce-
re maioribus , dum ex loco hu-
miliore ad principatum te e-
uexit , is tamen mihi , tuis-
que cognatis tam sit iucun-
dus , vt illum tibi omnes non
solùm plenè faueamus , sed
in eodem te omni dignum
honore & officio libenter fa-
teamur. Suscipe igitur , vir
amplissime , qua soles beni-
gnitate , ac serenitate animi
hoc clientis tui quodcunque
officium , non tam offerentis
studio

E P I S T O L A

studio, quàm ipsius operis grauitate, & excellentia te dignissimum: futurum enim confido, vt hoc modo, primò quidem eius utilitas vberius sese latiusque diffundat. Deinde vt tuo quoq; nomini licet celebratissimo, non nihil inde dignitatis apud bonos omnes adiungatur. Deniq; vt me quoq; clientem tuum ad omnia tibi paratissimum, consueta semper fide ac beneuolētia complectare. Augustæ Treuirorū
8. Calendas Septemb. anno salutis reparatæ 1604.

*Rdæ Amplitudinis Tuæ
Cliens humillimus &
cognatus*

Henricus Bock.

AD



AD LIBROS REVE- RENDISSIMI PATRIS

P. Binsfeldij de Simonia.

Proles posthuma funeri Parentis,
Phœnix edite de Patris Fauilla,
Auras quid volucri moraris ala?
Ala, quam patris ars tui suprema
Finxit ære tibi perenniore,
Finxit fulminis impete ociores.
En te fama vocat, fauorq; vulgi,
En plausus solidi comes Fauoris
Auræ signa dedit fauentioris.
Imetire vias perennitatis
Volatu metuente præpediri,
Inter & Patris & tuos fauores
Gyro præpete circina æuiternum.
Quid pendes animi? datasq; cælo
Pennas colligis? & diem perosius
Nido lucifugum caput recondis?
Et sextum tenebras amas in annum?
Vnde, hic unde metus? suone Liuor
Dente terrificos ciet timores?
An Simoniacum paues ad agmen,
Cui ferrum properas minari & ignem?
Binsfeld Patre tuo licet sepulto?
Macte; pelle metum memor tui ortus,

Haud

*Haude est sanguinis, haud propinquitatis
 Est Binsfeldiacæ pauere morsus,
 Quos retuso, humiliq; dente Liuor
 Celso insigere nomini minatur.
 Si dum vita stetit tuo Parenti,
 Maior, inuidiam supra volabat,
 Afato incipiet timere fractos
 Dentes Inuidiæ solo incubantis?
 Nec Simoniacos verere Phœnix,
 Ast audax pauidam speiq; plenus
 Exspem incursa aciem sacriq; vinctam
 Auri fenoribus, stygiq; sacram.
 Furtiuum genus hoc, pauens pericli,
 Hostis lucis, amans latentis antri,
 Non armis, neq; viribus lacerti,
 Sed cæca arte, doloq; pugnat uno.
 Hos si de tenebris trahas apricum
 In solem; licet, occinas triumphum.
 Nam iam palma tua est: nec obtueri
 Fas contraradios tenebricosis,
 Nec ferent retegì suum pudorem,
 Sed cacos repetent fugare recessus.
 Ast esto fugiant, tegantur umbris,
 Est est cunctæ Oculus Tuens, & umbras—
 Qui visu penetret, Manusq; Longa est,
 Hos quæ vindicibus sequetur armis.
 Phœnicis licet ora & arma vitent,
 Coruis tartareis dabuntur esca.
 Nunc metu dubio solute Phœnix,*

Magni

*Magni reliquiae breues Parentis,
Tandem assuesce polis & emulator
Natiq; occiduiq; solis audax
Cæli cardinibus duobus effer
Binsfeldij cineres Patris videndos.
Hos gratus lachrymis rigabit orbis,
Hos plausu lachrymas leuante sparget,
Hos fronde & viola teget perenni.*

Rmi Patris ac Domini D.
Binsfeldij memoriæ &
amori non consepultis.

A. Æ.



RVBRI.



RUBRICA DE SIMONIA, ET NE ALIQUID PRO SPIRITVALIBVS EXI- gatur, vel promitta- tur.



*Commentarium, in titulum iuris Cano-
nici scripturus, ordinem & modū, quem
in commentario de Vsuris tenui, serua-
bo, quædam itaq, in Rubricam premit-
tam notabilia, quæ erunt quasi præcog-
nita ad introductionem eorum, quæ in
tota simonia materia explicabuntur.*

IN RUBRICAM DE SIMONIA.

NOTABILE primum continens
continuationem. Cum in su-
perioribus actum sit de accu-
sationibus, inquisitionibus ac
denunciationibus, nec non ca-
lumniatoribus, superest nunc agere de crimi-
nibus, inter quæ simonia obtinet primum lo-
cum: nam respectu simoniæ, cætera crimina
A pro

pro nihilo reputantur, i. q. vlt. c. fi. de Paschali Papa. & ideo titulus de simonia præmittitur.

Notabile secundum. Ista rubrica nō reperitur, nec habetur nec in 6. decretalium, nec in Clementinis, vt manifestissimum est. Causam Felin. & Ioan. ab Anania in hac Rubr. referunt ad Bart. in l. vnica. ff. ad leg. Iul. de ambitu. vbi sic ait: decretistæ fecerunt multas constitutiones, tamen in tractatu de simonia, quæ est idem quod ambitus, nullam nouam constitutionem fecerunt; ratio est, quia simonia non punitur vt debet.

Notab. tertium. Dubium oritur circa Rubr. Illa verba: Et ne aliquid pro spiritualibus exigatur, vel promittatur, videntur superflua: quia sufficebat dicere, de simonia. Florian. referente Ioan. ab Anania hîc, soluit dicendo, quod illa verba veniant dispositiuè, & debet exponi (Et) id est. Ipse Ioan. dicit, quod Rubrica duas habet partes. Prima loquitur de simonia in genere latè sumpto vocabulo, & sic comprehendit omnem simoniam propriam & impropriam, iuxta notata in c. Nemo presbyterorum, infra. Secunda vero pars loquitur propriè & strictè de simonia, quæ est vt pro spiritualibus nullum detur, vel promittatur temporale. Breuius dici potest, quod illa verba tanquam notiora declarent, quid nomine simoniæ intelligatur, & in hunc sensum Florian. tendit, licet obscurius loquatur.

Notab. quartum. Præpositio, pro, quæ in Rub.

Rub. ponitur, varias habet significationes ex mente Archidiaconi in c. Agatho. d. 63. & in c. ordinationes. i. q. 1. quem sequuntur Cardin. Alexand. & Turrecrem. ibidem. Raymundus in summa. in tit. de simonia. §. Quæritur super verbo statutum. Summa Pisanella. eod. verb. i. §. Quid si sumptus. Nauarr. in manual. confess. cap. 23. num. 10. prope finem. & lib. 5. consil. in tit. de simonia. cons. 23. num. 3. & alij alibi. Primo, pro, aliquando appreciationem dicit, siue commutationem, & sic vniuersaliter verum est, quod nihil omnino pro spiritualibus exigendum, aut promittendum sit. In hac significatione, pro, accipitur quando dicimus, nos pecunias pro panno, aut equo dare: tum enim pecunia est pretium panni, aut equi. Aliquando significat causam principalem & immediatam, vt si principaliter Domino in seruiio pro acquirendo beneficio, tunc enim seruitium est causa principalis acquirendi rem spiritualement, scilicet beneficium: & in hac significatione etiam nihil potest exigi, aut promitti pro spiritualibus. Aliquando, pro, denotat causam minus principalem, impulsiuam, siue motiuam, aut remotam, siue etiam adminicularem (vt quidam vocat) & in hac significatione verum est, quod licet aliquod potest pro spiritualibus accipi, & exigi: sic pro collatione sacramentorum, pro munere concionandi, potest stipendium sustentationis recipi. Sic seruitium honestum & dili-

gens potest aliquando dominum mouere, vt famulo conferat beneficium: tum seruitium est causa excitatiua, & minus principalis, & non immediata collationis beneficij. De his in progressu huius tituli plenius constabit.

Notab. quintum. De materia simoniæ, ex Theologis tractant Alexander Alen. 2. part. q. 187. per tot. D. Thomas 2. 2. q. 100. & ibidem eius commentatores. Guilhelmus Altisiodoren. lib. 5. summæ tract. 27. in tit. de simonia. S. Antonin. 2. parte. tit. 1. cap. 4. & 5. S. Bonavent. Paludan. Durand. & alij scholastici in 4. sentent. d. 25. Gabriel Biel. super canon. missæ. lect. 28. Ioannes Gerson Cancellarius Parisiensis in tract. de simonia. in 2. parte suorum oper. Gulielmus Peroaldus Episcopus Lugdunensis tomo 2. de virtutibus & vitijs. in tract. de auaritia. cap. 7. Dionysius Carthusianus in lib. duobus de simonia, in primo tomo suorum paruorum operum. Adrianus quodlib. 9. Franciscus Victoria in relect. de hac re. Dominicus Sotus lib. 9. de iustit. & iure. q. 5. & seq. Angel. Summa Pisanelle. Syluest. & omnes Summistæ. in verb. Simonia. Archidiac. Card. Alexand. Turrecrem. Dominicus & alij decretistæ in 1. causa. maximè q. 1. Nauarr. in manuali confessoriorum, cap. 23. à num. 99. DD. iuris canonici in toto hoc titulo.

Notab. sextum. Simonia nomen trahit à Simone Mago, qui vt lectio Actorum Apostolicorum cap. 8. habet, primus in nouo testamento

mento pecuniam obtulit, pro emptione doni Dei, & potestatis spiritualis, vt eius vsu pecuniam lucraretur. Cum vidisset Simon, ait text. quia per impositionem manus Apostolorum daretur Spiritus sanctus, obtulit eis pecuniam dicens: Date & mihi hanc potestatem, vt cui-cunque imposuero manus, accipiat Spiritum sanctum. Petrus autem dixit ad eum: pecunia tua tecum sit in perditionem: quoniam donum Dei existimasti pecunia possideri. Non tamen Simon ipsum Spiritum sanctum in sua persona voluit emere: Cum tale iudicium à ratione esset alienum, sed in suo dono. Pulchrè apteq; ad hoc loquitur Urbanus Pontifex, eius nominis secundus, in ep. ad I. præpositum Ecclesiæ S. Iuuentij aquæ Ticinû, & inseritur à Gratiano l. q. 3. c. Saluator. Donû, inquit, quippe Dei est Spiritus sanctus, & donum Dei est res ipsi Ecclesiæ oblata. Et si bene animaduertis, Simon magus qui ad fidem fictè accessit, non Spiritum sanctum propter Spiritum sanctum, quo erat ipse indignus, quoniam (vt scriptum est, Spiritus sanctus disciplinæ effugiet fictum) sed ideo quantum in ipso erat, emere voluit, vt ex venditione signorum quæ per eundem fierent, multiplicatam pecuniam lucraretur. Nec Apostolus emptionem Spiritus sancti (quam bene fieri non posse nouerat) sed ambitionem quæstus talis, & auaritiam quæ est idolorum seruitus, in eodem Simone exhorruit, & maledictionis

iaculo perculit. Hæc ille. Cum ergo hic Simon primus in nouo testamento tempore Apostolorum crediderit, & verbo ostenderit, spiritualia & dona Dei esse venalia, peccatum illius, hæreseos nomen ab eo vsque ad nos deriuatum & denominatum est. In eundem errorem prolapsi sunt Græci & Armeni, qui vt attestantur Guido Carmelita, & post eum Alphonsus à Castro lib. 13. aduersus hæreses, dixerunt licere prælationes Ecclesiasticas vendere. Sunt tamen alij hæretici dicti ab hoc Simone Simoniani, qui male sentierunt creaturam non à Deo, sed à virtute quadam superna creatam, vt memoriæ prodiderunt. Tertullianus in lib. de præscriptionib. hæretic. cap. 33. Epiphanius hæresi 21. Eusebius lib. 4. histor. Ecclesiasticæ, cap. 22. D. Augustinus in lib. de hæresibus ad Quoduuldeum, hæresi. 1. & directorium inquisitorum. 2. part. q. 6. Prædicti hæretici & alios errores tenuerunt, vt colligitur ex DD. vbi supra. ac seipsos Simonianos appellarunt teste Theodoro lib. 1. hæreticarum fabularum, statim in principio, vbi agit de Simonis hæresi. Si quis hoc loco quærat, cur hoc crimen potius à Simone nomen sortiatum quàm à Giezi famulo Helisæi, qui gratiam sanitatis Naaman Syro vendidit. 4. Reg. cap. 5. & 1. q. 1. c. Qui studet: vel à Balaam qui à Moabitibus fuit pretio conductus, vt populo Israelitico malediceret. Num. 22. & in 2. ep. D. Pet. cap. 2. Respondent DD. in primis crimen istud

istud nomen non accepisse à personis veteris testamenti Giezi, aut Balaam, quia eius legis sacramenta erant egena elementa, nec conferebant gratiam vt nostra, nec in tanto gradu erant spiritualia. Deinde Giezi & Balaam gratias tantum gratis datas, vt donum sanitatis, & potestatem arcendi hostes per maledictionem: quod Moabitæ à Balaam petebant, vendiderunt. Simon autem ipsum Spiritum sanctum in suo dono nobiliori, id est, gratia gratum faciente, emere voluit. Postremo illi nihil emerunt, sed tantum vendiderunt, Simon autem tentauit emere, vt postea venderet, lucrumq; acquireret. De his Sotus lib. 9. de iust. & iure. q. 5. art. 1. Adrian. quodlib. 9. art. 2. statim in principio, qui dicit se inuenire apud doctores, simoniam vetustiori vocabulo posse dici balamiam, quia Balaam prophetiæ donū vendere voluit. Commentatores D. Thomæ in 2. 2. q. 100. art. 1. vbi S. Thomas etiam ad quartum addit, venditores spiritualium non solum posse dici simoniacos, sed etiam Giezitas.

Notab. septimum. Vt à definitione exordiamur, quæ intelligentiam sequentibus præbet. Simonia est studiosa voluntas emendi, vel vendendi aliquid spirituale, vel spirituali annexum. Quæ definitio ponitur ab Alexandro Alen. 2. part. q. 187. memb. 2. S. Thom. in d. art. 1. & à scholasticis in 4. d. 25. à decretistis 1. q. 1. in summa à canonistis in hac Rubrica. &

à summistis in verb. Simonia. Host. tamen in-
 fra in c. Tua nos. Panor. in c. Nemo. eod. Hen-
 ricus in c. fin. cod. & Richard. de media villa in
 4. d. 25. q. 1. censent addendū communi defini-
 tioni (cum opere subsecuto) moti auctoritate
 Glossæ, in cap. Qui studet. i. q. 1. quando ait:
 quod simonia est voluntas emendi, vel ven-
 dendi res sacras cum effectu. Sed hæc defini-
 tio non est bona. Quia Simon Magus, à quo
 nomen simonia desumpsit, grauissimè pecca-
 uit hoc peccato, vt apertissimum est ex Apo-
 stolicis verbis Actor. 8. Pecunia tua tecum sit
 in perditionem, &c. Cum tamen opus non
 fuerit subsecutum, sed tantum contenderit,
 volueritque emere. Accedit his quod simo-
 nia mentalis est verè simonia, & tamen defi-
 nitio ab istis auctoribus assignata eidem non
 conuenit. Sed horum DD. definitio tolera-
 tur, si eam dicamus comprehendere simoni-
 am spectantem ad forum ecclesiæ exterius,
 cuius consideratio maximè tangit iuris cano-
 nici commentatores. Hostien. in summa. tit.
 de simonia. quem sequitur Angel. eod. verbo.
 i. in princ. Aliam definitionem, quam potius
 longam descriptionem dixerimus, adfert in
 hunc modum: Simonia est spiritualium, vel
 annexorum spiritualibus receptio, vel dona-
 tio, præcedentē pacto conditionis, promissio-
 nis, modi, seruitij, precum, aut cuiuscunque
 temporalitatis. hæc etiam est fori exterioris.
 Vlricus lib. 6. suæ summæ in cap. de simonia,
 vide-

videtur rectè conciliare tales definitiones. Simonia, inquit, in quantum est crimen committitur sola voluntate sine opere exteriori: quia & primus auctor criminis huius, videlicet Simon Magus non produxit desiderium suum ad actum, sed sola voluntate peccavit: quemadmodum concupiscens mulierem, mœchatus est eam: & qui odit fratrem suum, est homicida. Simonia vero in quantum est crimen ecclesiasticum, prout eius cognitio, punitio, siue damnatio ad ecclesiasticum spectat iudicium, iuxta quod ei coniuncta sunt infamia, suspensio, & huiusmodi pœnæ, sic non committitur absq; actu exteriori: Quoniam homo videt, quæ patent, Deus autem intuetur cor. Nunc simoniæ definitio secundum singulas suas partes declaranda est. Dicitur in definitione (studiosa) quia ad consummandum simoniæ peccatum deliberatio & electio requiruntur. Facit pro hac particula, etiam c. Quicumq; studet. & c. Qui studet. i. q. i. Quidam tamen recentiores ut Petrus de Aragon. in d. art. i. S. Thomæ. & Petrus de Navarra lib. 2. de restitutione, cap. 2. num. 385. putant illam particulam non necessariam esse: cum ad omnem actum humanum, siue bonum siue malum, deliberatio, & imperium voluntatis desiderentur, sed ideo fortasse illam particulam additam quia simonia frequentissime à patribus appellata est hæresis, ut infra latius ostendetur. hæresis autem est falsa sententia ex electione. (Vo-

luntas) hoc nomen, vt communiter DD. annotant, non ponitur pro potentia sed eius actu. Additur autem secundum S. Thomam in d. art. 1. ad 2. quia simonia cum spectet ad iniustitiam, quæ est in voluntate, etiam conuenienter per voluntatem definitur. Illa etiam dictione includitur simonia mentalis, qua quis appetit committere realem, non tamen opere perficit. Certum enim est talem actum voluntatis interiorẽ esse peccatum, nec aliud nisi simoniæ: quippe peccata cordis siue voluntatis, & operis correspondentis sunt eiusdem speciei, iuxta doctrinam S. Thomæ receptam 1. 2. q. 20. art. 3. & 4. Hinc Glossa in c. Consulere. & c. fin. infra eod. quando vult, quod sola voluntas non faciat hominem simoniacum, licet peccet, intelligenda, quod sola voluntas, si non procedatur ad opus exterius, non faciat hominem simoniacum, qui puniri possit pœnis Ecclesiasticis in foro Ecclesiastico. & sic non rectè carpit Glossam, Ioan. Maior. in 4. d. 25. q. 1. quasi sentiat Glossa in d. c. fin. simoniam mentalem non esse peccatum, nec facere hominem reum peccati sine opere subsequuto, vt etiam obseruat Nauarrus in manuali confessoriorum, cap. 23. num. 10. (Emendi vel vendendi) Quia vtroq; modo simonia committitur. Emerere studuit Simon Magus: vendere voluit Giezi. Nomine autem emptio- nis & venditionis, intelligitur omnis contractus non gratuitus, vt transactio, renuncia-
tio,

tio, electio, nominatio, &c. vt S. Thomas in d. art. 1. ad 5. & eius commentatores ibidem. S. Antonin. 2. part. tit. 1. cap. 5. §. 1. Archidiac. Cardinalis Alexand. & Turrecre. in principio 1. q. 1. Adrian. quodl. 9. Angel. Summa Pisanella in verb. simonia. 1. Syluest. & alij ibidem & communiter DD. sentiunt. (aliquid spirituale) Quemadmodum nomen spiritus, tam in humanioribus libris, quam in sacris literis multipliciter accipitur: Ita etiam spirituale, quod inde denominatur variè dicitur. Spiritus magis propriè nominatur anhelitus, siue aër ipse quem spirando attrahimus. Cicero lib. 2. de natura Deorum. Tribus rebus vita mortalium continetur. Cibo, potione, & spiritu. Iob 14. Spiritus meus attenuabitur, dies mei abbreviabuntur. Aliquando etiam ventus vocatur spiritus, iuxta illud Vergilij lib. 12. *Æneid.*

Ac velut Edoni Boreæ cum spiritus alto.

Insonat Ægeo.

& aliud sacræ scripturæ Actor. 2. Tanquam aduenientis spiritus vehementis, & repleuit totam domum, vbi erant sedentes. Nonnunquam etiam spiritus animi elatio nuncupatur. Cicero in oratione pro Sylla. Res gestæ meæ me nimis extulerunt, & mihi nescio quos spiritus attulerunt. Cæsar lib. 3. belli civilis, his rebus tantū fiduciæ ac spiritus Pompeianis accessit, vt non de ratione belli cogitarent, sed vicisse sibi viderentur. In qua significatione

catione potest intelligi & illud Matth. 5. Beati pauperes spiritu. Chrysoft. hom. 15. in Matth. non longe à principio. Vel spiritum hîc, inquit, elationem & animum dicit. & D. Augustin. lib. 1. de sermone Domini in monte, cap. 2. præsumptio quidem spiritus audaciam & superbiam significat. Vulgo enim magnum spiritum superbi habere dicuntur & rectè. Nam spiritus ventus vocatur. Quis vero nesciat superbos inflatos dici, quasi vento distentos? Quapropter rectè hîc intelliguntur pauperes, spiritu humiles, timentes Deum, id est nō habentes inflantem spiritum, &c. Anima etiam hominis spiritus appellatur. Ioan. 19. Et inclinato capite emisit spiritum. Gregor. lib. 11. moral. cap. 3. Spiritus autem hic pro anima ponitur. Si enim aliud, spiritum quam animam Euangelista diceret, exeunte spiritu anima remansisset. & D. Augustin. tract. 119. in Ioannem. Angeli quoque dicuntur spiritus, Psalm. 103. & ad Hebræos 1. Qui facit angelos suos spiritus. & mali angeli sunt spiritus Matth. 8. & 10. Marc. 1. Luc. 6. Actor. 16. & sæpe alibi. sic ergo omnis creatura incorporea & inuisibilis, spiritualis dicitur. Has omnes significationes paucis colligit D. Thomas 1. part. q. 41. art. 3. ad 4. dum ait: de spiritu creato, quod quandoque dicitur ventus, quandoque aër, quandoque flatus hominis, quandoque etiam anima, vel quęcunque substantia inuisibilis. Spirituale autem, vt alia
omitta-

Omittamus, in proposito non accipitur ut deducitur à nomine spiritus in præscriptis acceptionibus, sed improprie, ut significat bona spiritualia, id est, inuisibilia quæ animis nostris accidunt. Hæc autem sunt in duplici genere. Quædam procedunt à spiritu increato, id est, Diuinitus, vi quadam supernaturali: ut gratia sanctificans, habitus infusi, donum prophetiæ, &c. Alia procedunt à spiritu creato, ut scientia habitusque naturales, qui ab anima nostra via naturali procedunt & acquiruntur. Spirituale autem in nostra definitione sumptum, nunc intelligitur omne donum spirituale diuinitus particulari ratione datum, aut institutum, quod nos ad gratiam in præsentem, & ad gloriam in futuro promouet & præparat. Spiritualia à DD. in triplici constituuntur differentia. Quædam enim sunt spiritualia per essentiam, ut gratia iustificans, dona Spiritus sancti, &c. Quædam spiritualia sunt per causam, ut ipsa sacramenta, quæ sunt causa gratiæ & virtutum infusarum. Alia sunt spiritu: alia per effectum & actum, ut sunt ea quæ conueniunt alicui ex aliquo dono, aut officio spirituali, ut prophetare, prædicare, diuina officia celebrare, &c. (Vel spirituali annexum) Dupliciter enim aliquid potest spirituali esse annexum. Vno modo sicut ex spiritualibus dependens, ut beneficia ecclesiastica, quæ non competunt, nec possidentur nisi ab eo qui militiæ clericali inscriptus est, ius ad decimas, &c.

mas, &c. Alio modo aliqua spiritualibus antecedenter annectuntur, ut ius patronatus, ad præsentandum clericos ad beneficia, ad curam animarum. Vasa, & vestes sacræ quæ ordinantur ad sacrificium, at dignam congruamq; sacramentorum administrationem. Hoc in loco dicendum de illo solemni, & apud doctores controuerso dubio. An ius patronatus sit spirituale, vel temporale, aut mixtum? Quoniam DD. iuris canonici non conueniunt, sed in diuersas abeunt sententias, cum ad doctos spectet singulorum discutere opiniones, arg. Ecclesiastici cap. 39. Sapientiam omnium antiquorum exquiret sapiens. & iterum. Narrationem virorum nominatorum conseruabit, ad pleniorum rerum intelligentiam, & lectorum eruditionem, placet hic ante oculos ponere, quid DD. sentiant. Prima opinio est eorum qui iudicant ius patronatus ex sua origine & natura, esse spirituale, hanc tradunt Anto. à Butr. in c. Quanto. de iudicijs. ubi communiter hanc q. mouent DD. Andreas Siculus, Barbat. ibidem num. 16. & tandem dicit, quod forte esset necessaria declaratio papalis, ex quo passu videtur dubius. Anton. tribuit etiam Godfredo in summa hanc sententiam. quam opinionem, subtilius & latius nunc secutus est, & defendit Martinus Nauarr. in Rub. de iud. à num. 21. & seq. Rationes pro hac sententia. Prima. Ius patronatus non potest nec vendi, nec emi. c. De iure vero, de iure pat. & communis est omnium
senten-

sententia. Ergo est spirituale. Secunda. Ius patronatus dicitur communicatū laicis ex gratia. c. 3. tit. eod. Ergo datur intelligi quod sit de sua natura spirituale. Quia si esset temporale, iure cōmuni absq; gratia laicis concederetur. Andr. Siculus vbi supra aliam rationē adfert. Istud ius scilicet patronatus causatur à Papa. Ergo tale est, quale est subiectum produciens. Sed causa productiua est spiritualis. Ergo sequitur quod effectus erit spiritualis, & sic ius patronatus est ius merè spirituale, cum non habeat causam productiuam, secularem seu temporalem, quia illa est extincta per ædificationem Ecclesiæ. Eandem sententiam tenent Anton. n. i. & Barbat. latius à num. 26. in Rub. de iudic. Alia opinio est Panorm. in d. Rub. & c. Quanto. de iud. Deci jlatè in Rub. num. 8. & in d. c. Quanto. Felini & aliorum ibid. Ioannis de Selua in tract. de benefic. prima part. q. vlt. prope finem. Rochi de Curte. in tract. de iure patronat. in verbo Ius. num. 2. Archidiac. i. q. i. in princ. & c. Piæ mentis. 16. q. 7. Turrecr. in eod. cap. num. 3. Card. Alexand. in d. princ. i. q. i. & hæc est communis DD. sententia, auctoribus Nauarro & Selua ius patronatus non esse spirituale, sed quid temporale & annexum spirituali. & hæc opinio his argumentis fundatur. Primū. Iura, ius patronatus non spirituale, sed spirituali annexum vocant. d. cap. Quanto. expresse ait: Causa vero iuris patronatus ita coniuncta est, & connexa

connexa spiritualibus causis : quod non nisi
 ecclesiastico iudicio valeat diffiniri. & expres-
 sius in cap. De iure. de iure pat. his verbis : De
 iure vero patronatus : & infra. Mandamus
 quatenus si R. illud comparauit (cum incon-
 ueniens sit vendi ius patronatus quod est spi-
 rituali annexum) contractum illum irritum
 esse decernas. Huc accedit communis Theo-
 logorum, Canonistarum, Summistarum, &
 decretistarum consensus, dum in definitione
 simoniæ, sub illa particula, (vel spirituali an-
 nexum) comprehendunt ius patronatus. Na-
 uarr. in d. Rub. de iud. num. 30. obiicit sibi au-
 thoritatem S. Thomæ in 2.2. q. 100. art. 4. dum
 ius patronatus refert inter annexa spirituali-
 bus antecedenter, vel dependenter. non ta-
 men adfert text. iuris allegatos. & ita respon-
 det, quod non repugnet vt vnum & idem sit
 spirituale, & annexum alteri spirituali, sicut
 nec repugnat vnum & idem esse temporale,
 & annexum alteri temporali. Multæ enim ec-
 clesiæ spirituales sunt annexæ ecclesijs cathe-
 dralibus, & alijs collegiatis regularibus & se-
 cularibus. cap. Extirpandæ. §. Qui vero. de
 præbend. c. super eo. eod. tit. lib. 6. &c. Na-
 uarr. rectè ostendit non esse repugnantiam,
 quod possit esse connexio rerum spirituali-
 um: sicut etiam est cohærentia temporalium.
 Sed non docet canones & DD. ita loqui, imò
 aperta est omnium mens in contrariū, quan-
 do enim dicunt can. & DD. ius patronatum
 anne-

annexum spiritualibus, intelligunt aliquid temporale distinctum contra spirituale, alioquin malè dicti canones suam decisionem fundarent, nec ratio vlla dubitandi extitisset. & sic DD. cohærenter canonibus loquendo, in omnibus quæ numerant inter spiritualibus annexa, aliquid temporalis agnoscunt, quod secundum istam sententiam non potest stare in iure patronatus, si suapte natura spirituale statuatur. Quis enim non videret Pontificem Alexandrum III. in d.c. Quanto. quando dubium proponitur, an causa iuris patronatus spectet ad iudicium Ecclesiæ: perfectius respondere potuisse, quod sic: cum suapte natura sit spiritualis, & tamen reddit rationem sumptam à coniunctione & adhærentia ad causas spirituales. & in d.c. De iure. idem Alexand. definiciens ius patronatus per se vendi non posse. non reddit rationem, quia spirituale est, quæ certè expeditissima fuisset responsio, si ius patronatus per se esset spirituale, sed quod vendi non possit, quia spirituali annexum est. & sic Andr. Siculus Barb. in apostilla ad Panorm. in d.c. Quanto. super verbo. Non merc. admonet in fine bene ponderandum esse text. in d.c. De iure. cum prius fundasset hanc sententiam. & suam, quam loc. supra cit. tenuit, destruxisset: & quia profundius quam alius, communem ibi paucis munit & explicat de verbo, ad verbum, eius verba ponam. Gloss. in d.c. Quanto. dicit quod ius patronatus

tus non est merè spirituale. & ita Barbat. commentatur super illa verba non merè, & pondera, ait: quia ius patronatus oritur à re prophana, quam quis dedicat Deo, & nihilominus talis res post dedicationē sapit quandam laicalitatem, quia iam aliquialiter remanent reliquiae dominij, & laicaliter: quia hac contemplatione laicus dedicat illam rem Ecclesie. facit l. Talem. §. fin. ff. de hæred. instit. Vnde causatiuè illud ius patronatus introducitur à re temporali. licet ergo res sit facta Dei, & ecclesia Dei concedat illud ius patronatus laico, vt habeat originem ab Ecclesia, clarum est quod res partim dicetur spiritualis, & in parte temporalis, & sic ius patronatus dicitur quoddam participium, quia partem capit à temporalitate, & partem capit à spiritualitate, & istud videtur verius. Et pondera quia hic dicitur, quod est coniuncta & annexa causa iuris patronatus causæ spirituali, non dicit quod ius patronatus sit annexum iuri spirituali, pondera etiam, quia si est annexa. Ergo subiectum est causa spiritualitatis, & causa iuris patronatus est accidens. Ergo sequitur quod per accidens est spiritualis & non per se. sic ille Doctor.

Secundum argumentum. Si ius patronatus laicorum esset ex sua origine & natura merè spirituale, non posset possideri, nec præscribi per laicum. cap. causa. de præscript. Sed ius patronatus etiam à laicis præscribi potest, & præ-

& præscriptione acquiri. Ioan. Andr. in reg.
 Quod alicui. de regulis iuris in 6. Felin. in d.
 cap. Causam. Rochus de iure pat. in verb. Ipse.
 vol. 15. q. 36. Bald. de præscript. 1. part. 5. part.
 principalis. q. 9. & post alios multos. Didac.
 Couarr. in 2. part. Relect. c. possessor malæ fi-
 dei. de reg. iur. lib. 6. §. 10. & dicit commu-
 nem esse conclusionem, omniumq; consen-
 su receptam. Ergo ius patronatus sua natura
 non est quid spirituale. Atque ex his constat,
 quod etiam Couarr. in d. §. 10. nu. 2. vers. Hæc
 autem ratio, &c. docet laicos esse capaces pos-
 sessionis iuris patronatus.

Tertium argumentum. Spirituale nunquam
 acquiritur iure hæreditario. cap. 1. de præbend.
 & c. sciendum. 8. q. 1. Sed ius patronatus ac-
 quiritur iure hæreditario. Gloss. per text. in c.
 Considerandum. 16. q. 7. & ibid. cap. Filijs. &
 c. Cum seculum. de iure patr. Ias. in l. 1. num.
 71. ff. de legat. 1. Rochus in d. verb. Ipse vol. 15.
 q. 8. & post plures alios Couarr. lib. 2. var. re-
 solut. cap. 18. à num. 6. Ergo.


Quartum. Ius patronatus acquiritur con-
 structione, dotatione, & fundatione ecclesiæ,
 ex canonistis in Rubr. de iure patr. & summi-
 stis in eodem verbo. Sed ista sunt tempora-
 lia, vt manifestum. Ergo ius patronatus est
 quid temporale, cum originemumat à rebus
 temporalibus.

Quintum argumentum potest formari ex
 Felin. in dicto cap. Quanto. Imperator

tantum legitimat ad temporalia secundum
 communem DD. sententiam in c. Venerabi-
 lem. Qui filij sint legitimi. & tamen sua legiti-
 matio operatur quantum ad ius patronatus.
 Dominic. in c. 1. d. 10. Ergo ius patronatus
 non est spirituale. Ad argumenta in contra-
 rium respondetur à Decio & alijs. Ad 3. ex
 Andrea Siculo Barbatio satis patet ex suis
 proprijs in apostilla ad Panor. Negatur enim,
 quod ius patronatus origine sit spirituale,
 eius origo est quid temporale. vt ex dictis li-
 quidum est. Nec obstat, inquit, Panorm. in
 d. c. Quanto. num. 7. in fine. quod ius patrona-
 tus ordinatur ad finem spirituales: quia hoc
 est quoddam præambulum, & inchoamen-
 tum à remotis: Non enim omne ordinamen-
 tum ad finem rei spiritualis & animæ, dicitur
 spirituale. Exemplum in libris Ecclesiasticis,
 qui ordinantur ad finem animæ & rei spiri-
 tualis: non tamen sunt spirituales. sic Panor-
 mit. Et si ius patronatus sit quid temporale,
 non tamen sequitur, quod possit vendi, aut
 emi: cum non solum spiritualia non vendan-
 tur, sed etiam annexa spiritualibus. argum.
 sumpto à definitione cōmuni simoniæ. Con-
 nexorum autem est eadem ratio. cap. Trans-
 lato. de constitutionib. Alij quidam volunt ius
 patronatus esse quid mixtum ex temporali &
 spirituali. sed omnes eo recidunt, quod rectius
 dicatur annexum spirituali: & id melius: quia
 canones, glossæ, & Theologi sic loquuntur.

Octauum Notab. Circa obiectum simoniæ, siue materiam, apud Doctores est difficultas, vtrum spiritualia naturalia quæ procedunt à spiritu creato, vt scientia & doctrina sint materia simoniæ, & comprehendantur in definitione, ita vt quis pretium non possit accipere pro scientia. Sed vt difficultatis sensus intelligatur, non dubitatur, an quis possit emere, aut vendere scientiam, aut artem aliquam in seipsa: sicut triticum, aut vinum vendimus: cum id stultum & alienum à ratione sit, vt recte Sotus lib. 9. de iustit. & iure. q. 5. art. 1. Petrus de Aragon. in 2. 2. S. Thomæ. q. 100. art. 1. & alij quidam obseruarunt: Quippe in nullo hominis est potestate, vendere scientiam quam habet in anima, sed dubium quærit: An peritus scientiæ, vel artis, possit pro pretio docere, exempli gratia. An doctor iuris, vel magister in philosophia, pro munere docendi possit conuenire, & pecuniam certam accipere absque vitio simoniæ. Ex Theologis Guilhelmus Alaisiodoren. lib. 3. summæ. tract. 21. in tit. de simonia. cap. 3. Alexand. Alensis 2. part. q. 187. memb. 4. art. 3. §. 1. S. Thom. in 4. d. 25. q. 3. art. 3. Guilhelmus Peroald. Lugdunensis Episcopus tomo 2. de virtutib. & vitijs. in tract. de Auaritia. cap. 7. prope finem. & ex canonistis Hostien. Cardinal. Ioannes ab Anania. Panorm. Anton. & alij in cap. Quia nonnullis. de magistris. Cardin. Alexandrin. & Turrecrem. in c. Qui studet. l. q. 1. post Hugo-

redo



nem ibid. & Glof. in c. Non licet. ii. q. 2. censent doctrinam & scientiam non posse vendi. hæc opinio persuadetur his argumentis. Prouerb. 23. Noli vendere sapientiam, & doctrinam, & intellectum. His accedit dictum D. Augustini in lib. de magisterio. Spiritus sanctus est qui interius homines edocet scientias, etiam naturales. Postremo, ratio, quare res sacræ non possunt vendi, est, quia nullo pretio possunt æstimari. Prouerb. 3. pretiosior est cunctis opibus, & omnia quæ desiderantur, huic non valent comparari. Congruit etiam illud l. 1. ff. de var. & extraord. cognit. Res sanctissima est ciuilis sapientia, quæ pretio nummario nō sit æstimanda. In contrarium quod non sit simonia vendere scientiam, & doctrinam sentiunt, Durand. in 4. d. 25. q. 3. Paludan. ead. d. q. 5. Adrian. quodlib. 9. Victoria in Relect. de simonia. 1. part. num. 5. Sotus, & Petrus de Aragon. loc. cit. Martin. Nauarr. in manuali confessor. cap. 23. num. 100. & in comment. de datis & promissis. num. 43. & communiter nunc recentiores Theologi, & horum sententia amplectenda, quæ his fundamentis stabilitur, præsupposito in primis, quod sermo sit de scientijs humanis & naturalibus. Obiectum simoniæ iudicandum est ex sacris literis. Sed in sacris literis solum damnantur, qui voluerunt vendere, vel emere spiritualia supernaturaliter data, vt patet de Giezi. 4. Reg. 5. cap. De Ieroboam. 3. Reg. cap. 13. & in no-

uo testamento. Matth. 10. Ioan. 2. Act. 8. de Simone, nec quicquam de naturalibus bonis decernitur. Et Matth. 10. dicitur. Gratis accepistis, gratis date. Ergo quæ nostro studio, labore, & industria acquisita sunt, vt doctrina, scientiæ, & artes, possunt sine vilo vitio vendi. S. Chrysost. hom. 33. in Matth. Gratis accepistis, quasi diceret, ait, nihil vos de vestro largimini suscipientibus, neque enim mercede hoc accepistis, neque laborantes: mea est gratia, gratis enim accepistis: ita etiam alijs date. Neque enim condignum pretium eorum est inuenire. Ex mente ergo D. Chrysostomi colligitur, quod ea quæ pretio & labore acquiruntur, non cadant sub illam legem: Gratis date. Deinde si scientias artesque vendere, esset simoniacum, sequeretur quod etiam artem fabrillem, aliasque mechanicas vendere esset simonia, contra communem omnium hominum mentem & consuetudinem. Quia hæc etiam dependent à generali Dei concursu, sicut scientia philosophiæ, aut iuris, aut medicinæ. Omnes enim scientiæ & facultates, sunt dona Dei per generalem influxum: Sed ad materiam simoniæ necessarium est, vt sint dona Dei supernaturaliter, & per speciale influxum concessa. Ad argumenta in contrarium. Sermo ille in d. cap. Prouerb. est metaphoricus, & significat tanti esse faciendam sapientiam, vt si quis eam non habeat, tanto labore ad eam contendere debeat, ac si emi, vendi uellet.

possit. & qui eam possidet nullo pretio, aut modo patiatur eam à se recedere. Atque hic sensus metaphoricus, satis eruitur ex eodem scripturæ loco, quando præmittitur: Veritatē eme, & noli vendere sapientiam. Dictū L. i. ff. de var. & extraord. cognit. significat excellentiam sapientiæ ciuilis in se. Ad aliud D. Augustini. Spiritus sanctus docet omnes scientias, sed alio modo naturales, alio supernaturales. Quæ enim studio, labore, ac naturali modo acquiruntur, non dicuntur alio modo dona Spiritus sancti, nisi communi modo, quo omnes res creatæ & naturales sunt dona Dei: & Spiritus sanctus generali tantum influxu docet veritates naturales, quæ vfu naturali à nobis parantur. Peculiari autem ratione & supernaturali modo, docet supernaturales, vt mysteria fidei, de quibus dictum à Christo. Ipse vos docebit omnem veritatem, & pecuniam accipere pro harum veritatum doctrina, simonia esset. Ad tertium. Scientiæ naturales absolutè & in se consideratæ, quatenus videlicet continent cognitionem alicuius veri, non sunt pretio æstimabiles, relatæ tamen ad vsum hominum, pretio æstimantur, & vendi possunt: exemplum pro maiori instructione esse potest. Vita hominis, aut membrum non possunt pecunia æstimari, arg. l. liber homo. ff. ad leg. Aquil. & l. fin. ff. de his qui deiecerint, vel effuderint: habita tamen ratione vtilitatis quam filij, aut proximi hæredes

des ex vita, aut vsu membri percipiebant, aut percipere debebant, vita & membrum pretio assimantur, atque compensantur. vt latè ostendimus in comment. cap. i. q. 3. de iniurijs & dam. dato. Maior autem est ratio dubitandi de Theologia, an hæc doceri possit pro pretio taxato: quandoquidem hæc continet doctrinam rerum supernaturalium, & mysteriorum diuinitus reuelatorum, ad communem omnium animarum salutem. Negant Hostiensis in d. c. Quia nonnullis. Paludan. in 4. d. 25. q. 5. & Syluest. cum limitatione in verb. Simonia. q. 10. & in hac sententia à fortiori sunt omnes qui contendunt simoniacum esse, docere scientias naturales pro pretio. In contrarium sunt Adrian. Victoria, Sotus, Gregorius de Valentia in 2. 2. S. Thomæ. q. 100. & communiter recentiores Theologi. Quia Theologia ex cathedra in scholis traditur ad erudiendum intellectum, & non ad inflammandum affectum. Alia tamen ratio foret, si Theologiæ scientia per modum prædicationis, exhortationis, aut spiritualis consilij traderetur: & huic sententiæ adhærendum est. Petrus tamen de Aragon. in 2. 2. S. Thomæ in d. q. 100. rt. i. distinguit. Aut loquimur de Theologia scholastica: aut de pura & vera Theologia. De prima eadem est ratio quæ de alijs facultatibus. Quia vt sic tantum illuminat intellectum sicut aliæ scientiæ. nec ordinatur ad corrigendos mores, aut inflammandos animos

amore rerum supernaturalium. At alia ratio est de pura Theologia, quæ docet & defendit ea, quæ ad salutem animarum necessaria sunt. De hac enim Christus Matth. ult. dicit: Docete omnes gentes. & Paulus ad Ephes. cap. 4. Ipse dedit quosdam Apostolos, alios doctores, &c. Sed hic doctor confundit verbum prædicationis & exhortationis cum Theologia. Hoc tamen obseruandum cum S. Thoma, Durando, & alijs quibusdam Theologis, quod quamuis in venditione muneris docendi, non interueniat simonia, potest tamen committi peccatum iniustitiæ, utpote si quis haberet aliunde taxatum stipendium pro docendi officio, & etiam pretium ab auditoribus exigeret: Tunc enim idem bis venderet quod iniustum est. Postremo ex d. cap. Quia nonnullis. cum D D. mente tenendum, eum qui pecuniam recipit pro licentia docendi, & facultate danda, committere quasi simoniam: & est communis opinio, ut post Bertrandum in consil. 157. lib. 5. attestatur Iulius Clarus lib. 5. sentent. §. simonia. num. 3.

Nonum Notabile. Dubium est inter Theologos? An simoniæ peccatum in aliqua re, etiam apud infideles, extra Catholicam Ecclesiam sibi locum vendicet. Occasione huius dubij altius per Conclusiones respondeo: quarum sit.

Prima conclusio. In lege Mosaica non solum potuit committi simonia, sed etiam de facto fuit

fuit commissa. Patet ex sacra scriptura. De Ba-
laam. Num. 22. vendente Madianitis maledi-
ctionem populi. Et 4. Reg. 5. de Giezi, qui
vendidit Naaman donum sanitatis. & 1. q. 1. c.
qui studet, & alibi. Præterea, vt manifestissi-
mum est. In illa lege erant dona prophetiæ, sa-
nitatis, &c. nec non sacerdotalis potestas, &
alia multa, quæ cultum diuinum concerne-
bant: sed hæc omnia sunt materia simoniæ.
Atq; in hac conclusione non potest esse con-
trouersia.

Secunda conclusio. In lege naturæ potuit esse
simonia. Hanc docent Vict. in 1. part. relectio-
nis de simonia. num. 19. Sotus in d. art. 1. Greg.
de Valentia, & Petrus de Aragon. in d. art. 1. S.
Thomæ, & communiter recentiores, nec est
in ea dubium. Probatur. In lege naturæ fuit
legitimum, & verum sacerdotium institutum
ad finem, & effectum spiritualem, vt patet de
Melchisedech, qui in lege naturæ fuit sacer-
dos. Gen. 14. Psalm. 109. ad Hebr. 7. 8. & 9. Er-
go potuit esse simonia in venditione potesta-
tis sacerdotalis. Nec etiam dubitandum, quin
fuerint in illa lege sacramenta aliqua ordinata
in salutem, in quibus simonia locum potuif-
set fortiri.

Tertia conclusio. Antequam legem Euangelicam apud
paganos & infideles non potuit esse simonia ex
obiecto, sed tantum secundum conscientiam, &
æstimationem. Hanc docet Durand. Paludan.
Adrian. & Petrus de Aragon. loco cit. Ratio.
Quoniam

Quoniam apud tales idololatrias infideles non erat aliquid reuera spirituale, aut spirituali annexum. Quia omnia eorum sacerdotia, ordinabantur ad falsos deos. Ergo nec potuit esse vera simonia. Contrarium tamen tenet Victoria, dicta Relectione num. 21. conclusionem 3. sed fragili fundamento: existimat enim sacerdotium apud idololatrias, fuisse verè spirituale. Sequitur tamen illum Gregor. de Valentia vbi supra art. 2.

Quarta Conclusio. Nunc, tempore Euangelij, apud Ethnicos & Iudæos, non potest esse simonia ex obiecto, sed tantum secundum humanam existimationem. Hanc tenent Victoria, Sotus, Gregor. de Valentia, & alij. Ratio. Quia nihil potest apud eos esse spirituale, & omnis spiritualis potestas apud eos expirauit, propagatione Euangelij, cuius præceptis subduntur. Quamuis aliqui propter ignorantiam inuincibilem excusentur à peccato, si Euangelium non seruent, vt post Sotum, Valentia annotauit.

Decimum Notab. In materia simoniæ, nomine pecuniæ intelligimus quicquid pretio æstimari potest. Vnde illud Augustini cap. Totum. 1. q. 3. Totum quicquid habent homines in terra, quorum sunt domini, pecunia vocatur. Seruus, ager, vas, arbor, pecus, & huiusmodi. Ideo pecunia vocata quasi à pecu, quia quicquid antiqui habebant, in pecoribus habebant. Doctores autem omne pretium, quo
simonia

Simonia inducitur, reducunt ad triplex munus, quorum vnum munus à manu, aliud ab obsequio, tertium à lingua nominatur. De his S. Thomas 2.2.q.100.art.5. Alensis 2.par.q.87.membro 3. S. Antonin.2. par. tit. 1. cap. 4. §. 2. Doctores in 4. d. 25. Cardinal. Alexand. Archidiac. Turrecrem. in c.ordinationes. 1.q. . Huc facit illud Urbani Papæ relatum à Gratiano in c. Saluator. 1.q.3. Quisquis res Ecclesiasticas, & Dei dona, quæ à Deo fidelibus, & fidelibus Deo donantur, quæque ab eodem gratis accipiuntur, & ideo gratis dari debent, propter sua lucra vendit, vel emit, cum eodem simone donū Dei pecunia possideri existimat. deo qui eas non ad hoc, ad quod institutæ sunt, sed ad propria lucra munere linguæ, vel obsequij, vel pecuniæ largitur, vel adipiscitur simoniacus est. Munus à manu, est pecunia numerata largè sumpta, pro rebus mobilibus, et immobilibus, quæ temporaliter possidentur, iuxta cap. Totum eas. q. 3. Munus ab obsequio, est seruitus indebitè impensa, vt si quis aseruiat prælato ecclesiastico, sine stipendio, nullo pacto, vt ei beneficium conferat. Munus lingua, est fauor, vel laus humana, & ad hoc apte referuntur preces. Multa in specie possunt referri ad hæc capita, de quibus infra latius tractabitur. D. Bonauent. in 4. d. 25. Magistri, duobus versibus comprehendunt modos quinque, quibus solet committi simonia.

Munus

*Munus, lingua, timor, caro, cum fama populari
Non faciunt gratis spirituale dari.*

Vndecimum notabile. Quia tantum simoniæ malum nunc vsitatum est, & maiorum extat frequenter mucrone succisum, I. q. I. cap. reperiuntur: Et experientia rerum magistra testis est, ideo exaggerandum videtur. argum. L. Aut facta. ff. de pœnis. In primis simoniæ crimen est peccatum mortale, & ex numero grauium, & maximorum. Mortale crimen esse nemo negare potest. Scriptura est aperta. Act. 8. Pecunia tua tecum sit in perditionem, &c. & multi sunt Canones I. quæst. I. per totum. Et in hoc nostro tit. Rationes etiam format D. Thomas in dicto art. I. Res spiritualis non potest esse debita materia emptionis, & venditionis. Ergo iniquus est contractus, quando emitur, aut venditur aliquid spirituale, prout contingit in crimine simoniæ. Antecedens probatur ex triplici capite. Primo enim ex parte rei quæ venditur. In simoniâ enim venditur res spiritualis, quæ superat omne pretium rei temporalis. Vnde de diuina Sapientia Prouerb. 3. dicitur. Pretiosior est cunctis opibus, & omnia, quæ desiderantur, huic non valent comparari. Atque id D. Petrus significat. Actor. 8. cum ait: Pecunia tua tecum sit in perditionem. Quoniam donum Dei existimasti pecunia possideri. Falsum enim est, & in pertinaci
hare-

hæreticum, quod donum Dei, id est, res sacra quatenus talis, possit cadere sub pretium, & æstimationem humanam. Hanc rationem, innuit Tharasius Episcopus Constantinopolitanus in epist. ad Adrianum Papam. um ait. Tolerabilis est enim Macedonij, & eorum, qui circa ipsum sunt, Spiritus sancti impugnatorum impia hæresis. Illi enim creaturam, & seruum Dei Patris, & Filij, spiritum sanctum delirando fatentur. Isti vero eundem spiritum efficiunt suum seruum. Omnis enim dominus, quod habet, si vult, vendit, siue seruum, siue aliud eorum, quæ possidet. Similiter & qui emit, dominus ius volens esse, quod emerit per pretium pecuniæ illud acquirit. Ita & qui hanc iniquam actionem operantur, detrahunt Spiritui sancto, æqualiter peccantes, &c. & inquitur à Gratiano 1. quæst. 1. cap. Eos. Vbi in opere emendato & edito iussu felicissimæ memoriæ Pontificis Gregorij XIII. prima pars illius epistolæ correctius, & latius in prius græcè apponitur, deinde latinè redditur. Secunda probatio ducitur ex parte eius, qui venditor est in simonia. Etsi spiritualia ex se essent venalia, non possunt tamen vendi à Præpositis Ecclesiæ, cum non sint domini, sed tantum dispensatores rerum spiritualium, iuxta illud Apostoli 1. Corinth. 4. Sic vos existimet homo, ut ministros Christi, & dispensatores mysteriorum DEI: nec etiam

etiam habeant consensum domini ad vendendum, sed potius prohibitionem. Matth. 10. Gratis accepistis, gratis date. At dispensatores, sine voluntate & consensu Domini, nihil possunt vendere. Tertia probatio antecedentis ducitur ab origine rerum spiritualium: Gruito enim à Deo nobis collata sunt supernaturaliter, in bonum publicum totius Ecclesiæ. Ergo necessarium est, ut gratis etiam administrentur. Hanc rationem innuit etiam Urbanus II. in epistola ad I. præpositum Ecclesiæ S. Iuuentij, apud Ticinum: & inseritur pro parte 1. q. 3. cap. Saluator: ibi: Quisquis igitur res Ecclesiasticas (quæ dona Dei sunt, quoniam à Deo fidelibus, & à fidelibus Deo donantur, quæ ab eodem gratis accipiuntur, & ideo gratis dari debent), propter sua lucra vendit, cum eodem Simone donum Dei possideri pecunia existimat. Natura enim donorum gratuitorum ex institutione diuina est, ut gratis dentur. Sic 1. q. 1. cap. 1. Leo Papa. Gratia si non gratis datur, vel accipitur, gratia non est. Qua de causa Guilielmus Peroaldus in d. tract. de auaritia. cap. 7. non longius à principio. vers. Secundo vero facit ad detestationem simoniæ. Dionysius Carthusianus lib. 1. de simonia, art. 3. & alij quidam dicunt, quod simonia sit spiritualis sodomia. Nam non secus atque peccatum sodomix est contrarium naturæ, eamque quantum in ipso est, destruit: sic vitium simoniæ gratiæ aduersatur, eandemque

emque quantum fieri potest corrumpit. Quod etiam simonia sit ex numero grauium, maximorum peccatorum, nunc clarè ostentur. Primo facit, quod Innocent. III. in p. fin. prope finem de purgatione canonica, idem in cap. Inquisitionis. de accusationibus. & inquit. inter maiora crimina refert. t. Lucius Papa in cap. sicut simoniaca, infra, t. quod simoniæ pestis sui magnitudine alios orbos vincit. Et in cap. studet. i. q. i. capitale crimen appellatur. Secundo confirmat simoniam esse de grauioribus, quod Patres, & anones dicunt, esse hæresin. d. cap. Qui studet. Nam ait, Spiritus sancti donum pretio comparari, quid aliud, quam capitale crimen, simoniaca hæresis. Et Greg. lib. 7. epist. 100. Gregorio, & alijs epistolis. i. q. i. cap. cum liqueat hinc hæresin ante omnes radice pestifera subpsisse, atque in ipsa origine sua apostolica effdetestatione damnatam, cur, non perpenditur, quia benedictio illi in maledictionem inuertitur, quia ad hoc vt fiat hæreticus comouetur, & ibidem. q. 3. cap. Altare & denas per pecuniam dare, & Spiritum sanctum vendere, simoniacam hæresin esse, nulls fidelium ignorat. hunc canonem Gratian. schali 2. Sed S. Thom. 2. 2. q. 100. art. i. in arg. d contra: tribuit Gregorio in registro, & rtasse Paschalis à Gregorio habet. In eadem usa. & q. i. cap. Eos. Tolerabilior censetur ipia Macedonij & suorum sequacium hæresis.

reſis. & i. q. 7. cap. fin. Paſchalis Pontifex: Pa-
 tet, inquit, ſimoniacos veluti præcipuos, &
 primos hæreticos ab omnibus fidelibus reſpu-
 endos, & ſi commoniti nõ reſipuerint, ab ex-
 teris poteſtatibus opprimendos. Omnia enim
 crimina ad comparationem ſimoniacæ hære-
 ſis, quaſi pro nihilo reputantur. Et Innocent.
 III. in cap. Per tuas. i. infra hoc tit. Propter
 immanitatem ſimoniacæ hæreſis, ad cuius
 comparationem cætera crimina quaſi pro ni-
 hilo reputantur. Non tamen exiſtimandum,
 quod omnis ſimonia in veritate ſit hæreſis.
 Ille enim ſimoniacus eſt hæreticus, qui verè
 credit, quod gratia Spiritus ſancti, & ſpiritua-
 lia ſint venalia, & cadant ſub æſtimationem
 hominum: quam hæreſin Simon tenuit. Si
 autem quis ſine errore infidelitatis commit-
 tat ſimoniam ex auaritia, cupiditate bonorum
 temporalium, aut alia affectione, non verè
 hæreticus eſt, iuxta tradita ab Alexan. Alen.
 2. p. q. 187. M. 3. Innocent. in cap. Quoties in-
 fra. Turrecrem. poſt alios in c. Eos. i. q. i. An-
 ton. de Roſell. in lib. de poteſt. Papæ, & Impe-
 rat. q. 3. princip. num. 48. Simonia autem hæ-
 reſis vt plurimum ab antiquioribus dicitur ſe-
 cundum exteriorẽ proteſtationem, quia in
 hoc, quod aliquis vendit donũ Spiritus ſancti,
 quodammodo proteſtatur, ſe eſſe dominum
 Spiritus ſancti doni, quod eſt hæreticum ex
 mente S. Thomæ in d. art. ad i. & alios. Vel
 hæretici dicuntur propter ſimilitudinẽ actus
 cum

um ita operentur, ac si sentirent donum Spiritus sancti pecunia possideri, quod utique hæreticum esset. Cui concordare videtur illud Gregorij lib. 9. epist. 53. ad Theodoricum Rem relatum à Gratiano 1. q. 1. c. Cum omnis auaritia idolorum sit seruitus, quisquis hanc, et maximè in dandis Ecclesiasticis honoribus vigilanter non præcauet, infidelitatis perditioni subijcitur, etiamsi tenere fidem, quam negligit videatur. Tertio. Confirmatur illud crimen esse ex grauioribus. Quia à Doctoribus refertur in numerum exceptorum, etsi tantum sit commissum in beneficio. Gloss. in c. cum P. De accusat. Alexand. in cons. 11. in cap. circa primum dubium. num. 15. vol. 1. Panorm. infra in cap. De hoc. Mascard. de probat. 3. vol. concl. 1304. num. 31. Et hæc est communis opinio, ut post Aretium. in cap. Cum P. Mancoella. num. 27. de accusat. & Iulius Clarus lib. sentent. §. Sodomia attestatur. & corroborat, quod simonia æquiparatur crimini læsæ maiestatis, ut elicitur ex textu infra in c. licet Ieli. Et annotant Anto. à Butr. ibid. n. 7. Balus in l. si quenquam. C. de Episc. & Clericis. Alexand. in addit. ad Barthol. in l. 1. ff. de publ. iudic. Et Damhauderus in praxi criminali. c. 1. ad crimen læsæ diuinæ maiestatis refert simoniam. Mascard. loco cit. Roland. à Valle. cons. 31. incipit. In causa inquisitionis. num. 12. vol. 3. Ex hac radice in simonia locum habent, uæ alijs criminibus exceptis attribuuntur,

vt quod in simonia etiam socius possit de socio interrogari, eique fides adhibenda sit. c. Si quis Papa. 89. dist. cap. 1. de testib. in 6. Innocent. in cap. veniens. de testib. Salycet. in cap. Quoniam liberi. C. de testib. & in l. si magnum. C. qui accus. non possunt. Boërius in decis. 319. num. 2. Campegius in tract. de testibus. reg. 86. fallent: 1. Guilhelmus Rodanus in tract. de simonia. par. 4. cap. 5. Menoch. de arbit. iudic. qq. cas. 472. num. 31. & alij alibi. Et sic etiam ob eandem causam videtur nullus in crimine simoniæ excusandus à tortura. Gloss. in l. Nullus. C. ad leg. Iul. Maiest. in verbo Maiest. per text. in d. l. si quenquam ibi: Ad instar publici criminis, & læsæ maiestatis accusatione proposita, à gradu sacerdotij retrahatur. Damhaud. in praxi rerum crimin. cap. 41. num. 10. Quod tamen intelligendum puto, quando in grauissima re simonia committeretur, vt in promotione ad Episcopatum. Quarto simoniæ peccatum comparatur cum crimine Iudæ, qui vendidit Saluatorem. cap. Qui studet. 1. q. 1. & ibid. in cap. Eos. Ita, inquit, de simoniacis, Qui hanc iniquam actionem operantur, detrahunt Spiritui sancto, æqualiter peccantes ijs, qui blasphemarunt dicentes, Christum in Beelzebub eijcere dæmonia: atq; vt verius dicamus Iudæ comparantur proditori, qui Dei occisoribus Iudæis Christum vendidit. Quinto crimini sacrilegij simonia comparatur. Sic D. Gregor.

vniuer-

niuersis Episcopis Hispanis scribens, & re-
ertur 1. q. 13. cap. studuimus. A sacrilegio, ait,
uoque hoc facinus non dispar dixerim, &
idem Decretistæ. Sexto ex magnitudine
cenæ grauitas huius criminis cognoscitur.
huius enim poena maior est, illud peccatum
rauius esse censetur, argum. illius Deuteron.
5. Secundum mensuram delicti erit & plaga-
um modus, & c. non afferamus. 24. q. 1. Quis
nim dubitat sceleratius esse commissum,
uod grauius vindicatur. Et l. Respiciendum.
de poenis. At crimen simoniæ grauissimè
emper fuit punitum, tam in veteri, quam in
nouo testamento. 4. Reg 5. Sanctus Propheta
Helisæus familiari suo discipulo & puero Gie-
i, cum simoniæ crimen incurrisset, non ei
epercit, sed lepra eum percussit: Et quia in si-
nis est textus scripturæ, ad hoc propositum
ro dominis & seruis, libet eum de verbo ad
erbum subiungere, & ob oculos ponere.
Cum enim Helisæi meritis Naaman Syrus
uisset curatus à lepra, obtulit Helisæo mune-
a, quæ noluit accipere. Itaque Giezi tentatus
& victus cupiditate munerum, quæ excæcant,
a appetijt: & sic scriptura loquitur: Dixitque
Giezi puer viri Dei: pepercit dominus meus
Naaman Syro illi, vt non acciperet ab eo, quæ
tulit. Viuit dominus, quia curram post eum,
& accipiam aliquid ab eo. Et secutus est Gie-
i post tergum Naaman. Quem cum vidisset
le currentem ad se: desiliijt de curru in occur-

sum eius, & ait, Rectene sunt omnia? & ille ait, Rectè. Dominus meus misit me ad te dicens: Modo venerunt ad me duo adoloscenscentes de monte Ephraim, ex filijs prophetarum. Da eis talentum argenti, & vestes mutatorias duplices. Dixitque Naaman. Melius est, vt accipias duo talenta: Et coëgit illum, ligauitque duo talenta auri in duobus faccis, & duplicia vestimenta, & imposuit duobus pueris suis, qui & portauerunt coram eo. Cumque venisset iam vesperi: tulit de manu eorum, & reposuit in domo, dimisitque viros, & abierunt. Ipse autem ingressus stetit coram domino suo. Et dixit Helisæus; Vnde venis Giezi? Qui respondit. Non iuit seruus tuus quoquam? At ille ait, nonne cor meum in præsentem erat, quando reuersus est homo de curru suo in occursum tui? Nunc igitur accepisti argentum, & vestes: vt emas oliueta, & vineas, & oues, & boues, & seruos, & ancillas: sed & lepra Naaman adhærebit tibi, & semini tuo vsque in sempiternum. Et egressus est ab eo leprosus quasi nix. Hucusq; scriptura. Ex quibus intelligitur, quanto zelo propheta Dei, execratus sit hoc pessimum crimen, & quanta seueritate puniuerit. Non enim simplex & vnicum fuit peccatum, (inquit super hunc locum Lyranus) sed multiplex: quorum primum fuit cupiditas, quæ est radix omnium malorum. i. Timoth. 6. secundum, mentiebatur, tertium per iurium, quia in Hebræo habetur, Iura mihi, quod

quod miserit te Helisæus, & accipe duo talenta, quartum verò furtum rei notabilis. Nec minus ad propositum facit illud 3. Reg. 13. de Hieroboam, qui sacerdotia vendebat, secundum Lyrani, & quorundam aliorum expositionem. Vbi prope finē cap. dicitur. Quicumque volebat, implebat manum suam, & fiebat sacerdos excelsorum. Et subiicitur statim: Et propter hanc causam peccauit domus Hieroboam, & euerfa est, & deleta de superficie terre. In nouo testamento imprimis se offert exemplum Christi: Ascendit Iesus Hierosolyam, & inuenit in templo vendentes oues, & boues, & columbas, & numularios sedentes. Et cum fecisset quasi flagellum de funiculis, omnes eiecit de templo, oues quoque, & boues, & numulariorum effudit æs, & mensas subuertit. Et his qui columbas vendebant, dixit. Auerte ista hinc, & nolite facere domum Patris mei domum negotiationis. Recordati verò sunt discipuli eius, quia scriptum est, Zelus domus uæ comedit me. Hoc factum Saluatoris huic materię PP. & DD. accommodant. Aug. tract. 10. in Ioã. vbi ait, Simon ille ideo volebat emere Spiritum sanctum, quia vendere volebat Spiritum sanctum: & putabat Apostolos mercatores esse, quales Dominus de templo flagello eiecit. Talis enim ipse erat, & quod venderet, emere volebat. De illis erat, qui colūbas vendebant. Etenim in colūba apparuit Spiritus sanctus. Hæc ille: D. Greg. hom. 39. in Euāg. Urb. II. in ep. ad

Præpositum Ecclesiæ S. Iuuentij: & habetur
 i. q. 3. cap. Saluator. Alexand. II. in epist. ad
 clerum & populum Lucensis Ecclesiæ. & in-
 seritur in d. caus. & q. cap. Ex multis. Leo IV.
 in epist. ad Episcopos Britannia. in cap. Re-
 quiritis. i. q. 7. Gregor. Nazianz. in d. caus. i. q.
 i. cap. Qui studet. Animaduersum tamen est
 in Corpore Iuris canonici correcto, hoc cap.
 non inueniri in operibus Gregor. Nazianz.
 sed similia haberi in epist. Tarasij Constanti-
 nop. Episcopi ad Adrianum Pontificem. Be-
 da in cap. 2. Ioannis. Dionysius Carthus. ibid.
 Et communiter recentiores. Et testatur Vr-
 banus in d. epist. 2. quod omnes huius Euan-
 gelici cap. tractatores ita accipiunt, & intelli-
 gunt. Et licet omnes DD. in eundem tendant
 sensum, tamen libet ascribere Alexand. II.
 sententiam, quæ clarior, & aptior de facto
 Christi, his verbis profertur. Illud quoque in
 eodem facto sollicitè considerandum, quod
 per totum textum sancti Euangelij, nusquam
 reperitur dominus tanta seueritate, tam di-
 stricta censura iustitiæ, peccantes corripuisse,
 cum non solum eloquio increpans, verum et-
 iam facto flagello de funiculis verberans, o-
 mnes eliminauit de templo, apertè demon-
 strans, quod tales negociatores non sicut
 cæteri peccatores sunt corripiendi, sed à tem-
 plo Dei, id est, à sancta Ecclesia longius sunt
 proijciendi. Nam sicut per columbarum ven-
 ditores illi denotantur, qui sacram manus im-
 positio-

ositionem vendere conantur; sic per num-
 ularios, Ecclesiastici beneficij venditores
 esignantur, qui domum Dei (teste Euange-
 o) speluncam latronum efficiunt. Sic Ale-
 and. II. Maximam etiam huius criminis pœ-
 am indicant D. Petri ad Simonem Magum
 erba. Act. 8. Pecunia tua tecum sit in perdi-
 onem, &c. non est tibi pars, neque fors in
 ermone isto: Cor enim tuum non est re-
 tum coram Deo. Pœnitentiam itaque age
 b hac nequitia tua, & roga Deum, si fortè re-
 mittatur tibi hæc cogitatio cordis tui, &c. Hęc
 z similia intuens Aluarus Pelagius lib. 2. de
 lanctu Ecclesiæ. art. 9. egregiè exclamat in
 oc vitium, & verbis exaggerat in hunc mo-
 um. O lepra contagiosa, lepra fœtida, vsque
 daures Domini Sabaoth, lepra labefaciens
 nteriora vitalia, & sacra in Dei Ecclesia sacri-
 icia, abominabilis Deo, & diuinis homini-
 us, apud homines incurabilis, soli Christo
 Domino, qui apparere voluit tanquam le-
 rosus, Esaïæ 43. cap. cura possibilis, sed rara,
 z admirabilis, vnoque testamento prohibita
 s. cap. Qui studet. l. q. 1. Sanctio ciuilis te re-
 orobat, Canonica te hæreticam vocat, vt mul-
 is alleg. liquidum est. A templo Dei eijceris
 um flagellis. Ab Helisæo lepra perfunderis,
 p. Reg. 5. A Petro in perditionem damnaris,
 Actuum 8. Quæ fieri debent leprosis, Leuit.
 3. tibi competunt, Quia caput nudum habes,
 z cognoscaris, & confundaris: quia caput ha-

*ff. ad L. Iul.
de ambitu. l.*

*l. c. sancti-
m. l. q. 7.*

*l. q. 3. cap. Ex
multis.*

Ioan. 2.

*l. q. 1. c. v.
tum est.*

arg. 33. q. 4. *c. In eo : q.* *1. cap. c. 10.* *16. q. 7. c.* *Sicut.* *Exod. 4.* *16 q. 6. c. 1.* *3. Paral. 26.* *2 q. 7. §. his* *na, &c.*

bes vulneratum. Os veste contextum, ne alios
 tuo flatu inficias, quia contagiosa es. Conci-
 fam vestem, quia Ecclesiam diuidis, quia pes-
 simè ambis & mercaris, & ab Ecclesia,
 quæ vna est diuideris. Contagiosa semper
 & sordida apparebis. Quia manum ad bur-
 sam posuisti, & extrahendo soluisti, etsi ho-
 mines, Deum tamen non latuisti. Cum Ozia
 sanctuaria profanasti, & leprosa effecta cum
 lepra vsque ad mortem permansisti. Et alia
 plurima accumulat Aluar. Ad huius crimi-
 nis immanitatem declarandam facit, quod
 Gregorius eius nominis septimus Ponti-
 fex, Imperatorem Henricum Quartum Im-
 peratoria dignitate priuauit, & excommu-
 nicatum pronunciauit; maximè, quia Epi-
 scopatus Germaniæ, Ecclesiasticas dignita-
 tes, spiritualia, beneficiaque Ecclesiasti-
 ca venalia habebat, vt Auctores sunt Ra-
 phaël Volateranus libro 22. Antropologiæ.
 Fulgos. libro 1. capite 1. & libro 6. capite 3.
 Marianus Scotus in Chronico Anni 1075.
 & eius continuator Dodechinus in additio-
 ne ad Marianum, Anno 1106. Trithe-
 mius in Chronicis, & alij, & habetur epi-
 stola Stephani Alberstaden. viri sancti, qui
 viuente Henrico Quarto ad Walranium E-
 piscopum scripsit his verbis. Audi vera,
 non fucata, audi fortia, non faceta:
 Omnis qui dignitates spirituales vendit,
 hæreticus est: Dominus autem Henri-
 cus,

is, quem Regem dicunt, Episcopatus, & abbatias vendit. Etenim Constantiensem, Bambergensem, Moguntinensem, & plures alios pro pecunia, Ratisbonensem, Augustensem, & Strasburgensem pro gladio, Fuldensensem pro adulterio, Monasteriensem verò Episcopatum, quod dicere, & audire nefas est, pro Sodomitica immunditia vendidit; quæ si impudenter regare volueris, teste cœlo, teste terra, omnes etiam à furno redeuntes scioli concludent hoc, Dominus Henricus hæreticus est: Pro quibus nefandis malis ab Apostolica sede excommunicatus, nec potestatem aliquam super nos, qui Catholici sumus, poterit exercere. Et Marianus circa Annum 1075. Gregorius, ait, quæ simonijs, & clamoribus Catholicorum iustis aduersus Henricum, & scelerum eius immanitatem auditis, zelo Dei accensus, anathematizatum Regem excommunicatum pronunciauit, maximè propter simoniam. Quod factum Catholicis quidem viris bene placuit: simoniacis verò, ac fautoribus Regis, nimium displicuit. Et ex iunioribus Ioannes Caluinus nostræ fidei aduersarius de hoc Henrico libro 4. Institutionum. capite II. §. 13. tale perhibet testimonium. Imperator Henricus eius nominis Quartus, homo levis, & temerarius, nullius consilij, magnæ audaciæ, & vitæ

& vitæ dissolutæ, Episcopatus totius Germaniæ habebat in aula sua, partim venales, partim prædæ expositos. Multa circa hoc Gregorij VII. factum, & de Henrici IV. scelera-
ta vita, & simoniaca prauitate testimonia con-
gerit, ex veterum Historijs, Robertus Bellar-
minus. tomo 1. controuers. lib. 4. de Romano
Pontifice. cap. 13. & latius lib. 1. cap. 2. de Trans-
lat. Imperij Romani. De pœnis canonum
contra simoniacos infra, in notab. 15. latius
pertractabitur.

Duodecimum Notabile. Nunc quia demon-
stratum simoniam esse peccatum, & ex gene-
re grauium, maximorumque videndum, cui
legi opponatur. De hac quæst. ex Theologis,
tractant Victoria in relect. de simonia. 1. part.
à num. 9. Sotus lib. 9. de iust. & iure. q. 5. Ca-
iet. tom. 2. opusc. tract. 9. q. 1. Petrus de Ara-
gon. 22. q. 100. in art. 1. Gregor. de Valent. in
eandem q. puncto 5. & recentiores ibid. Du-
rand. in 4. d. 25. q. 5. Canonistæ alijs verbis vi-
dentur hanc quæstionem attingere, occasio-
ne distinctionis, quam facit Gloss. in cap. Ex
parte. 1. de officio delegati, distinguens aliam
esse simoniam prohibitam, quia simonia: Al-
teram simoniam, quia prohibita. Hanc di-
stinctionem communiter recipiunt DD. Pa-
norm. Anton. de Butr. & alij quidam in d. cap.
Ex parte. Cardinalis, Hostiens. Panorm. & alij
infra in cap. 1. Angel. Syluest. & alij in verb. si-
monia. Adrian. q. 9. Nauar. in Manual. confes.
cap.

cap. 23. num. 100. & DD. Theologi locis cit.
cepto Durando. Prohibita, quia simonia,
est, quæ lege veteri, aut naturali, aut etiam
nova, ante omnem canonicam, aut Pontifi-
cam dispositionem, ex sua natura mala est, vt
venditio gratiæ gratis datæ, sacramentorum,
&c. Simonia, quia prohibita, est, quæ iure hu-
mano ab Ecclesia, per potestatem supernatu-
liter datam, diuinitusque traditam, instituta
est prohibita; vt renunciatio, aut permuta-
tio beneficij, cum pactis, vel modis alias lici-
s, nisi potestate Ecclesiæ inhibita fuisset,
et alias quædam officia Ecclesiæ merè tem-
poralia, quorum tamen venditio prohibita.
De quibus in cap. Saluator. 1. q. 3. Durand. in d.
5. (In cuius sententiam descendit Petrus de
Bragon. loco cit. licet eius rationem reiiciat.)
non probat hanc distinctionem, volens nullam
simoniam esse contra ius merè positium, his
potissimum rationibus motus. Prima. Circa
illud, quod non est ex se malum, nisi quia prohi-
bitum, non contingit peccatum, nisi inobe-
dientiæ, quia in tali casu ratio peccati est ex
transgressionem prohibitionis, & non ex natu-
ra facti. Si ergo aliquid non est de se simonia-
rum, fieri haud potest, vt ex prohibitione
illis, aliud peccatum oriatur præter inobedi-
entiam. Secunda. Simonia est venditio rei spi-
ritualis pro temporali: sed prohibitio iuris
non mutat naturas rerum, vt de temporali fa-
ciat spirituale, vel è conuerso. Ergo vbi non
est simo-

est simonia ex natura rei, nō potest esse ex prohibitionē iuris. Nunc pro resolutione sit.

Prima Conclusio. Omnis simonia spiritualium donorum supernaturalium, est contra ius diuinum, & naturale. Hanc docent Adrian. Quodlib. 9. Armacan. ab eo allegatus in quæstionib. Armenorum. lib. 10. cap. 8. & 9. Victoria, Sotus, & Commentatores D. Thomæ loco cit. & communiter DD. vt ait Valentia. Nec potest in ea re esse dubium, constatq; ex illo 4. Reg. 5. de Giezi. Et Num. 22. de Balaam, & Matth. 10. Gratis accepistis, gratis date. Quæ verba communiter PP. & DD. ad hoc propositum adducunt: Cum autem Gennadius Patriarcha, & Synodus Constantinopolitana in epist. in totum orbē missa, ad omnes Metropolitanos, & Papam Romanum, illa Evangelij verba pulchrē vrgeant, libet ea ascribere, & quidē statim à principio sic incipiunt: Dominus noster, & Deus & Saluator Iesus, cum sanctis discipulis suis, quos per vniuersum orbem hominum doctores misit, Evangelij prædicationem credidisset, præcepit manifestē, vt munus, quod abs se gratis accepissent, illud ipsi cæteris quoque mortalibus largirentur, proque illo neq; æs, neq; argentum, neque aurum, neque vllas alias facultates, aut materiales possiderent. Cœlestibus enim & spiritualibus gratijs, terrena & caduca commutabilia non sunt. Id mandati non illis modo, sed & nobis præcepit per illos, in quorum

nos

nos gradum & locum substituere dignatus est. Itaque quemadmodum illi tunc, ita & nos nunc diligenter custodire, & tenere oportet. Hic sophismatis, & argutijs ne utamur, alium periculosum hinc inde iactando. Gratis, inquit, accepistis, gratis date: non possideatis, nec argentum, neque aurum in Zonis vestris. Simplex & manifestus huius mandati sermo est: Nihil hic ambiguum, nihil supra captum nostrum: nihil hic opus sophistica enarratione. A me, inquit, accepistis sacerdotij dignitatem, pro qua si vel paruum, vel magnum quid dependistis, si hæc vendita est à me: venundate & vos eam alijs: Quod si gratis accepistis, date & vos gratis. Quid hoc mandato manifestius? Quid observantibus magis utile? Profecto vix suspicantibus donum Dei pecunijs vel possideri, vel dari. Etenim tales iuxta sententiam S. Petri amaruloni felle, & obæratini iustitiæ, à sua ipsorum comprehenduntur auaritia. Hæc in dicta epistola. Facit etiam ad huius conclusionis probationem factum Christi, de eiectione ventilentium, prout satis clarum ex PP. expositionibus supra allatis. Quod autem talis simonia iuri naturali aduersetur, in primis conuincitur omnibus rationibus, quibus supra à S. Thoma, alijsq; Theologis confirmatum est, simoniam esse peccatum mortale. Deinde Num. 22. Balaam dicitur commisisse hoc peccatū, & ob id criminis reus ostenditur. 2. Pet. 2.

& in

& in epist. Iudæ, & tamen vixit tempore legis naturæ. Imo nisi lex naturalis venditionem, & emptionem rerū merè spiritualiū prohiberet, non videretur tam acri reprehensione dignus Simon Magus, quia aliquo modo potuisset excusari ob ignorantiam legis diuinæ positivæ, maxime cum adhuc neophytus esset in Christianismo. His accedit, quod lex nova, & Evangelica, præter illam partem, quæ de sacramentis, & fide est, nihil continet, præter præcepta legis naturæ. Vt Victor. Sotus, & D. Thomæ imitatores communiter tradunt. Ergo simonia iure naturali prohibita est. Ex dicta conclusione elicitur, quod vendere, aut emere gratias gratis datas, sacramenta, & actus intrinsecos spiritualibus supernaturalibus sit simonia, contra ius diuinum & naturale.

Secunda Conclusio. Simonia quæ committitur in emptione & venditione beneficiorum Ecclesiasticorum, est iure diuino prohibita. Hanc docent Caiet. in d. q. i. tract. 9. vbi hanc quæst. decidit. Palud. in d. 25. in 4. q. 4. Armach. lib. 10. cap. 16. Durand. loco cit. Vict. Sotus in d. lib. 9. q. 7. art. 2. Nauarr. in manuali confessor. cap. 23. num. 108. Et hanc communiter videntur sequi Theologi, vt Caiet. attestatur. Conclusio est contra aliorum opinionem, contendentium, quod in omnibus beneficijs Ecclesiasticis simonia videatur tantum prohibita iure positivo, & ex illo fundamento eruunt,

ruunt, quod Pontifex, qui est supra ius positiuum, vendendo beneficia Ecclesiastica non committat peccatum simoniæ, sicuti nec in ius incidit pœnas: quamuis ratione scandali eccet, &c. Sic Gloss. in d. c. Ex parte. Et ibid. Anton. de Butr. & Cardinalis in c. i. Panorm. ad d. cap. i. de simonia. & in repetit. cap. Extirpandæ. §. Quia vero, de præbend. à num. 83. mediam recipit opinionem: nempe, quod simonia in beneficijs habentibus administrationem ordinis, aut executionem clauium, prohibeatur iure diuino: In alijs autem prohibetur tantum iure positiuo. Has opiniones trā recitat Caietan. Pro clariori conclusionis intelligentia annotanda sunt quædam cū Cattanò, quem Petr. de Aragon. in d. q. 100. S. Thomæ, art. 4. Cosmas Philiaricus lib. 6. de officio sacerdot. c. 2. conclus. 3. & alij quidam recentiores in hoc imitantur. Primum. In uolubet beneficio Ecclesiastico duo considerari possunt: Clericatus, & titulus præbendæ. Clericatus est quoddam diuinitus institutum, quo persona diuinis mancipatur, & additur capax beneficij Ecclesiastici: & sic in omni beneficio Ecclesiastico clericatus non potest emi, aut vendi. Secundum. Ius præbendæ, aut titulus beneficij: continet in se quatuor: ius ad petendum stipendium: ipsum stipendium: ius ad tale, tantumque stipendium, tali loco determinatum: & tandem ipsum stipendium tale, & tantum. Ex his, duo vltima

D

sunt

sunt ex iure positiuo, & hominum institutione determinata. Quod enim vnum beneficium habeat 100. aureos, aliud 200. singulis annis, ex tali loco, villa, vel oppidulo, est ex hominum determinatione, & institutione: priora autem duo, nempe stipendium absolute, & ius ad eius petitionem, est iuris diuini, & naturalis, vt ex diuinis literis elicitur. 1. Corinth. 9. Non alligabis os boui trituranti: Et, Qui altario inseruiunt, cum altari participant. Ita & Dominus ordinauit ijs, qui Euangelium denunciant, de Euangelio viuere. Et 1. Corinth. 5. Non alligabis os boui trituranti. Dignus est enim operarius mercede sua. Est ergo quiddam diuinum, spiritualeque ius petendi stipendium, & præsupponit Clericatum. Qui enim diuinis est participatus ministerijs, & mysterijs, ius habet vt sustentetur à populo, pro quo Deo militat. Conclusio ex dictis est manifesta: addi tamen potest prædictis Nauar. supra citato loco positus syllogismus. Omne spirituale est inuendibile iure diuino. cap. Qui studet. 1. quæst. 3. cap. quam pio. eadem quæst. 2. Non solum datum, vel immediatè institutum à Deo, sed etiam ab Ecclesiastica potestate diuinitus ei data. At omne beneficium est ius spirituale dependenter, siue consequenter, præsupponens clericatū, seu deputatione ministerijs diuinis, factam ab Ecclesiastica potestate diuinitus ei tradita. cap. dilecto. de præ-

reband. & D. Thom. 2. 2. q. 100. art. 4. Er-
o beneficium Ecclesiasticum est inuendibile
ire diuino.

Tertia Conclusio. Vendere officia merè tem-
poralia, pertinentia tamen ad ministerium
ecclesiæ, vt officium sacristæ, procuratoris,
luocati, &c. non est simonia iure diuino
prohibito, nec est propriè simonia. Hanc
ocent communiter Theologi, nec etiam dis-
tintunt Canonistæ. Ratio. Quia huiusmo-
i officia sunt merè temporalia. Ergo ea ven-
ere, aut emere non est contra ius diuinum,
ut naturale. Quod etiam non sit verè simo-
ia, patet ex definit. simoniæ, cuius obic-
um debet esse spirituale, aut spirituali anne-
am. Si quis tamen huiusmodi officia ven-
at, facit contra prohibitionem Ecclesiæ, &
unitur secundum ius, pœna simoniæ, ex cap.
aluator. 1. q. 3. & conc. Calcedonen. allegat.
eodem cap. & in d. epist. Gennadij. & Sy-
od. Constantinopolitana. Quid verò nomi-
e procuratoris intelligatur, etiam declara-
ir in d. cap. Saluator. Quando ait, In nomine
rocuratoris, intelligit præfata Synodus, quæ-
bet Ecclesiasticarū rerum administratorem,
t v. g. Præpositum, œconomum, vicedomi-
um : Defensoris nomine aduocatū, siue ca-
aldū, & iudicē, &c. Est enim species mali hu-
ismodi vèdere: Et cū ab omni specie mali ab-
inendū sit, secundum apostolicā doctrinā,
maximè Ecclesiasticis, rectè prohibet Ecclesia

sub pœnis simoniæ huiusmodi officia vendere, more aliarum rerum temporalium, quæ maximè ab Ecclesia, & Ecclesiasticis ministerijs dependent.

Quarta Conclusio. Simonia est iure diuino prohibita, vendere, aut emere ea, quæ habent ex dispositione iuris humani, quod sint spiritualia, vt vendere calicem, ornamenta Ecclesiæ, aquam benedictam, &c. quantum ad id quod est spirituale: Dictum est, quantum ad id quod est spirituale. Quia ob Ecclesiæ necessitatem possunt huiusmodi vendi, quantum ad temporale, modo non carius vendatur ob consecrationem, vel benedictionem. Non debent tamen vendi nisi alteri Ecclesiæ ad vsum sacrum. Quando autem calix aut alia ornamenta vendenda forent ob instantem necessitatem laico, tum prius essent confringenda, & in aliam formam mutanda, vt communiter sentiunt DD. S. Thom. in 4. d. 25. Rich. Quodlib. 2. q. 22. Angel. in verb. simonia. 2. num. 23. Sylu. in eod. verb. q. 12. Summa Pisannella in eod. verb. Et alij passim alibi. Si tamen laicus sacra vasa emeret ad vsum sacrum, non essent confringenda, sed in sua integritate relinquenda, vt etiam Sylu. satis indicat. Conclusionem tradunt Victoria, Sotus, Petrus de Aragon. & alij recentiores Theologi, & hoc modo ostenditur. Licet iure humano indutum sit, vt vasa sacra, ornamentaque benedicantur, tamen postquam benedicta sunt, & dedi-

dicata diuinis vsibus, ius diuinum, & naturale vetat, ne vendantur, quantum ad id, quod spirituale est, quandoquidem spirituale,atenus tale, non cadit sub æstimationem humanam: & ita diuino, naturaliq; iuri reputatur spiritualis rei venditio.

Quinta Conclusio. Datur aliqua simonia, quæ tantum iure positiuo ab Ecclesia est prohibita. Hanc communiter etiam docent DD. Nec forte dissentit Durand. qui vult non dari simoniam propriè dictam, & definitam supra, quæ sit tantum prohibita iure positiuo: at illa simonia quæ tantum est iure positiuo induta, non est propriè simonia definita communiter à DD. vt Sotus, Petrus de Aragon. Gregorius de Valent. & alij recentiores Theologi notarunt. Sunt autem etiam simoniæ de iure tantum positiuo, quæ committuntur in emptione & venditione officiorum temporalium Ecclesiasticorum, de quibus supra in consensu. 3. Item etiam, quæ fiunt in commutationibus beneficiorum alias licitis, sine tamen auctoritate Pontificis, aut Episcopi, alteriusque Prælati, ad quem de iure, aut consuetudine spectat auctoritatem, consensumque præbere. Quando enim spirituale pro spirituali commutatur, non est propriè simonia, vt ex definitione perspectum est: quandoquidem nullum temporale pretium interuenit. Est tamen prohibitum ab Ecclesia tanquam simoniacum, vt patet c. Quæsitum. de rerum permutatione.

mut. de qua re latius infra. cap. Cum essent, quando agetur de simonia in permutationibus beneficiorum Ecclesiasticorum. Item renunciationes beneficiorum alias licitæ, cum nihil temporale intercedat, prohibitæ tamen ab Ecclesia, vt ego renuncio beneficium in fauorem Ioannis, vt Ioannes, quod possidet, resignet alteri, &c.

Decimum tertium Notab. Simonia est crimen merè Ecclesiasticum. Glos. in c. Cum sit generale. in fine de foro competēti, quam sequuntur communiter DD. secundum Ioannem ab Anania infra. in cap. 1. Iul. Clarum lib. 5. sentent. §. simonia. num. 7. Hinc Iudex secularis non potest inquirere, aut cognoscere in hoc crimine.

Decimum quartum Notab. Simonia est triplex, Mentalis, Conuentionalis, & Realis, Mentalis est, quæ sola mente concipitur sine pacto tacito, vel expresso: Et hæc est duplex: Purè mentalis, quando nec actum habet, nec procedit in actum exteriorem, sed tantum in mente consistit & voluntate, vt exempli gratia, cupit, desiderat, & vult quis emere aliquod pingue beneficium Ecclesiasticum, sed non potest opere adimplere, vtpote, quia non est qui vendat, tunc talis committit peccatum simoniæ purè mentalis, & mortaliter delinquit: Altera non purè mentalis, quæ exit in actum, nullum tamen intercedit pactum tacitum, aut expressum, Exempli gratia,

ia, N. habet nominationem alicuius Canonici, concurrunt duo in petitione, B. pauper, qui alioquin est dignior, nil tamen petendum ab eo: & C. diuitis, & ambiens filius: N. non vult sine temporali comodo aliquem nominare; nominat quem C. diuitis filium, quem non nominaret, nisi speraretur, quod aliquo bono temporario responderet pro nominatione: interim tamen, ne infamia simoniæ notetur bonis viris, nullum pactum exterius exprimit: hic non est purè mentalis, cum voluntatem deprauatam opus sequatur. Conventionalis est, quando fit in actu interueniente pacto, tacito, vel expresse per signa, aut alium modum. Et hæc etiam duplex est, Purè conventionalis, quando tantum fit conuentio, nihil tamen datur, aut accipitur. Non purè conventionalis, quando præter pactum ex vna tantum parte aliquid datur, aut accipitur: Qua de causa dici posset semirealis, cum tantum ex altera parte aliquid datur, aut accipitur. Ex his intelligi possunt tres illi gradus simoniæ mentalis, quos constituit Caiet. in summa. V. simonia, quorum primus est, qui consistit in solo actu interiori, & nihil est aliud quam deliberata voluntas emendi, vel vendendi rem spiritualem, quam purè mentalem supra diximus. secundus, quando exterius imperata, & ad opus deducta, praua tamen intentione,

interius latente, quam vocauimus non purè mentalem. Tertius, quando pactum intercedit, sed non mandatur executioni, vtpote conueniunt duo super beneficio curato, postea pœnitentia ducti, aut impotentia, aliâue causa impediti, recedunt à pacto; & hæc est nunc à nobis nominata purè conuëctionalis, & quamuis sit exterior simonia, tamen, quantum ad pœnas censurarum, inter mentales refertur. Realis simonia est, quando intercedente pacto tacito, vel expresso spirituale traditur, & temporale accipitur. Vt A conuenit cum B. vt ei nominationem beneficij conferat pro 2000. Regijs, aut Imperialibus daleris, prout fieri sine pudore in aliquibus Cathedralibus Ecclesijs pinguibus aliquando à viris fide dignis intellexi. A nominat B. qui etiam statim facta nominatione, & accepta præbendæ possessione numerat in præsentì pecuniam 2000. dalerorum. Similiter etiam realis est, etsi non totum pretium statim soluatur, modo aliqua pars numeretur, vtpote B debet A nominanti ex conuentione soluere 2000. & de præsentì non habet, nisi 100. quos ad computum dat, facta fide de vltiori solutione ad terminum. Statim persolutis tantum illis centum, fit realis, & consummata simonia, quæ subiacet pœnis simoniacorum à iure statutis. Porrò inter has tres species simoniæ is est ordo, vt omnis simonia realis, sit conuentionalis etiam, & mentalis; non ta-

men

nen è contrario oportet omnem simoniam mentalem esse conuentionalem, neq; omnem conuentionalem esse realem. Dubium hic esse potest, An sit simonia realis subiacens censuris, si quis accipiat spirituale, & tradat instrumentum pretij soluendi ad certum terminum, sine animo tamen adimplendi, quod committit, quam dolosam vocant, siue realem, siue mentalem. Nauarr. in manuali, cap. 23. num. 106. affirmat. Negant Caiet. tract. de simonia. q. 2. & Soto de iure & iust. lib. 9. q. 8. art. quorum sententiam veriore esse arbitror, vt optimè Valent. in 22. q. 100. art. 4. ostendit.

Decimumquintum Notab. Variæ sunt pœnæ simoniacorum in iure Canonico. Prima est spiritualium resignatio, & temporalium perceptorum restitutio. i. q. 1. can. Si quis Episcopus. & can. Præbyterum. & cap. De hoc. & p. Audiuius infra hic cit. & Extrauag. 2. de simonia, & hæc est communis sententia Theologorum, Summistarum, & Iurisperitorum, quantū ad realem simoniam. Ratio est quia nullus simoniacus realis aliquod acquirit in eo, quod acquirit per simoniā: Cum annis collatio, præsentatio, electio, aut quælibet alia dispositio simoniaca sit nulla, viribusque careat per allegata iura, & communem Theologorum, quam Iurisperitorum sententiam: sic nec beneficii titulum validum beneficio habet, nec fructus suos facit.

S. Thom. 2.2. q. 100. art. 6. ad 3. & Commentatores eius ibidem. Felin. in cap. Simoniacè. num. 6. & c. Insinuatum. num. 5. Decius consil. 118. col. 1. Boërius in decis. 117. Rebuffus in praxi benef. in tit. de simonia. num. 7. Nauar. in relect. cap. Si quando de rescript. Exceptione 4. num. 4. & communiter DD. Atque ex hoc fundamento procedit, quod simoniacò spoliato non restituitur. tit. nec possessio. Nemo autem, qui non possedit, restituitur. Cassad. in decis. 2. de simonia. Corsetus in reg. spoliatus. in 21. limitatione. Et post alios Antonius Gabrælius Roman. lib. 5. conclus. 1. num. 194. in tit. de restit. spoliat. Ludouic. Gomez. in reg. de triennali possess. q. 12. Nauarr. loco cit. Quandoquidem prouisionem nullam, nullus sequitur effectus. An autem omnis simonia, & quomodo obliget ad restitutionem, diuino fauente auxilio, latè infra pertractabitur super cap. finali huius tit.

Secundæ pœna est excommunicatio, quæ ipso iure incurritur, & ipso facto, quamprimum aliquis simoniam realem commiserit in ordine, aut beneficio, per extrauag. Pauli II. eod. tit. & cap. Reperiuntur. 1. q. 1. Et hæc est etiam communis doctrina Theologorum, Summistarum, & Canonistarum. Eidem excommunicationi subiacent mediatores, & promotores simoniæ in ordine, & beneficio. ex ead. extrauag. & communi omnium sententia. Non tamen excommunicantur in d. extrauag. alij
 simo-

imoniaci, quā in ordine, & beneficio. Quod
autem ibidem additur in prædicta bulla pro-
pè finem. versic. Et vt huiusmodi labes, &c. de
cientibus, & non reuelantibus his verbis. Et
vt huiusmodi labis contagio frequentius re-
primatur, omnibus & singulis Ecclesiasticis,
æcularibusque personis, cuiuscunque digni-
tatis, status, gradus, ordinis, vel conditionis
uerint: in virtute sanctæ obedientiæ distri-
ctius iniungimus, vt eos omnes, quos simoni-
um huiusmodi commisisse, vel procurasse, aut
in ea mediatores esse sciuerint, pontifici præ-
dicto, vel cui idem pontifex duxerit com-
mittendum, per se, vel alios reuelare quanto-
pius non omittant, &c. Quod si non fecerint,
absolui non valeant, donec prædicta reuelent,
& complices huiusmodi detecti, arctius pu-
niantur. Sic in d. Extrauag. Hæc pars non li-
gat, nec recepta fuit, nisi quantum ad eos, qui
in curia Romana viuunt, vt attestantur Syl-
uest. in verb. Excommunicatio. 7. Excommu-
nicatione 43. & post eum Nauar. in Manual.
confessar. cap. 27. num. 106. Didac. Couarr.
in c. Peccatum. de reg. iuris. part. 2. §. 8. num.
7. & alij alibi. Quia aliter, vt ait Syluest. val-
de irrationabilis constitutio fuisset, quod vel-
let pauperes ab extremis terræ adire curiam
pro defendenda simonia. Imo nunc omnino
locum non habet etiam in curia talis consti-
tutionis pars extrema, secundum S. Antonin.
in 3. part. titu. 24, cap. 66. Angel. in verb.
simo-

simonia 6.num.10.Syluest. loco cit.& in verb.
 simonia. q. 19. Nauar.& Couar. loc.cit. Caie-
 tan. in verb.Excommunicatio. Auream Ar-
 millam in eod. verb. Excommunicatione 59.
 & alios alibi. Hoc tamen obseruandum, quod
 d. Extrauag. Pauli II. nō videatur excommu-
 nicare non reuelantes, sed tantum sub obedi-
 entia mandare, vt satis innuit Nauar. & ex
 verb. allatis liquidum est, quamuis aliqui hoc
 ei attribuant: Verum tamen est, quod anti-
 quiores Pontifices, totam illam materiam
 censurarum, & pœnarum, tam in simoniacos,
 quam mediatores antea constituerunt, & et-
 iam non reuelantes in curia excommunica-
 runt. vt Martin.V. in Concil. Constantiensi
 in Extrauag. incipienti. Multæ, vt meminc-
 runt Summa Pisanella in verb.simonia.7.An-
 gel.in eod. verb. 6. num.9. S.Antonin. & Syl-
 uest.loco cit.Felin.in cap.de cætero.col.fin.de
 re iudic. Rochus Curt. de iure patronatus.
 verb.Et vtile.q.3. & alij alibi. Et idem Martin.
 in alia extrauag.incip. Damnabile: data Man-
 tuæ, Anno 2. sui Pontificatus, vt referunt
 Summa Pisanella, & Angel.& Eugenius IIII.
 in alia extrauag. incip. Cum detestabile. Mar-
 tini V. vestigijs inhæsit in hac re, referentibus
 eisdem Doctoribus: qui etiam verba extra-
 uagantium pro maxima parte inferunt. Sed,
 vt dictum est, particula illa, quantum ad non
 reuelantes, in curia abrogata est, nec vllibi
 nunc recepta est. Meminit etiam Angel.Pau-
 lum

im Secund. in processu , quem in die Iouis
ncto fecit, quemque nos appellamus Cœnæ
domini , excommunicasse omnes simonia-
os , tam in ordine , quam beneficio , cum re-
uatione absolutionis. Circa autem excom-
unicationem hanc, quę incurritur ob simo-
am in ordine , aut beneficio pro altiori rei
telligentia, longius aliqua sunt obseruanda.

Primum. Eiusdem absolutionem esse refer-
tam Pontifici, aut alteri fungenti potestate
ontificis, præterquam in articulo mortis, vt
pressè habet d. extrauag. Pauli II. quæ est se-
nda inter communes in tit. de simonia : ibi,
tuentes præterea, quod vniuersi, & singuli,
am præmissis dignitatibus præditi, qui quo-
dolibet dando, vel recipiendo simoniam
mmiserint, aut, quod illa fiat, mediatores
titerint, seu procurauerint, sententiam ex-
mmunicationis incurrant, à qua nisi à Ro-
mo Pontifice pro tempore existente non
ssint absolui, præterquam in articulo mor-
constituti : sic in d. constitutione, & sic
nmuniter sentiunt etiam DD. Et hæc con-
utio Pauli II. est nostris etiam temporibus
firmata, quantum ad simoniacos in ordi-
& beneficio, nec non mediatores à Pio
uinto foelicissimæ memoriæ Pontifice in
rauag. incip. Cum primum. §. Et vt simo-
cæ prauitatis.

Secundum. Comprehenditur sub hac ex-
mmunicatione simoniacus in ordine, &
benefi-

beneficio tam occultus, quam manifestus, vt patet in d. constitutione Pauli Veneti II. ibi: quauis Ecclesiastica, seu mundana dignitatibus præfulgeant, & eorum quemlibet, tam manifestum, quàm occultum, &c. & sic communiter sentiunt DD.

Tertium. Vt quis hanc incurrat simoniam, necessarium est, vt sit realis, & ex vtraque parte completa, id est, vt spirituale sit traditum, & temporale pro parte, aut toto acceptum: & sic non sufficit ad incurrendum hanc excommunicationem, quod spirituale tantum sit traditum, & temporale promissum, vt post Guilhelmu[m] Cassiodor. in decis. 5. de constitut. & Ludouicum Gomezium in reg. de triennali possessore. quæst. 12. sentiunt Martinus Nauarrus in cap. Si quando. de rescriptis. exceptione 4. Petrus à Nauarra libr. de resitut. 2. capite 2. à num. 426. quamuis de rigore Iuris existimet aliam verio[re]m. Aurea Armilla in verb. Simonia. numero 4. Cosmus Philarchus de officio sacerdotis. tom. 2. libro 6. capite 16. & in hac sententia est etiam Dominicus à Soto, quamuis alij aliud eundem sentire existiment, vt etiam Petrus à Nauarr. meminit. Nam 9. de iustit. & iure. quæst. 8. art. 1. post distinctionem simoniæ, proponens dubium, vtrum sicut contingit simonia mentalis absque reali: ita vice versa contingere possit realis absque mentali. Postea loquitur ad propositum, Dicendum reue-

euera non esse simoniam, neque in foro
 onscientiæ præbenda donatum teneri eam
 elinquere, vt Caietan. ait, Ecclesia tamen
 ertior ea de re facta, quia de exterioribus iu-
 icat legitima præsumptione eum condem-
 aret. Didac. Couarr. in dicto cap. Pecca-
 am. part. 2. §. 8. num. 7. non longè ab ini-
 o. Paul. Paris. lib. 4. consil. 30. Henricus
 enriquez Doctor Societatis I E S V, & pro-
 fessor Theologiæ Salmanticæ. tom. 1. moralis
 heologiæ, lib. 13. cap. 37. num. 3. qui alios plu-
 es, vtriusque facultatis pro hac sententia et-
 am adducit: & hæc sine dubio nunc est com-
 unior, & receptior sententia. Quamuis
 uando Nauarr. scripsit Commentarium d.
 ap. Si quando, confessus sit, quod aduer-
 e parti ferè omnes scriptores adhæserint.
 orrò pro nostra hac doctrina, quod excom-
 unicatio hæc Pauli II. non incurratur, ni-
 ex simonia reali completa, est interpreta-
 o Curia Romanæ, & prætorij Rotæ, vt
 ost Cassad. in dicta decis. 5. de constitut. &
 i decis. 2. de simonia. Nauarr. loco cit. & a-
 i quidam testimonium perhibent. Pœnæ e-
 im nisi ratio, & iura aliud statuunt, non
 unt ampliandæ, sed potius restringendæ.
 nde pœnæ statuta in dicta extrauag. 2. in-
 elligendæ sunt de simonia reali, & comple-
 vtrunque, & sic Cassador. ac Nauarr. (vt
 oc pro consolatione aliquorum Deum ad-
 uc timentium, qui tamen quandoque
 in rete

in rete diaboli cadunt, addam) existimant, hanc interpretationem à tempore conditoris natam, propter periculum animarum, quod contraria inducit, quæ dura nimis est, & ita animabus valdè periculosa, per quam, prò dolor, innumeri excommunicati iudicandi erunt, & titulis beneficiorum suorum vacui: Et quia vtilia quotidiana, & practica. Nauarr. in d. except. 4. num. 3. & 4. ad propositum adfert, libet sua verba hic ascribere. Quam quidem, ait, decisionem, vt doleo, tardius, quam vellem vulgatam fuisse à Cassad. viro Romanarum rerum peritissimo, ita gaudeo, eam affirmari etiam à Gomezio, viro varia eruditione illustri, in illa quæstione vtilissima, quam duodecimo loco disputavit super regula de trienniali possessore. Nec parum lætor, quod ipse quoque (vt arbitror) ansa ero piæ consolationis multorum Deum timentium ex animo, quos partim scio, partim audio grauissimis scrupulis angi, tum ob titulorum suorum nullitatem, tum ob excommunicationem, tum ob irregularitatem per celebrationem diuinorum contractam, tum ob fructuum perceptorum restitutionem. Quæ tamen omnia cessant secundum hanc auream decisionem, à pijs omnibus mea sententia laudandam, ob ea fundamenta, & contrariorum solutiones, quæ prædictus Cassador. in præfata 5. decis. diligenter, ac doctè scripsit. Quare omnes Christi fideles etiam, atque etiam dehortor,

utor, primum ab omni simonia circa ordi-
 s, & beneficia, præsertim committenda,
 quam ab horrendo quodam monstro, si-
 illa sit mentalis tantum, siue mentalis &
 nventionalis, siue etiam realis, propter ea,
 æ leguntur, & notantur in c. Tanta. infra.
 simonia. & cap. fin. i. q. 7. Eos autem qui-
 s vel per ignorantiam non probabilem, si-
 vincibilem, vt Theologi loquuntur, cupi-
 atem, ambitionem, vel aliam humanam
 gilitatem, vel etiam malitiam ea inquinari,
 luiue contigit circa ordines, vel beneficia,
 utor, vt circumspiciant, num ad dationem,
 receptionem rerum promissarum fuerit
 cessum. Quo casu sciant se sententiam
 omunicationis incurrisse, & si ante ab-
 ationem celebrauerint, irregularitatem
 traxisse à Summo solum Pontifice delebi-
 , & nihil iuris in beneficijs, quæ per eam
 pti sunt, quæsiisse, & ad fructus reslituen-
 obligatos esse, per præ citatam secundam
 li extrauag. tit. de simonia: quæ planè com-
 nis est omnium interpretatio, &c. Si au-
 ad promissorum dationem, & receptio-
 non est processum, sed sola mente con-
 tum est propositum de committenda si-
 nia; vel etiam ad verba, pacta, & conuen-
 em deuentum: poeniteat quidem eos ex
 no, quod Deum mortiferè offenderint, at
 angantur scrupulis excommunicationis,
 item irregularitatis, non tituli nullitatis,

E

non

non restituendorum perceptorum fructuum necessitatis. Hæc Nauarr.

Quartum. Qui acquisiuit ordinem vel beneficium per simoniam verè realem ab alijs, vt parentibus, fratribus, aut propinquis commissam se ignorante, non incurrit hanc excommunicationem, vt communiter DD. sentiunt, & satis probatur ex cap. De simoniaccè. Et cap. De regularibus infra hoc titu. His accedit ratio demonstratiua in iure. Excommunicatione maior nunquam incurritur, nisi propter peccatum mortale, & contumaciam. cap. Nullus. & cap. Nemo. 11. q. 3. cap. sacro. de sentent. excommunicat. & cap. Romana. §. caueant. eod. tit. lib. 6. Atque ita regula est firma tradita à Paludano. in 4. d. 18. q. 1. art. 2. & communiter recepta, quam etiam consolationis plenissimam tradit Nauarr. quod nemo incurrit excommunicationē latam à Canone generali, vel particulari, nisi mortaliter peccet. At is, qui ignorat ab alijs commissam simoniam, respectu ordinis à se accepti, aut beneficii collati non peccat peccato simoniæ, vt euidentissimum est ex definitione simoniæ, quæ est voluntas studiosa emendi, vel vendendi spirituale, vel spirituali annexum. Quis autem dixerit studiosam esse voluntatem in ignorante? Cum ergo talis ignorans non committat simoniam: quandoquidem cui non competit definitio, nec definitum competere potest, nullo modo potest incurrere excommunicationem.

ommunicationem latam à Pontificibus in moniacos.

Quintem. Hac excommunicatione Pauli I. in d. extrauag. nullus simoniacus est excommunicatus præter eum, qui incurrit simoniam in ordine, vel beneficio, vt rectè antestantur Syluest. verb. simonia. q. 19. Nauarr. Manuali confessar. cap. 23. num. III. ad 14. r. septimo quod nullus: & communiter alij D. Rationem huius reddit Nauarr. Quia illo iure antiquo vllus simoniacus ipso iure excommunicatus. per prædicta; & ius nouum prædictæ extrauagantis Pij III. quæ incipit. Intolerabilis: solum excommunicat ipso iure simoniacum in ordine, & beneficio. Nam rba ipsius (In officijs Ecclesiasticis) intelligenda sunt de officijs, quæ sunt beneficia, vt c. de multa. de præbend. & in c. cum accessissent. de constitut. Hinc si Episcopus in consecratione Ecclesiæ, aut sacerdotes in benedictione nubentium simoniam committerent, inciderebant in excommunicationem d. con-. Nomine autem beneficij intelligimus tam regularia, quàm secularia, tam simplicia, quam curia dignitates, personatus, officia Ecclesiastica quæuis, &c. vt ex d. Pauli II. cõstit. apertum. Item nomine beneficij intelliguntur à Sylu. Excommunicatio. 7. Excom. 42. Electio-, postulationes, confirmationes, & quæuis diuisiones Ecclesiarum, Monasteriorum, Dignitatum, Personatum, & officiorum. Per officia

autem Ecclesiastica intelliguntur ea, quæ sunt beneficia, vt in cap. de multa. de præbend. & in cap. Cum accessissent. de constitut. Nauarr. loco cit. Hoc loco dubium se offert. An permutantes sua beneficia propria auctoritate, sine beneplacito Papæ, aut absque consensu superioris, cuius de iure, vel consuetudine consensus requiritur, sint excommunicati dicta excommunicatione, & incidant in alias pœnas. d. extrauag. Pauli II. Idem quæsitum esse potest de reseruantibus sibi pensionem sine Papæ auctoritate, & approbatione. Difficultatem hæc faciunt. Primo pro affirmante parte, quod in d. extrauag. pœnæ, & censuræ fulminantur contra simoniacos : simoniaci autem iure censentur, qui sine licentia superioris permutant vnum spirituale pro alio, & beneficium pro beneficio. cap. Quæsitum. de rerum permut. vbi sic habetur. Generaliter itaque teneas, quod commutationes præbendarum de iure fieri non possunt, præsertim cum pactioe præmissa, quæ circa spiritualia, vel connexa spiritualibus labem continent semper simoniæ. Si ergo sic permutantes simoniaci in iure censentur, sequitur quod comprehendantur in d. constit. Pauli II. & hæc videtur communis sententia DD. Petrus à Nauarra lib. 2. de restit. cap. 2. num. 436. & Petr. de Aragon. professor Theolog. Salmanticensis in 2. 2. S. Thomæ. q. 100. art. 6. existimant prædictos non esse excommunicatos, nec incur-

irreperenas d. constitut. Alium neminem
 di pro hac sententia. Ratio mouens hos
 D. est. Quia nullum est ius, quod de hoc ge-
 re simoniæ loquitur, scilicet de beneficio-
 m permutatione, vel vnius rei spiritualis
 o alia, quod habeat aliquam pœnam ipso
 sto annexam. Non cap. Cum olim. De re-
 m permutat. quod loquitur de permutanti-
 is beneficia, cum solam habeat pœnam pri-
 tionis beneficiorum ferendam, & nullam
 communicationis. Non cap. Cum pridem.
 pactis, & cap. Cum esset. c. Tanta. c. de hoc
 tem. & similia. infra de simonia. Quando-
 uidem ista omnia loquuntur de pœna fe-
 nda. Imò etiam loquuntur de simonia pro-
 iè, & strictè accepta, quando scilicet aliquod
 mporale bonum accipitur pro spirituali.
 uod nō fit in permutatione beneficiorum.
 ec etiam obstant extrauagantes Martini V.
 uli II. & aliorum, de quibus supra dictum
 : Nam illæ constitutiones nihil aliud di-
 nt, quam quod simoniaci illas pœnas infer-
 s, vt excommunicationem, &c. ipso facto
 currant. Vnde non debent extendi ad per-
 utantes beneficia. Est enim materia pœna-
 m, & quidem grauium. Ideoque vocabula
 stringenda, vt in propria, & stricta significa-
 one accipiantur: constat autem simoniam
 opriè, & strictè acceptam esse emptionem,
 venditionem rei spiritualis pro temporali;
uæ simonia in permutatione beneficiorum

propria auctoritate facta non inuenitur. Atque sic patet, quod permutantes, vel pensionem reseruantes, aut quouis modo alio conuentionem in spiritualibus rebus exequentes, in iure simoniaci appellantur, non strictè, sed extensiuè. Vnde quando agitur de pœnis in d. extrauag. non includuntur prædicti DD. pro sua sententia etiam allegant Didac. Couar. lib. 1. variar. resolut. cap. 5. num. 3. in fine, & num. 5. & Nauar. in manuali confessoriorum. cap. 23. num. 105. in fine, dum docent, renunciantem beneficium cum pacto, ut alteri conferatur, non perdere ipso iure illud beneficium, quamuis possit priuari. Et docent Couar. renunciationem beneficii factam apud inferiorem prælatum ea conditione, ut Titio eius collatio fiat, non esse simoniacam, si propriè, quid sit simonia intelligatur, quia nihil temporale in pretium spiritualis datur, vel accipitur. Ex dictis & similibus eliciunt pro sua sententia Didac. & Nauarr. esse. Pro cuius sententiæ confirmatione adduco, quod propter conditiones & pactiones illicitas, modo non contineant veram, & puram simoniam, etiam dato, quod scaperent simoniam, non est quis beneficio priuandus, quæ est communis opinio, ut post Paris. consil. 29. num. 19. lib. 4. testis est Iulius Clarus lib. 5. §. simonia. num. 10. De rigore iuris puto, quod illa sententia possit disputatiuè defendi; an autem obtineret in praxi, relinquo eius

us iudicio, & censuræ, cuius est obscura de-
 nire, & dubia resolvere, quantum ad certi-
 dinem in rebus pertinentibus ad fidem, &
 ores.

Sextum. Hanc excommunicationem, alias
 censuras in extrauag. incurrunt omnes, &
 sicunque simoniaci in ordine, & beneficio,
 & aliquis eximitur siue Ecclesiasticus, siue
 cularis, siue vir, siue fœmina, vt patet ex ver-
 s extrauag. d. 2. de simonia. ibi. Et illos, qui
 iuscunque status, gradus, ordinis, condi-
 onis, vel præminentia fuerint: etiamsi
 cardinalatus, Patriarchali, Episcopali, rega-
 , reginali, vel alia quauis dignitate Ecclesia-
 ica, vel mundana præfulgeat, & eorum
 nemlibet tam manifestum, quam occul-
 um.

Septimum. Mediatores simoniae in d. extra-
 ag. si solum mediatores sint, non incidunt in
 ias poenas istius extrauag. præterquam ex-
 municationem, vt patet ex text. Nec sunt
 anones præterea, qui excommunicent me-
 atores, sed tantum committentes simoni-
 n & simoniacos, & prædicta extrauag. exten-
 ens illam ad mediatorem, significat Cano-
 es, qui expressè non puniunt mediatores,
 on extendi ad eos. arg. c. præsent. i. §. loca. de
 æbend. in 6. vt tradit Martin. Nauarr. part.
 consil. in titu. de simonia. consilio 59.
 dditum est. (Si solum mediatores sint)
 quia si acciperent pecuniam, aut quod-

cunque temporale pretio æstimabile, ad promouendam, aut excitandam emptionem beneficij Ecclesiastici, aut ad corrumpendos electores in suffragijs in fauorem alicuius, iam non puri essent mediatores, sed etiam simoniam committerent. Ad hoc enim, vt quis dicatur mediator simonię, non requiritur, quod ipse ob eam aliquid percipiat, sed satis est, vt mediator sit, vt illa fiat iuxta extrau. d. prout etiam Nauarr. in princip. d. conf. docet.

Octauum. Simonia etiam commissa pro ingressu in religionem excommunicat, non tamen per dictas extrauag. sed aliam quæ est i. inter communes de simonia in 5. & incipit Sane nē in vinea.

Tertia pœna. Simoniacus in ordine est ipso iure suspensus. ex d. extrauag. 2. de simonia. & cap. Tanta. infra. eod. Et Innocent. in d. cap. Tanta. Nauarr. in manual. confess. cap. 23. nu. III. versic. Dico 2. & versic. Dico 3. contra D. Thomam. 2. 2. q. 100. art. 6. ad 1. Caietan. ibid. Sotum lib. 9. de iustit. & iure. q. 8. art. 2. Panor. in d. cap. Tanta, & alios quosdam, qui dicunt simoniacum in beneficio non esse ipso iure suspensum. Ratio. Quia hoc neque iure nouo, neq; antiquo cautū. Vnde simoniacus realis in ordine eget absolutione, tam ab excommunicatione, quàm à suspensione: simoniacus verò in beneficio tantum ab excommunicatione. A qua absolutus, & acta pœnitentia, relicto beneficio per simoniam acquisito po-

to potest celebrare, vt Innocentius tradit.

Quarta pœna simoniaci. Quando iudicialiter constat, incurrit infamiam, & punitur depositione. cap. Sanè, 5. q. 1. & cap. inquisitionis. de accusat. DD. ibid. Angel. & Summistæ communiter in verb. simonia.

Quinta pœna esse potest arbitraria iudici, pro qualitate rei, personæ, & criminis quantitate. Ioann. ab Anania. hîc in Rub. Bald. in l. Eos. ff. de tutelis. Boërius in decis. 117. incip. Præsuppono primo, quod impetrans. num. 3. Menochius de arbit. iudic. quæst. lib. 2. cas. 401. prope finem, & alij ab eo allegati.

Vltima & omnium grauissima simonię pœna est, ignis inferni. Iuxta illud. Ite maledicti in ignem æternum qui paratus est Diabolo, & angelis eius. & aliud Act. 8. Pecunia tua tecum sit in perditionem. Ratio est. Quia omnis simonia est peccatum mortale, vt supra probatum est: peccati autem mortalis, quod ligna, salutariq; pœnitentia non deletur, pœna est perpetuus ignis inferni.

Decimum sextum Notabile. Quædam est species simoniacæ prauitatis, quam beneficiorum confidentiam vocant, cuius mentio non fit in canonibus, & antiquioribus Pontificum constitutionibus, sed eius meminerunt nostris temporibus fœlicissimæ memoriæ PP. Pius IIII. in bulla edita anno Domini 1564. 7. Calend. Nouemb. Pontificatus sui Anno quinto, cui titulus præfigitur: Contra quos-

cunque in confidentiam recipientes, vel retinentes Ecclesias, & beneficia Ecclesiastica: atque sic bulla incipit: Romanum Pontificem in excelsa militatis Ecclesiæ specula constitutum, &c. & est 109. in ordine suarum constitutionum in bullario. & Pius V. in alia de Anno 1568. die 5. Ianuarij. & in alia de Anno 1569. Calend. Iunij. cuius titulus summam materiæ contentæ paucis significat, & est talis. De confidentijs beneficialibus, earumque casibus, præsumptionibus, & probationibus, atque incipit; Intolerabilis: in qua omnia ferè, quæ ad beneficalem confidentiam spectant, continentur, & speciatim satis explicantur. De intelligentia, & doctrina huius maximè extremæ bullæ editæ à Pio V. agunt Martinus Nauarr. in Manuali Confessar. cap. 23. à num. 109. vsque ad 111. Simon Maiolus Episcopus Vultuariensis in tract. de irregularitatib. lib. 5. cap. 45. & post eum Iosephus Mascardus volum. 3. de probationib. conclus. 1306. Sed vt incipiamus à descriptione. Beneficialis confidentia ea esse videtur, prout colligitur ex PP. constitutionibus, qua quis confidit, quod alter acceptans beneficium, sibi postea vel alteri conferret, vel resignabit. Confidit autem in alio velut amico, aut familiari, aut consanguineo, vel ex pacto, vel ex alia quavis causa, seu occasione. Melius autem confidentiæ natura cognoscetur, si perspectum fuerit, quæ causæ

causæ Pontifices mouerint ad edendum huiusmodi constitutiones , & quibus modis confidentia committatur. Causæ prohibitionis fuerunt multi abusus , qui contingebant tam in curia , quam extra , tam inter Cardinales , Archiepiscopos , Episcopos , & alios Prælatos , quam etiam inter alios Clericos , quibus abusibus immaculata rerum diuinarum puritas impiè violabatur , disciplinæ Ecclesiasticæ neruus dirumpebatur , & imminens , exitium animarum parabatur. Abusus autem post initium bullarum Pij Quarti & Pij Quinti incip. Intolerabilis. Vnde de verbo ad verbum sic enumerantur. Multi enim ipsa beneficia iure retinere nequeunt , alij ne cogantur ad sacros ordines , & ad residentiam , ad incedendum in habitu clericali , vt ad bellum proficiscantur , vt inimicos occidant : alij vt alieno nomine lites tegant , aut defendant : quidam vt purgato delicto , vel absolutione consecuta , illa repetant , eadem in alios deponunt , & in plerisque fructus ipsorum , aut eis ministrantur , aut quibus ipsi statuunt , sæpè laicis , & inhabilibus : plerique vel senes , vel infirmi , vt beneficia in suis domibus perpetuent , illa renunciarunt , & renunciant in alios , qui vel prophanam familiam cedentium de fructibus Ecclesiasticis alant : vel illa etiamnum infantibus , aut nascituris asseruent , factò interdum circuitu retrocessionis ,
cum

cum reservatione fructuum, & aliarum rerum, aut accessu, præsertim ab illis, qui præstandorum iurium Camera Apostolicæ sunt immunes. Alij aut incapaces, aut alijs beneficijs Ecclesiasticis onusti, aut Ecclesiastico ordini sese mancipare refugientes, aut merè laici beneficia Ecclesiastica alijs conferenda procurant, vt de illis postmodum ad libitum suum disponatur, fructus etiam percipientes illorum. Adhæc plerique ordinarij, & alij collatores, ac etiam patroni laici curant deponenda beneficia, vt fructus, seu pensiones capiant eorundem, alijsque faciant ministrari. Aliaque item permulta eiusmodi admittuntur, quibus immaculata rerum diuinarum puritas impiè violatur, &c. Hæc Pius V. Modi autem quibus confidentiæ crimen vt plurimum committitur, colliguntur ex bullis à Maiolo Episcopo in d. cap. 45. & ponuntur à Mascardo in d. conclus. à num. 18.

Primus. Si quis resignet beneficium alicui, paciscendo de aliqua pensione, sine Apostolico consensu.

Secundus. Si quis nolens promoueri ad sacros ordines, vt requirit beneficium, vel nolens astringi ad habitum, & tonsuram, beneficium resignet alicui, reseruando fructus, vel pensiones sine prædicto assensu.

Tertius. Si quis statuens ire ad bellum: aut vlcisci de hostibus suis, & ne ex delicto perpetrando vacare contingat beneficium, alteri designet,

fignet, paciscendo de fructibus, vel super pensione sibi, vel alij reseruanda sine consensu etiam prædicto.

Quartus. Si quis criminofus, alioque modo irregularis beneficium resignet, vt obtenta postea dispensatione ab irregularitate, idem beneficium repetat.

Quintus. Si quis beneficium quomodolibet resignauerit, vt sibi postea restituatur, vel ei, quem ipse nominauerit.

Sextus. Si quis beneficium vacans impetrauerit, eo pacto, vt postea ad mandatum alicuius dimissurus sit, vt alij conferatur.

Septimus. Si quis beneficium acceptauerit, vt cum infans, vel puer adoleuerit, in illum resignet.

Octauus. Si quis potestatem habens conferendi, præsentandi, aut instituendi in beneficio contulerit, præsentauerit, instituerit, vt de fructibus aliquid sibi vel alteri, cui voluerit, respondeatur.

Nonus. Si quis ex priuilegio non obligatus ad soluendum expeditionem Camerae, vel Cancellariae, faciat expediri bullas sub nomine suo, vt euitet expensas pro alio, qui in veritate est possessor beneficii futurus.

Decimus. Si quis ad effectum litis defendendae super beneficio, alicui petenti resignauerit illud, vt obtenta victoria litis, alteri conferatur, & resignetur, aut sibi restituatur.

Vndecimus. Etsi nulla pactio, nulla conuentio de

tio de fructibus vel pensione intercesserit per resignantem, conferentem, instituentem, aut presentantem cum ipso recipiente, si tamen post perfectam resignationem, vel prouisionem ipse resignator, vel prouisor, aut familia eius, aut propinqui, seu hæredes de facto colligant fructus, aut partem dicti beneficii, probatur confidentia.

Duodecimus. Idem est, si prouisus de beneficio constituat procuratorem ipsum resignantem, vel prouisorem ad percipiendum, vel locandum fructus beneficii.

Decimus tertius. Idem est si prouisus constituat procuratorem aliquem propinquum dicti resignantis, vel prouisoris, aut presentantis.

Decimus quartus. Quomodolibet tertia persona supposita sit ad titulum beneficii, vel ad fructus, dicitur beneficium esse in deposito, & confidentia.

Postremo supradictis omnibus casibus committitur, confidentia non solum ex parte conferentis, & resignantis, & presentantis, sed etiam mediatoris, & recipientis eo modo beneficium, ut ex Pontificum constitutionibus apertum est. Nec illud prætereundum est, quod omnes dicti confidentiæ modi intelligantur admissi etiam si crimen confidentiæ alterius tantum partis conscientia admissum sit. ut Pius Quintus declarat. Nunc de probationibus, & coniecturis agendum, ex quibus

quibus beneficalis confidentia præsumitur. Octo autem coniecturæ colliguntur ex dicta constitutione Intolerabilis.

Prima probatio intentionis etiam tantum vnius partis, quæ tangitur in constitut. ibid. versu. Quare nos volentes periculosam tallium audaciam, &c. Vbi Pontifex declarat, vt si quis quacunque auctoritate Ecclesiam, vel monasterium, aut aliud beneficium Ecclesiasticum qualecunque ex resignatione, vel cessione cuiuscunque personæ simpliciter, aut cum circuitu retrocessionis, cum regressu, vel accessu, etiam sola dimittentis intentione receperit, vt illa, vel illud etiam in euentum regressus, vel accessus, eidem dimittenti, vel alteri postea conferatur, aut illius fructus, vel eorum alij, vel alijs concedantur, vel pensiones soluantur, ex eisdem hæc confidentia censeatur. In bulla ibi: aut illius fructus, vel eorum pars alij, vel alijs concedantur. Hic contigit error, aut incuria Typographi, aut vitio scriptoris: siquidem in omnibus exemplaribus hætenus impressis, quæ contigit videre, legitur (alij, vel alijs) legendum est autem pro (alij) illi (intellige dimittenti: de quo statim antea dixerat) eidem dimittenti, vel alteri postea conferatur. Atque sic habet exemplar primum manuscriptum apud Datarium Summi Pontificis conseruatum, vt testatur Mascardus in dicta conclusione

1306. num. 4. qui post alium quendam innotati auctoris tractatum de confidentijs, quem dicit se in scriptis habuisse, necdum tamen impressum, sic verba dictæ bullæ emendavit: cui sanè lectioni antecedentia, & consequentia d. constit. optimè conueniunt. Si enim legendum (alij, vel alijs) foret, sequeretur, quod si eidem dimittenti fructus, vel pensio conferatur, non esset confidentia in ipsa constitutione damnata, sed solum quando alij, vel alijs soluerentur. Quod tamen valdè alienum est à mente Pontificis, vt patet intuitu textum. Alias rationes pro hac emendata lectione Mascardus ex dicto manuscripto colligit à num. 4. vsque ad 8.

Secunda coniectura ad præsumendum confidentiam erit, si collator ita conferat, vel patronus præsentet, vt postea de beneficio, vel fructibus eius sic, vel sic disponatur. Quæ coniectura in d. bulla Intolerabilis ibi ponitur. Itidem si ordinarius, vel alius collator contulerit antehac, aut conferat in futurum beneficium Ecclesiasticum, quouis modo vacans, ea conditione tacita, vel expressa, vt postea in alterum pro arbitrio collatoris, &c. disponatur, siue, vt de eo prouisus fructus illius, vel partem ad vtilitatem, vel libitum conferentis, vel cedentis, aut alterius, relinquat, & remittat, &c.

Tertia. Si exemptus à solutione iurium Cameræ, beneficium acceptum per resignationem

nem alicuius, etiam post literas expeditas, & possessionem acceptam, retrocesserit in eundem, reseruato sibi aliquo infra spacium duorum, vel trium mensium : ibidem in bulla. Adhæc si clericus prædictæ Cameræ, aut Cardinalis, aut alius, à solutione iurium ipsius Cameræ, vel etiam cancellariæ apostolicæ exemptus, &c.

Quarta. Si absolutus à crimine, vel irregularitate denuò accipiat beneficium, quod renunciauit ante vel post crimen commissum, aut incurfam irregularitatem : ibi : Postremo, si quis crimine aliquo absolutus, aut cum quo super irregularitate dispensatum est, &c.

Quinta. Quando quis post cessum beneficium publicata cessione, captaque possessione à cessionario, se in illud per se, aut alium ingerit, ac fructus, vel partem eorum accipit : aut successor ipsi, vel propinquis eius alios fructus remiserit : ibi : Ad probandum verò plenè confidentiarum abusum, &c.

Sexta. Si prouisus de beneficio constituerit eum, qui ipsum dimisit, aut dimittentis parentes, aut fratres, aliosque propinquos, procuratores, aut prouisoires ad percipiendum vel locandum fructus beneficij dimissi, & illi, vel illis de fructibus perceptis, aut percipiendis donationem fecerit. In bulla : ibi : Si recipiens beneficium constituerit dimittentem, &c.

Septima. Si vel sola procuratoris depositione, vel libris rationalibus mensariorum ex parte dimittentis expeditio: quæ personam recipientis concernit, prosecuta sit, simulque expensæ pro ea necessariae ab illo factæ fuerint: in d. constit. ibi: si vel sola procuratoris, &c.

Octava & postrema præsumptio ad probandam confidentiam. Si quis pro concessione alicui facta, quacunque auctoritate de beneficio Ecclesiastico, per se, vel alium, seu alios intercessisset, vel alias in negotio concessionis sese immiscuerit quoquo modo, deinde aliquid de fructibus talis beneficii de facto, etiam per manus possessoris, aut etiam simplicis donationis titulo perceperit, seu de illo postmodum ad voluntatem intercessoris fuerit dispositum quomodocunque. in dicta extrauag. ibid. Denique si quis pro concessione, &c.

Posthæc declarat Pontifex in dicta extrauag. de qualitate testium, & probatione istarum coniecturarum sub his verbis. Testes autem de quacunque re singulares singulas probare valeant præsumptiones, & coniecturas, pluresque huiusmodi præsumptiones, & coniecturæ plenam probationem faciant in prædictis, Testes etiam criminosi, alijque inhabiles, qui in crimine simoniæ etiam admittuntur de iure: iuxta cap. Per tuas: infra, etiam in probatione confidentiæ, & coniecturarum

rum prædictarum admittendi sunt. Notant Nauarr. & post eum Mascard. quod vnaquæque harum coniecturarum sola non sufficiant ad plenam probationem. Nam durum videtur, quod prima, & octaua, & aliquot alia per se solæ sufficiant. Vnde iudicis arbitrio id librandum. argum. l. i. ff. de iure deliber. cap. de causis. §. i. de offic. deleg. Atque hic casus est, in quo quando non prosunt singula, multa iuuant. cap. literis. de præsumpt. & cap. cum causam. de probat. & l. Rationes. C. eodem titu. Quanquam Menochius lib. 5. de præsumptionibus agens de hac materia, præsumpt. 9. existimet contra Nauar. & Mascard. num. 19. Primam, & tres sequentes coniecturas positas à Nauarro, & sumptas ex Pontificum bullis adeò firmas esse, vt iudicis arbitrium in illis non habeat locum, & præsumpt. 8. tangit coniecturas, quibus simonia probatur.

Porrò simoniacus etiam tantum conuenientialis ob confidentiam, incurrit pœnas has. Prima est, quod nihil iuris accipiat in beneficio per eam obtento. Secunda. Ipso iure excommunicatur. Tertia. Perdit alia beneficia benè quæsitæ. Quarta. Fit inhabilis ad omnia alia. Postremò quæri solet, An in extrauag. Piorum præteritæ confidentiæ etiam bona fide factæ, sint comprehensæ & damnatæ, etiam si alias essent licitæ, & similiter, An omnes futuræ, an verò tantum illicitæ, & simoniacæ

confidentia. Negatiuam partem Nauarr. in manual. cap. 25. num. 109. & III. sequitur. Mascard. volum. 3. conclus. 1306. affirmatiuam probat. Primo. Quia tribunalia Romæ, & complures docti viri Nauarro non consentiunt. Secundo. Quia bulla ei contradicit. Sed ad cap. explicationem transeamus.

FINIS RVBRICÆ.



DE SI-



DE SIMONIA, ET
NE ALIQUID PRO SPIRI-
tualibus exigatur, aut pro-
mittatur.

CAPITVLVM I.

*Episcopus pro ordine ab eo conferendo, vel
ministri, vel Notarij nihil temporale
exigere debent.*

GREGORIUS generali synodo præsi-
dens lib. 4. Epist. 44.

Nordinando. (& infra) sicut Pontifi-
cem non decet manum, quam imponit
vendere, ita minister, vel Notarius, non
debet in ordinatione eius vocem suam,
vel calamum venundare. Pro ordinatione verò, vel
pallio, seu chartis, atque pastello, eundem qui ordi-
nandus, vel ordinatus est omnino aliquid dare pro-
hibeo. Vide etiam l. q. 2. cap. Sicut Episcopum.
Innocentius in hoc cap. & post eum Car-
dina. Anchara. & aliqui alij existimant, quod
Pontifex hac dispositione voluit tollere pra-
uam consuetudinem quarundam prouincia-
rum, & locorum, vbi ministri pro singulis of-
ficijs certum quiddam exigebant.

Nota primo cum Bernardo hic, quod Io-
annes ab Anania, Panorm. & Anton. expref-

sius annotant. Vbi principale debet esse gratuitum, omnia accessoria, & circumferentia debent esse gratuita. Vnde non solum prohibetur Episcopus, qui ordinem confert aliquid pro ordine recipere, sed etiam alij ministri, qui sunt accessorii, & coadiuuant Episcopum in celebratione.

Secundo. Episcopus debet manus gratis imponere, & eas mundas seruare. Nec mirum, quia ad id iudex secularis astringitur, in Authent. vt iudices sine quo quæ suffrag. §. Hæc omnia. collat. 2. Hostiens. Cardinal. Ancharan.

Tertio. Per manuum impositionem designat ipsam ordinationem (vt manifestè ex scriptura, & PP. præsertim Chrysoft. Hom. 10. in priorem ad Timoth. ex Epist. Concil. Niceni ad Alexandrinos, apud Theodoretum lib. 1. histor. cap. 9. & alijs Græcis, atque etiam B. Hieron. in cap. 58. Esaia colligitur) in qua gratia confertur iustificans. Nam 2. Timoth. 1. vbi dixerat Apostolus gratiam Timotheo per manuum impositionem datam, subiungit explicans, quæ sit illa gratia. Non enim (inquit) dedit nobis, id est, nobis Episcopis, Deus spiritum timoris, sed virtutis, & dilectionis, & sobrietatis. Porrò gratiam hanc secundum scripturam alligatam esse manuum impositioni in ordinatione, patet ex capite 4. prioris ad Timoth. quando ait, Noli negligere gratiam, quæ data est tibi per prophetiam

tiam cum impositione manuum presbyterij. Vbi illud (per prophetiam) non est instrumentum, sed causa impellens, & mouens: instrumentum autem conferendæ gratiæ est illud, cum impositione manuum. Sensus enim est, Noli negligere gratiam illam, quæ tibi data est, quando Episcopus à me ordinatus es, iuxta reuelationem de te mihi factam (Deus enim reuelauerat Paulo, & iusserat, vt Timotheum ordinaret, quod habetur etiam primo cap.) secundum præcedentes in te prophetias. Quod autem instrumentum gratiæ conferendæ fuerit impositio manuum, habetur adhuc clarius 2. Timoth. 1. Admoneo te, vt resuscites gratiam, quæ in te est, per impositionem manuum mearum.

Quarto. Tres personæ requiruntur in ordinatione. Episcopus, Minister, & Notarius. Minister intelligitur Archidiaconus, qui in quibusdam locis examinat promouendos. c. Adhæc. de offic. Archidiac. vel, qui vocat promouendos, vel ille, qui respondet in scrutinio ordinandi, secundum formam cap. Ex parte de scrutinio in ordine faciendo. Vel qui legit, aut cantat Euangelium, vt ex Gloss. annotat Panorm. in hoc cap. §. 2. vel postremò quilibet aliquod ministerium exhibens circa ordinationem.

Quinto. Quemadmodum minister, & notarius prohibentur de actibus necessarijs ad ordinationem aliquid accipere, ita & ordinatus

dare. Sunt enim illa correlatiua. Vnde poena imposita accipienti videtur etiam imposita danti, Argum. huius capituli, & l. fin. ff. de accept. Anchar. hic Notab. 3. Ioannes ab Anania colum. 5. in litera B.

Sexto. Pallium contextum est ex agnorum alba lana, & habet circulum humeros constringentem, & duas lineas ab vtraque parte pendentes. Pallium est insigne plenitudinis officij Pontificalis. cap. cum sis. de auctor. & vfu pallij. Hinc est, quod antequam Metropolitanus pallio decoretur, non debet concilium conuocare, Chryisma conficere, clericos in sua prouincia ordinare, pontifices consecrare, vel Ecclesias dedicare. Extrau. de elect. cap. Quod sicut. In fine: teneturque Archiepiscopus intra tres menses à die consecrationis illud instanter petere à Papa. cap. Quoniam. cap. Prisca. dist. 100.

Obtento iam pallio non potest nisi intra Ecclesiam, & diuinis officijs vti, idque certis diebus. Vnde si processionaliter, vel ad prædicandum, vel ad aliquod huiusmodi eum extra Ecclesiam ire contigerit, cum pallio non exhibet. cap. 1. penult. & vlt. de auctor. & vfu pallij. & cap. Pallium. 1. dist. 100. Vide de his Innoc. lib. 1. cap. 62. & Rationabile diuinorum officiorum. lib. 3. cap. 17.

Septimo. (Pastellum) diminutium à Pastu, vt si clerici nomine pastellorum, id est, conuiuij, aut pastus. 1. quæst. 3. cap. Si quis obie-

obiecerit; aliquid exigunt, & non titulo ordinationis.

Nunc quæ circa hoc caput tractanda occurrunt, latius per Quæstiones examinanda, & resoluenda sunt.

QVÆSTIO I.

An & quomodo simonia committatur circa ordinationem, & collationem ordinum.

Prima Conclusio. Certissimum est Episcopum committere simoniam, si aliquid pretio æstimabile pro collatione ordinum, siue ordinatione accipiat. Hæc conclusio est communis Theologorum, Canonistarum, & Summistarum, quam hoc cap. supponit. Probat in primis ex illo Matth. 10. Gratis accepistis, gratis date. Quo loco ad probandam propositam conclusionem utitur Gennadius, & Synodus Constantinopolitana, in Epist. in totum orbem missa: cuius Epist. verba adduximus in Rub. Notab. 12. Eadem scriptura utitur Tarasius Constantinopolitanus, in Epist. ad Adrianum Papam. Multipliciter, ait, multisque modis ex Euangelio, & Apostolorum, Patrumque præceptis docemur in sanctificatione sacerdotij mores ab avaritia longè alienos præstare: neque in ullius sacerdotalis viri ordinatione aurum, argentumve accipere, aut aliud quidpiam nobis vindicare: quod sententiæ ex diuinis scripturis, & Patrum doctrinis infra subiectæ demonstrabunt.

bunt. Qui enim manus imponunt, ministri sunt spiritus, non venditores spiritus. Nam cum gratis, gratiam spiritus acceperint, gratis etiam ijs, qui ab ipsis accipiunt dare iussi sunt ex voce Domini hac ipsa libertate, potestate-que accepta. Quod si quis eam auro emis-
 se conuictus fuerit, hunc ex sacerdotali ordine excidisse pronunciant, quanquam nomine sacerdotium sortitus est. Nec non D. Greg. lib. 4. Epist. Epist. 56. Concilia etiam hanc conclusionem abundè confirmant. Chalcedo-
 se, cuius Canon inseritur à Gratian. i. q. i. c. Si quis Episcopus per pecuniam. Huius Cano-
 nis meminerunt etiam Gennad. cum alijs in d. epist. & Urbanus II. in epist. ad Præpositum. S. Iuuentij. Bracarense 2. can. 3. Aurelianen-
 se 2. can. 3. Toletan. 8. can. 3. & Toletan. II. can. 8. & can. 30. Apostolic. Si quis Episco-
 pus, aut presbyter, aut diaconus, per pecunias hanc obtinuerit dignitatem, deijciatur, & ip-
 se ordinator eius, & à communione mo-
 dis omnibus abscindatur, sicut Simon Ma-
 gus à Petro. Plurium Conciliorum, Pontifi-
 cum, Patrumque auctoritates collegit Gra-
 tian. i. quæst. maximè 1. & 2. & 3. & nouissi-
 mè Concilium Tridentin. sess. 21. de refor-
 mat. cap. 1.

Greg. lib. 4. Epist. cap. 88. & epist. 44. ex ge-
 stis in Synodo Romana tempore Manilij Au-
 gusti. Antiquam regulam, inquit, Patrum se-
 quens, nihil vnquam de ordinationibus acci-
 piendum

piendum esse constituo. Neq; ex datione pallij, neque ex traditione cartarum: neq; ex ea, quam noua per ambitionem simulatio inuenit appellatione pastelli. Quia enim ordinando Episcopo Pontifex manū imponit, Euangelicam lectionem minister legit. Confirmationis autem eius epistolam notarius scribit, sicut Pontificem non decet manum, quam imponit, vendere: ita minister, vel notarius non debet in ordinatione eius vocem suam, vel calamum venundare. Pro ordinatione vero, vel pallio, vel cartis atque pastello eundem, qui ordinandus, vel ordinatus omnino aliquid dare prohibeo. Ex quibus prædictis rebus, si quis hinc aliquid commodi appellatione exigere, vel deferre fortè præsumperit, in districto Dei omnipotentis examine reatu subiacebit. Is autem qui ordinatus fuerit, si non ex placito, neque exactus, neque petitus post acceptas cartas, & pallium, aliquid cuilibet ex clero gratiæ tantummodo causa dare voluerit; hoc accipi nullo modo prohibemus: quia eius oblatio nullam culpæ maculam ingerit, quæ ex ambientis ambitu non processit. Hæc ibi.

Ratio etiam est. Per ordinationem, siue collationem ordinis datur gratia Spiritus sancti. Ergo pecuniā accipere pro huiusmodi actu est simonia, vt ex definitione simoniæ liquidum est. Antecedens satis constat ex Conc. Triden.
sess.

sess.23. can.4. de Sacramento Ordinis. Si quis dixerit per sacram ordinationem non dari Spiritum sanctum, proinde frustra Episcopum dicere: Accipe Spiritum sanctum, anathema sit. 1. ad Timoth. 4. Noli negligere gratiam, quæ est in te, quæ data est tibi per prophetiam, cum impositione manuum presbyterij. 2. ad Timoth. 1. Admoneo te, vt resuscites gratiam Dei, quæ est in te, per impositionem manuum mearum. Plura supra Notab. 3.

Secunda Conclusio. Examinans ordinandos, si pecuniam recipiat pro examine, aut pro aliquo temporali aliquem admittit, approbatq; ad ordines, simoniacus est. Concil. Nanneten. c. 11. & habetur apud Gratian. d. 24. c. Quando. vbi pulchrè præscribitur modus examinis his verbis: Quando Episcopus ordinationes facere disponit, omnes, qui ad sacrum ministerium accedere volunt, feria quarta ante ipsam ordinationem, euocandi sunt ad ciuitatē, vna cum Archipresbyteris, qui eos repræsentare debent, & tunc Episcopus à latere suo eligere debet sacerdotes, & alios prudentes viros gnaros diuinæ legis, & exercitados in Ecclesiasticis sanctionibus: qui ordinandorum vitam, genus, patriam, ætatem, institutionem, locum, vbi educati sunt, si sint benè literati, si instructi in lege Domini diligenter inuestigent: ante omnia si fidem Catholicam firmiter teneant, & verbis simplicibus asserere queant; Ipsi autem, quibus hoc committitur, cauere

cauere debent, ne aut fauoris gratia: aut cuius-
cunque muneris cupiditate illecti à vero de-
uiant, vt indignum, & minus idoneum ad sa-
cros gradus suscipiendos Episcopi manibus
applicent. Quod si fecerint, & ille, qui indignè
accessit, ab altari remouebitur: & illi qui do-
num spiritus sancti vendere conati sunt, co-
ram Deo iam condemnati, Ecclesiastica dig-
nitate carebunt. Præposit. Archidiac. Turre-
crem. & alij in illo cap. & ex mente DD. hic
circa verbum illud, Minister. Syluest. in verb.
Simonia. num. 8. Angel. in eodem verbo. 3.
num. 20. Nauarr. lib. 5. consil. in tit. de simo-
nia. consil. 58.

Tertiã Conclus. Notarius ordinationis quã-
do ei non est à publico salarium constitutum
pro officio exercendo, potest pro labore suo,
& charta, necessarijsque ad scribendum, mo-
deratum accipere pretium, sine simonia. Hæc
est recepta, & communior conclusio. DD. in
hoc cap. Cardinalis Alexandrini. Turrecrem.
& aliorum in cap. Sicut Episcopum. i. q. 2. An-
gel. in verb. simonia 3. num. 22. Syluest. in eod.
verb. q. 8. Aurea Armilla eod. verb. num. 32.
Nauarr. in Manuali Confess. cap. 25. num. 54.
& alij communiter alibi. & Concil. Trident.
sess. 21. cap. 1. de reformat. Significat tamen
Concilium hanc conclusionem obtinere in
ijs tantum locis, in quibus non viget laudabi-
lis consuetudo accipiendi nihil. Probatur
conclus. Primo. Quia licet vnicuique locare
operas

operas suas. Secundo: quia nemo de suo cogitur inuitus facere beneficium. cap. precariè. 10. quæst. 2. & cap. charitatem. 12. quæst. 2. Pretium autem accipiendum à notario, quando constitutum non est, taxatum est à Concilio Tridentino, ita quod pro singulis literis testimonialibus, vel etiam dimissorialibus, siue reuerendis, vt aliqui vocant, decimam tantum vnius aurei partem accipere possit. Nec Episcopo ex Notarij commodis aliquod emolumentum ex eisdem ordinum collationibus directè, vel indirectè prouenire potest, vt idem Concilium constituit. Gloss. in d. cap. Sicut Episcopum. 1. quæst. 2. existimat in collatione ordinis non esse distinguendum, An habeat salarium, vel non. Nam dicit, quod in collatione ordinis nec pro labore, nec pro charta debet aliquid accipere: sed Episcopus procuret: ita vt sine muneris alicuius acceptatione scribatur. Sed hoc graue esset: quare tenendum omninò existimo, quod hac de re constituit Concilium Tridentinum.

Quarta Conclusio. Quando Notario ex publico suum salarium constitutum est, non potest aliquid sine crimine simoniæ, aut iniustitiæ saltem accipere vltra publicum stipendium. Ratio. Quia aut illud accipit ratione ordinationis, aut ratione laborum, quos impendit in scriptione, & necessarijs: Si primum, simonia est: Si secundum, iniustitiæ peccatum,

tum, cum labores publico stipendio remunerentur, & si alias etiam accipiat, bis eundem laborem vendit, quod iniustum est, & ita ad restitutionem istius, quod ultra taxatum à publico receptum est, tenetur. Non secus, atque is, qui vinum, aut panem vendit carius, quam publicè à magistratu decretum est. Si tamen præter omnem exactionem liberè aliquid donaret notario, id recipere posset, vt Cardinalis Alexandrinus, Turrecremata, & alij docent.

Quinta Conclusio. Quando Notarius plus accipit ascendendo pro gradu, & dignitate ordinis, ita videlicet, vt plus pro testimonialibus diaconatus, quam subdiaconatus, & plus pro præbyteratus, quam diaconatus, simoniam committit. Angel. Sylvest. Aurea Armilla. & Nauarrus loco citato. Ratio est, quia tunc taxatur, & venditur dignitas ordinum, quæ vendi, taxariue haud potest. Notario autem nihil competit, nisi ratione laboris, qui æqualis est respectu omnium ordinum. Ex dictis Conclusionibus & Concil. Trid. infero, taxas, statuta, & consuetudines etiam immemorabiles quorumcunque locorum, quæ potius abusus & corruptelæ nuncupari possunt, prout concilium loquitur, censendas simoniacas, & plus percipientes, quàm à Concilio moderatum est, cum Simone portionem sortiri. Idem est iudicium de exigentibus, & extorquentibus ultra moderationem prædicti
Conci-

Concilij pro literis dimissorijs: Taxæ enim & statuta Cancellariorum Episcoporum in hoc casu nec excusant, nec diluunt labem simoniæ, vt concilium determinat: Nec refert an huiusmodi taxæ sint nouæ, vel veteres: quo enim mala sunt diuturniora, eo peiora sunt, maiusque peccatum inducunt.

Sexta Conclusio. Etiam simonia est exigere, & accipere aliquid pretio æstimabile pro sigillo literarum testimonialium, aut reuerendarum. Hanc tradunt Alexandrin. Cardinal. Turrecrem. Angel. Syluest. S. Antonin. 2. part. tit. 1. §. 17. Durand. in 4. d. 25. q. 3. & alij communiter. & Concil. Trident. loco cit. decernit. Eadem est ratio de sigillo respectu rei spiritualis cuiuscunque, vt ad sigillandum literas pro collatione beneficij, pro dispensatione in gradibus prohibitis ad contrahendum matrimonium, pro commissione aut decreto ad reconciliandam Ecclesiam cum aqua pontificali, quando de iure committi potest alteri sacerdoti, qui non est Episcopus: & de similibus par est iudicium. Licet tamen in hisce rebus expensas ceræ, & sigillationis, & clericorum ad hoc deputatorum, repetere, vt DD. allegati tradunt: Quod tamen pro literis testimonialibus ordinum, & reuerendis, siue dimissorialibus, nunc videtur sublatum à Concilio Tridentino loco cit. Quoniam nihil aliud dandum decernit, præter decimam partem auri Notario, quando alias non habet deputa-

deputatum salarium. *Septima Conclusio.* Qui aliquid sine pacto, liberè, & ex beneuolentia dat ordinatori post ordinationem, non committit simoniam. Est Turrecrem. & Cardinalis Alexandrini in cap. Sicut Episcopum. i. q. 2. Nauarr. in cit. Manuali Confessar. cap. 25. num. 68. vers. 2. peccat. Ignatij Lopez in practica criminali Canonica. cap. 91. sub litera D. i. arg. Gloss. in cap. Emendari. i. q. i. & est aperte D. Gregorij in d. epist. 44. super citata conclus. i. Vbi ait, quod datio nullam culpam habet, quæ ex ambitione non procedit.

QVÆSTIO II.

An Pontifex etiam possit incurrere crimen simoniae?

CAnonum interpretes mouēt hanc quæstionem in hoc c. & communiter distinctione hac resolvunt. Quædā sunt simoniaca, quia mala: siue prohibita, quia simoniaca. Alia sunt simoniaca, quia prohibita, id est, mala quia prohibita, de quibus supra. Nūc Pontifex potest incurrere simoniā in his, quæ sunt prioris generis, non in alijs. Pro resolutione sit.

Prima Conclusio. Pontifex potest incurrere vitium simoniæ, sicut quilibet alius homo, in his, quæ sunt iure naturali, & diuino prohibita. Hanc docent S. Thom. 2. 2. q. 100. art. 1. ad 7. & Commentatores eius ibid. Victoria in relect. de simonia. i. part. num. 39. conclus. i. Imo

G

dicit

dicat S. Thom. in 4. d. 25. q. 3. art. 3. ad 2. quod opinio, quæ docet Papam non posse esse simoniacum, est erronea. Dominic. Soto lib. 9. de iust. & iure. q. 5. art. 2. Turrecrem. in c. Latorem. 1. q. 1. Syluest. in verb. Simonia. q. 4. Paludan. cum S. Thom. & alijs in 4. d. 25. Panor. Cardin. Hostiens. Anto. & alij communiter in hoc c. Nec potest in hac re esse dubium. Ratio huius conclusionis est. Quia Pontifex etiam subest legi naturali, & diuinæ, quoad vim directiuam: iuxta doctrinā D. Thom. 1. 2. q. 96. art. 5. Imò ex mente eiusdē D. in d. art. 1. ad 7. Papa grauius alijs peccaret in hoc genere: Cū peccatū tanto sit grauius in aliqua persona, quāto maiorem obtinet locum. Pontificem aut̄ primum, & summū in Ecclesia Christi militante obtinere locum nullus rectæ fidei dubitat.

Secunda Conclusio. In his quæ prohibita sunt iure diuino, aut naturali Pontifex alium vendentem, vel ementem non potest liberare à crimine simoniæ. Primo. Quia Pontifex non potest in his seipsum eximere. Ergo multo minus alium. Deinde Pontifex non valet dispensare in his, quæ sunt iuris naturalis, & diuini, vt tradunt S. Tho. 1. 2. q. 97. art. 4. ad 3. & quodlib. 9. art. 15. S. Antonin. 2. part. tit. 1. cap. 5. §. 2. Angel. in verb. Papa. num. 1. latè Syluest. cod. verb. q. 16. Turrecrem. lib. 2. de Eccles. cap. 107. Driedo de libert. Christi pag. 204. & post alios plures Didacus Couarr. de matrim. 2. part. §. 9. à num. 8. & communiter
Theolo-

Theologi; quicquid aut malè sentientes, aut non rectè loquentes velint quidã Canonistæ, & iurisperiti. Panor. in c. Non est de voto. Felin. in c. Quæ in Ecclesiarum, de constit. num. 19. Decius in consil. 112. quorum opinionem Hieron. Gratus consil. 1. vol. 2. & alij quidam communem autumant, dum censent Pontificem posse ex causa in iure diuino dispensare: sed dixi, aut malè sentiunt, cum inferior non possit dispensare in lege superioris, nisi ei specialiter committatur: aut non rectè loquuntur, dum fortè, verbum dispensare volunt esse idem, quod legem interpretari, aut declarare. In quorum testimonium opportunum est illud Zozomi Papæ in c. Contra. 25. q. 1. dum ait. Contra statuta Patrum condere aliquid, vel mutare, nec huius quidem sedes potest auctoritas. Apud nos enim inconuulsis radicibus viuit antiquitas, cui decreta Patrum sanxere reuerentiam. Intelligenda enim hæc sunt Patrum statuta, quæ continent in se ius naturale, & diuinum, quæ non possunt mutari, nec etiam dispensationem patiuntur, nisi conditor legis, & auctor naturæ suam auctoritatem, potestatemque interponat.

Tertia Conclusio. Pontifex non incurrit crimen simoniæ in his, quæ sunt mala, siue simoniaca, quia prohibita tantum iure humano, siue positiuo. Hæc est communis DD. in hoc cap. nec dissentiunt Theologi in locis cit. Lex enim positiva, & humana subest iurisdictioni,

potestatiq̃ue summi in Ecclesia moderatoris, vt ex rationabilibus causis possit in ea disponere, & dispensare. Si tamen Pontifex sine iusta causa faceret aliquid in his, vtique peccaret. Quandoquidem Princeps obligatur suis legibus, quo ad vim directiuam, licet non coactiuam, iuxta S. Thom. 1. 2. quæst. 96. art. 1. & Commentatores eius ibidem; id est, debet sequi viuendi normam, quam alijs præscribit, licet si transgrediatur, à nemine cogi possit. & cap. Cum omnes de constit. Quisquis ius in altero statuit, ipse eodem iure vti debet. Cui consentit sapientis elogium illud, Patere legem, quam ipse tuleris. Hinc optimè ait Hostien. in hoc cap. & post eum Panorm. alijsq̃ue, quod licet Papa non ligetur propria constitutione, in his, quæ sunt simoniaca, quia prohibita, tamen deberet ipse præ cæteris abstinere, quia etsi in se hoc non sit in alium, est tamen species mali, à qua præcepit Apostolus abstinendum. cap. cum ab omni specie. de vita & honest. clericor. Ex his sequitur, quod Pontifex sua auctoritate, legitima intercedente causa, potest facere, vt alius non incurrat crimen simoniæ in casu particulari, vt in simonia, quæ tantum est iuris humani, vt omnium communis est sententia, & stylus Curia Romanæ obseruat, vt post Cassiodor. in decis. 2. de simonia. Nauarr. in Manual. Confess. cap. 23. num. 108. versu sexto, quod auctoritas eius, &c.

Quarta Conclusio. Pontifex etsi exerceret simoniam

moniam lege naturali, & diuina vetitā, damnationisq̃ue æternæ reus fieret, non tamen caderet in pœnas statutas à Iure contra simoniacos. Hæc est etiam communis DD. Quantum ad primam partem, conclusio aperta est ex dictis. Secunda etiam clara est: Pontifex enim cum superior sit omni lege humana etiam Canonica, eius pœnis non constringitur. Ex hac infertur, quod Pontifex possit alium simoniam committentem ante factum eximere à pœnis Canonum latis in simoniacos, ita, vt quamuis culpam simoniæ, reatumq̃ue peccati mortalis, pœnamq̃ue inferni mereretur, non tamen fieret excommunicatus, nec alias pœnas iuris incurreret.

Dubium autem hoc mouetur circa hanc materiam. An si cum Pontifice aliquis eo etiam sciente, & consentiente committeret simoniam, vtpotē emeret beneficium, aut Prælaturam, vel Episcopatum, incideret pœnas iuris humani, & Pontificij (ita quod implicite videatur pœnas remisisse, & dispensasse) si Pontifex expressè cum illo non dispensaret. In hac dubitatione varij sunt DD. Quidam affirmatiuam amplectuntur sententiam. Paludan. in 4. d. 25. q. 4. Syluest. in verb. Simonia. q. 4. Aurea Armilla in eod. verb. in fine. Dominicus à Soto lib. 9. de iustit. & iure, q. 5. art. 2. Petrus de Aragon. in 2. 2. S. Thomæ. q. 100. art. 1. versus finem. Gregor. de Valent. in cad. q. puncto vlt. Angel. in verb. Simonia. 5. 6. 7. 8. &

infra in verb. illo 7. §. 5. S. Antonin. 2. part. tit. 1. cap. 5. §. 2. Felin. in hoc cap. & in cap. De cætero. col. fin. de re iudic. Turrecrem. in d. cap. latorem. num. 4. Martinus Nauarr. loco cit. & eius discipulus Didac. Couarr. in relect. cap. Peccatum. de reg. iuris in 6. part. 2. §. 8. num. 9. Cosmus Philiarcus Theologus Horent. tom. 2. de offic. sacerdotis lib. 6. cap. 3. conclus. 5. Atque hæc est communior, receptiorque opinio. In partem negantem iuerunt Adrian. quodl. 9. art. vlt. ad 4. principale. Ioannes Maior in 4. d. 25. q. 3. In hanc partem allegatur à Panormit. etiam Ioannes Andreas in regul. Cui licet. de reg. iuris in 6. in Mercurialib. Vbi ad propositum facit, quod ait in simili. Si Episcopi statuto caueatur, quod ludens ad azardum sit excommunicatus, ludens cum Episcopo, qui tale statutum edidit, excommunicatus est, etiamsi Episcopus non incidat in pœnam statuti. Cardinalis Caietan. 2. 2. q. 100. art. vltimo anceps est in hac dubitatione. Vtriusque sententiæ argumenta ponit, & soluit. Pro resolutione sit

Quinta Conclusio. Pontifex scienter committens cum alio tertio simoniam, ipso facto dispensat cum eodem, vt non incidat pœnas à Canonibus latas contra simoniacos, secundum affirmantem, communioem, & verior opinionem. Ratio est, Quia scientia principis purgat hoc crimen, quantum ad eas pœnas, quæ sunt iuris positiui. Quandoquidem Princeps

Princeps sciens aliquem inhabilem ad dignitatem, quam ei conferre intendit, ipso facto, quo ei confert, tacitè impliciteque videtur eum capacem reddere, & cum eo dispensare iuxta dicta à Barthol. in l. Barbarius. num. 12. ff. de offic. Prætor. Felin. in cap. præterea. num. 9. de testibus cogendis. Panormit. in cap. In cunctis. §. Infera. & in cap. Innotuit. colum. 4. de elect. Roman. in consil. 327. & alios alibi. Atque causa eius reddi potest: Quia alias actus Principis esset illusorius, nullumque effectum sortiretur, quod est absurdum, ideoque non dicendum. Ex hac conclus. infero cum Paludan. & post cum S. Anton. & alijs, quod si quis acciperet beneficium in Curia Romana, & conscientiam haberet de scientia Papæ confirmantis, pœnitendo de peccato, non teneretur resignare, sed posset retinere. Ad illud allatum à Ioanne Andræa de ludente cum Episcopo, qui tulit excommunicationem in sic ludentem. Respondet Syluest. & alij quidam, in primis de Episcopo, quod ipse non potest secundum aliquos facere, ut stante statuto suo contraueniens non ligetur: quod tamen Pontifex potest: Vel aliter, quod Episcopus ludendo cum aliquo etiam præsumptiuè dispensat, ut ille impunè cum coludat, sicuti etiam Pontifex secundum prædicta implicite, & præsumptiuè dispensat in simonia eius, qui eandem secū committit. Panor. hîc mouet Quæstionē, Nunquid Papa

inuoluatur crimini simoniæ, si de facto recipit pecuniam pro collatione alicuius Prælatu-
ræ, seu beneficij. Sed huius quæstionis deter-
minatio pendet ex dictis. Quandoquidem, vt
supra in Rubrica ostensum est, simonia in qui-
busuis beneficijs Ecclesiasticis est prohibita
iure diuino, & naturali: Ergo Pontifex etiam
in his inuoluitur crimine simoniæ.

CAPITVLVM II.

*Deponendus est, qui per pecuniam ali-
quem eiecit de Ecclesia sua se postea in-
trudendo.*

Ex Concilio Moguntinensi.

*Qui alium in Ecclesia ordinatum per pecuniam
expulerit, eamque taliter vindicauerit, omnimodo
deponatur.*

ADuertendum est in primis ex hoc ca-
pitulo non licere pecuniam dare pro
via consequendi beneficium, nec etiam pro
modo ineundi rationem priuandi. Secus si
fiat, simonia committitur: Deinde cum Glos.
duplex peccatum committit, quia alium iniu-
stè à beneficio pro pecunia expellit, vt ipse in
locum succedat, simoniam videlicet, & intru-
sionis peccatum, vtpote qui locum viuientis
occupat. Imò adiungunt alij, quod triplex erit
peccatum simoniæ, recipiendo pecuniam, ex-
pulsionis

pulsionis iniustæ, & intrusionis in locum uiuentis. Notant etiam Anton. Ioan. ab Anania, & Ancharan. quod sic expulsus, si iustè Ecclesiam possidebat, potest cum auctoritate iudicis Ecclesiastici recursum habere ad iudicem sæcularem, iuxta ea, quæ habentur in cap. i. de offic. ordin. Quod tamen sanè intelligendum in casu, quo non est sufficiens, possit in auxilium vocare brachium sæculare.

CAPITVLVM III.

DE ODATVS PAPA.

Si Dominus, & Magister omnium, qui sine peccato fuit, accusandi licentiam vni dedit: (& infra) Non igitur quilibet Catholicus est respuendus, sed, vt veritatem asserat ad propalandam simoniacam rabiem, magnis precibus exhortandus.

alias exorandus.

CAsus huius cap. est. Quæstio fuit: An quilibet Catholicus admittendus sit ad accusationem simoniacorum? Respondetur à Papa, quod quilibet admittendus est, sumpto argumento à minori. Si enim Dominus, Magisterque omnium, qui sine peccato fuit, licentiam accusandi dedit vni, scilicet sceleratissimo Iudæo, quando dixit: Si malè locutus sum, testimonium perhibe de malo, &c. multo fortius, nullus Catholicus repellendus est, vt veritatem asserat in simoniæ labe. Pro la-

tiori cap. intelligentia, Notandum inprimis cum Panorm. quod superior potest accusari per inferiorem text. ad hoc in cap. licet. & cap. veniens de accusat.

II. Notanda est regula. Quod non Catholicus non admittitur ad accusandum, etiam de crimine simoniæ. Quod intelligendum videtur, nisi simonia habeat adiunctam hæresin, in hunc sensum, quod crederet cum pertinacia, spiritualia, aut spiritualib. annexa posse comparari, emiue pecunia, aut temporali pretio, tunc enim etiã hereticus esset: Vide supra Notab. II. in Rubr. & quatenus talis, posset contra eum etiam non Catholicus esse testis, id est, Iudæus. c. Contra Christianos. de hæretic. lib. 6. Gloss. ibid. super verb. Iudæos. Dominic. Geminian. Philipp. Franc. & alij ibid. Felin. in c. Iudæi. num. 2. Francis. Pegna in direct. lib. 2. partit. 2. in scholio 10. & post alios plures, quorum opinio communis est, Ioseph. Mascard. vol. 2. de probat. concl. 857. num. 9. Et quamuis d. c. contra Christianos Bonifacius VIII. id definiat de conueniendo Christiano Apostata, qui prius fuit Iudæus, & iterum reincidit in Iudaismum, obtinet tamẽ etiam, quando agitur de conuincendo Christiano nõ apostatante, nec totam Christianã religionem deserente, sed in vno, aut altero articulo cum pertinacia errante: idq; in fidei fauorem: at ne tantum crimen maneat impunitum, vt latius Mascard. vbi supra num. 10. declarat.

Dubium

Dubium hic occurrit. An eadem sit ratio in teste, quæ in accusatione, ut videlicet non Catholicus admittatur ad testificandum in crimine simoniæ, sicuti ad accusandum, quando simonia hæresin adiunctam habet. Nam de teste: canon est 2. quæst. 7. cap. non placet. Item ff. de testibus. l. 2. ut citat Syluest. verb. Testis. §. II. & Panormit. in cap. Licet Heli. de simonia. §. II. dicit, quod facilius admittatur accusator, quam testis, quia non est tantum præiudicium in accusatoribus, sicut in testibus: quia crimina probantur per testes, non autem per accusatores. Interim tamen ex simoniaco, qui hæreticus esset (ut supra dictum est) existimarem huiusmodi ad testimonium dicendum posse admitti, potius tamen propter hæresin, quam simoniam. Panorm. vbi supra. §. 21. & indicat Gloss. in verb. Iudæos. in c. contra Iudæos. de hæret. in 6. & Mascard. vbi supra. §. 9. Et ratio est, ne ex defectu probationum, tam graue scelus maneat impunitum. Iudæus autem, quando contra Christianum in testem admittitur, iurabit de veritate dicenda, non super Euangelia, quibus non credit: sed super lege sua. Ioann. Imolen. in Clement. 1. de testibus. Anton. de Butr. in Procem. decretali. Menoch. de arbitr. iudic. qq. lib. 2. cas. 189. Mascard. loco cit. & Pegna vbi supra, qui formam iuramenti adiungit, de qua etiam Speculat. in tit. de iuram. calum. §. Restat, vers. Sed pone.

III. Corri-

III. Corrigenda Glossa. in verbo Iudæ secundum Ioannem Andream, melius enim diceret Iudæo, quia ista verba, quæ sequuntur, non fuerunt dicta Iudæ, sed illi Iudæo ministro, qui alapam dedit Christo dicens: Sic respondes Pontifici, & Christus respondit: Si malè locutus sum, testimonium perhibe de malo, &c.

IIII. Nota circa finem cap. quod testis per partem precibus exoratus ad ferendum testimonium, non est suspectus.

CAPITVLVM IIII.

Simoniacus pendente accusatione ab administratione diuinorum prohibetur.

Idem DE ODATVS.

Accusatum simoniacum neceſſè habuimus prohibere, ne missarum solennia celebraret, donec quid esset, verius constitisset.

NO T A. Quod dicat (prohiberi) non suspendi, quia simoniacus in ordine est ipso iure suspensus, vt supra Notab. 15. circa finem. Versu: Tertia pœna: quia prohibitio refertur ad factum, suspensio ad ius: Quamquam vt notat Ioannes Andre. potest propriè suspendi; Nam sicut excommunicatus à Canone posset excommunicari ab homine, vt habetur cap. Ita quorundam, de Iudæis, & cap. Engel-

Engeltrudam. 3. q. 4. ita suspensus à iure, potest suspendi ab homine.

Nota II. Ex textu quod Papa necessitatur ad seruandum ordinem iudiciarium, vt ex cap. In causis. de sentent. & re iudicata colligunt DD. est tamen de potentia ordinaria, non de absoluta intelligendum, vt cap. proposuit. de concess. præbendæ ostendit Innocentius.

CAPITVLVM V.

Idem dicit quod præcedens, nisi quod illud cap. loquitur in accusatione, istud in inquisitione: & illud loquitur de simoniacò in genere, istud declarat de ordine.

Idem DE ODATVS.

Quoties (& infra) Peruenit ad nos, quod per simoniacam hæresin fueris ordinatus: propterea necesse habuimus te prohibere, ne missarum solennia celebrare debuisses, donec, quid sit verius, discerneremus.

NOTA Quod simonia dicitur Hæresis. Vide supra. Notab. 9.

CAPITVLVM VI.

Simoniacus est deponendus.

LVCIVS PAPA.

Sicut simoniaca pestis sui magnitudine alios mor-

morbos vincit: ita sine dilatione mox, vt eius signa per aliquam personam claruerint, de Ecclesia Dei debet eliminari, atque repelli.

SVpra Notab. 9. magnitudo huius criminis simoniæ ostensa est, propter quam specialiter conceditur in hoc capitulo, vt in hoc crimine, sicuti & in hæresi per sola signa procedatur, id est, per verisimiles probationes. Nam regulariter in criminibus debent esse probationes luce clariores, 2. q. 8. Sciant cuncti. & C. de probat. canonica. l. 25. sciant cuncti. Debent tamen indicia, & præsumptiones huiusmodi esse euidentes, & apertæ, vt colligere est ex cap. Literas. de præsumpt. iuncta Glossa super verbo vehementem, & ibi DD. & præcipuè Abbas num. 3. versu. Nota quod suspicio, Quanto (inquit) delictum grauius est, tanto vehementiores debent esse præsumptiones, quia vbi maius periculum vrgetur, ibi cautius est agendum, cap. vbi periculum. de elect. in 6. & facit l. famosa. ff. ad Leg. Iul. Maiest. quod etiam aduertit Gigas in tract. de crimine læsæ Maiestatis. q. 29. num. 3.

CAPVT VII.

Simoniacum accusare potest seruus, meretrix, criminosi.

DEODATVS Papa.

Tanta est labes huius criminis, quod etiam serui aduersus dominos, & quilibet criminosi admittantur ad accusationem. Item omnis peccator Missam cantare potest præter simoniacum, quem quilibet (ut ab ordine male recepto remoueat) accusare potest: vel etiam meretrix.

Nota I. Casum in quo seruus potest esse in iudicio, etiam ad accusandum dominum, & est speciale in simoniæ crimine, quia regulariter non potest. l. Vix certos. ff. de iudic.

Nota II. quod sub dispositione generali, qua criminosi admittuntur ad actus generales, non comprehenditur meretricem, nisi specialiter de ea mentio fiat, ut indicat hic textus, & arg. l. quoniam Alexandrum. C. de adulter. & l. quæ adulterium.

QVÆSTIO.

An missa per quemlibet sacerdotem peccatorem possit cantari, aut legi sine peccato?

Prima Conclusio. Omnis sacerdos Apostata, Hæreticus, excommunicatus, aut etiam degradatus, si ritè fuerit ordinatus, & seruet ea, quæ sunt de necessitate sacramenti, verè conficit, & consecrat, sed irregularis efficitur. Hæc concl. communis est, & priorem quidem partem tradit manifestè D. Tho. p. 3. q. 83. art. 7. & 8.

& 8. Richard. in 4. d. 13. q. 1. Hales p. 3. q. 35. M. 6. & tota Theologorum schola, licet M. in 4. d. 13. & Gloss. in cap. Accedens. d. 50. non rectè contrarium videatur tenere. Posteriores verò partem tradunt Canonistæ plerique. Prior pars probatur. Quia manet in illis potestas celebrandi. Nam manet character, qui est indelebilis, vt patet per Concil. Trid. sess. 7. can. 9. & in eo fundatur potestas consecrandi. Vnde redeunt Apóstatas, Hæreticos, vel restitutos degradatos, non ordinat denuò Ecclesia, sed tantummodo vsum potestatis impeditum restituit. Ergo Posterior pars probatur, Quia quicumque suspensus aut excommunicatus exercet aliquem actum ordinis, est irregularis, Sed talis est omnis Apóstata, Hæreticus, & Degradatus. Ergo. Maior constat ex cap. cum medicinalis. de sentent. excommunic. in 6. & tenent Hostiens. Ioan. Andr. Panormit. & alij. verbo Irregularis. §. 4. & Syl. eodem v. §. 13. Quod tamen limitandum, si tanquam clericus actum ordinis exercet, vt notant DD. & Felician. Schalenfis in Enchir. de censuris. cap. 10. de irregularitate. Item si excommunicatio in qua celebrat sit maior. Nam in minori locum non habet maior assumpta, vt constat ex cap. Si celebrat. extra. de cler. excomm. ministrant.

Secunda Conclusio. Sacerdos, qui cum conscientia peccati mortalis celebrat, peccat mortaliter. Conscientia peccati mortalis, est iudicium

cium quodcunque siue assensus, quo homo existimat se esse in peccato mortali. Vnde cum conscientia peccati mortalis celebrare dicitur. Primo, qui habet certitudinem, & euidenciam se esse in peccato mortali. Secundo, qui habet probabilem assensum se esse in peccato mortali, cum formidine. Tertio, qui dubius est, An sit peccatum mortale, quod fecit, nec ne, & hoc ex iusta causa: Nam si iusta causa desit, scrupulus est. Conclus. est Antonin. p.3. tit.17. cap.17. & D. Thom. p.3. q.64. art.6. & probatur per cap. Omnia. i. q. 1. quia sacramenta obsunt indignè tractantibus. II. Per Dionys. Areopag. cap. 1. de cœlesti Hierarch. Malis, inquit, non est fas tangere symbola, & sacramenta; & deducitur ex B. August. cap. 20. lib. de vera, & falsa pœnit. & B. Cypr. serm. de lapsis, vbi citat illud Leuit. 17. Omnis immundus non manducabit ex illo. Et illud 1. Corinth. 10. Non potestis calicem Domini bibere, & Dæmoniorum. III. Actio sacramentalis non solum debet esse recta in se, sed etiam secundum quod exit à ministro. Sed cum conscientia peccati mortalis celebrans non discernit actionem sacram à prophana, vt à se tanquam iniusto exit. Ergo peccat tria peccata per oblationem, consecrationem, & sumptionem indignam committendo, aut saltem vnum, triplicem habens deformitatem.

Tertia Conclusio. Qui peccatum mortale
 H commi-

commisit, & habita copia confessionis, ante confessionem sacramentalem factam celebrat, quantumuis contritus sibi videatur, peccat mortaliter. Hanc conclus. posui in Enchir. meo in titu. de sacrament. Eucharistiæ. cap. de præparatione, & dispositione ad sumptionem sacramenti. Nisi quod præter eos, quos ibi citauit Scholasticos, videre potes Chrys. hom. 30. in Genes. & 10. in Matth. Cyprian. in serm. de lapsis. Anselm. in 1. Corinth. 11. & Euseb. histor. Ecclesiasticæ lib. 6. cap. 25. Præterea, quod hic notare licebit est istud, Illum præparatum dici ad dignè celebrandum, qui hæc tria præstat. Primum est, vt firmo assensu credat esse corpus Christi, quod in altari offert, illudque discernit ab alijs cibis veneratione debita. Secundo, vt probet seipsum, id est, diligenter consideret, Num cor reprehendat eum alicuius peccati nondum remissi per sacramentum pœnitentiæ, & num bonam voluntatem habeat obsequendi Deo. Tertio. Vt Dominicæ mortis commemorationem agat in communionem cum debita gratiarum actione.

CAPVT VIII.

Simoniacum est pretium recipere pro ingressu religionis, pro prioratibus, vel capellis concedendis, vel pro praelatis instituendis,

tuendis, pro concedenda sepultura, pro Chrysmate, pro oleo sancto, pro benedictione nubentiũ, vel alijs sacramentis, nec valet consuetudo in contrarium.

Hæc est summa huius & sequentis cap.

ALEXANDER III. in Concilio Turon.

Non satis (& infra) Prohibemus igitur, ne ab ijs, qui ad religionem transire volunt, aliqua pecunia requiratur. Nec prioratus, vel capellania qualibet monachorum, aut clericorum annua distractione vendantur. Nec ab eo, cui regimen ipsarum committitur, pro earum commissione ullum pretium exigatur. Vnde quisquis contra hoc decretum attentare præsumpserit, tam ille qui dederit, quam ille, qui receperit, vel consenserit, partem cum Simone non dubitet habiturum. Pro sepultura quoq; & Chrysmatis, & olei receptione, nulla cuiusquam pretij exactio attentetur: nec sub obtentu cuiusquam consuetudinis reatũ suum quis tueatur: quia diuturnitas temporis non diminuit peccata, sed auget.

PRo intelligentia c. inprimis ante oculos habendum, quod hinc colligitur statum religionis esse quid spirituale. Quandoquidem est status spiritualis perfectionis. Vnde si quid pro ingressu in religionem detur, est simonia. Quod autẽ, & quomodo religio sit status perfectionis, licet colligere ex ijs, quæ tradiderunt S. Thom. & eius Commentatores. 2. 2. q. 186. maximè art. 1. & seq. per totam

quæstionem. Et longè ante D. Chrysost. in tribus libris contra vituperatores vitæ monasticæ. Ioan. Cassian. in lib. de Institutis Cœnobiorum. Basil. S. August. & Benedictus in suis regulis. De quare Deo volente, & vita comite latissimè agemus in commentario super cap. 58. regulæ D. Benedicti.

Nota II. Simonia similiter committitur, siue à principio temporis institutionis aliquid temporale ex pacto detur, siue annua pars reddituum constituatur. Nam annua pars reddituum vtique est pretio æstimabilis.

Nota III. Iudex Ecclesiasticus, aut quicumque alius, ad quem de iure, vel consuetudine spectat committere regimen animarum, nihil temporale potest exigere pro commissione, aut decreto commissionis: cum commissio regiminis sit quid spirituale, procedens à potestate supernaturali, & tendens ad finem supernaturalem. Facit ad hoc text. ibi. pro earum commissione vllum pretium exigatur.

Nota IV. Tam recipiens temporale, quam dans, & consentiens, siue mediatores inuoluntur vitio simoniæ. Ad hoc inferuiunt tex. & DD. in cap. Per inquisitionem de elect. & c. cum super. de confessis. Et rectè quidem: Quandoquidem, vt dicit Florianus, si non esset qui reciperet, non esset qui daret, nec è contra: & agentes etiam & consentientes pari pœna constringuntur. cap. 1. de offic. deleg. & cap. Quanto. de sent. excommunicat.

Nota

Nota V. Nulla consuetudo excusat in simoniacis: & quo diuturnior, eo peior, quia temporis diuturnitas non diminuit, sed auget peccatum. Tanto enim grauiora sunt peccata, quanto diutius infœlicem animam detinent. allegatum cap. fin. de consuetud. & cap. Proximo.

Postremò cum Gloss. fin. Notandæ duæ bonæ theoricæ, & practicæ conficiendi instrumentum, quando aliqua puella in monialem recipitur. Primò vt non detur aliquid ex pacto, sed purè pro deuotione sua ipsa puella, vel eius pater offerat monasterio aliquid. Secunda, vt si hoc contingat ex defectu facultatis reddituū monasterij, per viam cuiusdam protestationis, siue intimationis, dicatur volenti intrare, vt secum aliquid portet, vnde possit viuere: non autem debet duci in pactum. Sed de his latius in q. i. horum cap. pertractabitur.

CAPVT IX.

Summatum est supra in cap. precedenti.

Ex Concilio Lateranensi.

Cum in Ecclesiæ corpore (& infra) Horribile nimis est, quod in quibusdam Ecclesijs locum venalitas perhibetur haberi, & vt pro Episcopis, vel Abbatibus, seu quibuscunque personis Ecclesiasticis ponendis in sedem, siue introducendis præsbyteris in Ecclesia, nec non & pro sepulturis, & exequijs mor-

tuorum, & benedictionibus nubentium, seu alijs sacramentis aliquid requiratur. Putant autem plures ex hoc licere, quia legem mortis de longa inualuisse consuetudine arbitrantur non attendentes, quod tanto grauiora sunt crimina, quanto diutius infelicem animam tenuerunt alligatam. Ne igitur hæc de cetero fiant, vel pro personis Ecclesiasticis deducendis sedem, vel sacerdotibus instituendis, aut sepeliendis mortuis, seu benedicendis nubentibus, seu alijs sacramentis, seu collatis aliquid exigatur, districtius prohibemus. Si quis autem contra hoc venire præsumpserit, portionem cum Giezi se nouerit habiturum.

Hoc cap. desumptum est ex Concilio Lateranensi sub Alexand. III. c. 7. & 8. His cap. simile ferè habetur in Synodò Romana c. 2. celebrata ab Innocen. II. insertū à Gratian. c. fin. i. q. 3. sub his verbis. Si quis præbendam, vel prioratum, seu decanatum, aut honorem, vel promotionem aliquam Ecclesiasticam, seu quodlibet sacramentum Ecclesiasticum, utpote Chrisma, vel oleum sanctum, & consecrationes altarium, vel Ecclesiarum interueniente execrabili ardore auaritie, per pecuniam comparauerit, honore malè acquisito careat, & emptor, atque venditor, & interuentor nota infamia percellantur: & nec pro pastu, nec sub obtentu alicuius consuetudinis, ante, vel post à quoquam aliquid exigatur, vel ipse dare præsumat, quoniam simoniacum est: sed liberè, & absque diminutione aliqua, collata sibi dignitate, atque beneficio perfruatur.

Notan-

Notandum secundo loco circa Gloss. in verbo benedictionibus nubentium, quod non est recepta quantū ad hoc, sed erronea: quod matrimonium non conferat gratiam, ideoque pro eo contrahendo possit accipi pecunia, licet non pro benedictione nuptiarum. Similis Gloss. est in d. cap. fin. & in cap. Alma mater, verb. Sacramentis, de sentent. excommunic. in 6. & Durand. in 4. d. 26. quæst. 3. etiam sentit matrimonium non esse causam gratiæ. Meminit & D. Bonavent. huius opinionis in eadem d. dum ait: quod quidam dixerunt, quod sacramentum istud non conferat gratiam, & ad auctoritatem dicentium sacramenta nouæ legis gratiam dare, responderunt hoc esse intelligendum de Sacramentis in noua lege institutis, & ita, ait, non esset remedium in efficaciam, sed per indulgentiam, non concupiscentiam minueret simpliciter, & secundum habitum, sed secundum indulgentiam, & actum, ita vt non vr̃at iuxta illud Pauli: Melius est nubere, quam vri. Porrò Glossæ opinio etiam rectè à Diuo Bonauentura confutatur, dum videtur innuere, quod benedictionis ratione, in matrimonio gratia detur: Primo quoniam benedictio illa est quid sacramentale, sacramentum autem est efficacius ad dandam gratiam, quam sacramentale. His accedit, quod benedictio non datur in secundis nuptijs: at in secundis

nuptijs matrimonium etiam est sacramentum, & causa gratiæ. Sed nunc non est in ea re dubium, propter Concilium Tridentinum, sess. 7. de sacramentis in genere. can. 6. 7. & 8. in quibus determinatur, omnia sacramenta nouæ legis continere gratiam, quam significant, eamque conferre non ponentibus obicem, & expressius in sess. 24. in principio, de matrimonio. can. 1. Quod etiam antea tradiderunt S. Thom. Bonauent. Richard. Paludan. & alij communiter in dist. 26. & Alphonsus Castrensis in lib. aduersus hæreses. verb. nuptiæ. & nunc eruditissimè probat Robertus Bellarmin. illustris Societatis Iesv illustrissimum lumen. tom. 2. controuers. & canonum periti. Præpositus, Cardinal. Hostien. & alij, in Rubrica, de sponsalibus. Ioannes Andreas in cap. 1. de sacra vnctione. Panormit. & alij quidam in hoc cap. Nauarr. in manuali confess. cap. 22. num. 20. Didac. Couarr. in epit. in 4. decretali de matrimo. part. 2. cap. 1. §. unico. num. 3. An autem, & quomodo sine simonia, pecunia in matrimonio dari possit, infra demonstrabitur.

III. Nomine sacramentorum aliquando largè omnia spiritualia, & sacramentalia intelliguntur, vt colligitur ex text. huius cap. abibenedictionibus nubentium, seu alijs sacramentis. Gloss. in cap. fin. 1. quæst. 3. Panormit. & Anton. in hoc capite.

QVÆSTIO II.

An & quomodo committatur simonia circa ingressum religionis?

Prima Conclusio. Pro ingressu religionis, & receptione ad statum monasticum, seu etiam ad habitum, accipere pecuniam, aut aliud quidpiam, temporali pretio dignum, est simonia. Hanc conclus. tenent omnes DD. Theologi, Iurisperiti, & Decretistæ. S. Thom. 2. 2. quæst. 100. art. 3. ad 4. & eius commentatores ibid. S. Antonin. 2. part. tit. 1. cap. 5. §. 18. Angel. in verb. Simonia 4. Syluest. Summa Pisancella. Aurea Armill. & alij in cod. verb. Latissimè. Dionysius Carthus. lib. 1. & 2. de simonia. qui libri habentur in tomo 1. suorum operum minorum. Dominicus Sotus lib. 9. de iustit. & iure. q. 6. art. ult. ad 4. Victoria in relect. de simonia. 2. part. num. 12. Canonum periti in can. allegandis. Cardinal. Alexandr. Archid. Turrecrem. & alij decretorum DD. 1. q. 2. c. Quam pio, & alibi. Nunc probatur conclusio in primis ex d. cap. Quam pio, quod quia pulchrum est, aptumque huic materiæ, placuit totum hic inferere. Est autem Bonifacij Papæ ad omnes Caralitane Ecclesiæ cœnobitas. *Quam pio, inquit, mentis affectu, fratres charissimi, vestra destitutioni Romana compatiatur Ecclesia, vobis fortassis est incognitum, sed cognitori omnium non incognitum habetur. Dubitationi autem vestra, quod ido-*

neum demus responsum, Deum testificor, ipsa quoque dubitatio me reddit anxium, & ineptum. Nusquam enim legimus Domini discipulos ministerio conuersos, quempiam ad Dei cultum aliquo muneris interuentu prouocasse, nisi fortè de pauperum alimento quis inconcinnè proponat: quorum nulli, cuiuscunque professionis esset; victualia negabantur. Scimus equidem, quod omne datum optimum, & omne donum perfectum desursum est, descendens à Patre luminum, à quo bona voluntatis donum accipit, qui sancto deliberationis arbitrio gratis Deo seruire disponit. Restat ergo, vt qui pro aliqua Ecclesiastica susceptione munus accipit, donum Dei, quod à Patre luminum descendere debuit, vendat: munus autem largiens importunus emat. Quid autem de diuini doni venditoribus, & emptoribus consequatur, concludi necesse non est. Cauete ergo fratres, quam sit ambiguum, quod petistis consilium: quod quidem secundum vestrae voluntatis propositum, nulla inuenimus ratione confirmatum. Veruntamen si vestra necessitati adeo est opportunus, quem reperistis, dum tamen omnis absit punctio, omnis cesset conuentio, nullaue vestra Ecclesia fiat distractio, accedat gratis, Deo seruire incipiat, suiue regiminis deuotè gestet obsequium: & postmodum vos, quasi subsidij gratia, aliqua sua Ecclesia munera largiri fratrum solatio Romana permittit Ecclesia. Hæc ibi.

Sunt etiam in hoc tit. multi can. d. c. non sanè. & infra cap. Veniens. & cap. de regularibus. & in Extrauag. Urbani V. in tit. de Simonia, quæ

quæ incipit, Sanè ne in vinea Domini. Ratio etiam est clara. Status Religionis est res spiritualis. Ergo non est licitum pro eo aliquid temporale soluere, à definitione simoniæ. Antecedens constat ex superioribus, & à nullo Catholico negari potest. Ad euitandam hanc in receptione ad religionem simoniam, Carthusiensis ordo districtum adhibuit statutum relatum à Dionysio Richel eiusdem professionis, lib. I. art. 16. in hunc modum. A nouitijs nec vestis, nec aliud exigatur. Si Prior exegerit, sit extra sedem quadraginta diebus, & totidem faciat abstinentias sine misericordia infra sex menses. Si procurator, vel alius exegerit, sit per quadraginta dies nouitius, & totidem in capitulo recipiat disciplinas Prioratum quoque prior, & procurationem procurator amittat, si eis scientiis exactio iam venerit ad effectum. Nul- lus etiam nostrum de rebus nouitij aliquid postulet, nec ad procurationem aliquam faciendam, nouitius instruatur ab aliquo nostrum. Insuper prohibemus vicarijs, & priorissis, atque conuentibus monialium, de cætero ne recipiant in sorores, nisi quot de bonis monasterij poterunt sine penuria sustentari, nec aliquam sub cuiuscunque com- modi velamine recipiant, donec locus vacauerit, nec propter munera, vel etiam promissa aliqua præsumant personam recipere, ne vitium committant Simonia.

Memo-

Memorable est & illud D. Hieronymi in sua regula, & in allatam à Dionysio in d. art. 16. Sic enim (ait Hieron.) Detestabilem hæresin simoniæ, quam communi prauitate diaboli, moniales assuetæ committunt, etiam in auditu horreat vestra societas. Giezi & Simonis vos terreat prauitas. Vox Petri Vicarij Christi nunquam exeat de auribus vestris: Pécunia tua tecum sit in perditionem, existimas enim donum Dei, haberi pecunia. Communis mercatorum vsus habet, vt venditio commutetur in melius. Asserit namque simoniacus pecuniam esse præstantiorem dono Dei, cum illud commutat in ipsam. Ad vos venientes sorores, ad Christi suscipite nuptias gratis. Præponatur sanctitas pecuniæ: exquiratur bonitas vitæ, non generositas carnis, non vtilitas mundi. Nulla omninò pactio, nulla opinio, æstimatio, seu intentio de pecunia danda præueniat, & receptionem præcedat, quæ pactio, siue opinio, puritatem mentis perturbat, &c. Hæc Hieron.

Dubium hoc in loco à DD. mouetur: An quando monasterium est ita tenue in redditibus, vt non sufficiat nisi pro certo numero, vltra quem plures cupiunt recipi, liceat recipere, aut exigere etiam ex pacto, pro sustentatione persona.

Dubium hoc maximè initium sumpsit à praxi monasteriorum quarundam monialium, quæ ante ingressum solent petere pro sustentatione, ex causa, quod non habeant necessaria

cessaria pro necessitate plurium. Dionysius Carthusianus lib. 1. & 2. de simonia latissime impugnat affirmantem partem. Allegat pro se summam Rosellæ. & S. Antonin. & supplementum. S. Antonin. autem 2. part. tit. 1. cap. 5. §. 18. nihil facit pro hac opinione. Dicit enim communem esse tutiorem, & penè omnium esse sententiam, quod pro ingressu monasterij de temporalibus nihil ex pacto liceat accipere, quod non est contra affirmantem sententiam, sed confirmat conclusionem supra positam. Sit ergo

Secunda Conclusio. Quando monasterium monialium est tenue in redditibus, nec potest plures sustentare, quam habeat, si plures petant ingressum, potest exigere tantum, etiam & ex pacto conuenire, quantum necessarium ad alimenta congrua, & necessaria statui persone, pro sua vocatione, modo adsit recta intentio cum significatione & protestatione, quod non accipiat, nisi pro sustentatione. Hæc est communis apud DD. & eam sequuntur 2. 2. quæst. 100. art. 3. ad 4. & in 4. d. 25. q. 2. art. 2. & ei adhærent in d. art. 3. Caietan. & Petrus de Aragon. ibidem. Gregor. de Valentia in ead. q. puncto 2. in 3. q. Franciscus de Victoria in 2. part. relect. de simonia. num. 12. qui fatetur esse communem. Dominicus Soto lib. 9. de iur. nat. & iure. quæst. 6. art. 2. ad 4. Angel. vir miraculis clarus in verb. Simonia 4. ait. Sed tu, inquit, in conscientia tene opinionem Thomæ in summa, quod pro ingressu monasterij non licet

licet aliquid recipere, vel exigere, quasi pretium, sed pro victu personæ recipiendæ licet aliquid recipere, si non sufficiant opes ad hoc monasterij. Deinde ex sententia Rod. adijcit, quod non est in hoc casu simoniacum pacisci, dummodo non fiat pro spiritualibus conferendis, sed pro expensis faciendis, vel recompensandis, & sic licet etiam exprimere nomina, & quantitatem muneris: & placet, inquit, Angelus mihi, quoad conscientiam. Summa Pisanella verb. Simonia 6. allegat etiam Raymund. & Guilhelm. dicentes, quod si recipiendus promittat annuatim in vita sua tantum pro expensis, non est illicitum. Syluest. in eodem verb. quæst. 15. qui allegatis pluribus alijs Doctoribus, vt Vlder. Tancred. Vincent. Raymund. & Hostiens. alijsque tandem concludit. *Et reuera si intentio sit pura, laudabile est exigere à volentibus ingredi victum, quando monasterium numerum maiorem non potest commodè sustentare, quia dilatatur Dei cultus, & seruorum eius numerus augetur.* Aurea Armilla in eodem verb. num. 50. Nauarr. in tract. de benefic. Ecclesiast. quæst. I. nu. 100. & in Apolog. eiusdem libri. monit. 84. qui testatur in Hispanijs hoc vsu receptum, & quod sic aut nunquam, aut difficilè sententia Dionysij approbabitur apud eos. Cosmus Philiaricus tom. 2. de offic. sacerdot. lib. 6. cap. 7. & alij alibi. *Pro huius Conclusionis maiori intelligentia obseruandum, quod status Religionis aliquo modo est similis*

similis statui clericatus, quantum ad receptionem, siue ingressum, & ad ius sustentationis. Ecclesia enim ita erga omnes caritate afficitur, quod cunctos muneri Ecclesiastico aptos, & vtilis vellet clericatu insignire, & ad ordines promouere, sed quia omnibus non potest prouidere de necessarijs ad victum, ac amictum ex beneficijs, admittit etiam alias idoneos modo habeant, vnde viuant, sicque ordinat habentes sufficiens patrimonium. Sic itidem Religio omnes personas idoneas volentes ingredi, libenter amplecteretur pro sua possibilitate, sed quia possessiones facultatesque monasterij non sufficiunt omnibus, expleto suo numero, alijs cupientibus ingredi significat, vt si viuere cum illis velint in religione, secum portent, vnde vitæ sustentandæ prouisum sit, & sic in receptione id, quod exigitur, & suppeditatur, non respicit religionis ingressum, sed ingredientium victum. Aptius ad propositum adferri potest simile de matrimonio carnali, à quo validum argumentum sumitur in ordine ad spirituale, id est, statum religionis, adeoque à pari procedunt cap. Sicut vir. 7. quæst. 1. Marsilius in singul. 215. incip. Validum est. num. 1. Iacobinus de S. Georgio in tract. feudorum. in verb. Qui quidem inuestiti præstiterunt iuramentum, &c. propè finem. cap. Tuæ. de spons. Ioann. Imolen. respect. Boërius in decis. 126. incip. & in dicto processu aliud fuit ortum dubium, &c. num. 12.

Andreas

Andreas Gaill. practic. obseruat. lib.2. obseruat.94. num. 16. In matrimonio considerari potest ratio sacramenti, vnioque personarum in Christo, & Ecclesia : & item onus matrimonij, scilicet sustentatio personæ, atq; prolium sequentium. Nihil autem quando duo contrahunt, soluitur pro sacramento, quia vtiq; simonia esset secundum communem Theologorum mentem. At pro onere matrimonij, & alimentis dos persoluitur, etiam ex pacto, conuentioneque, nec vlla, vt apud omnes constâtissima est confessio, simonia committitur. Eodem modo in matrimonio spirituali: quando in Christo quis nubit, status religionis est quid spirituale, pro quo qui pretium exigeret, aut solueret, simoniacus esset : at necessitate urgente dare aliquid pro necessaria sustentatione personæ, cum non sit quid spirituale, sed corporale, non est simoniacum, ideoque ad similitudinem carnalis matrimonij etiam dos appellatur, quod ad illum effectum præstatur. Hinc sollemnis est illa DD. sententia, quod subditi per collectas teneantur iuuare dominum suum, pro dotanda filia ingrediente religionem. Felin. in cap. Ecclesia S. Mariæ. colum.27. de constitut. Thom. Parpalea in l. Placet. num. 16. C. de sacrosancta Ecclesia. Guilhelmus Benedictus in cap. Raynutius, de Testament. in verb. Dotem, quam ei dederat. in princip.3. & 4.col. num.164. Albert. Brunus in tract. de statu fœminarum. art. 6. & 9.

6. & 9. principali. Boërius & Gaill. loco citato. Imò dos debetur ita intranti religionē, sicuti nubenti. Ex hac radice sumi potest iudicium de monasterijs quarundam monialium in nostris partibus, vbi moniales habent nudum victum, id est, cibum, & potum, & parentes, vel amici tenentur annuatim quid certi pro vestibus offerre, vbi talis consuetudo est, non erit simonia, si in initio ingressus fiat conventio, quantum singulis annis numerandum sit pro vestibus. Sicut enim ob inopiam monasterij poterit constitui certa, & sufficiens dos pro alimentis, scilicet victu, & vestitu: ita etiam quando monasterium ob grauamen, & egestatem, tantum est sufficiens ad præstandum cibum, & potum, non est inconueniens, quod certa dos pro vestibus constituatur: vestimenta enim sub alimentis continentur. l. legatis alimentis. ff. de verbor. significat. Sic qui tenetur præstare alimenta, etiam necessaria vestimenta haud denegare potest. Ex dictis infero cum Petro de Aragon. in 2. 2. S. Thomæ. q. 100. art. 3. circa solutionem ad 4. D. Thomæ argumentum, quod si persona esset debilis, aut varijs passionibus subiecta, aut clauda, aliasque inutilis ad vitæ, & vocationis monasterij actiones, possit plus exigi, quandoquidem cum maiori onere, curaque talis persona foret tractanda, & minus commodi monasterio accederet. Vbi enim sunt monasteria monialium, quæ solent infirmos visita-

I

re, &

re, & corporalia exercitia completere, quibus victum, & amictum lucrifaciant, cum facultates minimè eis sufficiant, exiguique sunt reditus, multo plus pro dote soluendum foret, si aliqua reciperetur clauda, aut complexionē tenera, quæ nec ad curam infirmorum, nec ad opera manuum apta esset, quam si alia corpore, constantique valetudine donata reciperetur, vel ad omnia munia subeunda prompta.

Argumenta contra prædictam Conclusionem hæc fieri possunt. Primum. ex extrauag. i. de simonia, vbi Urbanus V. seueram prohibitionem sub pœna excommunicationis, alijsque censuris cum reservatione, facit contra sic recipientes sub his verbis: *Districte inhihemus, ne tam à maribus, quam à mulieribus volentibus ingredi eorum religionem, Ecclesias, monasteria, prioratus, domos, seu loca, in earundem personarum receptione, aut ante, vel post illam quoscunque pastus, prandia, vel cœnas, pecunias, iocalia, aut res alias etiam ad vsum Ecclesiasticum, seu quemuis pium vsum alium deputata, vel deputanda directè, vel indirectè, petere, vel exigere quoquo modo præsumant: sed eas potius cum omnimoda pietate recipiant, ac in victu, & vestitu, sicut alias personas suarum Ecclesiarum, monasteriorum, &c. sincera charitate pertractent. Illa duntaxat, quæ personæ ipsæ ingredientēs purè, & spontè, & plena liberalitate, omniq; pactione cessante dare, vel offerre Ecclesijs,*

mona-

monasterijs, prioratibus, domibus, & locis huiusmodi voluerint, cum gratiarum actione licite recepturi. Deinde censuras fert contra facientes contrarium. Respondetur in primis ex mente S. Antonin. 3. part. tit. 24. c. 67. quem etiam referunt Felin. in cap. Quoniam. hoc tit. nec non Syluest. in verb. Excommunicatio 7. excommunic. 44. quod Martinus V. dixerit nolle hanc sententiam extendi ad moniales, & id dicit S. Antoninus se audiuisse à fide dignis. Clemens VII. etiam concessit, ut moniales nullam simoniæ pœnam incurrerent propter pacta, & conuentiones, quas contraherent in dotibus monialium, in commodum earum victum, ut habetur in compendio priuilegiorum. in verb. moniales. nu. vlt. prout Nauarr. testis est in manuali Confessar. cap. 27. num. 106. in declaratione 20. excommun. Secundo respondeo iuxta Nauarr. in dicto num. 100. & in monit. 84. cuitari illam simoniam, si dos monasterio pauperi detur, modo caueatur, ut moniales dantes suffragium, non incidant in aliquam simoniam, sed tantum dos necessaria sustentationi exigatur, idque cum numerus expletus est, nec monasterium potest ob inopiam plures assumere. Tercio, quod dicta extrauag. prohibeat huiusmodi, ne pro ingressu religionis aliquid accipiat, & sub alijs titulis simonia veletur. Si autem simpliciter pro victu accipiat, nihil impedit, quo minus sine simonia fieri possit, maximè,

maximè, quando consuetudo est antiqua, quæ tollere etiã videtur præsumptionem, quando monasterium tenue est in redditibus, pluresque sunt, quæ recipi desiderant. *Secundum argumentum in contrarium sumi potest ex c. Periculoso. §. Sanè vt hoc. de statu regular. in 6. vbi sic habetur*: Sanè vt hoc salutare statutum commodius valeat obseruari, districtius inhibemus, ne in monasterijs ordinum non mendicantium aliquæ recipiantur de cætero in sorores, nisi quot poterunt de ipsorum monasteriorum bonis, siue prouentibus absque penuria sustentari: si secus actum fuerit, irritum decernentes. Sic Bonifacius VIII. *Quod nunc nouo iure confirmatum est in Concil. Trident. sess. 25. cap. 3. de regularibus, ibi*: Is tantum numerus constituatur, ac in posterum conseruetur, qui vel ex redditibus proprijs monasteriorum, vel ex consuetis elemosynis commodè possit sustentari. Respondetur in primis d. Bonifacij constitutionem, quam Dionysius Carthusianus in corroborationem suæ sententiæ adducit, nihil facere ad fundandam suam intencionem, cum Pontifex non ibi statuatur aliquid contra simoniam, sed ratio eius prohibitionis sit, prout textus exprimit, & Glossa ibi recepta tradit, ne moniales propter inopiam cogantur exire clausuram, sicque legis intentio est, vt habeant unde uiuant, atque ita, prout etiam Syluester obseruat, facit pro conclusione, & non contra.

Secun-

Secundo dicitur cum Nauarro, quod ius tam antiquum, quam nouum exponendum in hunc sensum videatur, ne recipiantur indotata, vel cum damno, grauamineque aliarum, vel cum expensis monasterij. *Tertium argumentum ex cap. Quoniam infra hoc tit. vbi videtur omninò prohiberi, ne quid exigatur, etiamsi monasterium sit tenue, & in paupertate constitutum his verbis: Quoniam simoniaca labes, adeò plerasque moniales infecit, vt vix aliquas sine pretio recipiant in sorores, paupertatis prætextu volentes huiusmodi vitium palliare: ne id de cætero fiat, penitus prohibemus, &c.* Respondetur hoc cap. intelligendum, quando sub paupertatis prætextu fraus occultatur: vel secundum Hostien. & alios, quando spiritualia non offeruntur gratis, sed fit pactum de temporalibus ad spiritualia, id est, ad ius spirituale. *Quartum argumentum ex cap. Tua nos. infra hoc tit.* Simonia est, si quis clericus sua bona det Ecclesiæ cum conditione, & pacto, vt recipiatur in canonicum, illaque sibi retineat pro præbenda. Ergo etiam simonia esse videtur, si quis recipiatur in religiosum cum pacto, vt victum soluat. Responsio patere potest, ex solutione tertij argumenti in d. cap. Tua nos, Conferens sic temporalia facit pactum de temporalibus, ad spiritualia, in illo enim casu temporalia essent medium ordinatum ad consecutionem rei spiritualis, ideò tale pactum induceret aper-

tam simoniam: At in nostro casu nihil spirituale comparatur, sed victus, qui est quid temporale emitur. Illud tamen non est prætereundum circa dicta, quod quandoquidem regulariter coniuncta sunt, receptio ad religionem, & sustentatio, canones clamant contra eos, qui verè, aut præsumptiuè aliquid exigunt gratia receptionis, vt Syluester annotat. Si autem receptio ad habitum, & statum religionis, esset diuisa à sustentatione recepti, sicut olim aliqui religiosi recipiebantur ad habitum religionis in eremo, & tamen non erant obligati alimenta suppeditare recepto, sed tantum illum instruebant in via perfectionis: sicut Romanus recipiebat Beatum Benedictum, & Macharius duos adolescentes: tunc enim quæstio difficultatem non haberet: quin aperta esset simonia tunc aliquid exigere pro receptione, at nunc vt plurimum coniunguntur receptio ad habitum, professionemque monasticam, & sustentatio, licet per accidens quandoque contrarium accadat ob inopiam monasterij. Sed quæri potest, quæ ratio sit, cur moniales potius accipere pro sustentatione, quam religiosi possint. Cosmus Philarcus in d. cap. 7. respondet maximam esse differentiam, inter religiosos, & religiosas, quia religiosi cum possint de loco in locum transire, & non retineantur clausi, & in Episcoporum, curatorumq; auxilium populo seruiant, verbi Dei prædicatione, ac sacramentorumq;

rumq; administratione, non premuntur tanta necessitate, quanta moniales, quia semper in clausura retinentur, & sunt minus aptæ ad providendum sibi de necessarijs, atque etiam ob infirmitatem sexus, sine maximo animarum periculo nã possunt hominum frequentiori consuetudine uti. Quare his magis conceditur ad necessariam sustentationem, quando alias monasterium non est sufficiens ad congrua alimenta: acceptio autem temporalium pro victu: in monasterijs virorum arctius prohibetur, ob vehementiorem simoniæ præsumptionem.

Tertia Conclusio. Quando monasterium tam opulentum est, quod possit necessaria, congruaque alimenta omnibus præbere, quas recipit, non est licitum aliquid exigere ab eis. Hanc docent Sanctus Thom. 2. 2. quæst. 100. artic. 3. ad 4. & post eum eius commentatores ibidem. Angel. Sylvest. & alij vbi supra. Canonistæ in hoc cap. Nō satis, & communiter DD. Ratio est, Quia aduersatur sacris Canonibus, aut maxima auaritia omnium iudicio est, aut præsumptio vehemens simoniæ, cum nulla sit in hoc casu necessitas.

Quarta Conclusio. Exigere aliquid pro victu sustentationeque persone, quæ monasterium ingreditur opulentum, & sufficienter dotatum, ex sua natura non est simoniacum, sed speciem simoniæ habet.

Prima pars est contra multos DD. S. Tho. in 4. d. 25. quæst. 2. art. 2. ad 7. Paludan. ibid.

Hoftienf. Nauarr. & communem canonistarum ſententiam. Partem autem noſtram amplectuntur Sotus, & commentatores S. Thomæ loco cit. Sylueſt. verb. ſimonia. q. 15. diſt. 2. Philarcus, & communiter Theologi recentiores. Ratio eſt euidens. Si pro victu & ſuſtentatione perſonæ in monaſterio opulento ſimonicum eſſet accipere aliquid, ſimile etiam foret in paupere: Quandoquidem conditio monaſterij non facit, vt quod alias natura ſua non eſt ſimonicum, tale fiat. In ſimonia enim obiectum eſt ſpirituale, vbi ergo obiectum eſt quid temporale, non fit ſimonia conditione monaſterij; ſiue enim victus ematur à monaſterio diuite, ſiue à paupere, ſemper eſt res temporalis. Secunda pars ab omnibus vtriuſque facultatis doctõribus etiam recepta eſt. Nemo enim dubitat, quando monaſterio in temporalibus ſatis ſuperque prouiſum eſt, hoc titulo nihil accipi poſſe, ideoque propter coniunctionem ſtatus religionis, & ſuſtentationis, ſumma eſt præſumptio ſimoniæ: maximè cum canonica iura, cuiusque commentatores in eam ſententiam tendant. Atque ſic puto conciliari poſſe DD. in prima parte conſuſionis: Quod affirmantes intelligant eſſe ſimoniam, quantum ad præſumptionem, cum alia cauſa defendi non poſſit, nec alius titulus appareat accipiendi, quam pro ingreſſu religionis. Negantes autem in veritate, & natura rei, ſi alias intentio recta ſit, cenſeant

censeant non esse simoniam. Cosmus autem Philiarcus putat attendendam esse consuetudinem monasterij, si consuetudo sit, quod tunc petant, quando egent, & non petunt, quando non egent, cum non egent nihil petere possunt. Si autem consuetudo est, quod omnes secum certam eleemosynam pro earum victu portent, illam petere, & recipere possunt, etiamsi moniales non egeant, quia iusto titulo petunt, & accipiunt, & per accidens est, quod non egeant, idque eo magis eis licet, quia facile possunt ad paupertatem deuenire, cum tanquā mulieres, & clausæ ut plurimum ab illis, qui cum illis tractant, & à proprijs ministris decipiantur, & damificentur. Si autem consuetam eleemosynam volunt ante ingressum, aut in ingressu, est ad euitandas lites, & inimicitias. At si maiorem eleemosynam vellent ab ignobilibus, esset simonia: similiter si ex eo, quod moniales diuites sunt, vellent ampliores dotes, quam ratio victus exigat, esset simonia: quia hoc respicit ingressum: Sic ille auctor.

Quinta Conclusio. Quando in ingressu monasterij plus accipitur, quam necessarium sit personæ alendæ, simoniacum est. Hæc communiter à DD. recepta est. Excessus enim ille iam non potest palliari titulo sustentationis. Ergo simoniacus meritò præsumendus. Vnde Nauarr. in d. q. i. num. 101. de redditib. benefic. præmissis multis alijs concludit in hunc modum: Illud etiam

pro certo habeant (intelligit moniales) & animaduertant, quod si ex pacto aliquid accipiant vltra id, quod necessarium sustentationi monialis iudicio cordatorum censeatur, esse simoniacas. Nam ex pacto nihil aliud possunt accipere præter illud, quod alendæ moniali necessarium est, cumq; monasterium præ inopia non potest ei tribuere. Ex dictis infero cum Nauarro, quid dicendum ad prodigas illas expensas, & prophanos apparatus fieri solitos in multis monasterijs ex pacto tacito, vel expresso, dum vel ingrediuntur monasterium, vel professionem emittunt? Quid aliud moderatius, quam vt hæc vehementer interdiciantur, reprehendantur prout summa reprehensione digna sunt, reformentur, ac etiam in maioribus, quæ consensum, auctoritatemque interponunt, secundum regularem doctrinam puniantur. Quantæ enim dementiæ est sumptuosa conuiuia parare, epulari, comestationibus, voluptatibusque indulgere in gratiâ eius, qui iam aut moritur, aut ad mortem disponitur. Sed nunquid moritur mundo, aut ad mortem mundi disponitur, qui habitum religionis assumit, aut professionem emittit, funeralia ergo quasi morientis in luxu, voluptate carnali, & vana pompa complemus, dum tam carnaliter ingressum, aut professionem ingredientis, & profitentis celebramus. Etsi enim statum religionis assumens, professionemque solemnem faciens mundo moriatur, &

tur, & Christo viuat, ideoque potius gaudio magno res digna sit, quam deſlenda, tamen in ſpiritu potius gaudendum, quam in carnalibus illecebris, & inhoneſtis tripudijs exultandum. Sed quid vt plurimum ſequitur tam ſuperfluum, prophanumque apparatus, atque vanam lætitiā : punit non rarò Deus, quod homines carnales præ cæcitate nō vident, nec oculos aperire valēt, vt videant: extrema gaudij luctus occupant : filiæ, quæ tanta vanitate ingrediuntur, breui moleſtia religionis afficiuntur, aut in perpetua cruce viuunt, aut de apoſtaſia cogitant, aut ita in monaſterio vitam tranſigunt cum dedecore, vt monaſterio, parentibus, cognatis, & amicis infamiæ notam inurant, aut cum ſtatu religionis non ferat, vt omnia pro animi ſententia ſuccedant, incidunt in perpetuas deſolationes, phreneſim, apoplexiam, aliasque corporis infirmitates, quæ ex luxu, & concepta longa melancholia facilè contrahuntur : ita vt toto vitæ tempore ſint oneri alijs in monaſterio Deo famulantibus, & dolorem generent parentibus, & cognatis : hi fructus non rarò comitantur, vt experientia obſeruare poſſunt, qui rerū diuinarum, humanarumque euentus conſiderant, Nam paſſim in oculis ſimilia verſantur exēpla. Imò plerumque vt oculis videmus, & manibus palpamus, monaſteria (vbi tam inordinatus religionis eſt ingreſſus, magno cum omnium bonorum merore, qui
maio-

maiorum nostrorum munificentiam in Deo seruientes, & Christi pauperes imitantur, & ritè perspiciunt) in spiritualibus, ac temporalibus deficiunt, & ad nihilum tendunt. Sed hæc extra propositum: nunc filum interruptum connectamus.

*Dubium circa prædicta mouetur hic in cap. Non satis, circa regulas positas à Gloss. An sit simonia si testator dicat, lego, vel promitto monialibus talis monasterij, exempli gratia S. Catharinæ 200. aureos, si filiam meam Agnetem in sororem susceperint? Ioann. ab Anania, & Felin. hic. Duo in hoc dubio tanguntur. Primum vtrum tale legatum valeat? Secundum. An talis dispositio sit simoniaca? Quantum ad primum, tale legatum non valere docent Barthol. in l. Titio centum. §. i. ff. de condit. & demonstrat. Ioann. Imolen. & Angel. in l. Ille autem. ff. de hæredib. instituendis. Ioann. ab Anania in hoc cap. Non satis. Ratio eorum est, quia legatum sic relictum induceret simoniam. Quod tamen limitant Angel. Ioan. ab Anania. & Imolen. qui & sic interpretatur Barthol. nisi monasterium adeò tenue esset, quod non possit ingredientem sustentare, nisi secum adferret pro sustentatione: quam limitationem sine dubio illi Iurisperiti hauserunt ex doctrina S. Thomæ & aliorum Theologorum, quam supra collegimus. Qua occasione Barthol. & Imolen. censent legatum in hunc modum conceptum tenere: Si tale monasterium receperit talem
scilicet*

ſcilicet filiam meam in ſororem, relinquo ſibi tantum pro alimentis iuxta notata à Gloſſ. & Ioann. Andr. in d. cap. Non ſatis, & alijs ibidem. Quod & confirmat doctrinam ſupra traditam. Barthol. tamen in l. conditioni. nu. 2. C. de inſtitutionib. & ſubſtitutionib. item quærit. An valeat in matrimonio ſpirituali, ſi dicatur, Inſtituo monaſterium hæredem, ſi recipiat talem in monachum, & reſpondet breuiter, quod veritas ſit, quod conditio non valeat, ſed tanquam turpis reiſciatur, & inſtitutio remaneat pura, quia inuitare monaſterium ad recipiendum aliquem ſub ſpe lucri eſt ſimonia. d. cap. Non ſatis. Et cum hæc quæſtio, inquit, occuriſſet de factò, ſemel ita fuit conſultum per Doctorem Recuperum de ſancto Miniato, & ita ſenſimus nos omnes. Sic Barthol. allegat ad d. l. Ille autem. Bald. in l. vnica. colum. 8. q. 5. C. de his quæ pœnæ nomine, reprehendit Bartolum dicentem in d. l. & §. Titio centum, quod tale teſtamentum contineat ſimoniam: Imò, inquit, continet pietatem, & ita ſeruat conſuetudo. Quia tale legatum eſt ad pias cauſas: cum enim monaſterio ſit relictum, videtur factum pauperibus, & ſic non ſimonia, ſed eleemoſyna eſt, ideoque ſicut licet puellæ bona ſua dedicare tempore ingreſſus monaſterio: ita licet patri nomine puellæ, quaſi breui manu ſi videatur dare puellæ, & puella monaſterio. arg. ff. de donat. inter virum, & vxorem. l. 3. §. Sciendum. & l.

& l. mulier ibidem. & ff. si certum petatur. l. singularia. & sic Baldi etiam mens est in d. q. 5. quod si monasterium non velit talem recipere in sororem, non possint etiam petere legatum, quicquid Bartol. dicat in d. l. Conditioni. & alibi. Idem Baldus in l. i. statim à princip. C. de institut. & substitut. sub condit. factis latius respondet his verbis: Item est argumentum, quod valeat, si relinquatur monasterio sub conditione: Si berta recipietur in monialem; quanquam directè grauari non possit monasterium occasione institutionis, vel legati, vt aliquam in monialem, vel monachum recipiat, sicut non potest quis grauari, vt filiam adoptet. l. Vxorem. §. Hæres, vel legatarius. ff. de legat. 3. & subdit: Mihi non videtur ista similitudo bona, (tacitè carpit Bartol. & eius motiuum soluit allatum in dicto §. Hæres vel legatarius) & quod grauari possit fauore religionis, argum. ff. de relig. l. Sunt personæ. & ff. de vsufruct. l. locum. in princip. Nec est hic simonia, sed iudicij pietas: Cum tale relictum absque dubio sit relictum pro anima testatoris, & ad pias causas. Vnde cum non ad turpem causam referatur, sed ad piam, & honestam, debet officio Episcopi ad effectum perducì. ff. de annuis legat. l. Quintus. §. Pomponius: sicut testator iussisset monasterium fundari: nam certè in hoc includetur ibi monachos debere recipi. Nam non est monasterium nisi per monachos, & non est du-

est dubium, quod talis dispositio valet. cap. Nos quidem. de testam. & Authent. de Eccles. tit. §. Si quis oratorij domum. Sic Baldus. Mihi hæc postrema Baldi sententia placet, quod & legatum valeat, nec committatur simonia. Adijcitur enim legato, seu dispositioni honesta conditio, modo intentio sit recta. Quis enim nesciat similia sæpius fieri legata in testamentis ac vltimis voluntatibus, ac conferri eleemosynas adiectis conditionibus honestis, sine vlla simoniæ labe, vt exempli causa, lego tali Ecclesiæ 100. aut 200. aureos, vt singulis annis pro animæ meæ requie sex missas celebret, aut vt pro me dicant hæc, vel illas orationes, &c. sic enim disponentes non committunt vllam simoniam, nec etiam recipientes, prout rectè tradunt Scotus in quodlibet. 20. Gabriel super Canonem Missæ. lect. 28. Gerson in opusc. de solitudine Ecclesiasticorum ad fratres Celestinos. Syluest. in verb. Simonia. q. 9. dist. 6. & 7. DD. Canonum. & in cap. Significatum. de præbend. Et satis constat ex Concilio Tridentino sess. 25. cap. 4. de Reformat. & ex vsu totius Ecclesiæ, cui contradicere temerarium est. Debet tamen in huiusmodi legatis, eleemosynisq; faciendis recta esse intentio, vt assignentur pro sustentatione, & causâ excitante ad opera sua, & non tanquam pretia rerum spiritualium, quæ sub hominum æstimationem non cadunt.

Sexta Conclus. Non est illicitū si propter deuotionem,

tionem, quam aliquis erga monasterium ostendit, largas eleemosynas faciendo, facilius in monasterio recipiatur. S. Thom. 2. 2. q. 100. art. 3. ad 4. & post eum Angel. in verb. Simonia 4. Syluest. in d. q. 15. dicto 3. S. Antonin. 2. part. tit. 1. cap. 5. §. 18. Sotus lib. 9. de iustit. & iure. q. 6. art. 2. prope finem, & communiter DD. Ratio, quia sic nihil pro religionis ingressu accipitur, sed qui monasterio præfident, eleemosynis, & deuotione excitantur, mouenturque, vt faciliorem aditum præbeant, quod ratio naturalis æquitatis, & gratitudinis suadet; sicut etiam, prout idem S. Thomas adiungit, licitum est aliquem è conuerso prouocare ad deuotionem monasterij per temporalia beneficia, vt ex hoc inclinetur ad monasterij ingressum, licet non sit licitum ex pacto aliquid dare, vel recipere pro ingressu monasterij. 1. q. 2. cap. Quam pio, & idem S. Thom. 2. 2. q. 189. art. 9. quærens, Vtrum aliquis debeat alios inducere ad religionem intrandum, in corpore articuli, inter alia dicit, quod simoniace alium ad religionem trahere muneribus datis, prohibeatur d. cap. Quam pio. Non tamen (addit) ad hoc pertinet, si aliquis alicui pauperi necessaria subministret, in sæculo nutriens eum ad religionem, vel sine pacto aliqua munuscula tribuat, ad familiaritatem captandam.

Septima Conclusio. Qui inseruit Religiosis propter promissionem sibi factam, quod post certum tempus recipietur ad religionem, alias seruitutem non impen-

impensurus, simoniam committit. S. Antonin. loco cit. §. 19. Syluest. vbi supra. dict. 5. Pisanella in verb. simonia 6. & alij communiter in summis, ex d. cap. Quam pio. Nemo enim dubitat seruitutem esse rem temporalem pretio dignam. Quare si quis principaliter propter seruitutem cuperet recipi, & recipientes principaliter etiam intuitu seruitutis reciperent, simonia esset. Alia tamen ratio foret, si quis pro mercede inseruiret, & minus principaliter speraret, quod religiosi excitati eius fidei seruitute post aliquot annos eum recipient ad habitum.

Octaua Conclusio. Non est simonia, si alicui promittatur habitus, vel ingressus religionis post aliquem terminum prescriptum, puta biennium, vel triennium, si tamen interim didicerit talem artem, vel in scholis operam literis dederit. S. Antonin. Syluest. & alij communiter in summis. Ratio, quia sic promittere non est aliud, quam dicere, trademus tibi habitum, aut recipiemus te, si te idoneum reddideris ad nostrum institutum. Putat tamen S. Antonin. simoniam esse, si habeatur intentio ad lucrum temporale illius artis, quam addiscere debet. Syluest. rectè ait: hoc non esse verum, quia ad illud lucrum non potest haberi intentio, nisi mediante idoneitate ad quam haberi potest intentio: alioqui boni religiosi quotidie simoniam committerent, recipientes aliquos, qui sperant eos vtilis futuros religioni: Imò, vt hoc addam,

K

quis

quis dicet religiosos committere simoniam, si facilius eos recipiant, quos vtiliores aliquo artificio, industria, & labore, pro vsu monasterij prospexerint.

Nona Conclusio. Non est simonia dare aliquid in ingressu alicuius societatis, aut confraternitatis ex vi institutorum, aut promissionem facere de solutione alicuius certi annuatim pro eleemosynis, aut aliquibus expensis. S. Antonin. Pisanelia. Syluest. & Summistæ communiter. Ratio, quia huiusmodi confraternitas non est religio, nec verè meretur nomen religionis, sed est quædam congregatio ad bona opera faciendâ, ad conueniendum certo tempore pro tractatu pertinentium ad salutem animarum, & dispositione rerum agendarum, quod bonum & laudabile est. argum. cap. Si quis despicit. dist. 42. Solet autem aliquando pecunia, quæ sic annuatim in talibus congregationibus contribuitur, impendi in vsus pauperum, aut in redemptionem captiuorum. Quidam tamen existimant tutius fore, vt huiusmodi statuta fiant sub affirmatiua forma, exempli gratia: Qui tantum dederit, recipietur in confratrem, & non sub negatiua, verbi gratia, Nullus admittetur in fraternitatem hanc, qui non soluerit tantum.

Dubium hic occurrit. Nunquid scholaris pecunia procurans sibi locum, aut ingressum in collegium: aut pro pecunia si quis suo loco in

co in collegio renunciaret in gratiam alterius: exempli gratia, est aliquis in tali collegio, qui locum suum relinquere cogitat, est aliquis, qui appetit; prior antequam renunciaret, conuenit pro pecunia cum secundo, ut renunciaret in eius fauorem; impetrato tamen consensu eorum, ad quos spectat recipere, & admittere, tacita tamen procurata per pecuniam renunciatione, committat simoniam? Nauarrus libro 5. consil. in titu. de simonia. consil. 47. consultus mouet, & respondet de renunciantibus per pecuniam suo loco. *Primo. An huiusmodi sic vendentes committant simoniam cum pœnis extrauag. 2. de simonia? Secundo. Cui pecunia restituenda, si quæ accepta sit, & restituenda?* Ad primam quæstionem respondet quod admittunt simoniam, quoniam loca illa, siue sodalitia, aut collegia, licet non sint spiritualia, videntur tamen eis annexa, sicut ius patronatus Ecclesiasticum, de quo in capite Quanto. de iudic. & capite Cum secundum. de iure patronatus. Secundo, non videntur incurrere excommunicationem latam in dicta extrauag. quia illa solum fertur contra simoniacos in ordine, & beneficio Ecclesiastico, secundum communem sententiam, præfata autem loca, siue sodalitia non sunt beneficia Ecclesiastica, & ita sicut emens, aut vendens ius patronatus, quamuis simoniam committeret, non incideret tamen in illam excom-

municationem : sic nec etiam vendentes , aut
ementes huiusmodi loca. *Ad secundam quaestio-*
nem respondet primo, quod illa pecunia non est
necessario restituenda collegio, pro cuius so-
dalitio accipitur, quamuis pecunia pro bene-
ficio accepta, Ecclesiæ, cui iniuria facta est sit
restituenda. per text. in cap. De hoc. de simo-
nia. Secundo de rigore iuris non tenentur
etiam illis restituere, à quibus eam accepe-
runt, quia turpiter datum, turpiterque accep-
tum non est necessario restituendum danti,
iuxta regulā, In pari delicto, vel causa melior
est conditio possidentis. de reg. iuris in 6. Ter-
tio secundum communem opinionem est re-
stituendum pauperibus, quod tamen non
præcepti, sed consilij est. Satisfaciet ergo dan-
do pauperibus, vel ei, à quo accepit, nisi con-
donationem ab eodem obtinuerit. Quan-
tum ad primam illam determinationē, quod
sic renunciantes ob pecuniam acceptam suis
locis, simoniam committant, vehementissi-
mè dubito, nisi intelligatur quæstio de colle-
gijs iuxta distinctionem, & moderationem
infra datam, quia nec sunt spiritualia, vt ipse-
met Nauarr. admittit, nec videntur spirituali-
bus sufficienter annexa, ad inducendam simo-
niam, quamuis idem D. contrarium suppo-
nat, neutiquam tamen probat. Nec antece-
denter, nec consequenter huiusmodi loca
sunt spiritualibus annexa, vnde non valet ar-
gumentum sumptum à iure patronatus Ec-
clesia-

clesiasticos, est enim illud separatum, dissimileque ab horum collegiorum loco: à separatistis autem non fit illatio. l. Papinianus. ff. de maioribus. Huiusmodi enim collegia non sunt aliud, quam quædam loca à pijs hominibus instituta, ad alendos pauperes studiosos, qui eruditi in doctrina, pietate, & moribus, promouentur vel ad statum Ecclesiasticum, vel ciuilem, prout id vel institutione fundatorum, vel approbatione præsidentium cautum est: non enim ij, qui in collegijs erudiuntur, vt plurimum aliquem statum assument per receptionem in collegia, & talia sodalitia, sed disponuntur vt apti fiant ad alicuius status assumptionem. Magis etiam institutum nostrum confirmat, quod in receptione ad quædam collegia in quibusdā locis pecunia quædam à recipiendis accipitur ex conuentione, eò quod prouentus non sufficiant pro integra, & sufficienti sustentatione. Imò etiam in quibusdam locis diuites non admittuntur, nisi per omnia de expensis respondeant: Quod conforme est ordinationi, & dispositioni Concilij Tridentini. sess. 23. cap. 18. in decret. de reformat. dum ordinat collegium instituendum ad informandos pueros, in quo pauperum filios præcipuè eligi vult, nec tamen ditiorum excludit, modo suo sumptu alantur, & studium præseferant Deo, & Ecclesiæ seruiendi: Facit postremo, quod huiusmodi collegia non videntur magis annexa spiritualibus,

bus, quam confraternitates, & sodalitia. de quibus supra: sed hæc non sunt materia simoniæ, prout ex DD. communiter ostensum est. Nauarri resolutio vera esset, si collegia, seu sodalitia, de quibus loquitur sint talia, qualia seminaria clericorum. Concilium Tridentinum sess. 23. c. 6. appellat: de quibus & in dicto cap. 18. Si enim collegia, siue etiam sodalitia, aut seminaria forent clericorum, ad quorum ingressum, assumptionemque ex erectione, donatione, ac institutione clericalis tonsura, & habitus requirerentur, simoniacum foret huiusmodi loca, vel pecunia acquirere, vel pro pecunia resignare. Non tamen tunc huiusmodi loca essent spiritualibus annexa, prout ius patronatus, sed magis accederent ad naturam beneficiorum, quæ ius canonicum, & Doctores appellant præstimonialia. capite fin. de concess. præbend. in 6. Oldrad. in concil. 81. & 140. Anton. in cap. postulasti. de rescript. Frideric. in tract. de permutat. quæst. 9. & alij alibi. quæ sunt instituta ad alendos clericos in studijs literarum, nec nisi à clericis possunt obtineri, quemadmodum omnia beneficia Ecclesiastica, in possessione ad capacitatem prærequirunt clericalem tonsuram, & ita Concilium Tridentinum innuit aliud seminarium, siue collegium clericorum, quorum institutio tendit ad informationem clericorum in scientia, moribus, & disciplina, ministrisque

rijsque Ecclesiasticis. In beneficia autem præstimonialia simoniam cadere docent Sotus lib. 9. de iustit. & iure. quæst. 7. art. 1. Petrus de Aragon. in 2.2. S. Thom. quæst. 100. art. 4. & post eos recentiores Theologi. Panormit. in consil. 47. volum. 2. nec mirum, cum beneficijs Ecclesiasticis annumerentur. in dicto capite fin. de concess. præbend. in 6. Panormitanus in dicto consil. Oldrad. loco cit. Rebuff. in praxi benefic. non longè à princip. in cap. Sæculare beneficium quotuplex. num. 16. Nauarr. in tract. de oratione, & hor. canonic. cap. 21. num. 9. qui attestatur inter omnes conuenire præstimonia esse beneficia Ecclesiastica. Gemin. Franc. & alij in dicto cap. fin. dum annotant, nomine beneficiorum Ecclesiasticorum comprehendi omnia ibi enumerata.

QVÆSTIO II.

An & quomodo in pensiones simonia cadat?

QVoniam Cardinal. Panormitan. Anton. & alij hic circa finem cap. Non satis mentionem faciunt constitutionis pensionis super beneficijs Ecclesiasticis, aliquid latius pro ignorantium instructione

adiungendum. Quandoquidem multis in beneficiorum materia pensionis nomen incognitum est. Alijs verò, qui in Romana curia versantur, Ecclesiasticaque bona venantur notissimum.

Pensio hoc in loco dicitur à verbo pendeo, quia formaliter à beneficio, à quo detrahitur, depēdet: sicut vsusfructus à proprietate. Martin. Lauden. & Cardinal. in Clem. 1. de supplenda neglig. prælat. §. Eadem. Caccialup. in tract. de pensionib. q. 2.

Pensio communiter definitur à DD. quod sit certa portio fructuum ex aliqua mensa, vel beneficio ex causa ad tempus separata. Sic Cardin. & Imolen. in Clem. 1. de supplenda neglig. prælat. Felin. in cap. Ad audientiam. 2. de rescript. Ioan. Caccialupus in tract. de pensionib. qui habetur in Oceano iuris. volum. 2. in antiquiorib. Hieron. Gigas in tract. de eadem materia, & alij alibi. Hanc definitionem ab alijs receptam Martin. Nauarr. lib. 3. consil. in tit. de præbend. consil. 52. incip. Quæritur an pensio legitimè constituta, &c. à num. 6. impugnat in modum qui sequitur. Definitio posita non est bona: quia non conuertitur cum suo definito, vt debet conuerti. l. 1. ff. de dolo, & contum. & not. Bart. in l. 1. ff. de testam. conuenit enim illa multis, quibus non conuenit definitum, quia conuenit omnibus stipendijs, quæ constituuntur ex mensa Ecclesie, vel de fructibus beneficiorum ad tempus

pus quibuscunque etiam laicis, cuiuscunque sexus, qualitatibus, artis, & officij fuerint ob benemerita, vel ob aliquid officium in Ecclesiæ obsequium exercendum; quale habent sacristæ, campanarij, latomi, & fœminæ curantes infirmos in hospitalibus beneficijs annexis, & cantores, bedelli, alijq; similes, quibus non conuenit definitum, scilicet pensio Ecclesiastica beneficalis, de qua hic sermo est: & sic refert se bonam dare in manuali confess. cap. 23. num. III. in quo dicit, quod pensio non est beneficium nec portio fructuum eius, sed ius non temporarium, sed spirituale, aut illi annexum, non antecedenter, vt ius patronatus, sed dependenter, aut consequenter instar beneficij, & subinde non potest magis, imò minus emi, vel vendi, quam ius patronatus. *Obserua.* Quod Nauarr. in loco manual. cit. mentionem facit Commentarij cap. fin. de simonia, qui non habetur inter opera ad nos delata, & videtur non prodijisse: quandoquidem in d. consil. nullam mentionem facit. d. comment. & in manuali refert, se pro defensione dictæ definitionis, ad comment. cap. fin. Consilia autem postremo loco sunt edita, & collecta, vt patet ex editionis Romanæ primæ de Anno Domini 1590. præfatione D. Martini de Araya ad Lectorem.

Pensio non est propriè beneficium Ecclesiasticum, vt ex eius definitione colligitur, & DD. tradunt. Caieta. in tract. 17. respons. Do-

minic. Sotus lib. 9. de iustit. & iure. quæst. 9.
art. 2. prope finem. Baldus in cap. Ad audien-
tiam. de rescript. & post alios plures Caccia-
lup. in quæst. 12. Dominic. & Archidiac. in
cap. Quamuis. 1. de præbend. in 6. Nauarr. lo-
co cit. & alij communiter. Hinc rectè Na-
uarr. infert, quod committens simoniam in
emptione, aut venditione pensionis, non in-
currit excommunicationem ipso iure latam
in extrauag. 2. de simonia. Quia illa solum ex-
communicat simoniacum in ordine, & bene-
ficio, quorum neutrum est pensio, & ideo illa
constitutio tanquam pœnalis restringenda.
Non ergo beneficij appellatione intelligitur
pensio, præsertim in dispositione pœnali.

De consuetudine, & praxi Romanæ curiæ,
regulariter solus Pontifex nunc, potest con-
stituere pensiones. Nauarr. in dicto consil. 52,
Sot. Petrus de Aragon. Gregor. de Valentia,
& alij Theologi. & sic dicit Rebuff. in praxi
benef. part. 1. in cap. de reservationibus tam
generalibus, quam specialibus. num. 29. quod
nec hodie Episcopi constituent pensiones, eo
quod ex non usu, amissa est in hoc, eorum po-
testas. quod non fuisset, inquit, si ignari illius
non fuissent, & ea usi: sed ignorantia eos,
vt nunc multos longo tempore tenuit, at-
que ita antiquiores Doctores iuris, qui pen-
sionum mentionem faciunt, & dicunt Epi-
scopos posse imponere, intelliguntur de iure,
& non de facto. Merito enim potestas im-
ponendi

ponendi pensiones Pontifici reſeruatur, cum ipſe plenariam habeat poteſtatem diſponendi ſuper beneficijs Eccleſiaſticis, eorumque fructibus. cap.2. de præbend. lib.6. ex quo capite etiam prouenit, quod ipſe etiam ſine conſenſu patronorum laicorum poſſit penſionem imponere beneficijs iuris patronatus, vt docet Rebuff. in 3. part. ſignaturæ. num.28. Expedi etiam hoc Eccleſiæ vniuerſali: ſi enim omnibus Episcopis competeret conſtituere penſiones, Eccleſiaſtici præſertim pauperiores ſupprimerentur, & multi miniſtri Eccleſiæ miſerè viuerent. Diuites & potentes ob facilem acceſſum Episcoporum, & importunas preces, facilè ſuper quibuſcunque beneficijs penſiones impetrarent, in maximum grauamen Eccleſiæ, cauſas fingent, vbi non ſuſſisterent, & maxima conſuſio in Eccleſia oriretur. Quo enim rariores ſunt huiuſmodi penſiones, eo melius ſe habet Eccleſia. Inceperunt enim eo tempore, quo maximè Eccleſiaſtici in pietate, moribus, & Eccleſiaſtica diſciplina ceperunt deficere. Dictum, quod (regulariter) ſolus Pontifex conſtituit penſiones, Quia Concil. Trident. in ſeſſione 21. in decreto de reformat. capite 6. committit Episcopis, tanquam Apoſtolici Sedis legatis, vt ſi aliquis rector parochialis Eccleſiæ, propter imperiti- am, ſit minus aptus ad curam, modo alias honeſtæ vitæ ſit, eidem pro tempore coadiutorem, ſive

siue vicarium adiungant, assignata ei sufficienti parte fructuum pro sustentatione, quod non est aliud, quam impositio pensionis. Similis esse potest ratio, si pastor parochiæ ad tantam deueniat senectutem, aut in tantam labatur infirmitatem, quod nequeat onera, curamque suæ Ecclesiæ portare, ac perficere, tunc etiam Episcopus posset tali adiungere ad tempus vicarium, siue idoneum sacellanium, cui ex consequenti etiam necessarium foret assignare pensionem, vel portionem fructuum, de fructibus curæ eius, cui inseruiret pro necessaria sustentatione. Dignus est enim operarius mercede sua, & nemo suis stipendijs alteri militat, atque hæc latius patent per ea, quæ asserunt Felin. in cap. ad audientiam. de rescript. Caccialup. post alios in quæst. 4. de pensionib.

Pensiones quædam imponuntur ad tempus, vt donec alicui prouideatur de beneficio Ecclesiastico, iuxta Hostien. in cap. Cum essent. hoc tit. aut quamdiu tali muneri prælegendi vatauerit. Aliæ ad totam vitam ipsius pensionarij. Aliquando non personis, sed loco fit pensionis impositio, vt talis exempli gratia Abbatia Episcopo talis Ecclesiæ N. semper soluet pensionem 3000. milium aureorum: tunc enim pensio foret perpetua, & ob perpetuitatem indueret quasi naturam beneficij Ecclesiastici: vt constat ex definitione pensionis supra assignata, quæ tantum com-
prehen-

prehendit pensionem ad tempus, & vitam, & non perpetuam: quia videlicet hæc beneficium censeatur.

Ad licitam, & iustam pensionis constitutionem rationabilis aliqua causa requiritur, secundum communē DD. sententiam. Causæ autem iustæ, & rationabiles hæc censi possunt. *Prima causa* est, bonum pacis, quando beneficium est litigiosum, utpote duo habent litem super aliquo beneficio, ad cuius compositionem auctoritate iudicis constituitur, ut unus cedat alteri constituta aliqua pensione. argum. cap. Nisi essent. de præbend. *Secunda*, quando aliquis iam pluribus annis inseruiuit Ecclesiæ in aliqua dignitate, vel beneficio, & tunc eandem, vel idem resignat, tunc ne nimium damnum patiatur, eidem pensio potest reseruari. cap. Super hoc de renunciat. *Tertia causa* est inæqualitas reddituum in permutationibus, quando vnum est notabiliter pinguius altero: tunc super maiori in redditibus auctoritate Papæ potest constitui pensio, ad inducendam æqualitatem. argum. cap. ad quæstiones. & ibi notat. per DD. de rerum permutat. & ait Rebuff. in praxi benefic. i. par. in tit. de reseruat. tam general. quam specialib. num. 23. quod in his tribus casibus pensio in Francia tantum est approbata in pecunia. *Quarta*. Quando inopia alicuius Ecclesiæ, iuuatur abundantia alterius; Exempli gratia. Vna Abbatia habet in redditibus viginti millia aureo-

aureorum, ita vt fortè supersint, deductis necessarijs pro Abbate, & conuentu octo milia, est in eadem diocœsi Episcopatus, qui vix mille habet, nec est sufficiens ad consecrationem Episcopalis dignitatis, auctoritate Pontificis potest imponi pensio super tali Abbatia ad subueniendum Episcopo. Ad propositum faciunt cap. Cum venisset. de restitut. spoliat. & cap. auaritiæ. de præbend. & ibid. annotata à DD. *Quinta causa est sustentatio eorum, qui senio, aut infirmitate confecti amplius laborare non possunt.* argum. c. Quamuis. 7. quæst. 1. ex B. Gregor. lib. II. epist. 7. vbi decernit, vt Episcopo infirmitate capitis, & mentis alienatione laboranti alius substitutur, & quousq; infirmum Episcopum in hoc sæculo vita tenuerit, sumptus ei debiti de eadem Ecclesia ministrentur. *Sexta est, sustentatio eorum, qui adhibentur in auxilium Episcopis, aut alijs in dignitatibus constitutis:* his enim prouidere potest Pontifex impositione pensionis supra Episcopatu: sic hoc tempore à Pontifice cum consensu Episcopi, & capituli assignatur pensio ex stylo curiæ Episcopis titularibus, siue suffraganeis super mensa eius Episcopi, qui eos in coadiutores, & auxiliares eligunt. *Septima & vltima causa est promotio rei Ecclesiasticæ tam in spiritualibus, quam temporalibus, vt quando aliqua persona eruditione præstans, & vitæ innocentia clarus egregiam nauat operam in negotio fidei, aut*

conci-

concilio contra Hæreticos: Aut sæcularis vir fortitudine, & industria plurimum pollens, strenuum se exhibet militem in propulsandis hostibus Ecclesiæ, aut summam prudentiam, continuam peruigilantiam, atque indefessam curam cum maxima rerum suarum iactura impendit in compositione pacis alicuius magni momenti inter Christianos Principes: & de similibus simile est iudicium. Si modo ita sint causæ ordinatæ, vt in bonum vniuersalis Ecclesiæ, & commodum Christianæ Reipub. cedant. Quando autem in priuatam aliquorum vtilitatem diriguntur, vt domini magni, & Principes tam Ecclesiastici, quam sæculares nepotulos suos coronent, opibus augeant, aut obsequia suorum familiarium præmio compensent, aut eos à ministerio promptiores, & in mercede mitiores sentiant, grauissimè peccatur, & bona Ecclesiæ, patrimoniumq; Christi miserè dissipantur, infideliterque administrantur.

Iusta moderataque quantum ad quantitatem ea pensio censetur, qua exacta, persolutaque tantum beneficio relinquitur in fructibus, & emolumentis, vt commodè, & decenter possit beneficij possessor viuere, onera beneficij supportare, & iura Episcopalia persolvere. argum. cap. de monachis. cap. vacante. cap. extirpandæ in princip. de præbend. & c. 1. de censib. Qua de causa Concil. Trident. sess. 24. cap. 13. disponit, vt omnes Cathedrales Ecclesiæ,

clesiæ, quarum redditus summam ducatorum mille, & parochiales, quæ summam ducatorum centum non excedunt, nullis pensionibus, aut reservationibus fructuum grauentur. Quando autem pensio immoderata foret imposita, ita vt beneficiarius ea persoluta congruam sustentationem non haberet, tunc beneficiarius potest Pontifici supplicare pro moderatione, & reformatione: quia quando priuilegium incipit esse damnosum, debet deduci ad debitum statum. cap. suggestum. de decim. De hac moderatione, & reductione latius Caccialup. de pensionib. q. 24. & Rebuff. loco cit. Hinc si post impositam pensionem aliqua Abbatia, super qua pensio imposita esset, incendio, aut hostium inuasionem, aut bonorum monasterij violenta occupatione, ad tenuiorem deueniret fortunam, aut redditus ita diminuerentur, quod non sufficerent ad sustentationem Abbatis, & conuentus, & ad solitam pauperum eleemosynam, peregrinorumque susceptionem, Abbas possit à Pontifice petere diminutionem, aut totalem pensionis amotionem, pro statu damni illati, & diminutione fructuum. argum. cap. propter sterilitatem. de locato. l. licet. C. locati. & l. Si merces. §. vis maior. ff. eod. Ratio etiam huius rei est euident. Pensiones imponuntur habito respectu ad fructus dignitatum, & beneficiorum, & eo attento, ne egcant, sed commodam sustentationem habeant

beant possessores dignitatum, atque beneficiorum, atque onera solita supportare queant. Si ergo fructus tollantur, & Abbatia in facultatibus temporum iniuria patiatur, aut hostium violenta irruptione, aut bonorum occupatione, necessario venit moderanda, aut omninò tollenda etiam pensio, pro rata dam-
norum.

Et si pensionarius antiquo iure ratione pensionis ad nullum fuit obligatus diuinum officium persoluendum, tamē nunc iure nouo, quicumque pensionem vt clericus percipit, tenetur ad dicendum officium paruum B. Mariæ Virginis: Quod si non fecerit, manet obnoxius restitutioni fructuum, quos in pensione recepit, iuxta formam traditam à Pio V. in motu proprio, qui habetur in bullario suarum constitutionum, & est in ordine 138. & sic de verbo ad verbum se habet.

Pius Episcopus seruus seruorum Dei, ad perpetuam rei memoriam. Ex proximo Lateranensi Concilio salubris sanctio emanauit, vt quicumque habens beneficium Ecclesiasticum, cum cura, & sine cura, si post sex menses, quam illud obtinuerit, diuinum officium, legitimo cessante impedimento non dixerit, beneficiorum suorum fructus pro rata omissionis officij, & temporis suos non faciat, sed eos tanquam iniuste perceptos in fabricas ipsorum beneficiorum, vel pauperum eleemosynas erogare teneatur. Veruntamen multorum animi suspensione tenentur, cuiusmodi rata prædicta ratio sit habenda. Nos huic rei
L *euiden-*

euiuentius, atq; expressius prouidere volentes, statuimus, vt qui horas omnes canonicas, vno, vel pluribus diebus intermiserit, omnes beneficij, vel beneficiorum suorum fructus, qui illi, vel illis diebus responderent, si quotidie diuiderentur: qui verò matutinum tantum, dimidiam, qui ceteras omnes horas, aliam dimidiam, qui harum singulas, sextam partē fructuum eiusdem diei amittat: tamen si aliquis choro addictus non recitatis omnibus horis canonicis, cum alijs præsens adsit, fructusq; & distributiones fortè aliter assignatas, sola præsentia, iuxta statuta consuetudinem, fundationem, vel alias sibi lucrificasse pretendat, id etiam præter fructuum, & distributionum amissionem: Item ille, qui primis sex mensibus officium non dixerit, nisi legitimum impedimentum ipsum excusauerit, graue peccatum intelligat admisisse. Declarantes præstimonia, præstimoniales portiones, & qualiacunq; alia beneficia, etiam nullum omnino seruitium habentia obtinentes, cum prædictis pariter contineri. At quicumque pensionem, fructus, aut alias res Ecclesiasticas vt clericus percipit, eum modo prædicto ad dicendum officium, paruum B. Mariae Virginis decernimus obligatum, & pensionum, fructuum, rerumque ipsarum amissioni obnoxium. Nulli ergo hominum liceat hanc paginam nostrorum statuti, declarationis, & decreti infringere, vel ei ausu temerario contraire. Si quis autem hoc attentare præsumpserit indignationem Dei omnipotentis, ac Beatorum Petri, & Pauli Apostolorū eius se nouerit incursurum. Dat. Romæ apud S. Petrum. Anno Incarnationis

Domi-

Dominica Millesimo, quingentesimo, septuagesimo primo, duodecimo Kalend. Octob. Pontificatus nostri Anno primo. Atque ob hanc Pontificis constitutionem, nunc communiter DD. tradunt pensionarios esse obligatos ad Officium B. Virginis. Nauarr. in Manual. Confess. cap. 2. num. 108. & 122. & in Enchirid. de orat. & Horis Canonic. cap. 21. num. 10. & lib. 3. consil. in tit. de præbend. consil. 54. & alibi. Petr. de Aragon. in 2.2. D. Thom. q. 100. art. 4. Gregor. de Valent. etiam in 2.2. disputat. 6. q. 2. punct. 10. in q. Qui teneantur legere horas Canonicas. Cosmus Philiar. Florent. lib. 6. ca. 3. tom. 2. de offic. sacerdot. Petrus à Nauarr. lib. 2. de restitut. c. 2. num. 172. Bartol. Medin. lib. 1. Institut. c. 14. §. 11. & post alios plures Henricus Henriquez Theologus Societatis IESV, & professor Salmanticensis tom. 1. Theologiæ moralis. lib. 13. c. 13. §. 2. & attestatur dictum (motum proprium) esse receptum in praxi: vt Salmantica fatentur Iurisperiti & multi ex Theologis, quamuis à principio istius proprii motus Archiepiscopus Guerrer. Simanc. & quidam Theologi putauerint expedire, contēderintq; ne in praxi admitteretur: sed certè ille fuit ausus temerarius. arg. eorum, quæ in fine bullæ adijciuntur, & eorum sententia meritò venit reiijcienda. Notanda etiā verba Pontificis in d. Bulla, dū limitat de percipiētibus pensionem, ad eos, qui percipiunt vt clerici. Quia q. fructus, aut redditus pensiones percipiunt titulo merè

ſæculari; vtpote propter res fortiter, præclareque geſtas in bello, contra Eccleſiæ hoſtes; Hi neque etiam ad horas B. Virginis obligantur, ſicuti nec etiam ad tonſuram, & clericalitatem. Præterea Sotus, alijque qui ſcripſerunt ante d. conſtitutionem, aſſerunt penſiones habentes, ad nullum obligatos eſſe officium: cum beneficium non poſſideant ipſi, ſed beneficiarij: Id tum verum fuit, cum aliud iure non fuerit cautum. At Pius V. nouo iure id de horis B. Virginis, quantum ad penſionarios, introduxit.

Qui penſiones percipit vt clericus, ſi matrimonium contrahat, amittit penſionem, prout tradunt Couarr. 2. part. de matrimon. c. 6. §. 3. num. 7. Hieron. Gigas de penſionib. q. 54. Nauarr. in d. tractat. de orat. cap. 21. num. 53. Henriquez loco cit. & alij alibi. Et ſic Romanæ Curiaſ ſtylus, qui ius facit. cap. graui. de crimine falſi, obtinuit, & adhuc obtinet, quod penſiones per contractum matrimonij vacent, vt etiam Nauarr. & Couarr. atteſtantur. Et addidi (qui penſiones percipit, vt clericus) Quia quando à Pontifice alicui merè laico pro deſenſione Eccleſiæ benè geſta conceduntur, contrahens matrimonium, eas non amittit. Eadem ratio eſſe poſſet, ſi de mente Pontificis eſſet, idq; conſtaret, quod per conjugalem contractum nō vellet extinguere penſiones, prout Couarr. & ante eum Ioan. Baptiſta Caccialupus in tract. de penſionib. q. 30. anno-

annotant. Quando Ecclesiasticus pensionarius moritur, ante terminum, aut diem solutionis definitum, dubium est, an pro rata temporis hæredibus defuncti pensio persolunda sit. V. G. Vicario Episcopi constituta est pensio super mensa Episcopali, quæ pensio soluenda est in festo Natiuitatis Ioannis Baptistæ: Vicarius moritur circa festum paschæ: dubitatur, an pro rata præteriti temporis pensio soluenda. Quidam DD. pensionem Ecclesiasticam vsufructui similem affirmant: quandoquidem extinguitur morte hominis pensio, sicut vsufructus, & ita hanc similitudinem procedere autumant. Caccialup. in q. 25. Cardinal. in Clem. 1. §. Eadem. num. 4. & Imol. ibid. num. 26. de supplenda negligent. prælat. Gigas de pensionib. q. 45. & 52. Quæstante similitudine inferunt quæstionem hanc decidendam iuxta distinctionem text. in l. de functa. ff. de vsufruct. in hunc modum. Primo, quod mortuo pensionario fructibus iam perceptis, ante diem solutioni præstitutam, integra pensio hæredibus debita sit. Secundo: quando post diem pensionis soluendæ, antequam fructus, super quibus pensio constituta fuit, colligerentur, & tunc hæredibus non debentur. Tertio, fructibus partim collectis ante mortem pensionarij, partim post eiusdem mortem perceptis, & tunc pensio hæredibus pensionarij soluendi pro rata fructuum, ante eius obitum perceptorum. Hæc fru-

etuum diuifio deducitur ex dictis per Alex-
 andr. in confil. 15. lib. 2. Caccialup. & Gigan-
 tem. Horum DD. confiderationem rectè re-
 ijcit Didac. Couar. lib. 1. variar. refolut. cap. 15.
 num. 13. cum pensionarius fructus beneficij
 non percipiat, fed beneficiarius, qui titulum
 habet, & adhuc is non eft vfufuctuario fim-
 lis: cum in d. l. Defuncta. agatur de penfione,
 quæ foluitur tanquam pretium fructuum, &
 pro rei vfui. At pensionario Ecclefiaftico non
 foluitur penfio tanquam pretium fructuum,
 vt manifefiffimum eft. Accedit, quod in pen-
 fione noftra vt plurimum non fructuum, fed
 certa pars pecuniæ foluitur. Qua de caufa,
 Couarr. omninò cenfet penfionem Ecclefia-
 fticam pro rata temporis hæredibus penfio-
 narij deberi. Rationes duæ ab eo infinu-
 antur, quas fic in formam reducere licet. *Pri-*
ma. Penfio à Pontifice conftituitur in alimen-
 tum ipfius clerici, cui conceditur, vt receptif-
 fimum effe videtur. At alimenta funt debita
 vſque ad mortem. *Secunda.* Penfio multis
 conftituitur in ſtipendium, vt Coadiutoribus
 & Vicarijs Epifcoporum, vtpote quia mini-
 ſterium aliquod impendunt Ecclefiae, & in
 Ecclefiafticis officijs ſuam operam impen-
 dant; ſed ſtipendium laborantibus, & operam
 ſuam impendentibus vſque ad mortem debi-
 tum eſt. Atque hæ rationes, veriore, æquio-
 remq; perſuadent hanc poſteriore ſenten-
 tiam, pro qua eſt etiam text. cum expoſitione
 Alberi-

Alberici. in l. Diuortio. ff. soluto matrimo-
 nis. His præmissis, quæ faciunt ad aliqualem in-
 telligentiam dicendorum, nunc descen-
 dendum ad resolutionem quæstionis. Pro
 qua sit.

Prima Conclusio. *Pensionem auctoritate Pon-
 tificis tenens iusta, legitimaque interueniente cau-
 sa, securus est, tam in conscientia, quam in foro ex-
 teriori.* Hæc est de mente omnium Theolo-
 gorum DD. & Iurisperitorum. Quam do-
 cent Canonistæ in hoc cap. Non satis. pro-
 pe finem. & alij omnes loc. in hac materia al-
 legatis. Ratio etiam patet. Pontifex est ad-
 ministrator beneficiorum Ecclesiasticorum,
 in eisque habet plenitudinem potestatis. ca-
 pite 2. de præbend. in 6. Gloss. & DD. ibi-
 dem, vt apud omnes receptissimum est. Er-
 go quando necessitas exigit, utilitas Eccle-
 siæ postulat, aliaque rationabilis causa vr-
 get, potest fructus Ecclesiasticos dispensa-
 re. Id enim spectat ad fidelem, prudentem-
 que dispensatorem, quem Dominus consti-
 tuit super familiam suam, vt indigentibus,
 quibus, & quando oportet, necessaria distri-
 buat.

Secunda Conclusio. *Pensio clericalis, nec eni,
 nec vendi potest alicui tertio, absq; Papæ auctoritate
 sine simonia.* Hanc docent Nauarr. in Manual.
 Confessar. cap. 23. num. III. statim in princip.
 & lib. 5. consil. in tit. de simonia. cap. 52. & ali-
 bi. Petr. de Aragon. & communiter Theologi

recentiores. Et id stylus curiæ habet. Quia omnis conuentio circa spiritualia, aut spiritualibus annexa, sine consensu Papæ censetur simoniaca. cap. Quam pio. i. quæst. 2. & cap. fin. de pact. Multa, quæ faciunt pro vltiori declaratione huius conclusionis colligit Cacialup. in quæst. 19.

Maxima hoc in loco est dubitatio inter DD. An liceat sine simoniæ vitio, citra Papæ auctoritatem redimere pensionem, siue extinguere, vt aliqui loquuntur, V. G. vt dubitatio intelligatur; Beneficiarius aliquis super suo beneficio habet constitutionem 25. ducatorum auri de Camera, qui pro pensione debentur Petro clerico legenti ius canonicum in aliqua Vniuersitate. An talis beneficiarius Petro consentiente possit propria auctoritate semel Petro soluere anticipata solutione 200. aut 250. ducatos, ad liberandum se à solutione pensionis annuæ. Varij in hac re sunt DD. Sotus lib. 9. de iustit. & iure. quæst. 7. art. 2. Francisc. Viçtoría in relect. de simonia. i. part. nu. 52. Petrus de Aragon. 2. 2. quæst. 100. art. 4. & quidam alij recentiores distinguunt duplex genus pensionum. Quædam assignantur alicui, vt clerico ad spiritualem aliquam causam, & effectum, & requirunt clericatum. Aliæ verò assignantur ob causam temporalem, vel quasi temporalem, vt quando militi, qui benè, & strenuè operam suam impendit in defensione Ecclesiæ, aut fidei, pensio aliqua

qua

qua assignatur in remunerationem. In prioribus pensionibus putant non esse locum redemptioni, sed in posterioribus. Ratio prioribus. Huiusmodi pensiones sunt aliquid spirituale, aut spirituali annexum. Ergo sine simonia non possunt redimi. Causa autem pro pensionibus posterioris generis. Quia huiusmodi pensiones sunt merè temporales, & causa etiam est temporalis, cui pensiones huiusmodi innituntur. Caietan. in tom. 1. opusculorum in tract. 17. respons. respons. 10. opinatur non esse simoniam, pensionem etiam omnem redimere: quia ius pensionis est quid purè temporale, nihil spiritualitatis habens. Quod ex duobus secundum eum patet: in primis, quia pensio solos fructus Ecclesiastici beneficii respicit. Etenim annua pensio non est beneficium Ecclesiasticum propriè loquendo, sed beneficium ex quo tibi annua debetur pensio; illius est, qui tibi debet annuam pensionem de fructibus, propter quod solus ille beneficium hoc habens, tenetur ad diuinum officium horarum Canonicarum. Secundo ex eo patet, quod sit merè temporale, quia conceditur etiam laicis: sicut eis etiam conceduntur decimæ, non quidem ius spirituale decimarum; sed temporalis actio circa fructus decimarum ex mente S. Thomæ 2.2. quæst. 100. art. 4. ad 3. Et similiter est dicendum in proposito, quod concessio annuæ pensionis non est nisi pura tem-

poralis rei donatio, ac per hoc potest licitè pro certa summa pecuniæ, beneficium ab onere pensionis liberari. Eandem sententiam amplectuntur Hiero. Gigas in tract. de pension. q. 87. & Gregor. de Valentia 2. 2. disp. 6. q. 16. punct. 3. q. 5. & vlt. qui latius, & profundius Caietani sententiam explicat, & probat in hunc modū. Illud, quod per se, & immediatè acquirit redimēs pensionem pro pecunia, nihil est aliud, quam libertas, siue immunitas ab obligatione, & onere pendendi illā quotam, seu partem fructuum: sed hæc non est quid spirituale, nec spirituali annexum. Ergo nulla est in tali redemptione simonia. Maior clara videtur. Qui enim redimit pensionem, nihil aliud intendit, quam vt sit liber, & absolutus ab onere soluendi illam partem fructuum. Minor nunc probatur. Talis libertas non est aliquid spirituale, vt patet: Nec etiam spirituali annexum, aut consequenter, cum non innitatur fundamento spirituali, sed temporalis, puta collationi pecuniæ, pro qua obtinetur: aut antecedenter: cum non per se ordinetur ad aliquid spirituale, sed ad partem fructuum recipiendam: Neque etiam concomitanter, vt est labor per se necessarius ad officium spirituale, vt patet. Ergo nullo modo ea libertas est quid annexum spirituali. Alia est sententia Nauarri in Manual. Confessar. cap. 23. num. III. & lib. 3. consil. in tit. de præbend. consil. 52. & consil. 54. & lib. 5. in tit. de simonia.

nia. consil. 6. num. 3. & 63. num. 1. & alibi. Simoniam esse pensionem redimere sine Papæ consensu. Sotus & alij quidam eam sententiam etiam attribuunt Ioanni Maiori in 4. d. 25. q. 5. qui tamen aliud nihil dicit, quam pensionem esse aliquid spirituale. Adrian. etiam quodlib. 9. in respons. ad 5. eandem etiam amplectitur sententiam, licet non innitatur eidem fundamento. Eandem etiam Cosmus Philiarci in dicto lib. 6. cap. 3. sequitur, & alij quidam recentiores. Pro resolutione sit.

Tertia Conclusio. Redimere, siue extinguere, pensionē sine auctoritate, & consensu Pontificis, et si ex sua natura non sit simoniacum, nunc tamen prohibitionē, & de stylo curiæ est simonia, nisi consensus Pontificis accedat. Prima pars constat ex fundamentis Caietani, & Philiarci, & ratione Greg. de Valentia supra posita. Secundam probat curiæ stylus receptus, ut Nauarr. & Philiarci. alijq; attestantur. Concedit autem Pontifex cum facilitate quando supplicatio offertur, pensionum extinctionem, quia sic beneficiorum onera tolluntur: & libertas à talibus oneribus est maximè fauorabilis.

Circa latiore prioris partis intelligentiam. Sciendum diuersa fundamenta, quæ habent DD. plerique sententijs discordantes in redemptione pensionis, diuersitatem sententiarum inducere. Qui namq; negant pensionem esse redimibilem sine simonia, quemadmodum

Sotus

Sotus, Adrianus, & Victoria existimant pensionem esse quid spirituale, vel spirituali annexum, vt indicat Nauarr. non quidem antecedenter, vt ius patronatus, sed dependenter, aut consequenter instar beneficij. Caiet. Philiarc. & alij sentiunt pensionem esse quid temporale, & sic nihil impedit, quo minus pretio possit extinguui: & communiter de facto Papæ auctoritate extinguitur. Quod non contingeret si pensio esset quid spirituale, aut spirituali annexum instar beneficij: quia tum ex natura sua, & contra ius diuinum foret simonia, quam Papæ auctoritas non purgaret. Manifestum etiam est, quod non omne ius ad fructus percipiendos Ecclesiasticos est spirituale: nec omne, quod dependet ex spirituali est inuendibile, & spirituale. Fructus siquidem beneficij dependent ex beneficio, cuius intuitu percipiuntur, quodque spirituale est, & tamen fructus venduntur, distrahuntur, & elocantur, & sic qui eos virtute talium contractuum percipiunt, nihil iuris spiritualis consequuntur, nec vllam simoniam etiam committunt. Commodatissimum ad hanc rem elucidandam est exemplum tactum à Caietan. acceptum à S. Thoma 2. 2. q. 100. art. 4. ad 3. & latius ab eodem declaratum in eadem part. quæst. 87. art. 3. in materiam decimarum, circa quas duo sunt considerata, scilicet ipsum ius accipiendi decimas, & ipsæ res, quæ nomine decimarum dantur: Ius percipiendi decimas est spi-

est spirituale: quia consequitur illud debitum, quo ministris altaris ex iure naturali, & diuino debentur sumptus in sustentationē, atq; ea de causa solū clericis laborantibus in ministerio diuino, atq; ad hoc supernaturaliter deputatis competit ius percipiendi decimas. Res autem quæ nomine decimarum dantur, corporales sunt, & temporales: quare in vsum quorumlibet, etiam laicorum deueniunt, & Pontificis beneficio Regibus, Principibus, & sæcularibus conceduntur in remunerationem etiam temporalium seruitiorum, vt compertissimum est, & sæpissimè tales sæculares etiam in alios transferunt per contractus ciuiles, sine vlla simoniæ suspitione: Ita & in proposito, quando alicui à Pontifice pensio assignatur, non datur ei ius spirituale beneficij, cum id semper resideat penes beneficiarium: nisi auctoritate Papæ vnum beneficium diuidatur cum fructibus, & duo instituantur: tunc tamen amplius pensionis verè nomen non obtinet: sed ius temporale percipiendi aliquos beneficij fructus conceditur. Potest enim Pontifex, in quo ampla residet potestas, circa fructus Ecclesiasticos, separare eos à beneficijs, & subijcere vsui temporali quorumcunque pro vtilitate, & necessitate Ecclesiæ: & tunc ius percipiendi fructus separatos à beneficio, siue pensio, est quid factum temporale, nec antecedenter se habet ad spirituale, sicut ius patronatus, nec consequenter, sicut beneficium,

ficiū ; sed spiritali annectitur , sicut fructus beneficio , qui tamen fructus emuntur , venduntur , & alienantur sine omni simonia. Quoniam autem huiusmodi fructus sunt de beneficijs Ecclesiasticis , suamque originem ex patrimonio Christi trahunt , Pontifex , qui pensiones pro sua potestate potuit concedere , potuit etiam onus , conditionemque imponere , vt fructus seu pensiones percipientes per clericalem tonsurā ad instar beneficiariorum clericali militiā inscriberentur , & aliquid seruitutis impenderent , recitando Officiū B. Virginis. Quisq; enim potest modum , conditionemque suæ rei præscribere. Cum enim fructus Ecclesiæ sint stipendia laborantium , & egentium , non decebat , vt ij , quibus concederentur otiosè panem Ecclesiæ comederent. Non tamen obligantur ad Canonicum officium pensionarij , sed tantum ipsi beneficiarij. Quod ordinauit tandē iure nouo sine dubio cum maxima consideratione Pius V. maximè cum his temporibus pensiones ceperint frequentari : & ita etiā meritò potuit prohibere , ne huiusmodi pensiones etiā alienentur , trāferantur in alios , aut redimantur sine summi in Ecclesia moderatoris scientia , & consensu. Alias multi multas successiuè cumularent per dolum , & argutius pensiones , quas quam primū redimi cuperent , & alios ad redimendum sollicitarēt , vt auaritia stimulante statim marsupium implerent , & tandem pensiones , quæ
proue-

proueniunt ex bonis Ecclesiasticis, fierent cambia ad ditandum multos, & non ad subueniendum inopiæ aliquorum. Facit magis ad illustrandam hanc rem, quod Didac. in Rubric. de testam. c. 7. num. 19. post Hieron. Gigant. in tract. de pensionibus. q. 52. censet pensionariū proprio testamento posse disponere ex redditibus, ex pensione Ecclesiastica perceptis, & eo intestato decedente eosdem redditus ad legitimos successores de iure pertinere. Quod profecto argumentū est fructus pensionum non esse eiusdem naturæ cū alijs fructibus titulo beneficiorū perceptis, nec ex eadem radice descendere hanc diuersitatem. Beneficiorum enim fructus titulum sequuntur, atq; in eo tanquam stipendium ministris debitū fundantur. At pensionarij fructus in donatione, & translatione Pontificis, qui absque tituli translatione pro sua potestate separat fructus, eosq; applicat ex rationabili causa pensionario, aut remunerationis meritorū causa, aut alio pietatis intuitu, interdum quidem sine omni onere, vt quando merè laico pro laboribus causa Ecclesię susceptis: aliquando adiuncta conditione clericatus cum obligatione ad horas B. Virginis. Nec mirū, cum etiam quilibet priuatus, si ex bonis suis fundet locum pium, vt seminarium clericorum, possit apponere condiciones honestas obligatorias. Ex dictis solui possunt ea argumenta, quę Nauar. facit pro sua opinione, quod pēso sit ali-

fit aliquid spirituali adiunctum, & ita non possit redimi.

Quarta Conclusio. *Pensio gratis remitti potest absque Pontificis auctoritate : nec simonia committitur.* Nauarr. in Manual. Confess. cap. 23. nm. III. & alibi sæpè in Consilijs. Nec est in ea re dubium. Tum enim nihil temporale accipitur pro spirituali : aut contra.

QVÆSTIO III.

An licitè sine simonia possit dari pecunia ministro baptismi alias nolenti baptismum conferre?

Hanc Quæstionem DD. hic in cap. Cum in Ecclesiæ. Panorm. Felin. Cardin. Ioan. ab Anania. & communiter alij mouent. Altius tamen Theologi, Alexand. Alen. 2. part. q. 187. memb. 3. art. 1. §. 1. S. Thom. 2. 2. quæst. 100. art. 2. ad 1. & eius commentatores ibid. Idem S. Thom. in 4. d. 5. quæst. 3. art. 2. quæstiunc. 1. Rich. in d. 5. art. 3. Maior ibid. q. 5. ad 2. & alij in ead. d. S. Antonin. 2. part. tit. 1. cap. 5. §. 16. Adrian. latè quodl. 9. art. 3. in Litt. Y. Soto lib. 9. de iust. & iure. quæst. 6. art. 1. in solut. ad 1. Syluest. in V. Simonia. q. 8. & communiter Summistæ in eod. verb. Ante plenam huius quæstionis resolutionem quædam sunt præmittenda.

Primum.

Primum. Conueniunt DD. post S. Thom. Alex. Alen. & alios non esse illicitum, nec simoniacum aquam ad necessitatem baptismi emere, quando alias non haberetur. Tunc enim nihil spirituale emitur, ideoque simonia locum non habet.

Secundum. Etiam consentiunt DD. quando adest alius vir, aut fœmina, qui vel quę possit in necessitate baptismum infanti conferre, tunc non liceat ministro pecuniam dare, ut baptismum conferat. Quia in tali casu puer non censeretur esse in necessitate, quandoquidem baptismus etiam collatus à laico suum effectum habet iuxta omnium sententiam.

Tertium. Administratio baptismi considerari potest aut respectu infantis, cui non competit aliud remedium ad consequendum salutem: aut in ordine ad adultum, qui saluari potest baptismo fluminis, id est, contritione, quando actu haberi non potest baptismus fluminis.

Quartum. Auctores non conueniunt in principali quæstione. Quidam existimant, quod quando puer esset baptizandus, nec esset homo alius qui baptizare posset, aut vellet: tunc potius permittendum, ut puer moriatur sine baptismo, quam ut pecunia detur ministro pro puero baptizando. Rich. in 4. d. 25. art. 3. q. 1. Cuius etiam sententiæ videntur S. Thom. in 4. d. 5. q. 2. Petrus de Tarantasia. Paludani.

Iudañ. in 4. d. 5. q. 3. & alij. quam etiam ex iu-
 nioribus apprehendit Petrus de Aragon. in 2.
 2. S. Thomæ. quæst. 100. art. 2. circa solutio-
 nem ad 1. Huius etiam opinionis meminit Pa-
 norm. in hoc cap. Ad hoc est etiam lepidum
 illud Gloss. in cap. Baptizandis. 1. q. 1. sic dicen-
 tis, quod quando nullus est alius, qui in neces-
 sitate baptizet, non idcò danda est pecunia, &
 committēda simonia, potius permittatur mo-
 ri puer sine baptismo. Ego tamen (addit) po-
 tius darem pecuniam, quam eum sic dimitte-
 rem mori: & benè, licet non deberem facere.
 Ratio huius sententiæ fundamentalis est.
 Non sunt facienda mala, vt eueniant bona,
 nec debet quis peccare, vt infans saluetur. ar-
 gum. in cap. Quod ait. 14. d. Gloss. ibid. & cap.
 Sicut. 46. dist. Alia est opinio Panormit. Ioan.
 ab Anania in hoc cap. & quorundam aliorum.
 Angel. in verb. simonia 2. num. 12. Landulp. in
 d. 25. 4. Caiet. in d. art. S. Thomæ. Gerson in
 tract. de simonia. Soti & aliorum distinguen-
 tium licitum esse offerre pretium pro baptis-
 mo infantis ad redimendam vexationem, si-
 ue repellendam iniuriam: cum infanti baptis-
 mus sit necessarius ad salutē: nec aliud ei sup-
 petat remedium, quo saluari possit, & ita est in
 extrema necessitate, respectu baptismi. Non
 est autem licitum pro baptizando adulto pe-
 cuniam offerre: quandoquidem baptismus a-
 quæ non est huic simpliciter necessarius, cum
 per baptismum flaminis, id est, contritionem,
 possit

possit consequi salutem. Sotus reprehendit Caietan. innuentem non esse licitum pro baptismo pretium dare: cum tam intrinsecè malum sit rem spiritualem emere, atq; vendere. Vnde Sotus nouam subtilitatem excogitauit, & arguit in hunc modum. Inprimis: si sacramentum emere, esset perinde, ac mentiri intrinsecè malum, neque ad redimendam vexationem, licitum fieret: Quoniam pretium ad redimendam vexationem dare, est sacramentum emere tanquam medium ad propulsandam iniuriam: nam etsi suprema intentio in emptionem sacramenti non feratur, nihilominus illud accipitur tanquã medium, quod ad cauendam vexationem refertur: veluti qui ad redimendam vexationem emeret fauorabilem sententiam iniqui iudicis. Et confirmatur hinc ratio: quoniam quantumuis ille me iurare cogat, quod pecuniam pro sacramento tribuo: nihilominus salua est mea suprema intentio, quod hoc facio ad redimendam vexationem, ob idque nulla subest in iuramento falsitas. Quamobrem subiungit Sotus, quod hæc sententia de redimenda vexatione nõ aliter defensari possit, quam per distinctionē emendi, vendendiq; sacramentum. Itaq; etsi vendere sacramentū, & rem quamcunq; spirituale sit penitus intrinsecè malum, aded, vt neque ad redimendam vexationem, neq; vlla excogitabili causa licitè fieri possit: pretium tamen pro illo offerre, dicendum

non adeò intrinsecè malum , quin extrema
 necessitas illud permittat. Dat Sotus aliquale
 exemplum in mutatione sub scœnore, quæ in-
 trinsecè mala est, & in receptione, quam po-
 test excusare necessitas. Hæc sententia Soti
 rejicitur à Petro de Aragon. Greg. de Valent.
 & alijs quibusdam recentioribus. Quia em-
 ptio rei spiritualis, sicut etiam venditio intrin-
 secè, essentialiterque est mala, & talis simonia,
 qualis in definitione declarata, quæ ita mala,
 vt nunquam licita reddatur, quocunque fine.
 Et confirmatur. Simonia est intrinsecè mala,
 quando pretium offertur pro re spirituali,
 quæ pretio æstimari non potest: at hoc con-
 tingit in emptione baptismi. His additur,
 quod Actor. 8. D. Petrus Simonem Magum
 simoniæ arguit , quia voluit emere gratiam
 Spiritus sancti. Ex quibus patet, quod emptio
 in spiritualibus æquè praua est, quam vendi-
 tio, & in hoc casu istorum relatiuorum par est
 ratio. Neque etiam ad propositum facit ex-
 emplum, quo Sotus suam doctrinam illustra-
 re voluit de mutatione sub scœnore: Cum di-
 uersa sit ratio in vsura, & simonia. In vsura,
 quia accipit aliquid pretio æstimabile ultra
 sortem peccat, quia lædit proximum contra
 iustitiam: at qui soluit vsuras non lædit contra
 iustitiam, sed tantum contra charitatem, quia
 inducit vsurarium ad peccatum. Quæ indu-
 ctio cessat in parato ad mutuandum sub vsura
 maximè intercedente necessitate eius, qui re-
 cipit

cipit mutuum sub vfura: & fic recipere mutuum sub vfura, eamq; foluere non eft ita malum, ficuti recipere vfuram. In fimonia verò eadem eft ratio ementis, pretiumq; foluentis, nec non etiam vendentis. Vterq; enim iniuriam rei facræ facit, & pretio æftimat id, quod sub pretium neutiquam cadit.

Quinto loco præmittendum. Quod parens pro infante fuo existente in periculo mortis maximum habet ius ad procurandum ei baptifmum, ne anima pereat, & infans irreparabile damnum incurrat. Qua de caufa tam patri, quã infanti grauiffima infertur iniuria, dum denegatur baptifmus, in quem neceffitas fummum ius concedit. Nunc pro refolutione fit.

Prima Conclusio. Si *facerdos tam infatiabili defiderio pecunie arderet, quod fubterfugeret in neceffitate miniftrare baptifinum, nifi pecuniam acciperet, licitum foret ei donare pecuniam, vt fatiato appetitu per eam, animoque mutato fuum officium faceret.* Hanc docet Adrian. nec eft alius, qui eam neget. In hoc cafu nihil fpirituale emitur, nec aliqua emptio intenditur. Sed facerdos fi recipiat principaliter ob adminiftrationem baptifmi, fimoniacus eft, & tenetur ad refolutionem pecuniæ fic receptæ.

Secunda Conclusio. Si *facerdos, aut minifter in tali neceffitate nolit baptizare nifi pro pecunia, fuamque prauam intentionem exprimat, adhuc licitum eft ei pecuniam offerre, fed non ad fuam inten-*

tionem, puta volendo emere baptismum, quem ipse vendere intendit: sed ad redimendam vexationem, aut repellendam iniuriam. Hæc est nunc communior, & receptior DD. opinio: quam amplectuntur Panorm. Ioann. ab Anania, & plerique alij in hoc cap. & Theologi supra allegati, & recentiores. Ratio. Quia hæc non est emptio nisi sola voce dicenda, sed redemptio vexationis, & amotio impedimenti, quod obstat, ne suum ius pater & infans, qui eius portio est, consequantur. Intentio autem redimentis vexationem nō debet ferri in emptiōnem rei spiritualis tanquam medium quoddam ordinatum ad remouendam iniuriā, quæ obstat, quo minus spirituale, scilicet baptismus administretur: sed vt pecuniam det tanquam motiuum quoddam, ad propulsandam iniuriam, quam patitur in denegatione rei sibi debitæ, id est, baptismi, in quem habet in tali extrema necessitate summum ius.

Tertia Conclusio. *Non est etiam simoniacum, si adultus in extrema necessitate baptismi sit constitutus, sibiq; persuadat, quod difficulter sufficientem contritionem habebit, pecuniam offerat ad redimendam suam vexationem.* Hæc conclusio est contra communio-rem DD. sententiam distinguendum inter adultum, & infantē, vt supra significatum. Eam tamen amplectuntur Adrian. loc. cit. Richard. in d. 25. Maior ibid. q. 5. Gregor. de Valent. in d. q. 100. S. Tho. punct. 3. Henric. Henriquez. tom. 1. Theologiæ moral.
 ral.

ral. lib. 2. cap. 23. §. 3. & alij quidam recentiores. Ratio. Quoniam etiam adultus in necessitate baptismi grauissimā habet causam negligendi tunc peccatum alterius, atq; procurandi per vexationis redemptionem baptismū: quamuis qui sic pecuniam recipit simoniam committat. Etenim quis certus esse potest, an veram, & sufficientem contritionē habeat, quæ sine sacramento ad salutem sufficiat, cū nemo sciat, an amore, an odio dignus sit, & quisquis meritò timere debeat de sua dispositione. Atque etiā in hoc casu oblatio pecuniæ in adulto est vera redemptio vexationis, pro tuēdo optimo, necessarioq; iure, quod Christus cōcessit omnibus ad sacramentum salutis necessarium, imò efficac, tutissimumq; remedium.

QVÆSTIO IV.

An infidelibus possit dari pecunia, ut ad fidem conuertantur, baptismumq; recipiant?

P Anormit. Cardin. Anton. & alij in fine huius cap. Cardin. Alexandr. Archidiac. Turrecrem. & alij in cap. Quam pio. 1. quæst. 2. cum Gloss. ibid. Angel. in verb. simonia. 2. num. 13. Syluest. eodem verb. quæst. 8. Dict. 3. S. Antonin. part. 2. tit. 12. cap. 2. §. 1. tractant. Prima Conclus. *Simonia esset, si quis pecunia,*

M 4 aut

aut temporali pretio conuersionem alicuius procuraret: ita quod pecunia principalis causa mouens esset infideli, vt fidem, fideique sacramentum acceptaret. Hæc Conclusio est communis DD. locis cit. Et confirmatur ex d. cap. Quam pio. & ratione firma. Conuersio hominis, & susceptio baptismi sunt res spirituales supernaturales, atq; dona Dei. Ergo pro eis pretium dare esset simonia.

Secunda Conclusio. *Si infideles dispositi essent ad fidem suscipiendam, tamen nollent ob paupertatis timorem suscipere, utpote quia iniusta lucra ex usura, aut alijs iniquis contractibus acquisiuisent, quæ facti Christiani tenerentur restituere, atq; sic non haberent, vnde apud Christianos viuerent, liceret illis pecuniam, aut temporalia bona promittere, aut offerre pro amouendis impedimentis.* Hanc in virtute tradunt Panor. Anton. & alij in hoc c. & post eos Summistæ vbi supra. Nec potest aliquis in hac re dubitare. Ratio, quoniam in hoc casu non datur temporale pro spirituali, sed offertur pro amotione obstaculi temporalis impediens, ne venire possint aut audeant ad fidem, religionemque Christianam.

Tertia Conclusio. *Licetum est etiam temporalibus bonis, aut beneficijs infideles, vt Paganos, Iudæos, aliosque ad deuotionem nostræ fidei prouocare, aut eorum beneuolentiam captare, atque sic diffundere bonum odorem Christi, vt facilius incitentur ad fidem.* In hac Conclusionem non est etiã dubium, Quia hoc non est emere conuersionem ipso-

ipforum, sed temporalibus tantum humano modo disponere, eorumque amicos allicere ad amplectendam fidem. Faciunt pro hac conclusione cap. Qui syncera. d. 45. & 23. q. 4. cap. Debet homo, ex Aug. Epist. 52. ad Macedonium. Debet, inquit, homo diligere proximum tanquã seipsum, vt quem potuerit hominem, vel beneficentiã consolatione, vel informatione doctrinã, vel disciplinã correctione adducat ad colendum Deum. & ibid. q. 7. cap. Quod autem. Sic etiam B. Syluest. legitur, Paganos temporalibus bonis ad Christianismum inuitasse, & excitasse. Hinc sicuti licet infideles Iudæos, ac paganos, beneficentiã, beneuolentiãque signis ad nostram fidem perducere. Ita alienum est à Christiana pietate, eos armis, terroribus, ac minis ad Christi fidem, & baptismi susceptionem cogere, ex traditis à S. Thom. 2. 2. quæst. 10. art. 8. & Commentatorib. eius ibid. Richard. in 4. d. 6. art. 3. q. 3. Palud. in eod. d. 4. q. 4. art. 3. Durand. ibid. quæst. 6. Soto d. 5. quæst. v. nica. art. 10. Couarr. in Regul. Peccatum. part. 2. §. 10. num. 1. & alijs communiter alibi per d. cap. Qui syncera. cap. Maiores. de baptismo, & eius effect. cap. Sicuti Iudæi. de Iudæis. Quamuis Soto in 4. d. 4. q. ult. Gabriel. ibid. quæst. 2. Dub. 5. & Alphonsus Castrensis lib. 2. de iusta hæret. punitione. cap. 14. contrarium sentiat. Nempe posse infideles Christianis principibus subiectos compelli ad

M 5

fidem,

fidem, quæ tamen opinio communiter nunc
faniori DD. censura reijcitur.

CAPVT X.

Breue est, non summatur.

INNOCENTIVS III. Vigiliensi
Episcopo.

*Cum sit Romana, & infra) Consultationi tuæ re-
spondemus, quod nihil pro Ecclesiarum consecratione
potes, vel debes præter procuracionem exigere.*

PRo huius capitis pleniori explicatione
ponuntur aliquæ Conclusiones.

Prima Conclusio. *Pro Ecclesiæ vel etiam altaris consecratione sine simonia crimine nihil pretij potest exigi.* Est communis omnium in hoc cap. & in cap. Statuimus. i. q. i. & cap. Placuit. i. q. 2. & confirmatur in eisdem cap. Deinde, Consecrare Ecclesiam, vel altare, est actus spiritualis. Ergo nihil potest pro eo exigi.

Secunda Conclusio. *Episcopus, aut eius ministri, siue clerici possunt accipere munuscula, quæ pro consuetudine solent offerri in huiusmodi consecrandi actibus, non tamen sunt exigenda.* Cardin. Alexand. & Turrecrem. in d. cap. Placuit. Consuetudo enim videtur hæc recipere in sustentationem, aut merè donationis titulo gratis offeruntur. Vnde non sunt ex pacto danda, aut exigenda. Quia etiam modicū quantumcūq; detur

detur ex pacto in spiritualibus, inducit simoniam. Gloss. & DD. infra. c. Etsi quaestiones, & faciunt c. Ex tux. & c. Tux infra hoc tit.

Tertia Conclusio. *Episcopus in consecratione Ecclesie potest moderatam procuracionem exigere.* Hæc est communis etiam omnium opinio in d. can. Procuratio autem nihil aliud est, quam expensæ necessariæ faciendæ pro victu, & potu Episcopi, & suorum, aut etiam sustentatione equorum, dum Ecclesiam consecrat. per notata à DD. in cap. Romana. §. Procuraciones autem. de censib. & exact. in 6. Imò notant Hostiens. & post eum Panormitan. alijque in hoc cap. quod Episcopus consecrans potest exigere procuracionem, etiam si Ecclesia consecranda sit vicina Episcopatu, siue habitationi Episcopi, vel etiam in eadem ciuitate, non secus atque procuratio debita Visitatoribus ratione visitationis Ecclesiarum debetur etiam ab Ecclesijs, quæ sunt in propria ciuitate. cap. Venerabili. de censibus. & Doctores communiter per text. ibid. Sed circa hoc nostrum c. Doctores mouent Dubium. *An etiam in alio casu, praterquam in textu expresso debeat Episcopo procuratio.* Vt si exempli gratia, reconciliaret Ecclesiam violatam, vel altare consecraret Abbati, aut Abbatissæ benedictionem impenderet: & sic de similibus? Cardinalis, Felin. Anton. & communis in hoc capite, & in cap. Proposui. de consecratione Eccles. vel altar. sentiunt, quod

quod in nullo casu prælato procuratio debetur in exercitio sui officij, nisi in casibus in iure expressis: & sic cum ius tantum concedat in consecratione Ecclesiæ, & visitatione, non est extendendum ad similes actus. Panormit. & post eum Ioann. ab Anania in hoc cap. censent in casibus similibus expressis procurationem debitam. Non enim possunt omnes iuris articuli lege complecti. l. Non possunt. ff. de legib. & cap. Cum dilecta. de confirmat. vtil. vel inutil. His additur, quod vbi est eadem ratio, & omnimoda similitudo, non dicitur lex extendi, sed casus sub eiusdem legis dispositione includi. per Gloss. Valde notabilem, & iura ab eadem allegata. in cap. i. in verb. Italia. de tempor. ordinand. Facit etiam text. in l. Nominis, & rei. §. Verbum. ff. de verb. significat. & in l. His. C. de reuocand. donat. ibi: Satis etiam tacite, & cautum putamus, quem vt singularem ad hoc notat Bald. in Rubr. C. de Nautico fœnor. Nec dicitur omissum, quod eadem ratione includitur per text. 2. §. licet. de translat. Episcop. Et hæc postrema sententia verior, æquiorque videtur, ob rationem, & iura allegata, Nec enim talis procuratio datur pro villo labore, aut antecedenti, aut comitanti actus consecrationis: sed pro sustentatione Episcopi, & suorum, qui laborant in spiritualibus. Iuxta enim Apostolicam traditionem, Non est ligandum os boui trituranti.

CAPVT XI.

*Conuictus de simonia deponendus est,
idem in infamato, qui se purga-
re non potest.*

Idem Toletano Episcopo.

DE hoc autem, quod Episcopus Exonien. Archidiacon. beneficia, & cuidam clerico ante electionem suam prioratum dicitur promississe, ut vterque consentiret eidem: tua prudentia respondemus, quod si manifestum est eundem Archidiaconum & clericum ob causam illam promissa recepisse, aut exinde confessi fuerunt in iure, vel legitime conuicti, ab altaris ministerio sunt perpetuo deponendi. Si vero id manifestum est, nec tamen inde conuicti, vel confessi fuerint, sed tantum publica laborant infamia, eis canonica purgatio debet indici: in qua si defecerint, tanquam auctores sint tanti sceleris, puniendi. Regem autem, & principes eius debes inducere, ut si quae receperint a praefato Episcopo, ut eius electioni praestarent assensum: Ecclesia Exonien. sine diminutione restituant, cum ea sine graui sua salutis periculo retinere non possint.

Casus literalis secundum Bernard. Panormit. & alios est talis huius cap. Episcopus Exonien. ante suam electionem promisit Archidiacono quoddam beneficium, & cuidam clerico quendam prioratum, ut vterque suae electioni consentiret. Item Rex, & alij Principes

cipes pecuniam acceperunt, vt electioni consentirent, quæsiuit Archiepiscopus quid sibi agendum foret super prædictis. Respondet Pontifex : quod si notorium est, dictum Archidiaconum, & clericum recepisse promissa ob causam illam, vel exinde confessi fuerint in iure, vel legitimè conuicti : ab altaris ministerio sunt perpetuò deponendi. Si verò non est notorium, nec conuicti sunt, nec confessi, sed publica laborant infamia, indicenda est illis purgatio, in qua si defecerint, sunt puniendi. Rex autem, & principes sunt inducendi, vt si quæ receperunt à dicto Episcopo, vt electioni præstarent assensum, Ecclesiæ Exoniens. restituant, cum ea sine periculo animæ retinere non possint.

Circa Gloss. & text. aliqua notanda. Primo, Pari pœna afficitur in simonia is, de cuius crimine notoriè constat, & confessus, vel conuictus. Panormitan. Ioann. ab Anania. Secundo. Infamato de simonia indicitur Canonica purgatio, de qua in titu. de purgat. canon. Etsi defecerit in purgatione, punitur vt auctor sceleris.* Tertio. Circa Gloss. in verb. In iure, cum dicit, quod confessio extra iudicium non præiudicat secundum Abbatem. Felin. aliosq; intelligendum, quantum ad plenum, vt Abb. loquitur, siue vt clarius dicamus, quantum ad pœnam criminis, facit tamen indicium ad torturam, vt tenet Gloss. l. cap. 5. ff. de adult. quæ communiter recepta est
ab au-

ab auctoribus. Felin. in cap. Olim. num. 5. de rescript. Decio. in cap. At si clerici. num. 17. de indicijs. Marfil. in sing. 310. incip. Credo te scire. Iul. Clar. lib. 5. sentent. §. fin. practic. crimin. quæst. 21. num. 31. & alijs passim alibi. Felin. tamen sex hic ponit limitationes illius dicti Gloss. quod confessio extra iudicium non generet præiudicium ad quem remitto lectorem, cum non multum faciant ad nostrum propositum. Cardin. etiam multas contra text. facit oppositiones, quas etiam breuibus resoluit. Quæ propterea spectant ad intelligentiam eorum, quæ in text. difficultatem habere possunt, materiamque simoniæ tangunt, nunc in quæstione resoluentur.

QVÆSTIO I.

An & quomodo locum in Electione ad dignitates, & Ecclesiastica munia, seu beneficia simonia habeat?

ANte resolutionem paucis quædam sunt prænotanda.

Primum. *Electio*, ut in præsentī de ea agimus, est alicuius personæ ad prælaturam, siue dignitatem, canonicè facta vocatio. Vel alio modo. Est quædam ad prælaturas, vel beneficia Ecclesiastica vacantia, ab his ad quos pertinet ritè facta optio.

Secun-

cipes pecuniam acceperunt, vt electioni consentirent, quæsiuit Archiepiscopus quid sibi agendum foret super prædictis. Respondet Pontifex : quod si notorium est, dictum Archidiaconum, & clericum recepisse promissa ob causam illam, vel exinde confessi fuerint in iure, vel legitimè conuicti : ab altaris ministerio sunt perpetuò deponendi. Si verò non est notorium, nec conuicti sunt, nec confessi, sed publica laborant infamia, indicenda est illis purgatio, in qua si defecerint, sunt puniendi. Rex autem, & principes sunt inducendi, vt si quæ receperunt à dicto Episcopo, vt electioni præstarent assensum, Ecclesiæ Exoniens. restituant, cum ea sine periculo animæ retinere non possint.

Circa Gloss. & text. aliqua notanda. Primo, Pari poena afficitur in simonia is, de cuius crimine notoriè constat, & confessus, vel conuictus. Panormitan. Ioann. ab Anania. Secundo. Infamato de simonia indicitur Canonica purgatio, de qua in titu. de purgat. canon. Et si defecerit in purgatione, punitur vt auctor sceleris.* Tertio. Circa Gloss. in verb. In iure, cum dicit, quod confessio extra iudicium non præiudicat secundum Abbatem. Felin. aliosq; intelligendum, quantum ad plenum, vt Abb. loquitur, siue vt clarius dicamus, quantum ad poenam criminis, facit tamen indicium ad torturam, vt tenet Gloss. l. cap. 5. ff. de adult. quæ communiter recepta est ab au-

ab auctoribus. Felin.in cap.Olim.num.5.de
rescript.Decio.in cap.At si clerici.num.17.de
indicijs.Marsil.in sing.310.incip.Credo te sci-
re.Iul.Clar.lib.5.sentent.§.fin.practic.crimin.
quæst.21.num.31.& alijs passim alibi.Felin.ta-
men sex hic ponit limitationes illius dicti
Gloss.quod confessio extra iudicium non ge-
neret præiudicium ad quem remitto lecto-
rem,cum non multum faciant ad nostrū pro-
positum.Cardin.etiam multas contra text.fa-
cit oppositiones, quas etiam breuibus resol-
uit. Quæ propterea spectant ad intelligenti-
am eorum, quæ in text. difficultatem habere
possunt,materiamque simonię tangunt,nunc
in quæstione resoluentur.

QVÆSTIO I.

*An & quomodo locum in Electione ad dig-
nitates, & Ecclesiastica munia, seu
beneficia simonia ha-
beat?*

ANte resolutionem paucis quædam sunt
prænotanda.

Primum. Electio, vt in præsentī de ea agimus, est
alicuius personæ ad prælaturam, siue dignitatem, ca-
nonicè facta vocatio. Vel alio modo. Est quædam
ad prælaturas, vel beneficia Ecclesiastica vacantia,
ab his ad quos pertinet rite facta optio.

Secun-

Secundum. Quan loquidem Electio re-
cta, & Canonica, est medium diuinitus adin-
uentum, per quod homo vocatur ad regimen
animarum, & munera in Ecclesiastico statu
exercenda, cadit sub materiam simoniæ: vt
apertum est ex hoc c. & alijs pluribus, & com-
muni omnium rectè sentientium consensu.

Tertium. Ambitio, quæ inordinatus ap-
petitus honoris est, & fomentum, & incendi-
um præbet simoniæ in electionibus. Ambitio
autem dicitur ab Ambio, quod est ambitioni-
bus appetere secundum Nonium. Ab hoc
verbo venit ambitus. de quo in C. & ff. ad L.
Iul. de ambitu. siue, quod is, qui non suæ vir-
tuti confidit, non rectè graditur, sed per cir-
cuitum, siue, quod Romani, qui honores pe-
terent, singulos circumibant, prehensantes,
rogantesque, vt se in suffragijs adiuuarent: si-
ue, quod qui pro adipiscendis honoribus sol-
liciti sunt, cum rogant, exordio quodam lon-
giore, & verborum circuitu vtuntur, prout
admodum benè, accomodateque doctissi-
mus Menochius loquitur. lib. 2. centuria 5. ca-
su 401. num. 2. de arbit. iudic. qq. Ambitio au-
tem, & ambitus differunt, vt etiam Laurent.
Valla. lib. 4. Elegant. cap. 19. animaduertit.
Ambitio enim est in animo: Ambitus in actu.
Et sic secundum Theologos dicere possu-
mus, & verè dicimus, quod ambitio sit inor-
dinatus appetitus honoris, siue peccatum vo-
luntatis, ambitus autem operis. Illum autem,
quem

quem leges Imperatorum, & ciuiles ambitum appellant in polyticis, nunc Pontificum constitutiones simoniam appellant in Ecclesiasticis. argum. eorum, quæ Bartol. in l. vnica. ff. ad L. Iuliam. de ambitu. Cynus. Salycet. Albert. & alij in l. i. C. eodem titu. adferunt: etiam Menoch. loco cit. num. 19. expressè notat.

Quartum. Quanto odio sit persequenda, quamque detestabilis sit simonia in electionibus ad dignitates, atque munia Ecclesiastica, abundè nos docent constitutiones Imperatorum ciuiles, nec non diuersorum temporum leges, & Ethnicorum veterum exempla, qui omni studio laborarunt, ne ambitus in magistratibus, & publicis muneribus, locum sibi vendicaret. Atque inprimis se offert insignis illa constitutio in l. Si quenquam. C. de Episcop. & cleric. quæ cum admodum insignis sit ad nostrum institutum, placuit ipsam hic de verbo ad verbum inferere. *Si quenquam vel in hac vrbe regia, vel in cæteris prouincijs, quæ toto orbe diffusa sunt, ad Episcopatus gradum Deo auctore contigerit, puris hominum mentibus, nuda electionis scientia, sincero omnium iudicio proferatur. Nemo gradum sacerdotij venalitate pretij meretur: quantum quisque mereatur, non quantum dare sufficit aestimetur. Profecto enim quis locus tutus, & quæ causa poterit esse excusata, si veneranda Dei templa pecunijs expugnentur? quem murum integritatis, aut vallum fidei prouidebimus, si auri sacra fames penetrabilia veneranda proserpit? Denique quid cautum esse*

rum esse poterit, aut securum si sanctitas incorrupta corrumpitur? Cesset altaribus imminere prophanus ardor auaritiæ, & à sacris aditis repellatur piaculare flagitium. Ita castus, & humilis nostris temporibus eligatur Equiscopus, vt locorum quocunque peruenerit, omnia vitæ propriæ integritate purificet. Non pretio, sed pretibus ordinetur. Antistes tantum ab ambitu debet esse sepositus, vt quaratur cogendus: rogatus recedat, inuitatus effugiat, sola illi suffragetur necessitas excusandi. Profecto enim indignus est sacerdotio, nisi fuerit ordinatus inuitus. Cum sanè quisquis hanc sacram, & venerandam antistitis sedem pecuniæ interuentu subijssit, aut si quis, vt alterum ordinaret, vel eligeret, aliquid accepisse detegitur: instar publici criminis, & læsæ maiestatis accusatione proposita: à gradu sacerdotij retrahatur: nec hoc solum deinceps honore priuari, sed perpetuæ quoque infamiae damnari decernimus, vt eos, quos per facinus coinquinat & aequat, vtrosque similis pœna comitetur. Atque hæc Augustus Imperator in dicta lege. Huic adiunguntur Leges in C. & ff. ad Leg. Iuliam. de ambitu. & in ff. l. vnic. Si quis ambitu in municipio magistratum, aut sacerdotium petijssit, per senatusconsultum in centum aureos, cum infamia puniebatur. In quo loco etsi Gloss. Accursij sacerdotium intelligat dignitatem sæcularem, tamen Gulielmus Budæus in annotat. ad dictam l. i. aliter intelligendum de sacerdotijs aduersus Accursium ostendit, vt etiam Menoch. loc. cit. insinuat.

nuat. Caius Petilius tribunus plebis Caio Fabio Augusto, & C. Plantio Coss. legem tulit, qua largitiones illorum, qui honores pecunia mercarentur, graui damno, & pœna mulctabantur, ambitusque seuerissima disciplina, ac graui censura vindicabantur: vt meminerunt Liuius 1. Decad. lib. 7. & Alexand. ab Alexand. genial. dierum. lib. 3. capite 7. Cincius etiam lege munerali grauissimas pœnas decreuit in eos, qui à quouis candidato munus, donumque suffragij causa acciperet. De qua re mentionem fecerunt Cicero lib. de Senectute. Liuius 3. Decad. lib. 4. Tacit. lib. 11. Alexand. ab Alex. vbi supra. Andreas Tiraquell. de nobilitate capite 29. Fuit etiam lex Calphurnia à C. Calphurnio Pisone ædita contra illos, qui mercede corrupti, munereue deliniti, candidatis obuiauisent, qui que pretio illos sectati essent, aut si prandium ad captandos animos, aut quid muneris obtulissent. Cui legi præter alias pœnas pecuniaria etiam multa apposita fuit. De hac lege Alexand. vbi supra. Zasius in Catalogo legum antiquarum. Paulus Manutius de legibus Romanis. Tiraquellus in annotat. ad Alexand. ab Alexand. in dicto cap. 17. Menochius & alij alibi. Tandem à senatusconsulto cautum extitit, vt candidati ante inita suffragia nec conuiuarentur, nec munera mitterent, neque pecuniam deponerent, vt Alexand. testatur, & satis colligitur ex

Plinio Iuniore lib. 6. epist. 19. Cic. in orat. pro Murena. & ex d. l. i. ff. ad L. Iuliam. de ambitu. Harum, aliarumque legum præscripto prodijt memorabile, & seuerum illud exemplum. de Q. Coponio, qui vini amphoram ei, cuius suffragio magistratum petebat, dono dederat, ideoque ambitus condemnatus, pœnas luit, vt Auctores sunt Plinius lib. 35. natural. Historiæ cap. 11. Alexand. loc. cit. & Menoch. Si Imperatores, & Ethnici tam ritè, integreque voluerunt sine ambitu, donis, & pretio promotiones ad sæcularis honoris insignia fieri: Quanto magis conuenit Ecclesiasticas dignitates, & honores, sine omni ambitus, & simoniae suspitione acquiri. argum. cap. Sancimus. 1. quæst. 7. & eorum, quæ Gloss. Archidiac. Cardin. Alexand. Turrecr. & alij ibidem dicunt. Quando enim dignitates Ecclesiasticæ vacant, sæpè contingit multos circumire, atque ambire suffragia muneribus, magnificis promissionibus, nec non verborum illecebris in suam sententiam pertrahere: sæpè etiam non tantum prandia, sed etiam sumptuosa nocturna conuiuia solent ambientes adornare ad præparandos, captandosque eorum animos, qui suffragijs patrocinari possunt, quibus modis, & practicis humanis non tam Spiritus sancti gratia impetratur, quam spiritus Simonis instruitur. Atque rarò accidit, vt illæ electiones bonū sortiantur exitum, quæ tam malo sunt inchoatæ principio. c. principatus.

1. q. 1. Salutares enim electiones salutaria præcedunt opera, quibus Dei gratia acquiritur ad dirigendum bonum Ecclesiæ, & animarum salutem. Infœlicissima est enim eorum conditio, qui ambitione, quæ nunquam quiescit, ac auaritiæ ardenti desiderio ad Ecclesiasticos honorum titulos tendunt. Maiores enim nostri, quibus propria salus chara, & humanarum mentium imbecillitas nota, atque etiam culminis Ecclesiastici periculum perspectum, omni conatu Episcopatus, aliasque prælaturas fugerunt, ne se tanto periculo exponerent, atque faciliè in foueam inciderent. Quid enim, ait, D. Hieronym. in illa verba Hieremiæ, cap. 5. (clerici eorum non proderunt eis) eos iuuare poterit Episcopi nomen, & presbyteri, vel reliquus ordo Ecclesiasticus: cum magis grauentur dignitatibus suis, & potentes potenter tormenta patiantur? Sic sanctus Gregorius ne ad Pontificatum promoueretur, latebras quæsiuit, casumque suum deplorat, quod pro sua electione non potuerit in perpetuum in monasterio vitam agere, sed compulsus fuerit Cathedram Petri assumere, ut clarum est ex sua Epist. ad Leandrum, quæ moralibus suis præfigitur. Sic B. Augustin. testatur se nunquam iuisse ad ea loca, quæ Episcopo carebant, ne ipse ad Episcopatum cogereetur. serm. 1. de communi vita cleric. Quam magno studio etiam D. Chrysost. Episcopatum fugerit, eius liber de sacerdotio faciliè in-

dicat Gregorius Nazianzenus ob diuinarum
literarum scientiam singulare Theologi no-
men sortitus, ad extremum successore delecto
Episcopatum dimisit, vt totum se contempla-
tioni, & diuinæ sapientiæ traderet. Atq; idem
statim presbyter creatus, præsul institui debe-
bat, nisi clam se ab Ecclesia proripuisset, vt
curas mentem humi detorquentes, ac depri-
mentes effugisset, vt Gregorius presbyter in
cuius vita refert, quæ habetur in 3. tomo Suri-
j. 9. Maij loquitur. Sic D. Thom. (vt alios o-
mittam) Aquinas cognomine, cum ei à Cle-
mente Quarto Archiepiscopatus Neapolita-
nus offerretur, non solum eum recusauit, sed
etiam cum humilitate maxima eum depreca-
tus est, ne in posterum tales honores offerret.
Sed & illud memorabile est relatum à D. An-
ton. 2. part. tit. 3. cap. 5. §. 2. versus finem de Gos-
fredo priore Clarauallen. qui cum electus fu-
isset in Episcopum Tornacen. & ab Eugenio
Papa, & S. Bernard. cogeretur subire onus, in
terram prostratus dixit. Monachus fugitiuus
esse potero, si hinc me eijcitis. Episcopus au-
tem nunquam ero : & sic dimissus fuit. Cum
autem prædictus Goffredus mortuus appa-
ruisset cuidam charo sibi, interrogatus ab eo
de negotio illius Episcopatus, quod non ac-
quieuerit iussus, si fuisset illud Deo placitum.
Respondit, reuelatum est mihi à sanctissima
Trinitate, quod si fuisset de numero Episco-
porum, essem de numero reproborum. Vti-
nam

nam autem hoc tempore multi, qui nunc non tantum ambiunt Episcopatus, aliasque in Ecclesia dignitates, sed etiam de eis noctes, diesque somniant, & si vacent, equis velisque contendunt, ut consequantur, scaperent, intelligerent, ac nouissima prouiderent, non se offerrent, nec pretio, muneribus, promissionibus, blanditijs, atque vijs pluribus periculis plenis quærerent eas in Ecclesia Cathedras, quas seniores, & patres nostri, quibus vitæ merita suffragabantur, quibus diuinarum literarum suppellex inerat, quos rerum humanarum contemptus commendabat, & zelus animarum comedeat, contempserunt. Si enim Patres nostros interrogaremus, dicerent nobis veritatem. Nunc autem ambitione, & auaritia excecata ea, quæ nobis obsunt, appetimus, cum labore, & dolore quærimus id, quod cum anxietate, & cruce possidemus, metu, timore, & tremore in vitæ fine relinquimus. Quid autem in dignitatibus homines appetant, verum lucrum animarum, vel lucrum burfarum, rectè sit, Peraldus Episcopus Lugdu. tom. 2. virtutū & vitiorum. in tract. de superbia. c. 6. propè fin. verum honorem, vel laborè, satis apparet, si honores, & diuitiæ ab officijs separentur. Nunc quādo Episcopatus pinguis vacat, omnibus in præputio. It ad velandam ambitionem Apostolicum illud dictum 1. ad Tim. 3. Qui Episcopatū desiderat bonū opus desiderat. Quibus hoc significatū velim cū D. Greg. in past. 1. part. c. 8. quod Apost.

illud dixit, quando ille, qui plebibus præerat, primus ad martyrij tormenta ducebatur, & sic nihil aliud erat, quod in Episcopatu appeti posset, nisi bonum opus. D. Augustin. lib. 19. de Ciuit. Dei. cap. 19. cuius auctoritas adfertur à Gratiano. 8. quæst. 1. cap. Qui Episcopatum. in hunc modum Apostoli mentem declarat: Exponere voluit, quid sit Episcopatus, quia nomen est operis, non honoris: Græcum est enim atque inde ductum vocabulum, quod ille, qui præficitur eis, quibus præficitur, superintendit, curam scilicet eorum gerens, ἐνὶ quippe, super, *σὺπερ* verò intentio est. Ergo Episcopos, si velimus latinè, superintendentes possumus dicere, vt intelligat non se esse Episcopum, qui præesse dilexerit, non prodesse. Itaque à studio cognoscendæ veritatis nemo prohibetur, quod ad laudabile pertinet otium. Locus verò superior sine quo populus regi non potest, etsi ita teneatur, atque administretur, vt decet, ramen non decenter appetitur. Sic Augustin. Alia quæ spectant ad pleniorē huius loci explicationem, videri poterunt apud D. Thom. 2. 2. quæst. 185. art. 1. & Commentatores eius ibidem. Sotum lib. 10. de iure, & iust. quæst. 2. art. 1. Aliter etiam exponitur. Qui Episcopatum desiderat, bonum opus desiderat, sed non benè. Nec valet, inquit, Perald. loc. cit. Qui Episcopatum, &c. Ergo desiderium Episcopatus est bonum: sicut non valet: Latro qui vult furari bonam cappam,

cappam, bonam rem desiderat, scilicet bonam cappam. Ergo eius desiderium bonum est. Huic Expositioni consentit D. Chrysof. Hom. 10. in 1. ad Timoth. in d. verba Apostoli. statim à principio. Dicturus, inquit, de Episcopatus officio, cuiusmodi esse Episcopum deceat, indicat, &c. Quid autem, ait, (si quis Episcopatum desiderat) non culpo, non improbo, opus quippe regiminis est. Si quis hunc idcirco appetit, non principatus, ac dominationis fastu, verum cura regiminis, & charitatis affectu, nō improbo, bonum quippe desiderat opus. Quippe & Moyseſ cam rem appetiſſe dicitur. Verum ille huiusmodi potentiam, ambitumq; dominandi nequaquam quæſiuit, sed cam rem ita cupiuit, vt illi diceretur. Quis te constituit Principem, & iudicem super nos? Si quis ergo ita desiderat, desiderat benè. Hucusque ille. Non igitur omnis, qui Episcopatum desiderat, benè eundem cupit. Cui conforme est aliud D. Chrysof. Homil. 35. in Math. in opere imperfecto dictum: Opus quidem desiderare bonum, bonum est: Primatum autem honoris concupiscere, vanitas est. Primatus enim fugientem se desiderat: desiderantem se horret: sed nunc redeundum ad ceptum iter.

Quintum. Quatuor vijs solet ingressus ad Ecclesiasticas dignitates, honores, & munia patere. Abusu sæcularis potestatis, vel alterius cuiuscunq; potentis: sanguinis illicita affe-

Etione, siue amore carnali: Simonia, & recta, siue canonica electione, quæ est via Dei, id est, diuinitus in Ecclesia instituta. Hinc illi versus.

Quatuor Ecclesias portis intratur ad omnes:

Cæsaris: & Giezi: sanguinis: atque Dei.

Prima patet magnis, & nummis altera, charis

Tertia, sed paucis quarta patere solet.

His præmissis nunc deueniendum est ad resolutionem:

Prima Conclusio. *In electione ad dignitates, & pralaturas Ecclesiasticas locum quandoq; sortitur simonia.* Conclusio est certissima, nec ab ullo negatur. Et prob. ex hoc cap. & infra c. Mathæus. & 8. q. 3. c. 1. & 2. Ratio etiam clara est: Electio ad dignitates Ecclesiasticas est via ad spiritualia. Quando ergo pecunia aut pretio æstimabile interuenit, est simonia.

Secunda Conclusio. *Omnis pactio, aut promissio alicuius rei temporalis in electione inducit simoniam.* Hæc quæ communiter etiam à DD. tenetur, probatur ex hoc cap. cap. fin. de pact. & 1. quæst. 2. cap. Quam pio. In spiritualibus omnis pactio, & conuentio cessare debet. Notandum, quod pactum, aut promissio potest esse de aliquo, quod tacitè, siue iure, siue natura inest, vt si aliquod beneficium ex fundatione, erectioneque habeat residentiam: aut est dignitas electiua, quæ sacerdotium requirit de iure, vt Episcopatus, Decanatus, &c. aut beneficium ex institutione primæua tenetur dare

dare quatuor, aut quinque modos filiginis pauperibus certi loci, & sic de similibus. Aut promissio, siue conuentio est de aliquo, quod iure non inest, ut exempli gratia: Monachi in electione Abbatis conueniunt, ut quicumque futurus est Abbas, præbebit consensum, ut Ecclesiæ incorporatæ monasterio in posterum conferantur seniori conuentus, & in euentu quo ab illo recusetur, proximo, & sic de reliquis. Aut Canonici in electione Episcopi pactum incunt, quod Episcopus ipsis preces primas, quando priuilegio, aut consuetudine habent, in initio Episcopatus impertiri ad aliqua beneficia vacatura, teneatur dare; aut quod Episcopi correctioni non subiacebunt, sed Decani, & capituli per omnia: atque ad id iuramento se astringunt, antequam ad electionem procedant, & de similibus similis est ratio.

Tertia Conclusio. *Nullum pactum, aut stipulatio, siue promissio de eo, quod iure, & natura inest in electione, aut prouisione facit electionem, aut prouisionem simoniacam.* Ratio est: quia quod natura inest in spiritualibus, aut eis annexis sine simonia potest deduci in pactum expressum, modo aliter non deducatur in pactum, quam inest arg. c. ad audientiam. 2. de rescript. Gloss. ibid. & c. Significasti, de elect. & arg. l. 3. ff. de legat. 1. Felin. in d. c. Audientiam. num. 8. vers. Expressere quod inest. Panormit. in cap. olim. 1. de restitut. spoliat. num. 6. Anton. ibid. nu. 1. & latius in c. Cum M. Ferrar. de constit. num.

num. 51. Ioann. Imolen. in cap. fin. de pact. num. 2. & in cap. Significatum. de præbend. Iason in d.l.3. de legat. 1. num. 16. Pro hac sententia sunt etiam Damas. Vincent. & Tancred. allegati à Cardin. Alexand. & Archid. 8. quæst. 3. in summa. Martin. Nauar. in Manual. Confess. cap. 23. num. 100. & lib. 5. consil. in tit. de simonia. consil. 2. num. fin. & alibi. Pro hac conclusione facit regula in d.l. 3. de leg. 1. posita à Gloss. & à Bart. Castren. Ioanne Imolen. Iason. & alijs ibidem explicata. Expressio conditionis per eum modum qui tacitè inest, nihil operatur.

Dubium autem hic esse potest: Quid si canonici iurent inuicem ante electionē, & quilibet eorum, quod factus Episcopus seruabit aliquid, vel non alienabit, &c. Cardin. Alexand. in summa. 8. quæst. 3. respondet, quod tale iuramentum valet, nec est simoniacum, nisi alia ratione esset perniciosum Ecclesiæ, quia tunc non esset licitum iuramentum, nec seruandum. cap. Sicut. 2. de iureiuran. & ibi Pannormit. & alij DD. & ita videtur tenere Gloss. Facit text. in cap. Talia in fine. Ratio secundum Cardinal. quia talis promissio non videtur facta magis contemplatione, vel fauore vnius, quam alterius, nec ad corrumpendum eos, qui habent dare vota magis pro vno, quam pro alio, quia huiusmodi à singulis facta promissio, tollit suspicionem simoniæ: sicuti in simili dicit Ludou. Roman. in l. stipulatio
hoc

hoc modo concepta. ff. de verbor. obligat. reciprocum pactum de succedendo inter plures fratres valet, quod alias non valeret. l. fin. C. de pact. Alia tamen ratio foret, si huiusmodi pacta essent pernicioſa, aut tenderent ad tollendum, siue diminuendum plenitudinem potestatis eligendi, per ea, quæ allegat Card.

Respondetur ſecundum dicta, si faciant pacta inuicem, & ea iuramento confirmant pro vtilitate Ecclesiæ circa ea, quæ iure insunt, valent pacta, nec committitur simonia: & hæc est communissima sententia Theologorum, & fortè ita intelligit Cardin. Alexand. Si autem faciant alia, quæ non insunt iure, committitur simonia per iura allegata in conclus. In spiritualium acquisitione omnis conuentio, & pactum abesse debent. Quod sine dubio locum habet, quando Canonici, aut eligentes pacta, aut conuentiones etiam iuratas adhibent, quibus libertas eligendi, siue electi restringitur contra ius, & canones, & carnali libertati habentæ laxantur. Contingit quandoque in electionibus, quod Electores ita pactis, conuentionibus, & quod peius est etiam iuramentis manus, pedesque eligendi ligent, vt absque eorum consensu vix exequi possit suum officium. Quando autem huiusmodi pacta fiunt, si sint illicita contra iura, aut Episcopalem auctoritatem, non ligant, etiam iurata: Quia iuramentum non debet esse vinculum iniquitatis: aut contra bonum publicum

cum, animarumque salutem, per ea, quæ auctores adducunt de obligatione iuramenti, & colligunt Angel. in verb. Iuramentum. 3. & Syluest. eodem verb. 4. Si autem dubitatur, an possint huiusmodi conditiones, & pacta seruari cum debito pastoralis officij regimine, & executione petenda est absolutio iuramenti à Pontifice, cuius auctoritate sunt admit-tenda, vel reijcienda huiusmodi capitula iurata. Quando autem pacta apponuntur in electionibus, quæ tacitè non insunt, & alias sunt simoniaca tantum quia prohibita, si fiant cum conditione, quod Pontifici fideliter exponantur, & cum eius beneplacito fiant, & admittantur, non inducunt simoniam. Dictum in Conclusionis ratione, prout etiam Conclusio intelligenda (modo aliter non deducatur in pactum, quam iure inest) quia si deducitur aliquid plus, vel aliter in pactum, quam inest, simonia committitur. Felin. Nauarr. & alij: Sic si quis in pactum deducat obligationem ad antidora in spiritualibus, committitur simonia: quia alio modo requiritur, quam prius inest, Inerat enim prius obligatio naturalis, & pacto inducitur ciuilis. Dicitur autem ea obligatio antidoralis, quæ nascitur ex beneuolentia, aut grati animi significatione. Faciunt ad huius Dicti confirmationem ea, quæ DD. docent in materia vsurarum, quod in mutuo sine vsura, obligatio antidoralis non valeat deduci in ciui-

in ciuilem, per conuentionem, aut pactum. S. Thom. 2. 2. q. 78. art. 2. ad 2. 3. & 4. Conrad. de contract. q. 46. conclus. 4. Gabr. in 4. d. 15. q. 11. art. 1. Syluest. in verb. vfura 1. q. 2. Gloss. & Archidiac. 14. q. 3. cap. Si quis fceneraucris. Ioan. ab Anania. Cardin. & Panormit. in cap. Consuluit. de vfur. Bald. in Rubr. C. de vfura. col. 1. Decius in l. Rogasti. §. Si tibi. colum. fin. ff. si certum petatur. Ancharan. in reg. Peccati venia. q. 8. de reg. iur. in 6. & alij alibi. De qua re latius actum est à nobis in Comment. de cap. Consuluit. q. 2.

Quarta Conclusio. In electione simonia committitur, quando vota pecuniâ, aut pretio comparantur. c. Mathæus. & c. Nobis infra hoc tit. c. Cum super. de confess. Felin. Panor. Anton. & communiter DD. in d. c. Mathæus. Quod veritatem habet etiam secundum DD. si quis vnum tantum votum pecunia emeret, aut promissione alicuius temporalis acquireret: & sic prauitas vnius inficit totum actum electionis.

Quinta Conclusio. Conferens, aut promittens beneficium Ecclesiasticum ad hoc, vt eius vocem, aut suffragium in electione ad dignitatem, aut aliud Ecclesiasticum munus obeundum consequatur, crimen simonia incurrit. Est communis DD. in hoc c. & probatur per idem cap. Licet enim beneficium sit quid spirituale, tamen emolumenta, quæ beneficium consequuntur, & ex eo dependent, sunt tēporalia, & pretio æstimantur.

Vnde

Vnde qui beneficium dat, aut promittit, vt suffragium in electione ad dignitatem acquiratur, simoniæ crimine se maculat. Eadem ratione hæc pacta sunt simoniaca. Ego promitto te eligere, & tu me. Vel conuenio tecum, vt meum nepotem nunc ætatem habentem eligas, & ego eligam tuum in proxima instante electione. Solent enim quandoque dicere maiores Canonici. Canonizemus nepotes nostros. Placeat tibi de meo, & mihi placebit de tuo. Raymund. in tit. de Simonia. & post alios Summa Pisanella in verb. simonia 3. in tract. de benefic. Aurea Armilla in eod. verb. num. 46. Selua in 1. part. q. 7. & alij alibi. Quia vt sæpe dictum, In spiritualibus omnis pactio est prohibita.

Sexta conclusio. *Etiam simoniaca redditur electio, quando ambiens dignitatem alicui tertio dat pecuniam, aut promittit aliquid temporale, vt procuret aut impetret sibi votum alicuius, qui habet ius etiam pro sua parte ad eligendum.* DD. cum text. communiter infra in cap. Nobis. & arg. c. Per inquisitionem. de elect. & eorum, quæ DD. ibidem annotant. Ratio est, quia datur, aut promittitur temporale pro spirituali consequendo, quod spectat ad crimen simoniæ, vt frequentissimè repetitur in hac materia. Hinc aspirans in electione ad Episcopatum, si aliquem amicum, aut fratrem alicuius collegæ accedat, vt ab amico, seu fratre collegæ suffragium sibi petat, promittendo quod factus Episco-

Episcopus ipsum infeudabit de bono aliquo feudo vacante per sententiam, aut feloniam commissam, simoniam etiam committit.

Septima Conclusio. *Electus à maiore parte Capituli, si contradicat minor pars, nec velit consentire, electus nec per se, nec per alios sine crimine simonia potest contradicentibus pecuniam offerre, ut conquiescant, & à contradicendo desistant.* Panor- mit. Felin. & alij infra. in cap. Mathæus. Pisanella in d. verb. Simonia 3. S. Antonin. 2. part. tit. 1. cap. 5. §. 21. Syluest. in eodem verb. quæst. 13. Aurea Armill. num. 25. & alij per text. in d. cap. Mathæus. Nec licitum est redimere vexationem ante ius in re quæsitum: ut communiter DD. tradunt.

Dubium hoc loco moueri potest. An ad impediendam electionem iniuriosam, & Ecclesiæ perniciosam liceat pecuniam offerre. V. G. In Capitulo duo sunt inter quos militat electio. Vnus Catholicus doctus, & prouidus, atque dignus qui præficiatur Ecclesiæ: Alter Calvinista, qui oberit Ecclesiæ tam in spiritalibus, quam temporalibus. Dubium nunc quærit: An liceat pecunia amouere ab illo indigno electionem, si videatur in illum inclinare fortasse maior pars eligentium, utpote, quia habet plures sibi adhærentes.

Dico 1. Caietan. tom. 2. opusc. tract. 9. quæst. 3. Dominicus à Soto. lib. 9. de iure, & iust. q. 6. art. 1. in solut. ad 5. Gregor. de Valent. in 2. 2. disp. 6. quæst. 16. punct. 3. quæst. 3. Nauarr. in

O

Manual:

Manual. cap. 23. num. 102. vers. Octauo, & alij quidam recentiores Theologi existimant, quando talis iniuria, aut violentia imminet, quod liceat pecunia amouere, & vexationem redimere, modò recta sit intentio.

Dico II. Caiet. solus existimat non esse licitum in illo casu electionem in dignum illum, in sp̄cie dirigere, sed tantum in genere, vt eligatur dignus; sed alij rectius iudicant id etiam esse licitum ad promotionem digni, quia in hoc casu repulsio vnius, vt Sotus ait, esset alterius electio.

Dico III. Quando in hoc casu pecunia offertur eis, qui perniciosam Ecclesiæ moliuntur electionem ad redimendam vexationem, intentio esse debet, non vt pecunia detur tanquam pretiũ rei spiritualis, sed tanquam motiuum ad remouendam iniuriam, quæ Ecclesiæ imminet.

Dico IV. Existimarem quod in hoc casu posset aliquis pro seipso procurare, quando iudicio bonorum virorum ipsemet solus dignus iudicaretur ad bonum Ecclesiæ, & discrimen tantum inter ipsum & alium indignum verteretur, quicquid in contrarium Caietan. dicat.

Dico V. Si ambiguitas verteretur inter duos dignos, etsi alter esset dignior, neutiquam esset licitum electionem pecunia, aut temporalium promissionibus deflectere in digniorẽ. Quia tum non redimeretur vexatio, sed daretur oc-

tur occasio pervertendi electiones simoniaca prauitate, & mentiretur iniquitas sibi.

Octaua Conclusio. Omnis electio simoniacè procurata, aut facta est nulla, per eamq; nullum ius acquiritur electo. Hæc est communis DD. tam Theologorum, quam Summistarum, & Canonistarum, & probatur ex iure. c. Sanctorum. l. q. i. cap. Si alicuius de election. & d. cap. Nobis. & Extrauag. Pauli II. de simonia. & alibi: in quibus iuribus nihil clarius. Excipitur tamen singularis casus secundum Panormit. Felin. & alios in d. c. Nobis. Rebuff. in concordat. in tit. de electionis derogat. non longè à principio, super verb. Simoniacis. Syluest. in d. q. & alios communiter alibi: quando scilicet simonia commissæ est in fraudem eius, qui sperabatur eligi, utpote inimici, & ficti amici commiserunt simoniam cum aliquo electorum ipso ignorante ad effectum impediendi, & irritandi electionem.

Nona Conclusio. Omnis electio simoniacè contracta in ordine ad dignitates, & beneficia Ecclesiastica, excommunicationem inducit inter sic eligentes, & electum. Est communis DD. per expressum textum. in d. Extrauag. Pauli II. ibi: sententiam excommunicationis incurrunt, à qua nisi à Romano Pontifice pro tēpore existente non possint absolui, &c. Eidem excommunicationi subiacent mediatores, quales sæpè solent interuenire in electionib. ad pingues prælaturas. Mittuntur amici, procuratores, &

alij mediatores, qui pollicitationibus, promissionibus bonorum tam Ecclesiasticorum, quam sæculariũ, aut donis datis, aut alijs omnibus modis, qui à diligenti, vigilantique ambitioso excogitari possint, venentur, emant, & procurent vota necessaria ad electionem: Et vtinam frequenter huiusmodi non fierent aliquando, necdum vacantibus dignitatibus: & hæc parua tamen, & minima hoc tempore, imò plerisque nulla peccata videntur: gloriantur nonnunquam de huiusmodi, & exultant in rebus pessimis. Ingrediuntur Ecclesias cum Simone in maledictione, & putant quod foelix regimen sint habituri; Sed si auri sacra fames in penetralia veneranda proserpit, quis locus tutus erit?

CAPVT XII.

Simoniacum est pro temporali obsequio beneficium Ecclesiasticum promittere.

Idem Eboraceni Archiepiscopo.

Cum essent in nostra præsentia constituti R. clericus, & nobilis vir V. quia idem V. moram diutius facere non poterat, pro se in causa illa sufficientem constituit responsalem.

Cumque ab ore præfati R. intellexerimus, quod memoratus miles promiserat ei dare Ecclesiam, si quoddam negotium eiusdem in nostra posset præsentia pro-

et promouere; ac per hoc promissionem ipsam continere simoniacam prauitatem, eidem R. super eadem Ecclesia silentium duximus imponendum.

CAsus cap. talis est secundum Abbatem. R. clericus, & nobilis Vir V. erant in præsencia domini Papæ pro controuersia, quam inter se habebant. Quia nobilis ille in curia domini Papæ morâ diutius trahere non poterat, pro se in causa illa constituit procuratorem partibus in præsencia Papæ constitutis, clericus ille confessus est, quod miles ille promiserat ei dare Ecclesiam illâ super qua litigabant, si quoddam negotium ipsius militis posset in præsencia Papæ promouere: Et quia promissio illa continebat simoniacam prauitatem, eidem R. Papa imposuit silentium super illa Ecclesia.

Notandum I. ex text. & DD. Clericum posse esse procuratorem, siue sollicitorẽ in causa laici. Quod quidem verum censent in Curia Romana, & foro Ecclesiastico, argum. cap. Per venerabilem. iuncta superscriptione. Qui filij sint legitimi: Secus autem in foro seculari. Panormit. Anton. Felin. Ioann. ab Anania secuti Abbatem sentiunt, quod clericus non prohibetur procurare & promouere vnum negotium laici. Iura autem in contrarium prohibent exercitium, & indistinctè agere munus procuratoris.

Notandum II. Cum Ioanne Andrea. Car-
O 3
din.

din. Panormit. Ioan. ab Anania, & alijs circa
 textum de promouendo negotio apud sedem
 Apostolicam, quod hodie qui facit pactum de
 dando, aut recipiendo aliquid commoditatis,
 aut vtilitatis pro obtinenda, & consequenda
 iustitia aut gratia apud sedem Apostolicam,
 pro se, siue pro alio, siue sit clericus, siue laicus
 vtriusque sexus, aut etiam religiosus, siue fa-
 miliaris Papæ, siue non; est ipso iure excom-
 municatus: nec à tali excommunicatione
 absque speciali mandato Pontificis potest ab-
 solutionis beneficiū obtinere, per Extrauag.
 Bonifacij VIII. cuius hoc loco auctores alle-
 gati meminerunt, habeturque inter Extra-
 uag. communes. de sentent. excommunic. c. 1.
 atq; incipit. Excommunicamus, & anathema-
 tizamus ex parte Dei omnipotentis. Et licet
 hæc extrauag. Bonifacij sit reuocata per Cle-
 mentē V. vt testantur Angel. in Summa. verb.
 Excommunicat. 5. excomm. 35. post Ioan. Cal-
 derin. & Ioann. à Lignano. Syluest. in verb.
 Excommunicatio 7. excomm. 46. Palud. in 4.
 d. 18. q. 3. Nauarr. in Enchirid. confess. cap. 27.
 num. 106. in fine. & in Comment. de datis, &
 promissis pro iustitia vel gratia obtinēdis: sta-
 tim in princip. Fuit tamen nunc nostris tem-
 poribus innouata, & maioribus pœnis muni-
 ta à foelicissimæ memorię Pontifice Gregorio
 XII. in extrauag. incip. Ab ipso Pontificatus
 nostri principio, &c. quæ promulgata est sub
 dato Anni Incarnationis Dominicæ 1574.
 Nonis

Nonis Nouemb. Pontificatus eius Anno 3.
Hanc Gregorij extrauag. eruditè lateque explicat Nauarr. per totum comment. de datis & promissis.

Notandum III. Cum Gloss. in fine mouent DD. dubium, An quis licitè seruire possit alicui prælato, sperareque ab eo beneficium absque simonia: cuius dubij solutio patebit infra in Quæstione. In hoc c. plenius tractabitur de simonia, quæ admitti solet circa beneficiorum collationem, & dispositionem.

QVÆSTIO I.

An & quomodo simonia committatur in beneficiorum collatione, prouisione, & acquisitione?

Prima Conclusio. *Quicumq; dat pecuniam, aut aliud quodcunq; temporale pro beneficio quocunq; Ecclesiastico consequendo, & acquirendo simoniae crimen committit.* Hæc est communis Theologorū, Summistarum, & Canonistarū, omniumq; qui iura tractauerunt. S. Tho. 2. 2. q. 100. a. 4. & 5. Commentatorū eius ibid. Sot. lib. 9. de iust. & iure. q. 7. art. 1. in eandē doctrinam S. Tho. Alexand. Alen. 2. par. q. 187. mēb. 6. S. Anton. 2. part. tit. 1. c. 5. §. 21. & sæpius in toto c. Palud. in 4. d. 25. q. 4. Albert. ibid. a. 4. Durād. q. 5. in ead. d. Gabr. super Can. Miss. lect. 2. Adrian. quodl. 9. Angel. in summ. verb. Simo.

nia 3. Summ. Pisanell. Syluest. Caietan. & aliorum. in eodem verb. Cardin. Alexand. Archidiacon. Turrecr. & aliorum in 1. quæst. 3. cap. Si quis obiecerit. & cap. Saluator. & sequentib. Canonistarum in hoc cap. & infra in cap. Iacobus. & frequentissimè in hoc titu. Rebuff. in praxi benefic. 1. part. in titu. Quot modis beneficia acquirantur. Et in 3. part. in titu. de simonia in resignat. Ioann. à Selua de benefic. 1. part. quæst. 7. & aliorum passim alibi. Probatur nunc Conclusio 1. quæst. 3. cap. Si quis obiecerit. ex Paschali I. Si quis obiecerit non consecrationes emi, sed res ipsas, quæ ex consecratione proueniunt, penitus desipere probatur. Nam cum corporalis Ecclesia, aut Episcopus, aut Abbas, aut tale aliquid sine rebus corporalibus in nullo proficiat: sicut nec anima sine corpore corporaliter uiuit: Quisquis horum alterum vendit, sine quo nec alterum prouenit, neutrum inuenditum derelinquit. Nullus igitur emat Ecclesiam, vel præbendam, vel aliquid Ecclesiasticum: nec pastellum, nec pastum antea, vel postea pro huiusmodi soluat. Et ibidem in cap. Saluator. ex Epist. Urbani II. qui in confirmationem adducit Concilium Chalcedonense. Et iterum ibidem Alexander II. cap. Ex multis: sanctè & probè loquitur ad nostrum propositum his verbis. Ex multis temporibus hoc detestabile malum intra vestram Ecclesiam inoleuisse cognouimus, ut nulli vnquam clerico, quamuis re-

uis religioso , quamuis scientia , & moribus prædito Ecclesiasticum beneficiū concederetur, nisi ei, qui profano pecuniæ munere illud emere studuisset : fiebatq; Ecclesia, & res eius ita venalis, veluti quædā terrena, & vilis merx à negociatoribus ad vendendū exposita. Quod malum quam detestabile, quantum Deo, sanctisque sit contrarium , & sacri Canones doceant , & ferè omnibus manifestum existit. Chalcedonense namque Concilium vnum ex principalibus simili pœna condemnat eos , qui Ecclesiæ beneficium interuentu pecuniæ acquirunt, & eos , qui sacram manus impositionem (per quam Spiritus sanctus confertur) mercari dignoscuntur : Vtrosque enim auctoritate inexpugnabili , illos à beneficio, istos à sacro ordine, &c. Qui enim alij per numularios apud Ioannem II. condemnantur, & è templo à Christo tanquam negociatores eijciuntur, quam beneficiorum emptores , & venditores, qui id quod gratis dandum venale faciunt, prout in Rubr. notab. II. plenius ex sanctorum Patrum sententia declarauimus. Utinam hæc , hoc tempore in multis locis multi considerarent , vbi canonicatus, siue præbendæ quasi publicè venales sunt, nec secus, quam carissima merx venduntur, non raro 1000. aut 2000. daleris, aut aureis, & sic admittuntur in domum Dei, non qui moribus, pietate, disciplina, & scientia locupletati sunt, sed qui maiores sacculos pecuniæ adferunt:

atque ita aditus viris bonis, ac doctis ad Ecclesias præcluditur, quippe qui conscientia urgente, & Deo prohibente nolunt aliundè, quam per ostium templum intrare: ac interrim non sunt, qui gratis dona Dei, prout eorum natura postulat, eis offerant: sed omnia ambitionis ardor, & auri prophanus, insatiabilisq; amor occupant. Non mirum si nunc pietas è multis Ecclesijs exulet, disciplina omnis ruat, patrimoniũ Christi malè dissipetur, Ecclesiæ olim florentissimæ à maioribus nostris maxima munificentia erectæ, fiant semina hæreticorum: Quandoquidem in ingressu non Dei honor quæritur, sed temporale commodum spectatur. Introitus est cum Simone, perseverantia, & exitus cum eiusdem maledictione: & sic verissimum est illud relatum à Rebuff. super concordatis. in tit. de electionis derogatione. col. 8. à princ. antea ab alio tamen prolatum: quod tales sic intrantes, communiter malè viuunt, scilicet iniuste, crudeliter, immundè, & carnaliter, superbe, & ignominiose, ac instabiliter: sic ille. Ex fructibus enim cognoscitur arbor. Qualem enim de se fructum producturus est, cuius graui simoniaca peste radix infecta est. Quando enim spiritualis est promotio, spiritualia promotus quæret: Si verò venalis, pecuniam: Si carnalis, carnalia, quia quod natum ex carne, caro est, & quod natum ex spiritu, spiritus est. Ioann. 3. vt rectè annotauit Hoslien. in verb. venale.

c. pe-

c. penult. Ne prælati vices suas. Faciunt etiam pro hac cōclusionē multi canones in hoc tit. præfens. c. & infra. c. sequens. & c. Insinuatū. c. Ex diligenti. c. Tuā. c. Iacobus. & alibi. & Extrauag. 2. inter communes. de simonia: & hæc omnium est vnanimis sententia.

Secunda Conclusio. *Omnis pactio, promissio, & conuentio in collatione, & prouisione beneficii tanquam simoniaca damnatur, nisi sit de aliqua re, quæ tacite, & iure insit.* Prima pars constat: quia in spiritualibus omnis pactio, conuentioque cessare debet. c. Quam pio. l. q. 2. & cap. fin. de pact. & DD. in ijsdem locis. Secunda pars etiam patet ex c. præcedenti. q. vnic. concl. 3. Quæ enim tacite de iure insunt, possunt deduci in pactum expressum per multa ibi allegata pro electione, quæ etiā in collatione, & alia prouisione suo modo locū habent. Hinc si quis haberet collationem beneficii curati, q̃ de iure, vt certissimū est requirit personalem residentiā, essetq; aliquis alias idōneus, qui peteret, de quo tamen ex probabilibus coniecturis dubitaret, an vellet personaliter residere, posset ei cum pacto de personaliter residendo conferre: Quia tacite de iure inest beneficio curato onus residendi. Eadem est ratio si collator, aut patronus haberet prouidere de aliquo beneficio, quod de iure esset incompatible cum alio, essetque competitor, qui aliud incompatible possideret, posset, modo alias dignus esset eidem resignare, cum pacto, & promissio.

missione de resignando, quod possidet, habita possessione pacifica super conferendo. Quia de iure in tali casu tenetur alterum resignare: per dicta ab Hostiensis in cap. Audientiam. 2. de rescript. Collecta in cap. Significasti. de elect. Rebuff. in praxi benef. prima part. tit. de requisitis ad collationem bonam. num. 3. Aliud exemplum esse potest. Est beneficiū, quod ex sua fundatione, & crectione tenetur annuē pauperibus certi loci erogare, V. G. duo maldra frumenti, collator conditionem hanc sine simonia, quando confert, potest exprimere. Pro parte priori conclusionis sequentes casus omnes sunt simonia infecti. *Primus esse potest.* Si collator conferat N. & nepoti suo pauperi danti operam literis per quatuor annos continuos in singulos contribuat in subsidium de beneficij fructibus tria maldra frumenti. *Secundus.* Si collatori incumbat onus ædificandi, aut restaurandi tectum Ecclesiæ, & ea vacante præsentet N. cum pacto, vt is ædificet, vel restauret collapsum tectum. *Tertius.* Si præsentator Socrati offert beneficium, vt post sex annos resignet nepoti suo necdum capaci ob defectum ætatis, interim tamen Socrates erit in possessione, gaudebitq; fructib. *Quartus.* Collator confert filio N. primogenito (qui non multum sapit, ideoque inutilis ad administrationem rei familiaris) iure patronatus pinguem personatum, ea conditione vt filius secundogenitus suam filiam in uxorem accipiat.

accipiat. *Quintus.* Confero tibi N. vel alteri parochialem Ecclesiam, cuius prouisio ad me ratione dignitatis pertinet, ut tu beneficium simplex, nullam residentiam requirens quod possides resignes in fauorem mei cognati, qui possit eo gaudere, & literis operam dare. *Sextus.* Petrus promouet Ioannem ad beneficium coram Episcopo facta conuentione, ut sibi remittat debitum, quo ei obligatus est ratione gratitudinis ob beneficium impetratum. *Septimus.* Decanus Ecclesiæ S. VVillebrordi nominat Laurentium ad altare N. vacans in Ecclesia, ut onera sua ad sex annos in Ecclesia sibi compleat. *Octauus.* Martinus est insignis cantor, alias ad alia beneficia ob ignorantiam ineptus, & quia chorum cantando optimè ornare potest, confecto ei Vicariatum cum pacto, & promissione ut nunquam se ad aliam Ecclesiam conferat. Et de similibus casibus eadem est ratio.

Tertia Conclusio. Collator beneficij si alicui *neneficium*, aut Ecclesiam conferat cum pacto, ut aliquam partē fructuum beneficij sibi retineat, committit simoniam non solum sic conferens, sed etiam recipiens beneficium. Alen. in d. memb. 6. §. 2. S. Thom. 2. 2. quæst. 100. art. 4. ad vltimum. Sotus in eundem art. 2. lib. 9. de iustit. & iure. q. 7. art. 1. in fine ad 3. D. Antonin. 2. part. tit. 1. cap. 5. §. 21. statim in princip. Syluest. in verb. Simonia. quæst. 13. in dict. 2. Aurea Armilla in eod. verb. num. 18. Cardin. Alexandrinus, & Turcrem.



crem. in c. Si quis præbendas. l. q. 3. cum Gloss. ibid. in verb. Diminutione. Panor. Anton. & Joann. Imolen. in cap. i. vt beneficia Ecclesiastica sine diminutione conferantur. Et hæc est communissima DD. opinio. pro qua faciunt text. in d. c. Si quis præbendas. & d. c. i. vt benefic. cum Gloss. & ratio à S. Thom. insinuata: Retinere sibi partem hoc pacto idem est ac si munus aliquod temporale exigeret, quod est simoniacum. De æquipollentibus autē idem est iudicium. arg. l. 3. C. de institut. & substit. & l. Iulianus ait. ff. de condit. & demonstra. Hinc quoties collator in præsentatione, collatione, siue sit sæcularis, siue Ecclesiasticus confert beneficium, vt aliquas decimas sibi retineat, vel in vino, siue frumento, aut alio censu quouis, committitur simonia: sic beneficium recipiens nullum acquirit in eo ius, nec titulum, nec fructus suos facit. Ex infecta radice omnia quæ sequuntur inficiuntur, ac nulla sunt. Hoc tamen sciendum, quod Episcopus ex graui necessariaque causa tendente ad communem Ecclesiæ vtilitatem, aut in pium, necessariumq; vsum beneficio vacante, antequam ad collationem deueniatur cum consilio Capituli, aut sine eo, quando de consuetudine non solet huiusmodi cū scientia, & consensu capitularium disponere, possit aliquos fructus beneficij subtrahere vel ad tempus, vel in perpetuum pro necessitate, & pio vsu. Id tamen ita faciendum, vt qui beneficio inseruiet, de-

centem,

centem, honestamq; habeat sustentationem. Quare huiusmodi fructuum reservatio ab Episcopo non passim in omnibus beneficijs attentanda, sed rarò in casu necessitatis Ecclesiæ, & quando beneficium abundaret fructibus, ultra personæ seruientis exigentiam. Inferiori autem prelato propria auctoritate non foret licitum ita reservare. Si tamen maxima necessitas vrgeret, vtpote esset Abbas aliquis, cuius monasterium esset deuastatum ab hostibus, aut captus fuisset ab hostibus, condemnatusq; ad maximam summam pro redemptione: Ex quibus causis magnum grauamen, aut debitum monasterio enatum extitisset, vacante aliquo pingui beneficio, cuius provisio ad monasterium suum pertineret, prelato etiam miseriori, esset sufficiens causa sibi reservandi aliquam partem ante collationem cum scientia, & approbatione Episcopi, maximè ad tempus. Pro qua Responsione Gloss. in pragmatica sanctione. in tit. de annatis. §. voluit tamen: super verb. Habeat. per cap. fin. de his quæ fiunt à maiore part. cap. & DD. in cap. Si propter. de elect. in 6. & alia iura. Aut Pontificis, siue Nuncij Apostolici accedente auctoritate. Atque hoc securius conformiusq; iuri: Quoniam Pontifex propter plenitudinem potestatis maiorē habet disponendi facultatem super fructibus beneficiorum. Semper tamen cauendum, vt nullum fiat pactum in collatione, aut præsentatione, cū eo, cui

cui confertur, aut prouisio fit: eo quod huiusmodi conditiones, & pacta grauent, odiumq; generent, ideoque simoniam de iure inducant. De hac materia plenius decretorum D.D. in d. cap. Si quis præbendas. & canonum interpretes in d. cap. i. vt benef. Breuiter etiam hoc notandum, quod regulariter non potest beneficiario detrahi pars fructuum beneficio iam acquisito. Quia sine eius consensu, qui in possessione est non potest ei ius suum acquisitum auferri per reg. Id quod nostrum. ff. de reg. iuris. Et si contrarium fieret, beneficiarius posset agere tanquam spoliatus ad restitutionem.

Dubium hoc loco se offert. Quid iudicandum de primis fructibus, qui soluuntur in curia Romana, & in residentijs aliquorum Episcoporum. Angel. in verb. Simonia 3. §. 45. Syluest. in verb. Simonia. quæst. 13. dict. 2. Aurea Armilla in eodem verb. num. 44. & quidam alij Summistæ respondent, quod soluentes primos fructus, aut vt vocant alij, annatam, siue taxam bullarum, & cæterorum secundum stylum curiæ non sunt credendi simoniaci: cum talia non soluantur pro spiritualibus, sed pro sustentatione curiæ, & hæc omnia ita sunt ordinata, atque constituta de voluntate Papæ. Secus autem est in Curijs Episcoporum, & aliorum prælatorum, qui habent vnde viuant, secundum decentiam, non secundum pompam, & tunc huiusmodi taxæ sunt simoniacæ pro absolutionibus,

bus, dispensationibus, & similibus. c. Ex multis. 1. quæst. 3. Quod tamen verum non foret, quando Episcopi non haberent necessariam, decentemque sustentationem pro suo statu; tunc enim titulo sustentationis sustinentur huiusmodi, nec damnantur taxæ vt simonicae. Quantum autem ad primos fructus clarius Respondeo Priuilegio, consuetudineque potuisse introductam fuisse, solutionem primorum fructuum pro sustentatione Episcoporum. arg. eorum, quæ habentur in Extrauag. Ioannis XXII. incip. Suscepti regiminis, & habetur inter Extrau. Ioannis XXI. in tit. de elect. & inter alias communes, in tit. Ne sede vacante. & c. Si propter. de rescript. in 6. Secundo dico, Non valere priuilegium, statutum, aut consuetudinem, vt aliquis prælatus recipiat omnes fructus vnius anni, prout etiam obseruat Petrus Rebuff. super concordatis. in tit. de collationibus. §. Volumus. super verb. beneficium, seu beneficia, quia reseruari debet dimidia pars fructuum, vel quota descripta in d. Extrauag. vel vt paucis dicatur, tantum, quantum sufficiat ad victum, sustentationemque eius, qui beneficio inseruit. Est enim contra legem naturalem & diuinam, vt ligetur os boui trituranti: atque inseruiat quis Ecclesiæ, & fame pereat. His quæ diximus de primis fructibus ob stare fortissimè videtur Constitutio Pij V. fol. 184. in lib. suarum Constit. quæ excommunicat cum reservatione,

P

personas

personas accipientes priuilegio, vel consuetudine aliquid ex fructibus primi, vel vltioris anni beneficij vacantis, & interdicat capitula, & suspendit Episcopos idem facientes.

Quarta Conclusio. *Exigere, & dare aliquid temporale pro inuestitura Ecclesiarum, & beneficiorum est simoniacum.* Hæc est communissima, & vnanimis DD. Canonistarum in c. In tantum. infra. Summistarum in verb. Simonia. Quod verum est tam de inuestitura facti, quam iuris, vt declarat Panorm. in d. c. In tantum. prope finem in hoc etiam communiter ab alijs receptus. Nec in hoc præiudicat consuetudo praua, qua Archidiaconi marcham argenti, aut aliquid exigunt pro inuestitura. per text. in d. c. versus finem. & DD. ibidem. Non est in hoc casu recurrendum ad consuetudinem, etiam longæuam, quæ simoniam nullo modo excusat, sub quocunq; colore, vt Cardin. Alexand. Turrecrem. & communis cum Glos. per text. ibid. in c. Si quis præbend. in 1. q. 3. in fine. argum. cap. Cum in Ecclesiæ. de simonia. & d. c. In tantum. & infra. cap. Iacobus. Quandoquidem simonia est contra ius naturale, & diuinum, quod consuetudine nulla aboletur. arg. cap. fin. de consuetud. & eorum, quæ Panorm. & alij ibidem colligunt. Nec refert siue aliquid pro collatione, aut inuestitura ante, vel post exigatur. per text. in c. Eos. in fine. Glos. sam & DD. 1. q. 1. & in d. cap. Præbendas. prope finem. Oblat huic Conclusioni consuetudo

tudo multarum Ecclesiarum, in quibus Archidiaconi, quando inuestituram conferunt, accipiunt marcham argenti, aut aliquid taxatum, quam consuetudinem damnare durum videtur, eo quod multi simoniam, & cum Simone æternæ maledictionis sententiam incurrerent. Respondetur simpliciter nullam consuetudinem, prout antea significatum, efficere posse, ut iuste aliquid pro inuestitura exigatur: potuisse tamen consuetudine introductum fuisse approbata, ut aliquid accipiat tanquam stipendium sustentationis, & tunc intentio recta esse debet, ut non recipiatur tanquam pro spiritali debitum, sed pro talis consuetudinis obseruantia, iuxta tradita à S. Thoma 2.2. quæst. 100. art. 2. ad 4. In hoc tamen & similibus, sollicitè cauendum est, quod habet speciem simoniæ, vel cupiditatis, iuxta illud Apostoli 1. ad Thessal. ult. Ab omni specie mala abstinete vos. Quod certè locum habere debet in prælatis Ecclesiarum, quorum omnis intentio esse debet, ut inferioribus malo exemplo scandalum nullum præbeant. His omnibus addo, quod quando certum aliquid statutis synodalibus, aut Ecclesiasticis, aut consuetudine longæua præscriptum in loco est, non est licitum sine simonia plus accipere, aut exigere, minus sic, consideratis circumstantijs temporum, & personarum: & tunc sine verborum ambagibus dicendum: Tantum pro hoc iure soluendum,

nec litigandum pro duriori exactione. Ex dictis elicitur nullo colore, aut prætextu excusari prælatos à simoniæ pessima labe, qui metas statutorum, aut consuetudinis longæuè in his excedunt, & quando agitur de inuestiundo, aut instituendo in Ecclesia, aut beneficio, non secus mercantur, quam si equos, aut boues in foro emerent, aut venderent. Dominus dicit, Tua Parochia est pinguis solues pro inuestitura, siue eius iure 36. aureos. Inuestiendus contra: Non possum ob paupertatem, nihil adhuc percepi, nec in anno percipere possum: Et quod magis miseriam meam auget, milites parentes meos, & futuros parochianos meos omnibus bonis spoliarunt. Iterum prælatus. Ex quo tantas grauaminum tuorum causas allegas, solues triginta aureos, & adhuc aliam tibi gratiam faciam, non decernam tibi citationem in partibus intimandam ad oppositiones faciendas contra te, si aliquæ sint, & ita non alias facies expensas itineris, & sic de similibus. Inferior contra. Domine, Non possum tantum soluere, nec habeo pecunias, nec vnde habere possim scio: peto propter Deum, Dominatio vestra sit contenta mea paupere sorte, duodecim regios soluam, quos mutuo à bono amico accepi. Dominus ex opposito. Numerabis viginti quinq;, & inuestiturâ tibi in forma sine mora communicabo. Inuestiendus denuò. Non possum, Domine, non habeo, debeo recedere potius, & præsentationem

nem relinquere. E contra prælatus. Recedas, veniet alius, qui libenter soluet tantum: si tu nolueris: sed quia tantum grauaris, vt nec tuæ, nec meæ voluntati respondeatur, numerabis viginti regios, & alium pro iuribus familiæ: & sic quasi dialogus apud quosdam more licitantium in nundinis, pro iure inuestituræ instituitur. Quæ res est intolerabilis in Ecclesiasticis rebus & personis, plena scandalo, auaritia, & simonia. Infernus, & perditio nunquam replentur. Similiter & oculi hominum insatiabiles. Prouerb. 27. & iterum 30. Sanguisugæ duæ sunt filiæ dicentes, affer, affer, & ignis ille ibidem, qui nunquam dicit, sufficit, est cupiditatis ardor, cui nunquam sufficit, quod habet, sed semper plura appetit: Sed his omissis, vt satisfaciam quorundam conscientiæ, qui aliquando cruciantur in hac re. Dubitare quispiam potest de soluentibus tam importunam exactionem, an etiam incurrant simoniam, excommunicationem, aliasque pœnas iuris contra simoniacos in beneficijs, de quibus in Extrauag. 2. de simonia. Respondeo, quod sine simonia possunt dare, quando sinceram habent intentionem non emendi inuestituram, sed amouendi pecunia tanquam motiuo quodam impedimentum, atque redimendi vexationem, iniuriam uic, qua afficiuntur, quod non possunt uti suo iure quæsito per præsentationem. Nō enim studiosè pecuniam suam pro acquisitione rei spiritualis exponunt, sed

quasi coactè ad auertendâ violentiam. Nemo enim suum præsumitur profundere in tali casu. Quemadmodum enim pro possessione acquirenda, & iure tuendo, quando à potente quis impediretur, vt illam faciliè non posset consequi, liceret pecunia vexationem illam amouere, prout Innocent. infra. in cap. ad aures. & Rebuff. in praxi benefic. 3. part. in titu. de Simonia. in resignatione. num. 24. significant. Ita in proposito, quando prælatus non vellet inuestituram impertiri, nec occurreret aliud medium, præsentatus pecuniam importunè exactam posset soluere, suamque iniuriam redimere. Non tamen negandum est eum, qui sic pecuniam recipit, & extorquet esse simoniacum, incidereque in pœnas simoniacorum, obligatumque iri ad restitutionem. Et quia simoniaci aut nunquam aut rarò restituunt, & resignant simoniacè accepta, & acquisita, difficilè saluantur secundum Ioannem à Turrecrem. in cap. Ex multis. num. 20. 1. quæst. 3. & Guilhelm. Peraldum tom. 2. de virtutib. & vitijs. in tract. de Auaritia. cap. 7. in §. de multiplici damno, quod prouenit de simonia. versus finem.

Quinta Conclusio. Simoniam etiam committit circa beneficium, qui dat mediatori, aut intercessori aliquod pretium, vt procuret sibi collationem, prouisionem, aut confirmationem. Hæc est communis. Panormit. Innocent. Anton. à Butrio, & alio-

& aliorum in cap. Tuam. de ætate, & qualit. ordinand. Felin. in cap. Tanta. hoc tit. S. Antonin. 2. part. tit. 1. cap. 5. §. 9. Angel. verb. Simonia. 3. §. 25. Pisanell. Syluest. Aurea Armill. & alij in Summis. Nauarr. in manual. Confess. cap. 23. num. 106. versus fin. & alij alibi communiter. Et satis constat ex Extravag. 2. de simonia, vbi mediator etiam in excommunicationem, & pœnas iuris incidit. Præterea paria sunt dare collatori, & dare tertio ad mouendum collatorem in collationem. Alia tamen ratio foret, si quis daret aliquid tertio pro labore, quem impenderet sæpius eundo ad ædes collatoris, aut confirmatoris, & redeundo, expectando, & sæpius sollicitando cum mora, prout contingit plerumque fieri in aulis magnatum: quod plus temporis moram trahendo, & expectatione longa perdatur, quam in expeditione negotiorum impenditur. Similis ratio foret si quid paruum, quod animum non efficaciter mouere posset, daret ratione gratitudinis, amicitia, & familiaritatis per latius dicta à Nauarr. Hinc mouent Pisanella, Aurea Armilla loc. cit. & alij Summistæ alibi dubium. *Quid si quis det ministro, siue familiari prelati pecuniam, aut aliquid, vt habeat accessum ad Prælatum faciliorem, aut expeditiorem pro rei spiritualis acquisitione, aut collatione beneficij?* Et communiter respondent, Quod si tantum det pro obtinendo

ingressu, neuter, neque accipiens, neque dans committit simoniam. Si autem pecunia datur, & accipitur, ut pro eo minister, aut familiaris verbum faciat, persuadeat, aut moueat prælatum ad consequendum rem spiritua-lem, aut conferendum beneficium, vterque committit simoniam. Mediator autem siue intercessor in hoc casu tenetur ad restitutionem eius, quod sic recepit. Solent autem hoc deploratissimo sæculo, in quo omnia pecuniæ obediunt, cunctaque sunt vendibilia vsque ad animam, quæ durante vita non potest auelli à corpore, alias à multis, qui æstuant igne cupiditatis, venderetur, plurimæ simoniæ committi in spiritualium, & beneficiorum collatione, in aulis tam Ecclesiasticorum, quam sæcularium principum. Cum omnes diligant munera, ab omnibus indifferenter accipiunt munera, & si vno die tres pro eodem beneficio venirent, successiuè ipsis darent spem promotionis, & ab vnoquoque aliquid muneris venarentur. Et sic quandoque qui non habent, quod dent, etiam si pietate, litteris, & alijs animi dotibus polleant, non possunt habere aditum, sed patiuntur repulsam, facile inuenitur occasio repellendi, & dimittendi. In Summa: Si nihil attuleris, ibis, Homere foras: obtinet nunc pecunia, quod virtus obtinere nequit, acquirit plena bursa, quod pietati, & literarum scientiæ denegatur: sed tandem aliquando veniet tempus, quando omnia æqua lance perpen-

perpenduntur: tunc pietas, & vitę innocentia, ornata scientia fulgebunt, vt splendor firmamenti in conspectu Dei, ardor autem insatiabilis pecunię, & rerum temporalium cupiditas, & dolus practicus simoniaci coloratus ardebunt, & scetebunt in inferno, nisi in presenti sæculo aqua sapientię salutaris, & pœnitentię lachrymis deleantur. *Aliud hoc loco & tempore incidit dubium resoluendum. Quid si eodem tempore duo beneficia vacent apud eundem prælatum, quę ab eodem duobus competitoribus conferenda: sed familiaris, vel alius intercessor accipit pecuniam, aut promissionem de aliquo temporali accipiendo, ab vno eorum, quatenus sibi procuret, aut obtineat id, quod de duobus pinguius in redditibus, & minus in laboribus, atque onere est.* Respondetur, quod in hoc casu simonia etiam committitur, nec negari potest arg. sumpto à definitione simonię: datur enim pecunia pro acquirendo spirituali, aut spirituali annexo. Qui enim pecuniam dat, aut recipit, vt procuretur pinguius beneficium, vtique rem spirituali annexam pecunia acquirit, quod propriè est simoniacum. Huic responsioni conformis est resolutio Nauarr. in Comment. de datis, & promiss. pro iust. & gratit. num. 20. non longè à fine, dum testatur se nuper respondisse cum incurrisse simoniam, qui vicario generali dederat viginti scuta animo alliciendi eum ad conferendum sibi beneficium melius de duobus, quorum alterum sibi per concursum debebatur, di-

tur, dicens se illa dare vt collationem accelera-
ret, & ille contulit sibi maius, si modo vicarius
ob id cum alteri concurrenti prætulisset.
Nam illud factū tacitè id loquebatur, & dare
quicquam temporale pro adeptione benefi-
cij, etiam alias debiti, simonia est, iuxta text.
iuncta Gloss. singulari in verb. (Iustitiam)
cap. vendentes. 1. quæst. 3. Sic ille. Ex quibus
satis etiam responsio nostra confirmatur. Cir-
ca hunc casum Nauarri, vt etiam ipse indicat,
Aduertendum est, qualis intentio sit, an re-
cta, vel corrupta: aliquando enim coram Deo,
& in conscientia potest esse simonia: & non in
foro exteriori: aliquando præsumptio ei in
foro fori pro simonia, vbi nulla erit in consci-
entia. Regula enim est posita à Syluest. in
verb. Simonia. quæst. 3. quod ad euitandam
simoniam coram Deo, & in conscientia, suf-
ficit, quod quis non intendat pro spirituali-
bus, vel eis annexis aliquid temporale recipe-
re, quasi pretium, etiam si intendat recipere,
titulo sustentationis concessione iuris, vel piæ
consuetudinis: Sed in his, & similibus semper
cauendum est, ne sibi mentiatur iniquitas fin-
gendo id, quod non est, aut colorando titu-
lum receptionis, qui minimè præconceptus
fuit. Deus enim cor intuetur, nec irridetur, vt
sacra scriptura tradit.

Sexta Conclusio. *Quando post collationem be-
neficij aliquid temporale datur, sine pacto præceden-
ti, aut promissione obligatoria, aut exactione, liberè
& volun-*

& voluntariè, collator illud sine vitio simoniæ potest recipere, si rectam intentionem habeat, quod non capiat pro collatione, sed ex liberalitate dantis, & gratitudine. Hæc Conclusio probatur ex c. Quicquid. l. q. 1. & eadem caus. q. 2. cap. Placuit. & ex ijs, quæ Cardinal. Alexand. & Turrecrem. ibidem colligunt. & in c. Ordinationes. in ead. q. 1. Angel. in verb. Simonia 2. in fine. & alij in summis: Nec est dubium in ea re. Si tamen ex parte dantis, aut ex parte accipientis, sine vlllo pacto tacito vel expresso, corrupta esset intentio, à parte eius, cuius sinistra foret intentio, committeretur simonia mentalis, quæ sola pœnitentia deletur, nec inducit pœnas alias iuris, prout infra in c. fin. Deo duce, ostēdetur. Qui enim beneficium accepit ab alio, iure naturali gratitudinis obligatur ad agendam, referendamq; gratiam eidē opportuno loco, & tempore. Benefacienti. n. benefaciendum est. l. Si non fortē. §. Libertus. iuncta Glos. ibidem in verb. naturaliter. & c. Cū in officijs. de testā. ait Concil. Lateran. sub Alexan. III. charitatis primo loco illis teneamur obnoxij, à quibus nos beneficium cognoscimus recepisse. Et q̃ homo naturaliter teneatur ad gratiarū actionē benefaciēti, & quomodo hæc gratiarū actio p̃ loco, & tēpore, & affectu sit beneficio recōpensanda, pulchrè declarat S. Tho. 2. 2. q. 106. art. 3. 4. & 5. Quādo ergo beneficiarius beneficio accepto, p̃ tempore, & cōmoditate aliquo dono beneuolētiq̃ collatorē recognoscit, nihil recompen-

recompensione dignum facit, sed quod natura faciendum dicitur, exequitur. Et sic qui recompensationē etiam recipit, in signum gratitudinis, nullas iustitiæ leges violat. Valde enim inhumanum est à nemine velle recipere, & vilissimum est omnia ab omnibus. l. Solent. §. fin. ff. de offic. Procons. Dictum est in conclusione (post collationem beneficij) Quia quando ante collationem datur, præsumptio maxima est, quod offeratur ad alligandum animum collatoris ad collationem. Non autem post. argum. cap. Sicut Episcopum. i. q. 2. & eorum, quæ Cardinal. Alexand. & Turrecrem. ibi annotant. Additum etiam (sine promissione obligatoria, intellige antecedenti) Quia promissio gratitudinis iure naturæ debita, verbis generalibus, eo modo, quo inest, expressa sine vlla additione, aut verborum coarctatione, quæ faciat eam transire in ciuilem, non nocet: per supra allegata, de Electione. conclus. 3. Tacite autem, & naturaliter inest, vt beneficiarius sit gratus. Sic qui beneficium petit à collatore poterit dicere, Non ero ingratus, vel Ero gratus, vel Referam, agamque gratias tempore opportuno, vel Ero memor beneficij accepti: Et sic de similibus. Quæ proferri possunt sine animo se ad aliquid speciale ciuilitur obligandi. Quia vt loco supra alleg. traditum, Non licet sine simoniæ labe, obligationem gratitudinis antidoralem in ciuilem deducere. Generalia etiam ta-

iam talia verba ad complacentiam, & vrbانيتatis ergo prolata non plus obligant, quam si non proferrentur iuxta tradita à Ioan. Andre. Panormit. Cardinal. & alijs in cap. Cum venissent, de institut. per text. ibidem, vbi Archidiaconus Richimundiaë, qui timens ne si negaret expresse quasdam libertates, quas Archiepiscopus sibi competere volebat, quod impediretur, ne veniret ad possessionem Archidiaconatus, quam necdum habebat, vel possessio diutius differretur, respondit Archiepiscopo, quod non solum de illo, puta, Archidiaconatu, sed de omnibus redditibus suis faceret, quod sibi placeret. Quibus verbis nulla censetur inducta obligatio, nec commissa simonia. Plura pro huius rei amplificatione adducuntur à Martino Nauarr. in d. Comment. de datis, & promiss. XI. Notabili.

QVÆSTIO II.

An sit simonia dare, aut recipere munus à lingua, pro beneficio, aut re spirituali?

DE hac re tractant Alensis. 2. part. q. 187. memb. 3. art. 3. S. Thom. 2. 2. q. 100. art. 5. & Commentatores eius ibidem. Sotus in eundem art. lib. 9. de iust. & iure. q. 7. art. 3. D. Antonin. 2. part. tit. 1. cap. 5. §. 4. Cardinal. Alexand. & Turrecrem. latè in cap. Ordinationes. I.

nes.1.q.1.Adrian.quodl.9. Francif. Viët.in re-
lect. de simonia. 1. part. n. 30. & seq. Angel.in
summa.verb.Simonia.5. Syluest.in hoc eod.q.
16.diët.3. & alij canonum DD. in c. Tuam. de
ætät. qualit.ordinand. & alij alibi. Pro maiori
elucidatione tituli Quæst.& aliorum,quæ oc-
current in progressu , aliqua prænotanda
sunt.

Primum. Munus à lingua dicitur,quod con-
sistit in aëtü linguæ, vt si quis laudando, hu-
manum fauorem sibi conciliet apud collato-
rem, cuius fauoris intuitu aliquid spirituale ei
conferatur, vel collator, vt fauorem alicu-
ius habeat, ad preces eius confert. Eadem est
ratio de precibus, quæ interponuntur apud
collatorem: hæ enim referuntur ad munus à
lingua.

* *Secundum.* Preces distinguere possumus
cum DD. in duplices, aut, si naturam rerum
altius considerare velimus, in triplices, ita vt
aliæ dicuntur humiles, siue benignæ, quales
communiter fiunt à petentibus beneficia in
supplicationibus factis ad prælatos pro bene-
ficijs,aut collatione rerum spiritualium. Aliæ
sunt importunæ cum immoderata instantia
opportunè & importunè impensa, quales ple-
rumq; facere solent homines perfrictæ fron-
tis, qui sine verecundia immoderato habendi
desiderio tracti, insequuntur suis precibus, &
instantia id, quod habere intendunt. Aliæ no-
minantur à DD. preces armatæ, de quibus
mentio-

mentionem faciunt Cardin. Alexand. & Tur-
recrem. Syluest. Aurea Armill. & quidam alij
loc. cit. sunt illæ, quæ fiunt à principibus, aut
maioribus prælatis Ecclesiæ, apud minores
pro aliquo, cū minis, aut insinuatione alicuius
mali, nisi consensus annuatur. Tollunt enim
huiusmodi preces armatæ libertatē, quæ inef-
se debet electionibus, & prouisionibus Eccle-
siasticis: Et tradit Guilhelm. Perald. Episcop.
Lugd. tom. 2. de virtut. & vitijs. in tract. de a-
uaritia. c. 9. hoc peccatum esse grauius simo-
nia, vocatque Choritarum peccatum. Hæc
precum distinctio, præter id, quod experien-
tia rerum magistra eam confirmat, deducitur
ex multis collectis à Glossatore pragmaticæ
sanctionis super cap. de Electionib. & reser-
uat. §. Item nec credit ipsa Congregatio Bitu-
ricen.

Tertium. Aut preces porriguntur pro dig-
no, aut pro indigno. Aut quis rogat p seipso,
aut pro alio. Hanc distinctionem assignant A-
lenf. & S. Thom. & post eos communiter alij.
Nunc quoniam variæ sunt DD. sententiæ in
hac materia, vt clariora omnia fiant, resolutio
per Conclusiones adhibenda est. Sit ergo

Prima Conclusio. Quando preces, aut laus, aut
fauor humanus resoluuntur in aliquod temporale
commodum tanquam pretium, tunc simoniacum fo-
ret eorum intuitu beneficium, aut aliquod spirituale
conferre. Hanc tenent S. Thom. in d. art. ad 2. &
3. Victor. in relect. de simonia. 1. part. num.

34. con-

34.conclus.4.Soto loc.cit.Greg.de Valent.22.
disp.6.q.16.punct.3. Innocent. & Cardin.in c.
Tuam.de ætat.& qualit.ordinand. Nauarr.in
Manual. Conf. cap. 23. num. 101. & in Com-
ment.de datis,& promiss.num. 24. nec est du-
bium in hac conclusione. Ratio pro conclu-
sione. Quia qui spectat munus à lingua pro
spiritualium collatione accipere, omnium
sententia est simoniacus. Exemplum huius
conclus.ponit victoria. Si pontifex pro colla-
tione beneficij Ecclesiastici exigeret fauorem
apud principem, ad consequendam dignita-
tem temporalem, aut redditus consanguineis
suis. Aliud simile Sotus adfert. Si Episcopus
Regis famulo sacerdotium eius precibus du-
ctus conferat, vt se apud Regem laudibus ef-
ferat, & hoc hamo pinguiorem Ecclesiam
possit expiscari.

Secunda Conclusio. *Siue quis preces interpo-
nat pro indigno, siue digno, si nullum aliud tempora-
le pretium interueniat, aut speretur, non est simo-
nia.* Hæc Conclusio est contra multos DD.
nempe S.Thom. Durand. Maior. q. 5. Palud.
in 4.d.29. Vide etiam S.Thom.2.2.q.100.art.
5.ad 3. Syluest.in d. q. 16. S.Antonin. Cardin.
Alexand. & Turrecrem. loc. cit. aliosque plu-
res. Et hanc communem opinionem Theo-
logorum sentit Adrian. quodlib.9. Aliqui ta-
men ex DD. censent, tantum esse simoniam,
quando preces fiunt pro indigno. Conclus.
nostram amplectuntur Victor. Sot.& Nauar.
• loc. cit.

loc.cit.Innocent. Cardin. Hostiens. Panorm. in d. c. Tuam. & alij alibi. Ratio est. Simonia non est, vbi nihil pecunia, aut pretio æstimabile pro spirituali interuenit. At quando preces interponuntur, nihil pecunia æstimabile interuenit, siue pro digno, siue pro indigno fiant. Ad simoniæ crimen incurrendum nihil facit siue pro digno, siue indigno preces accedant.

Tertia Conclusio. *Si preces quis offerat pro digno, eiq; prælatus conferat precibus motus, respiciendo dignitatem persona, nullum committitur peccatum.* Ratio assignatur à Soto. Quia legitima subest tam precandi, quam conferendi causa: Nec in hoc casu est infidelis dispensatio bonorum spiritualium. Contrarium si quis asserat, condemnat ferè totum mundum. Omnes tam in sæculari, quam in Ecclesiastica dignitate constituti solent frequentissimè preces pro bonis, & idoneis viris, apud collatores interponere: ob quorum preces, & commendationes illis beneficia conferuntur, & tamen non committitur peccatum.

Quarta Conclusio. *Qui preces impendunt pro indigno, aut eidem etiam beneficium conferunt, grauiter peccant.* Ratio Conclusionis. Quoniam sic precantes, aut precibus annuentes infideliter agunt, iustitiamque violant, & sic si Ecclesia aliquod damnum ex mala illa dispensatione incurrat, ad restitutionem damnorum tenentur. Grauiissimè autem peccant si cindigne

dignè promouentes ad curata beneficia, plurimas enim tales animas in discrimen adducunt, quas indignè occidunt, fortè nunquam viuificandas. Quare omnibus, qui gratia, fauoreq; gaudent apud praelatos, & magnates, attentè considerandū pro quibus preces impendant, atque sollicitè attendendum, ne eorum opera animarum traditoribus aditus pateat ad Ecclesiam.

Quinta Conclusio. *Si quis pro seipso preces fundat apud collatorē, aut presentatorem, non committit simoniam, siue sit beneficium simplex, siue curatum.* Hæc Conclus. est etiam contra multos DD. qui ex sententia D. Thomæ, & aliorum sequentium statuunt, quod si quis pro se precetur, vt curatum beneficium consequatur, simoniæ crimen incurrat. & Gloss. in c. Ordinationes. l. q. i. indistinctè dicit esse simoniā, si quis pro se preces offerat. Victor. Rationem nostræ cōcl. assignat. Si fundere preces, inquit, pro se est simoniacum, etiā esset pro alio: & si pro indigno, etiam pro digno. Quia ubiq; par est ratio, & nullibi aliquid interuenit pretio æstimabile; quod ad simoniam requiritur.

Sexta Conclusio. *Si quis bona fide consideratis circumstantiis rerū, temporum, hominumq; iudicat se dignum beneficio, cui animarū cura annexa est, non est mortale peccatum presumptionis, nec simonia, pro se apud collatorē preces offerre, & rogare, si indigeat.* Hæc videtur contra D. Tho. 2. 2. q. 100. a. 5. ad 3. prope finem, dum ait: Si verò aliquis

aliquis pro se rogat, vt obtineat curam animarum, ex ipsa præsumptione redditur indignus, & sic preces sunt pro indigno. Licitè tamē potest aliquis, si sit indigens pro se beneficium Ecclesiasticum petere sine cura animarum. Huic doctrinæ S. Thomæ antea consensum præbuit Alexand. Alenf. in d. memb. art. 3. & postea alij DD. de quibus Card. Alex. & Turrecrem. vbi supra. concl. nostram sequuntur Angel. in verb. Simonia 5. §. 4. Aurea Armill. in verb. Beneficium. n. 39. Ioan. Maior in 4. d. 25. q. 3. Cardin. Alexan. & Turrecr. cum alijs ab eis allegatis. Caiet. Greg. de Valent. Petrus de Aragon. in d. art. S. Thomæ. Sotus in eundem. 9. de iust. & iure. loc. cit. & communiter recentiores. Hanc concl. restringo ad curata beneficia inferiora. De Episcopatu propter altitudinē status, alia ratio in casu esse posset: Quod in hoc casu non sit simonia ex superioribus constat. Quod autem alias non sit illicitum, ex his cū Soto persuaderi potest. Primò, quia cura animarum in paræcianis, & alijs curatis inferioribus Episcopali dignitate, nō tam excelsum postulat perfectionis gradum, ideoque non apparet tanta præsumptio, si quis se bona fide, moribus, & scientia dignū arbitretur. Secundò potest esse tanta eorū raritas, qui ad parochias regendas sint idonei, tantaq; Ecclesiarum necessitas, vt viro alicui, qui optimam ob vitæ conuersationem, & eruditionis laudem, & existimationem in populo habet,

non modo non sit præsumptio, sed potius eximius charitatis actus ad id oneris se offerre. Tertio, potest etiam contingere tanta in prælatis, & collatoribus corruptio, vt dignis posthabitis, Ecclesias indignis committant, in quo casu quis potest se offerre, communi opinione hominum idoneus habitus, ad subueniendum necessitati, & ad impediendum indignum, qui alias illum locum fortiretur. Et hæc opinio magis est rationabilis, magisque pia videtur, vt attestantur Cardin. Alex. & Turrecr. cum alia multos videatur, maximè nostris temporibus cōdemnare, quibus quasi nunquam dantur beneficia sine cura, & cum cura nisi petentibus: quod tamen nullo modo Curia Romana suslineret in beneficijs curam annexam habentibus, si ita damnabile foret, sicut alia opinio sentit. Atque ex hoc manifestè sequeretur, quod Pontifex talium supplicationibus condescendens, mortaliter peccaret, quod satis durū esset asserere, & certè temerarium foret ita iudicare: & sic prædicti DD. cum Vlrico in sua summa inferunt, quod vbi quis se existimat dignum, scilicet doctum, prudentē, & exemplaris conuersationis possit pro se petere cum humilitate sperando in adiutorio altissimi beneficium cum cura, aut dignitatem, cui annexa sit cura animarum citra tamen Episcopalem. Nec videtur tum præsumptuosum, quando aliquis cum humilitate id petit, quod bona fide sperat non superare

perare suam virtutem gratia Dei adiutam, vt contingit in eo, qui se dignum sincera mente existimat, & supplicat pro beneficio curato. Præsumptio enim est ex mente eiusdem S. Thomæ 2.2. quæst. 130. art. 1. quando agens nititur ad agendum id, quod suam facultatem excedit, quod nequaquã locum habet, quando dignus beneficium curatum expetit: dignitas enim efficit, vt suam potentiam confirmatam diuino auxilio, sine quo nihil, & cum quo, multa possumus, non excedat. Caiet. pro explicatione moderatiori S. Thom. in d. art. 5. adhibet hanc declarationem, quod petitio curæ animarum secundum quid (hic enim auctor Episcopale onus vocat curã simpliciter) vt est petitio parochiæ, archipresbyteratus, & huiusmodi: licet aliquid sapiat, præsumptionis infra recti regiminis limites stando, vbi tamen communiter Ecclesiasticum regimen corruptum esset, quia scilicet non dantur hæc beneficia nisi petentibus, præsumptione caret, si citra cuiuspiam præiudicium fit, & est alias dignus petens, & ex charitate ad Ecclesiam mouetur. Patet hoc ex eo, quod in huiusmodi corruptis regiminibus frequenter sunt malæ prouisiones. Ac per hoc in hac diminuta animarum cura sufficit dignitas, & charitas ad petendum mouens, absq; eo, quod videatur in particulari, quod malè imminet prouisio. Præterea, quod Caiet. quinto loco ponit in explicatione prædictorum, quando vel vbi

huiusmodi corruptum regimen Ecclesiasticum esset, petitio huiusmodi beneficij curati pro se alias digno, ex humano affectu procedens, licet sapiat aliquid præsumptionis, pro quanto petit præesse, quia tamen verè appetit, & intendit prodesse, & periculum imminet semper malæ prouisionis stante huiusmodi corruptela, & probi viri postponuntur, non plus quam venialis videtur illa præsumptio, & sic preces non sunt pro indigno simpliciter, sed secundum quid. Sic Caiet. à quo in moderatione, non multum dissentiunt Sotus, & Greg. de Valent. De Episcopatu autem aliter DD. sentire videntur propter culmen gradus, & celsitudinem honoris. Cum enim Episcoporum status sit Apostolicus, maximamque perfectionem in subiecto prærequirat, vt clarum est ex diuinis literis, maximè 1. ad Timot. 3. & ad Titum 3. quæ præclara epitheta, & munia excellentissima passim Episcopis attribunt, præsumptuosum videtur esse se offerre ad tantum, tamque arduum munus. Nec credere aliquis debet se dignum Episcopali dignitate, aut eum assumere honorè, nisi vocatus à Deo tanquam Aaron sit, iuxta Apostolicà doctrinam: aut nisi diuinitus admonitus, & promotus exemplo Isaïæ, cuius, vt patet ex eius cap. 6. Os angelus prius tetigit, atq; ab omni eum iniquitate emundauit, quam ipse propheta diceret: Ecce ego: mitte me. Qua de causa, rectè quidam hoc argumento vtuntur ad improbandum

bandum appetitum tam immoderatum. Qui se ad Episcopatum offert, aut iudicat se indignum; aut dignum. Si primum, iniquus est, qui id affectat, quod præstare nequit in Ecclesia, & animarum perniciem. Si dignum: Certè regulariter alienus non erit à præsumptione, qui sibi tantum perfectionis gradum ascribere audet: quippe nemo scit, an amore, an odio dignus sit, vel sincerè Deum diligat, quod requiritur ad pascendum oves Christi. Non enim sine causa Dominus antequam Petrum suis ouibus præficeret, ter prius eum de charitate examinavit dicens, Petre, amas me; & tandem Petrus dixit. Tu scis Domine, quia amote: & tandem pastor institutus fuit, audireque meruit, pascere oves meas. Quare communis antiquorum constans opinio est, non licere Episcopatum sine præsumptione appetere, nec se ad eum offerre: Quomodo autem illud Apostoli Pauli. Qui Episcopatum desiderat, bonum opus desiderat, intelligendum, supra significatum est in c. De hoc. q. i. notab. 4. Verum recentiores DD. moderantur illā sententiā. Caiet. Greg. de Valent. Petr. de Arag. & alij in d. a. 5. D. Tho. Caiet. autem, qui alijs in primis tribuit declarandi occasionē in hunc modum suam mentē prosequitur. In primis quod petitio curę animarū regulariter est præsumptuosa, ut petere Episcopatū. Dicitur secundū eū (regulariter) ut p̄seruetur petitio Episcopatus in casu necessitatis ipsius Ecclesię. Secūdo

Petitio curæ animarum simpliciter in casu non est præsumptuosa, sed sancta, quando videlicet clarè constat, quod nisi ipse dignus petat Episcopatum illum, eidem malè prouidebitur. Tunc sine scandalo potest alias dignus licitè, vt prosit eum petere. Tertiò putat, cum sit necessitas, non esse præsumptionis, sed charitatis consilium hoc, quod inde patet, quia Ecclesia illa gratias magnas illi referret, si sciret ex illius petitione, se ex proposito creptam de manu lupi imminenti. Et similiter sponsus ac Dominus Ecclesiæ Iesus Christus, vt fidelem negotij gestorem illum recognoscet, non minus quam vnus homo, cui hoc beneficium præstitum fuisset. Constat namq; quod si mea esset Ecclesia illa, ego tenerer illi sic petenti gratias agere. An fortè, ait ille auctor, ingratus, aut tam rigorosus est Christus, vt non velit suarum Ecclesiarum periculis humana ratione obuiam iri? Postremò. Petitio curæ etiam simpliciter animarum non est necessario præsumptuosa, cum in casu sit licita: Et quia Esaias purgatum se vicens, petijt absque præsumptione. Ecce ego; mitte me. Nec mirum si Augustin. Greg. S. Thom. & alij videntur aliter docuisse: quoniam ipsi docuerunt quid agendum infra legū limites sit: nos autem quid inter corruptiones legū fieri potest, & quandoq; debet. Et rursus ipsi, quid absolutè fieri licet, nos aut quid in casu necessitatis, vel simpliciter, vel pro nunc inter tales. Sic Caietan.

Septima Conclusio. *Qui beneficium aut aliud spirituale confert alias digno, motus metu incusso per preces armatas, aut violentiam, non committit simoniam.* Hæc est contra. Cardin. Alexandr. & Turrecr. in d. cap. Ordinationes. dum docent, quod si prælatus requisitus de dando ordinem, aut beneficiū huiusmodi precibus propulsatus, principalem respectum habeat ad illas preces, vt videlicet euitet aliquod malum personæ, vel famæ, vel rerum quod probabiliter timetur, simonia fit: Etiam multi Theologi sunt eandem imitati sententiam. Bonau. in 4. d. 25. Durand. in ead. d. q. 4. Maior ibid. q. 3. Imo & S. Thom. in ead. d. q. 3. ad 3. Adrian. quodl. 9. art. 2. & alij alibi. Conclusionem sequuntur Franc. ViCTOR. in relect. de simonia. 1. part. num. 24. & 25. Sotus. Greg. de Valent. & Petr. de Arag. loc. cit. & alij recentiores. Probat. Conclusio. Conferens ex metu sic incusso aliquid spirituale, nihil pretio æstimabile recipit, sed gratis dat. Ergo non est simoniacus. Præterea, vt Victoria arguit, Si quis timore oret, celebret, confiteatur, aut absoluat, non est simoniacus, & tamen hæc maximè sunt spiritualia. Hæc tamen Conclusio ita est limitanda, vt non intelligatur, quando timor resolveretur in aliquod temporale commodum, aut pretio æstimabile, V. G. vt Sotus ait: Si Rex, vel aulicus comminaretur Episcopo, quod nisi sacerdotium tali personæ conferret, de gratia regia excideret, neque ad aliam esset

ascensurus sedem. Qui enim tali metu sacerdotium conferret, id ad venandum Episcopatum faceret, & sic simoniacus esset: Secus si metus incuteretur ei amittēdi vitam, aut temporalia bona, quæ possidet: tunc nihil temporale datur sic conferenti, nec via aperitur ad consequēdum aliquod temporale, quod non habeat. An autē sit peccatum, & quāle, quando quis ex tali timore beneficiū, aut aliquod spirituale confert, dubium esse posset? Victoria censet nullum esse peccatum. Sed Sotus, & Petrus de Aragon. & alij quidam censent esse veniale, quia saltem non fit collatio eo modo, quo fieri deberet. Ego rarissimē, aut nunquā putarem iudicandum culpā mortalem interuenire, quando collatio fit digno, & talis metus incutitur, qui in fortem, & sapientem virum cadere possit. Per hoc tamen non intendimus excusare à grauissimo crimine eū, qui huiusmodi preces armatas intentat, quamuis simoniam non committat. De his, qui sic preces armatas adhibent, videtur loqui Paschalis Secundus in cap. Sunt quidam. l. q. i. dum (inquit) Sunt quidam, qui vel violentia, vel fauore non permittunt Ecclesias regulariter ordinari. Hos etiam decreuimus vt sacrilegos iudicandos. De his melius Concil. Basilien. vbi agit de elect. receptum in pragmatica sanctione. in tit. de elect. §. ad tollendum. Vbi hunc in modum loquitur. Ad tollendum autem omnem ambitionis radicem, obsecrat per viscera miseri-

miseriordiæ Dei Iesu Christi hæc sancta Synodus, ac instantissimè exhortatur Reges, & Principes, communitates, & alios cuiuscunq; gradus, vel dignitatis existant, Ecclesiasticæ, vel mundanæ, ne electoribus literas scribant, aut preces porrigant pro eo, qui per se, vel alium preces tales, vel literas procurabit. Multo-
 que minus comminationes, impressiones (intellige reales violentias cum Glossa pragmatice) aut aliud faciant, quo minus liberè ad electionem procedatur. Similiter in virtute sanctæ obedientiæ ipsis electoribus præcipitur, ne ad huiusmodi literas, preces, comminationes, vel impressiones, aut alias, vt præmittitur, quenquam eligere præsumant, &c. hæc ibidem. His accedit, quod abusu sæcularis potestatis fieri dicitur electio, quando minis alicuius personæ potentis quispiam eligitur. Innocent. Collectan. & alij in cap. Quisquis. de elect. Rebuff. super concord. in tit. de elect. derogat. super verb. Per abusum sæcularis potestatis.

Octava Conclusio. *Et si non committat simoniam conferens beneficium, vel aliquid spirituale ex metu incusso per preces armatas, aut impressiones indigno, & inepto, mortaliter tamen peccat.* Prima pars est contra DD. in præcedenti concl. allegatos, & satis constat ex fundamentis eisdem. Secundam amplectuntur communiter DD. vbi supra. Committitur .n. acceptio personarum, ac infideliter, iniusteque contra legem natura-

naturalem, & diuinam res spiritualis dispensatur.

QVÆSTIO III.

*An sit simonia, beneficia & spiritua-
lia conferre propter consan-
guinitatem?*

ANtequam resolutio adhibeatur, aliqua sunt præmittenda.

Primum. De materia huius Quæst. tractant Alexand. Alens. 2. part. q. 187. memb. 4. art. 2. §. 6. Durand. & Maior. in 4. d. 25. Guilhelm. Al-
tisiodorens. 3. part. tract. 21. Victoria in 1. part. relect. de simonia. num. 26. Commentatores D. Thomæ, cum eodem, in d. art. 5. Adrian. quodl. 9. Cardin. Alexand. & Turrecrem. in c. Peruenit. 1. q. 3. Gloss. in cap. 1. vt beneficia sine diminutione conferantur. & alij libi.

Secundum. Inter omnes conuenit, grauissimum esse peccatum conferre consanguineis beneficia, eosq; promouere ad Ecclesiasticas dignitates, solo intuitu consanguinitatis, præsertim quando alias digni non sunt, licet hoc malum plus hedera nostris temporibus in Ecclesia serpat, eamque sæpissimè in maxima discrimina trahat. Vocatur autem hoc peccatum ædificantium Sion in sanguinibus, à DD. ex illo Michæ 3. Qui ædificatis Sion in sanguinibus, & Hierusalè in iniquitate. Et Abacuc 2.

Vah

Vah illis, qui ædificant ciuitatem in sanguinibus, & præparant urbem in iniquitatem. Collatio beneficiorum, (ait Guilhelm. Perald. tom.2. de virtutib. & vitijs. in tract. de Auidia. cap.8.) facta consanguineis, quædam præparatio est, vt habeant urbem Ecclesiæ concordem ad omnem iniquitatem, quam facere volunt. Et certè in Electionibus, nominationibus, alijsq; negotijs Ecclesiasticis sæpè consanguinitas multa mala generat, vbi in capitulis votorum pluralitas locum habet. Electio si aliqua instituenda sit, si multi sanguinis vinculo ligati intersint, sanguinem eligunt, sicque digniores negliguntur, & Ecclesia semper in sanguine regitur per illos, qui ex sanguinibus, & non ex Deo nati sunt. De Petro enim dictum est Matth. 16. Beatus es Simon Bariona, quia caro, & sanguis non reuelauit tibi, sed pater meus, qui in cœlis est. Utinam multi Ecclesiastici dum nimio amore sanguinem complectuntur, consanguineis dignitates Ecclesiasticas conferunt, eis Ecclesiarum bona concredunt de patrimonio crucifixi arces, agros, vineas, & alia bona immobilia comparant, vt scilicet, vel potius infelicius ad maioratus, baroniæ, aut comitatus honorem euehant extra statum, quem tenebant: perpenderent illud Dauidis Psalm. 29. Quæ utilitas in sanguine meo: dum descendero in corruptionem. Utinam aliud D. Ambros. lib. 1. Offic. cap. 30. relatum à Gra-

à Gratiano 86.d.cap. Est probanda. diligenter attenderent : Neque enim propterea te Domino dicasti, vt tuos diuites facias, sed vt vitam tibi perpetuam fructu boni operis acquiras, & pretio miserationis redimas peccata tua. Putant se parum poscere, qui pretium tuum quærunt: vitæ tuæ fructum adimere contendunt, & accusant, quod eos diuites nō feceris, cū te illi velint æternæ vitæ mercede fraudare. Cui accedit & D. Hieron. in lib. Numer. iuxta Gratian. 8. q. i. c. Si ergo. ibi, Audis euidenter ordinationem principis populi tam manifestè descriptam, vt penè expositione non egeat. Nulla hic populi acclamatio, nulla cōsanguinitatis habita contemplatio est. Propinquis, agrorū, & prædiorum relinquatur hæreditas: Gubernatio populi illi tradatur, quæ Deus elegerit, homini scil. tali, qui habet sicut scriptū audistis, in semetipso spiritū Dei, & præcepta Dei in conspectu eius sunt, &c. Verba huius Canonis à Gratiano ascribuntur D. Hieron. Sunt aut Orig. Hom. 22. in Num. ad cap. 27. vt obseruatur in decreto emédato iussu Gregorij XIII. Citatur autem Hieron. quia eas latinas reddidit, noxia detruncavit, & vtilia transfudit, teste eod. Hieron. in epist. 62. ad Theophilum. & in prolog. lib. 2. in Michæam. Multa, quæ ad peccati huius detestationē faciunt, colligunt Perald. vbi supra. & Aluar. Pelagius lib. 2. de planctu Ecclesiæ. art. 15. in lit. M.

Tertium. Committitur nonnunquam peccatum

catum acceptionis personarum in electiones ad dignitates Ecclesiasticas, nec non in distributione beneficiorum Ecclesiasticorum, prout Theologi plerique, nec non alij vbi supra traderunt. Est autem acceptio personarum iuxta D. Tho. 2.2. q. 63. a. 1. receptum communiter ab alijs, peccatum, quod id quod ex debito iustitiæ vni personæ conferendum est, datur alteri, non propter meritum eius ad ipsam rem, quæ conferatur, sed propter aliquam conditionem impertinentem ad rem, vt V. G. Si quis conferat alicui Episcopatum non eo intuitu, quod bonæ conuersationis, & eminentis eruditionis sit: quippe qui ineptus, sed quia diues est, aut quia sanguine iunctus. Diuitiæ, & consanguinitas neminem dignum Episcopatu reddunt, sed morum honestas, & doctrinæ splendor. Est autem personarum acceptio suo genere peccatum mortale, oppositum iustitiæ distributiue, prout S. Thom. in d. a. 1. ostendit. Ad quod etiam illud Gloss. in c. 2. Iacobi in illa verba: Nolite in personarum acceptione habere fidem Domini. Quis ferat, ait Gloss. si quis diuitem eligat ad sedem honoris Ecclesiæ, contempto paupere instructiore, & sanctiore, quæ desumpta est ex Augustin. epist. 29. ad Hieron. versus finem.

Prima Conclusio. *Conferre beneficium alicui ratione sanguinis non est simonia.* Hæc concl. est contra D. Bonau. in 4. d. 25. in expositione litteræ, Durand. & Maior. in ead. d. Adrian. loc. cit. Gloss. in cap. Nemo. huius tit. & in d. cap. 1. vt bene-

vt beneficia Ecclesiastica. & alios alibi. Conclusionem amplectuntur Alen. Altisiodoren. loc.cit.D.Tho.in d.art.5. in solut.ad 2. & eius Commentatores ibidem. Sotus & Victoria. vbi supra. Cardin. Alexand. & Turrecrem. in d.c.Peruenit. Et hæc nunc est communissima Theologorum sententia. Ratio fundamentalis. Qui beneficium intuitu sanguinis confert, nihil pretio temporali dignum recipit: sed non potest esse simonia, vbi emptioni, & venditioni non est locus.argum. à definitione simoniæ. Præterea si collator est simoniacus, vt Victoria argumentatur. Ergo etiam qui scienter eo intuitu recipit, quod nemo dicit, neque talis damnatur ad restitutionem. Et confirmatur ex d.cap.vnic.vt beneficia Ecclesiastica. vbi Innocent. III. reprehendit Archiepiscopum Mediolanen. circa tria. Circa contrarietatem responsi, circa carnalitatem animi, quia non ex affectu carnali, sed discreto iudicio debuit Ecclesiasticum officium, & beneficium in persona magis idonea dispensare. Et circa inhonestatem facti, quia non licuit ex pactione, vel conuentione quacunque, sub modo, vel tenore præscripto concedere nudum officium, & retinere sibi prouentus. Hoc tertium tantum (vt satis textus indicat) ab Innocentio vt simoniacum reprobatur. Secundum tantum vt illicitum reprehenditur.

Secunda Conclusio. *Qui consanguineo votum præbet in electione, innotus vinculo sanguinis, aut eadem be-*

dem beneficium eo intuitu confert, quando alias dignus non est, committit acceptionem personarum. Est communissima conclusio DD. quos allegauimus pro prima, & nunc pro sequentibus allegabimus.

Tertia Conclusio. Prælati motus consanguinitate conferens beneficium, aut votum etiam præbens in electione consanguineo alias digno, non peccat mortaliter. Victor. Cardin. Alexand. & Turrecr. loc. cit. & alij alibi. Probat Victor. Actus ex obiecto est bonus & circumstantia non est mortalis. Ergo actus non est mortalis. His accedit, quod secundum rectum ordinem charitatis homo plus coniunctos debet diligere, & per consequens magis eis prouidere, quando idonei sunt.

Quarta Conclusio. Cæteris paribus prouidere consanguineis, non est peccatum. Hanc docent Cardin. Alexan. & Turrecrem. loc. cit. & latius in cap. Decenter. 89. dist. Victor. loc. cit. & alij passim: nec potest in ea esse dubium. Quia cæteris paribus recta, & ordinata charitas hoc admittit, & naturalis ratio ad hoc inclinatur. Huic conclusioni videtur ob stare d. c. Decenter, quod desumptum est ex Concil. Toletano X. cap. 3. ubi prohibetur, quod Episcopi officia, & res Ecclesiæ sanguine propinquis, aut fauore personæ, quibuscunque sibi coniunctis non commendent ad suum nefandæ presumptionis excidium: & contra aliter ordinantes grauissimas statuit pœnas. Responde-

R

tur ad

tur ad hanc obiectionem secundum Gloss. Cardin. Alexand. & Turrecrem. c. intelligendum, quando consanguinei sunt malæ vitæ, vel alias non sunt idonei. Rationabiliter autem interdicitur Episcopis, & prelatis, ne tales præficient beneficijs, aut etiam officijs sæcularibus, prout rectè prosequitur Turrecrem. in d. cap. Decenter. Primo, quia Episcopi minus volunt cõiunctos corrigere, quos fauore prosequuntur, etiam si reperti fuerint in mala administratione, & sic perit iustitia, & læduntur res Ecclesiæ. Secundo, Propinqui Episcoporum ex tali coniunctione assumunt audaciam occupandi bona Ecclesiæ, quæ administrant: ac sæpè etiam hac occasione arripiunt sibi præsumptam potestatem supprimendi, ac concutiendi subditos, quorum gubernationi præficiuntur. Tertio, quia isti sanguine iuncti propter coniunctionem Episcopi timentur, & vix quis de eorû mala administratione audet loqui, nec eos accusare. Quod profectò sepius veritatē habet, quando Episcopi malæ sunt conscientiæ, plus avaritiæ, sanguiniquæ inhiantes, quam publicæ vtilitati, subditorum tranquillitati, ac animarum lucro intendentes. Exceecat aliquando carnalitas, vt vitia in nostris feramus, & dissimulemus, quæ si in alienis conspiceremus, erubesceremus. Prædicta conclusio limitanda est ex mente Alexan. Alens. 2. par. q. 136. memb. 2. S. Antonin. 2. par. tit. 1. c. 20. §. 2. S. Thom. quodlib. 4. Card. Alex. & Turre-

& Turrecrem. quando scandalum cessat, nec alij malum exemplum inde capiunt. Et certè plurima, maximaq; necesse est nasci scandala in Ecclesia, quando prælati sanguinè sequuntur, & omnia per carnem, & sanguinem disponunt. Ideoque vt verbis Aluari Pelagij vtar, verè hodie luna, id est, Ecclesia ecclipsin patitur in capite, & in membris, ac carnalibus istis temporibus versa est ferè tota in sanguinem: Prælati ex sanguine nati sunt, & ex voluntate carnis. Ioan. 1. de consecr. d. 4. cap. Si quis autem. Prælati immundi sunt, quia sanguiniflui filij homorrhoeisæ. Matth. 9. Marc. 5. Luc. 8. Sanguis eorum, & carnalitas sanguinem tetigit. Osee 4. Quia cum sanguine eos promouent viri sanguinum. Prælati carnales ædificant templum Domino, & præsumt illi non obstante, quod dixerit Dominus ad Dauid 1. Paralip. 23. Non ædificabis mihi templum, quia vir sanguinum es. 1. quæst. 7. cap. Si quis omnem. Hæc ille. Dubium hic esse potest. *An Prælatus mortaliter etiam delinquat peccato acceptionis personarum, si ratione sanguinis coniunctum, dignum tamen præferat alteri digniori, & magis idoneo.* Simpliciter affirmatiuè Cardin. Alexand. & Turrecrem. respondent in d. c. Decenter. Pendet accurata huius rei cognitio ex illa grauiissima quæstione, An sit peccatum mortale eligere dignum, vel eidem conferre, omisso digniori. Ad huius quæstionis resolutionem sit

Quinta Conclusio. *Eligere minus dignum, aut eidem conferre beneficia curata, aut dignitates, aliq̃, quæ administrationem adiunctam habent, omissio, aut reiectio digniori ex sua natura est peccatum mortale.* Conclusio videtur contra Gloss. in cap. licet. 8. q. 1. & in c. Constitutis. de appellat. & in c. 2. de offic. custod. & alios quosdam. Conclusionem autem tradunt Alex. Alen. 2. part. q. 136. memb. 2. S. Thom. 2. 2. q. 63. art. 2. ad 3. & q. 185. art. 3. & quodlib. 6. art. 9. & alibi. S. Antonin. 2. part. tit. 1. cap. 20. §. 1. Nicolaus Lyranus in cap. 21. Ioann. Altifiodoren. lib. 2. tract. 33. cap. 3. art. 4. Gabr. in 4. d. 15. q. 7. art. 3. Angel. in Summa. in verb. *Acceptio personarum.* §. 6. Pisanell. in eod. verb. Syluest. ibid. q. 2. Caiet. Aurea Armill. & alij in eod. verb. Adrian. in 4. de restitut. in q. de collatione offic. & benefic. Ecclesiæ. Sotus lib. 3. de iustit. & iure. q. 6. art. 2. conclus. 9. Petrus de Aragon. & Gregor. de Valent. in d. q. 63. art. 2. & communiter recentiores Theologi, quos sequuntur Decretistæ, & Canonistæ. Cardin. Alexand. & Turrecr. vbi supra. Panorm. & alij quidam in d. c. Constitutis. Rochus de iure patronatus. in verb. *Honorificum.* q. 15. latè Didac. Couar. in Relect. reg. Peccatum. 2. part. §. 7. num. 4. Nauarr. in Enchrid. de orat. miscellaneo 38. Rebuff. super concordat. in tit. de elect. derogat. super verb. *Idoneorem.* Gloss. in cap. 1. in verb. *Vtiliorem.* de elect. in pragmatica: Et hæc est receptissima, & communissima sententia, quam

tia, quam antiquitas recepit, & nouitas nunquam reiecit. Prob.conclus. Ioan. 21. Ter Petro Christus dixit: Diligis me plus his, vt ostenderet suo exemplo meliorem eligendum Hieron. in cap. Licet ergo, 8. q. 1. Sciant omnes, & certi sint, quod qui præstantior est ex omni populo, qui doctior, qui sanctior, qui in omni virtute eminētior, ille eligatur. & c. fin. de offic. custod. Ad hoc opus tales ordinētur, quales meliores, & sanctiores esse viderint. & in d. c. 1. vt Ecclesiastica beneficia, Ecclesiastica officia, & beneficia nō ex carnis affectu, sed ex discreto iudicio, in persona magis idonea debere dispensari. Idē patet ex forma iuramenti exigendi ab Electoribus præscripta in Concil. Basili. & inserta pragmatice sanctioni. in tit. de electionib. Ego N. iuro, & promitto omnipotenti Deo, & N. Sancto, vel Sanctæ, sub cuius vocabulo dedicata est hæc Ecclesia, eum eligere, quem credam in spiritualibus, & temporalibus Ecclesiæ futurum vtiliorem, nec illi vocem dare, quem verisimiliter sciucro promissione, aut datione alicuius rei temporalis, seu prece per se, aut per alium interpositis: aut alia qualitercunque directè vel indirectè pro se electionem procurare. Rationes etiam sunt pro conclusione. Qui præficit dignum prætermisso digniori, necessariò id facit ex aliqua ratione ad electionem minimè pertinente, nempe ex amicitia, consanguinitate, precibus, & sic de similibus. Sed hæc est manifesta

acceptio personarum. Ergo. Deinde collatores beneficiorum, & dignitatum in Ecclesia Dei sunt dispensatores ministeriorum Dei. i. ad Cor. 4. in quibus requiritur sinceritas, & fidelitas iuxta illud Christi. Quis putas est fidelis dispensator, & prudens, quem constituit Dominus super familiam suam: sed prudens dispensator optimos quosque, quos potest eodē stipendio seruos constituit pro seruitio Domini sui, ne fidei suę desit. Ex hac communissima DD. sententia facilē patet in quanto periculo versentur Episcopi, prælati Ecclesiæ, & collatores, qui suos consanguineos sine vlla sæpē discretionē omnibus alijs quantumuis dignissimis scientia, & moribus præferunt facilē fingentes aliquem titulum, quo colorem iustitiæ subducant, suumque factum rectificent. Sed Deus, apud quem non est respectus personarum, quiq̃ue omnia intuetur prout sunt sine vllō respectu, reddet suo tempore pro meritis. Prô dolor, inueniuntur nonnumquam in Ecclesia prælati, qui ita sanguine excecati, atque immerfi sunt, quod vni ex sanguine concrederent mille, aut duo, triaq̃; millia animarum, cui alias tuto non auderent tria poma, quæ in pretio haberent, committere: aut custodes constituunt super Ecclesiastico regimine, quibus ob luxum, prodigalitatē, aut alia crimina, non auderent confidere sex aureos in pecunia. Omnes enim nunc student auaritiæ, & thesauro proprio à minimo vsq̃; ad maxi-

ad maximum : de animarum lucro , & Ecclesiæ dignitate, pauci sunt, qui recogitent. Proximam conclusionem limitant quidam DD. ut locum non habeat in beneficijs minimis, & parui momenti, in illis non incurritur mortale. Alexand. Alenf. in d. quæst. 136. memb. 2. §. 3. Angel. in verb. Acceptio personarum. §. 6. Caiet. Soto. Greg. de Valentia. Petrus de Aragon. & communiter recentiores. In minimis, & simplicibus beneficijs ad cuitandum mortale sufficit, ut electio, aut prouisio fiat digno, & bono. Eadem est ratio si excessus esset paruus : in mortalibus enim non exigitur dignitas metaphysica, aut mathematica, sufficit moralis, ut homo in electione consideret, quantum humana prudentia patitur, quem iudicet in conscientia meliorem, & uiliorem in ordine ad regimen Ecclesiæ, & bonum commune consideratis circumstantijs rerum, temporum, aut personarum. Hoc tamen mente tenendum, ut communiter DD. tradunt, quod quando electio facta est de digno, prætermisso digniori non reuocatur, nec infringitur in foro exteriori, sed sustinetur. S. Thom. 2. 2. q. 63. art. 2. ad 3. & alibi. S. Antonin. loc. cit. Cardin. Alex. & Turrecrem. in d. c. licet. & ibidem Dominic. qui dicit communem : sicut etiam Couar. in d. §. 7. num. 3. nec est in ea re dubium. Quod rectè fit ad amouendas lites innumeras, & ad inducendam tranquillitatem. Si enim electiones reuocarentur, quando

non fieret de meliori, nulla esset electio, quæ careret calumnia. Quisque enim prætenderet se meliorem, & ita iura, quæ pro charitate, & iustitia instituta sunt, contra charitatem, & iustitiam militarent.

Sexta Conclusio. Prælati conferens beneficium consanguineo principaliter motus ratione consanguinitatis, & intendens ex huiusmodi promotione non solum prouisionem personæ promotæ, sed etiam vtilitatem ex illa prouisione transeuntem in ipsum, scilicet quod ipse conferens per hoc magnificetur, vel sit potentior, vel ut domus eius exaltetur, & nobilior reddatur, vel aliquid simile tale, simoniam committit. Ratio pro conclusione clara est. Sic conferens spirituale, pro eo accipit vtilitatem temporalem; vel accipere sperat: vnde reducitur ad munus à manu. Hanc docent Card. Alexand. & Turrecrem. in c. Peruenit. 1. q. 3. & allegant etiam pro ea Alensem in 2. part. qui ibidem in quæst. 187. memb. 4. art. 2. §. 6. & etiam Raymund. in summa. Ex hac conclus. facilè elicitur, quæ censura ferenda de illis prælatis, qui quandoque pueris, aut minus idoneis sibi sanguine, aut carne coniunctis personatus, aut beneficia curata, ut ipsi disponant de fructibus, eosque in proprios vsus conuertant, donec cognati, vel nepotuli adulescant, cogitentque quem statum assumere velint. Vel filijs fratrum, sororumque, aut cognatorum beneficia conferunt, ut parentes tenuis fortunæ, aut qui pro sua profusione prode-

prodegerunt, habeant, vnde viuant, & vti-
nam non aliquando hæretici, & Caluinistæ
essent, qui hoc pallio, iniuste patrimonio
Christi sæpè pascuntur, & bonis Ecclesiæ, quæ
alias proprio Marte impugnant, aut blasphemij,
calumnijsque dilacerant, victitant. Præ-
lati sic conferentes simoniaci sunt, in perpe-
tua maledictione viuunt, & nisi Ecclesiæ re-
stituant bona, quæ sic dissipant, dignamque
pœnitentiam agant, quod rarissime contin-
git, in fine vitæ cum Simone, à quo simonia
nomen accepit, sepelientur in inferno.

QVÆSTIO IV.

*An simonia committatur, si quis pro spi-
ritualium, & beneficiorum collatio-
ne accipiat munus ab ob-
sequio?*

DE hac quæstione tractant Alens. 2. part.
q. 187. memb. 3. art. 2. S. Thom. 2. 2. in d.
q. 100. & eius Commentatores ibid. Sotus lib.
9. de iust. & iure. q. 7. art. 3. Victor. in relect. 1.
part. S. Antonin. 2. part. tit. 1. cap. 5. §. 5. Angel.
in verb. Simonia 5. §. 5. Syluest. in cod. verb. q.
16. dict. 4. Cardin. Alexand. & Turrecrem. in
d. c. Ordinationes. Panorm. Ioann. ab Anania.
Anton. Cardin. & est communis Canonista-
rum cum Gloss. in hoc nostro cap. Pro intelli-
gentia, munus ab obsequio est scrutus inde-

bitè impensa : vel est actus corporalis factus in commodum, aut vtilitatem alicuius. V.G. Aliquis Episcopo inseruit sine stipendio, vt pro seruitio beneficium sibi conferat. Vel adolescens doctus sit nobilium pædagogus cum pacto, vt eorum pater, qui habet multa beneficia iuris patronatus, ad proximum vacaturum cum præsentabit.

Præterea memoria tenendum finem esse duplicem principalem, & minus principalem. Quod alij aliter dicunt, aliã esse causam finalem, aliam impulsuam, siue excitatiuam : cuius distinctionis aliqui DD. etiam in hoc cap. meminerunt occasione Gloss. Causa principalis est, quæ principaliter in agendo actu ab agente intenditur, & consideratur, ipsumque præcipuè mouet ad agendum. Et licet hæc sit prima in intentione, est tamẽ vltima in executione, vt philosophi tradunt, & post eos S. Thom. 1. 2. q. 1. art. 1. ad 1. & Commentatores eius ibidem. Et ex Iurisperitis Bartol. in l. Ambitiosa. num. 19. ff. de decret. ab ordin. fac. ac Didac. Couar. lib. 1. variar. resolut. cap. 20. num. 2. Finis minus principalis, vel causa impulsiva est, quæ præter finem vltimum mouet agentem, vel impellit, excitatque ad agendum aliquid propter aliud, siue sine illa id fieret, siue non. De his causis ad propositum agunt Nauar. in Comment. cap. Cum minister. 23. q. 5. num. 9. & ibidem à num. 37. & seq. & in manual. confess. cap. 23. num. 101. Couar. loc. cit. Gabr.

Gabr. super can. Missæ. lect. 28. Adrian. quodl. 9. art. 2. sub lit. L. M. N. O. Gloss. & DD. in hoc cap.

Prima Conclusio. Conferre alicui præbendam aut beneficium principaliter pro obsequio præstato, vel præstando, si pactum implicite, vel explicitè accedat, est simoniacum. Hæc Conclusio est communis omnium DD. Iuristarum, & Theologorum, ut rectè Cardin. Alexand. & Turrecr. loquuntur, & satis probatur ex cap. Ordinationes. & cap. Sunt nonnulli. i. q. i. & præsent. cap. Deinde seruitium, siue obsequium omnium iudicio est res pretio temporali digna. Ergo si quis pro obsequio spirituale recipiat, simoniam committit.

Secunda Conclusio. Servire alicui prælato, aut collatori principaliter, spe consequendi ab eo beneficium sine ullo pacto, simonia mentalis est. Richard. in 4. d. 25. Victor. Felin. in hoc cap. Couar. ubi supra. Syluest. loc. cit. Caiet. in Summa. verb. Simonia. & alij alibi. nec est dubium. argum. sumpto à definit. simoniæ. In tali tamen casu non incideret in pœnas iuris, nec teneretur ad restitutionem. arg. infra c. fin. & annotatorum ibidem à DD.

Tertia Conclusio. Qui inseruit principaliter prælato ob personæ dignitatem, atque ob stipendium, aut victum amictumque, licet minus principaliter speret aliquod beneficium, non est simoniacus. DD. cum Gloss. in hoc c. Gabr. Couar. Nauar. & alij alibi. Ratio. Quia quod principaliter, &
non

non quod minus principaliter agitur est attendendum. l. Si quis nec causam. ff. si certum petatur. c. Quamuis pactum. iuncta Gloss. de pact. in 6. & per alia collecta à Iasone in d. l. Si quis nec causam, & similia tradita ad longum à Nauarr. in d. comment. cap. Cum minister. à num. 36. & in comment. de datis, & promiss. pro iustitia. notab. 21. num. 33. His addi potest alia ratio. Quod in temporalibus est usura, in spiritualibus est simonia: vt Sotus, Petrus de Aragon. & post eos alij recentiores aliquando argumentantur. atque satis Couar. & Nauar. vbi supra indicant. Sed non est usura si quis mutuet alicui pecuniam principaliter ad ei subueniendum, eiusque amicitiam captandam, & minus principaliter, seu secundario speret mutuatarium aliquid temporale in remunerationem gratis, liberaliterque daturum, iuxta Gloss. in cap. Consuluit. in verb. Sperantes. de usur. receptam communi DD. calculo. Ergo. In his casibus, quando prælatus famulo suo, alias digno beneficium confert, cum principalis intentio non fertur in seruitium, sed in dignitatem personæ in ordine ad bonum Ecclesiæ, & minus principalis consideratio ad fidele obsequium dirigitur: obsequium non est finalis causa, sed incitativa, seu impulsiva. Prælatus enim quando ministerium in honestis negotijs habet, qui se probum, idoneumque præbet, specimenque dat, quod Deo, Ecclesiæq; fideliter inserviet, non
prohi-

prohibetur beneficium eidem conferre: imo etiam cæteris paribus, eum in collatione præferre: hoc enim gratitudo postulat, nec ratio recta contradicit, modo scandalum absit. Pro quibus facit illud Gregorij lib. 2. registri. cap. 57. in princ. Ecclesiasticis vtilitatibus deserui-
entes, Ecclesiastica dignum est remuneratione gaudere. Attendant tamen tam prælati, quam eis seruientes, ne oculus sit nequam, & mentiatur sibi iniquitas, parum proderit distinguere intentionem principalem, & minus principalem: causam finalem, & impulsuam, spem primario, aut secundario conceptam verbis, si cor sit prauum, eiusque intentio corrupta. Verè enim olim à quodam dictum est, quod curiæ prælatorum, sint probatoria clericorum, vt meminerunt Paludan. in 4. d. 25. & post eum Adrian. in d. art. 2. Cardin. Alex. & Turrecr. in d. cap. Ordinationes. q. 2. num. 5. Cuius dicti ratio est, quod ibi merita, & virtutes ostenduntur, cum occasiones multæ offerantur, ambitioni locus sit, & inuidia omnes ferè anguli ardeant: sæpe non pro mercede, sed beneficijs capellani, alijque clerici inseruiant, remis, velisque contendunt pro pinguiori præbenda, aut beneficio vacante: Tunc vt fuluum spectatur in ignibus aurum, probantur in aula Episcoporum, prælatorumq; clerici virtute, pietateque præditi, qui non mouentur ambitione, nec quærent beneficia, donec vltro vocentur, id exigentibus eorum meritis.

meritis. E contra verò ambientes semper sollicitant, circumeunt, ac inquirunt, nunquid aliquod beneficium Ecclesiasticum vacet, vnde prædam nanciscantur: Et tunc tanquam Mercurium in pedibus habentes huc, atque illuc currunt, & sic probationi locus est, vbi vera solidaque pietas, & vbi ficta, fucataque virtus lateat: atque in hunc sensum curiæ prælatorum sunt clericorum probatoria.

Quarta Conclusio. Episcopus, & prælatus recipiens aliquem in suum familiarem, aut ministrum pro aliquo obsequio præstando, constituto ei annuo salario, donec de beneficio provideat, non committit simoniam, modo pactum non accedat, quod collato beneficio gratis inferuiet. Hostiens. Ioan. Andreas. Cardin. & communiter DD. in hoc cap. Syluest. & Aurea Armill. in verb. simonia. Nauar. in manual. confess. cap. 25. num. 113. & alij communiter alibi. Panormit. tamen hoc pacto moderatur, quod verum credat, quando prælatus non inducitur principaliter propter seruitium, sed quia ille meretur: aliter si causa finalis sit seruitium, non licet argum. cap. Graue. de præbend. secus si sit causa impulsiva. Etsi hæc communis sit Canonistarum, & summistarum opinio, tamen opinor, quod nisi rectissima sit tam domini, quam famuli in illo casu intentio, admodum periculosum sit hoc exercitium, tum propter facilitatem scandali, tum propter speciem mali,
quam

quam videtur præferre talis contractus, tum propter proximum accessum ad simoniam. Hinc à fortiori dubitat Victoria in d. num. 36. concl. 2. an excusetur à pœna iuris, & restitutione, quando inter alias conditiones prælatus hoc etiam addit familiari futuro, habens intentionem providendi. Dabo tibi in beneficijs vsq; ad centum, & dabo salarium quinquaginta aureorum, quousq; dederò tibi beneficium centum aureorum, ita quod alia ratione non iret in obsequium, & famulatum Episcopi: Hæc inquit ille videntur malè formentia, & certè periculosa.

Dubiū hic esse potest. Quid si vno anno, aut duobus prælatus aliquem in suo seruitio pro annuo & statuto salario habeat, qui eidem inseruiuit in Ecclesiasticis muneribus, & administratione curæ pastoralis est cooperator, tandem procurat tali suo Capellano beneficium, aut præbendam cū pacto, & obligatione, vt ulterius sibi inseruiat, duobus, aut tribus annis, donec expectantia tempus labatur, & possit residere in Ecclesia præbenda, tamen pro currenti annuo salario. Memini aliquando in aula cuiusdam Episcopi à quibusdam Iurisperitis responsum in partem negantem, quando tamen contrarium rectius veriusque obtinuisset, & fortasse cæci cæcis ducatū præbebant: Idcò nunc palā respōdeo, quod tunc in angulis locū nō habebat. Quid sic cū pacto, & obligatione præbendæ, aliudvè beneficiū conferens simoniā committat in omni foro, vt seqq. manifestissimum reddam

reddam argumentis. Primo. Omnis pactio, & conuentio, quæ iure non inest in spiritualibus damnata, & reprobata est, vt simoniaca. cap. Quam pio. i. q. 2. & cap. fin. de pact. prout supra latius probatum est. Præterea in tali casu obligatione ciuili beneficiarius oneratur in aliquo temporali, ad quod de iure non tenetur. Ergo est simonia. Quia quoties quis ita grauat ratione spiritualis percipiendi, absque dubio simonia est, argum. sumpto à definitione simoniæ. His accedit, quod per tale pactum, talemque conuentionem ob beneficium consequendum beneficiarius suam libertatem obligat, & distrahit pro tanto temporis spatio: libertas autem omnium rectè sentiendi opinione pretio estimari potest. Postremò vt antea dictum, quod in temporalibus facit vsurariû, in spiritualibus reddit simoniacum, At in temporalibus, si quis ratione mutui obliget aliquem ad aliquid, quod non tenebatur ante facere, etiam interueniente iusto pretio, committit vsuram. V. G. Si quis mutuo alicui det, vt ad suû molendinum veniat, ibiq; molat pro solito pretio, vsuram committit, vt communis opinio est, teste Syluest. in verb. Vsuræ. i. q. 7. quam amplectuntur S. Antonin. 2. part. tit. i. cap. 7. §. 8. Conrad. de contract. q. 36. Gabr. in 4. d. 15. q. ii. art. 3. Sotus lib. 6. de iust. & iure. q. i. art. 2. Caiet. in summa. verb. Vsuræ exterior. Laurêt. à Rodolph. in c. Consultuit. de Vsur. 2. part. q. 38. Panormit. Cardin. Ancharan.

Ancharan. & Ioan. ab Anan. in cap. fin. eod. tit. Couar. lib. 3. var. resolut. cap. 2. num. 5. Nauar. in manual. Confes. cap. 17. num. 220. & alibi communiter alij. Ergo etiam in nostro casu simonia est, quod ob beneficium conferendum talis se obliget pro tanto tempore seruiendi, etiam salario interuenienti: Quandoquidem ista obligatio pretio æstimari potest, & est onerosa obligatio.

Aliud dubium occurrit. Quid si duo sacerdotes in eadem collegiata Ecclesia conuersantes, ex aliqua causa consentiunt, vt vnus pro altero missam summam, & alter pro socio primam dicat. Aut, vt Petrus pro Paulo prima septimana mensis Euangelium cantet, & Paulus secunda Epistolam legat; & sic de similibus eadem est ratio. Respondent post Gulielmum S. Antonin. 2. part. tit. 1. c. 5. §. 5. Pisanell. in verb. Simonia 1. Syluest. in verb. Simonia. q. 16. prope finem. Victor. de simonia 1. part. n. 17. Petr. de Arag. in 2. 2. S. Thom. q. 100. a. 1. & alij alibi, quod non sit simonia, quando nihil temporale tanquam merces interuenit. Vnus in hoc casu ex causa alteri adminiculatur, & opus charitatis adimplet. Et hæc est communis sententia contra Richard.

in 4. d. 2. q. 3.

S

QVÆ.

QVÆSTIO V.

*An & quomodo simonia committatur
circa permutationem bene-
ficiorum?*

Prima Conclusio. Qui pecunia, aut pretio procurat permutationem beneficij pro se, aut alio, simoniam committit. In hac conclus. non est dubium. argum. sumpto à definitione. Nominē enim emptionis, & venditionis intelligitur omnis contractus non gratuitus.

Secunda Conclusio. Priuata personæ si sua beneficia inuicem permutent sine auctoritate, & consensu superiorum, ad quos de iure, vel consuetudine spectat conferre, instituere, aut approbare, permutatio est nulla, & simoniaca. Hæc est etiam communis Theologorum, & Iuristarum. S. Tho. 2.2.q.100.art.1.ad 5.& Commentatorum ibid. Adrian.quodlib.9.art.3.ad 5. Angel. Syluest.& aliorum in summis. verb. Permutatio. Probatur ex c. Quæsitum. & c. Vniuersorum. de rerum permut. & Clem.vnic.cod. tit. & DD. in eisdem locis. Conclusio extenditur tam ad beneficia eiusdem Ecclesiæ, quam diuersarum, contra Innocent. in d. c. Quæsitum, qui sensit in præbendis eiusdem Ecclesiæ, & eiusdem qualitatis permutationem posse fieri propria auctoritate, absque consensu superioris. Sed hanc Innocentij opinionem Hostiens. Panor.

Anton.

Anton. Ioan. Imolen. in d. c. Quæsitum. Angel. in verb. Permutatio. §. 4. (qui tamen putat, sed malè, quod Innocentij opinio post factum possit teneri) Syluest. in eod. verb. q. 1. & alij communiter reijciunt. Cum omnia in beneficiorum permutationibus generaliter reprobentur absque superiorum approbatione, & auctoritate facta. ex d. c. Quæsitum. & DD. ibid. Petro de Vbaldis. in tract. de permut. benefic. & Federic. in tract. de eadem, qui habentur in 3. volum. Oceani iuris. His accedit, quod ius generale est, nec distinguit inter beneficia eiusdem, aut diuersarum Ecclesiarum. Vbi autem ius non distinguit, nec nos distinguere debemus. Ac etiam praxis nunc recipit, vt in omnibus beneficijs etiam eiusdem Ecclesiæ superiorum consensus adhibeatur.

Tertia Conclusio. *Partes sine simonia crimine possunt inuicem tractare de permutatione proponenda superiori, antequam proponant, licet nihil concludere valeant, nisi quatenus superiori placuerit.* Hæc est contra Host. qui sentit etiam tractatum esse illicitum. Sed conclusionē communiter tenent DD. reiecta Hostiens. singulari opinione. Gloss. in Clem. vnica. de rerum permut. Panor. Anto. & quidā alij in d. c. Quæsitum. Angel. in verb. Permutatio. §. 4. Adrian. loc. cit. Sylu. in eod. verb. q. 5. Decius in consil. 141. incip. Ad plura dubia. Rebuff. in praxi benefic. 3. part. in c. de permut. n. 52. & alij alibi.

Conclusio satis probatur. Iura damnant

tantum permutationem, quæ est, quando vnus in alterius ius succedit: aut inter partes absolutè concluditur: Tractatus autem non includit deliberatum consensum. Periculosa etiam est contraria sententia, vt post Panorm. alij etiam fatentur, quia pauci sine præuio tractatu permutant, nec deueniretur ad permutationem, nisi partes antea conuenirent, & tractarent, nunquam adirent superiorem pro beneplacito, & nisi prius tractarent, essent bestię, vt Angel. ait: homo enim cum sit animal rationale, non agit sine ratione, & ideò volentes permutare in primis conueniunt, causas permutationis conferunt, statum rei considerant, & modum proponendi superiori discutunt. Imo addit Rebuff. quamuis partes fecerint instrumentum obligatorium de permutando sua beneficia cum beneplacito Sedis Apostolicę, vel Legati habentis ad hoc potestatem, nequaquam simoniam committerent reseruando tamen voluntatē superioris. A qua doctrina non est etiam alienus Syluester, dum dicit, quod concludere possunt sub expressa cōditione, & reseruatiōe, si superiori placuerit. Quia talis conclusio nō est conclusio, cum suspendatur vsque ad superioris consensum. Nec mirum cum ipsa permutatio robur suumumat à confirmatione superioris, & non à facto partis. Imolen. in Clem. 1. colum. 6. de rerum permut. & post alios Ioseph. Mascard. de probat. vol. 3. conclus. 1170. Decius in consil.

210. Alia

5. Alia tamen ratio foret, si nulla consideratione beneplaciti superioris partes inter se tam machinarentur.

Quarta Conclusio. Quando aliquis in permutatione beneficii minoris emolumenti in redditibus in pinguiori in recompensationem reddituum dat aliquid temporale, aut pecunia aestimabile, ut permutatio adequetur, simoniam incurrit. Hæc est contra Angel. in verb. Permutatio. §. 6. allegantem pro se Panormit. in c. ad quæstiones. de rerum permut. Adrian. loco cit. defendit Panormit. contra Angelum, cum quo tamen sentiunt Caiet. 2. 2. q. 100. art. 4. & Aurea Arnill. etiam in verb. Beneficium. num. 75. qui sentiunt pecuniam posse accedere in permutatione, quando alterum beneficium pinguioribus habet redditus ad coequandam inæqualitatem. Conclusionem tenent ubi supra Adrian. Nauar. in manual. confes. cap. 23. num. 100. versic. Tertio, quod permutatio. Victoria de simonia 1. part. num. 17. prope finem. Couar. lib. 1. variar. resolut. cap. 5. num. 9. & alij alibi. Ratio pro conclusione. Si temporale non potest permutari cum Ecclesiastico beneficio, quod spirituale censetur, aut spirituali annexum, ex definitione simoniæ, nec etiam poterit temporale dari pro redditibus alterius beneficii, qui temporales sunt, quandoquidem tales redditus ex titulo beneficii, qui spiritualis est percipiuntur: alioquin facile persuaderi posset, licet etiam pecuniam dari pro beneficio

Ecclesiastico sine simonia, hoc expressè addito, pecuniam non pro sacro titulo, sed pro temporalibus conferri, quod falsum est. Nec principaliter, nec accessoriè, vt rectè Couar. addit, in permutâdis beneficijs quicquâ temporale intercedere potest. Hæc conclusio intelligenda, nisi per concessionē Pontificis, aut alterius habentis potestatem ab eodem pensio alicui constituatur pro adæquatione fructuum maioris beneficij. Hoc enim licitè fieri potest, vt supra de pensionibus traditum est, & communiter DD. admittunt. Circa prædictam conclus. animaduertendum, fraudis præsumptionem induci, quando magna inæqualitas est inter beneficia, quæ permutantur, maximè, quando aliæ coniecturæ accedunt, vt si quis beneficium pingue cum tenui permutet. Panor. Felin. Cardin. & alij in c. Verisimile. de præsumpt. per text. ibid. Bald. in l. Spadonem, §. fin. ff. de excus. tutor. Decius in d. cons. 210. Collectan. in c. Cum olim. de rer. permut. Pet. Anchara. in cons. 388. incip. In casu præmissio. Ioan. Selua in tract. de benefic. 3. par. q. 18. Rebuff. super concordat. in tit. de collat. §. Volumus. super verb. Vacantia. vers. Tertia coniectura est. Mascard. in d. conclus. qui ibidem à num. 7. latè prosequitur de alijs coniecturis, quæ concurrunt cum inæqualitate, aut concurrere debent ad præsumptionem fraudulentæ permutationis. Ratio huius rei videtur significari in c. Super hoc. de renunciat. Nulla namq;

namq; ratio hoc verisimile reddit, vt quis beneficium multis fortè expensis acquisitum, quo sustentari debet facilè sine magna causa sua sponte resignet. His addo maximam sapè esse suspiciònem simoniæ latentis, quando permutatio fit cū beneficio, vel Capellania ficta, aut titulo sine re, aut canonicatu nullius momenti: Quia iactare suum quis in dubio non præsumitur. l. cum de indebito. ff. de probat. & in tali casu vt plurimū simoniacè solet procurari talis colorata permutatio, vt pallium permutationis præiudicet statutis de expectantia, aut alijs, quantum ad ordinem. Et sanè cum huiusmodi permutationes non subsistant, vtpote fictæ, nec fulciantur vlla causa canonica, iustaq; quæ ad permutationē in conscientia requiritur, secundum omnium rectè sentientium iudicium, omnino reprobandæ sunt, nec admittendæ à superioribus, quamuis meminerim alias nō rarò tales auctorizatas, & consensu superiorū confirmatas, vt permutatio fieret canonicatus, cuius fructus sufficerent ad hominis Ecclesiastici decentē sustentationem, cum vno altari in angulo Ecclesiæ, cuius redditus nulli essent, aut non excederent valorem 2. aureorum. Qualis permutatio, quam canonica sit, & quomodo hominem securum apud Deum reddat, atq; ex qua causa procedat, vbi tanta inæqualitas, aut nudus titulus ex altera parte est, parū doctus facilè diiudicat: & tamen aliquando inveniuntur præ-

Quod in dubijs. Felin. in cap. In nostra. col. 34. de rescript. Ioan. Andr. in Reg. Ratum. de reg. iuris in 6. & post alios plures Couar. lib. 1. var. resol. cap. 5. num. 6. Et hæc est communis opinio. Vnde reijcitur Gloss. in d. c. Quod in dubijs, & alibi, dum vult per renunciationem beneficij factam sine licentia superioris, beneficium omninò vacare, quoad renunciante.

Tertia Conclusio. *Optimus tutissimūq; modus resignandi beneficia Ecclesiastica est, ea liberè pureq; ad manus superioris resignare, vt ea conferat pro sua voluntate, & beneplacito cui voluerit.* Hæc probatur ex eis, quæ Gloss. Panorm. Felin. & alij dicunt in cap. Ex parte 1. de officio iudic. deleg. Nec est, qui eam negare possit.

Quarta Conclusio. *Omnis renunciatio beneficij pretio aliquo temporali procurata, est simonica.* Hæc est communis omnium conclusio, & satis probatur ex definitione simoniæ.

Quinta Conclusio. *Omnis resignatio beneficij facta cum pacto, aut conditione, simonica habetur.* Hæc est etiam communis. Confirmatur ex c. Quam pio. 1. q. 2. & c. fin. de pact. Gloss. cum textu in c. Dudum. verb. liberè. de præbend. lib. 6. In spiritualibus omnis pactio, conuentioq; reprobatur. Faciunt etiam pro conclusione ea, quæ Gloss. atq; DD. tradunt in d. cap. Ex parte.

Sexta Conclusio. *Renuncians beneficia ea intentione, vt conferantur Titio, aut ei, cui renuncians*

ciens vult, non committit vllam simoniam mentalem, si pactum aliud non accedat iure antiquo. Hanc docent S. Antonin. 2. part. tit. 1. c. 5. §. 11. Gloss. in c. Ordinationes. Syluest. in verb. Renunciatio. q. 6. Aurca Armil. in eod. verb. n. 3. Nauar. in manual. confess. c. 23. num. 107. vers. Secundo quod renunciatio. & lib. 5. consil. in tit. de simonia. consil. 36. num. 1. & ibid. consil. 38. num. 2. Dominic. Sotus. lib. 9. de iustit. & iure. quæst. 7. art. 2. Couarr. loc. cit. num. 5. & alij alibi, quidquid aliqui Canonistæ in contrarium dicant. Probatur Conclusio in primis argum. à definitione simoniæ, quæ non conuenit conferenti ea intentione. Aliud argumentum Nauarr. in Manuali facit. Mandatum datum ad renunciandum beneficium in manibus ordinarij liberè, & ad petendum ab eo post renunciationem liberam, vt prouideat illi, vel illi, non est simoniacum, sed valet, & renunciatio virtute illius facta, & collatio ad petitionem mandatarij consecuta, sunt validæ, vt Rota declarauit, teste Cassad. in decis. 2. de simonia. Et negari non potest ex illo mandato colligi intentionem renunciantis fuisse, vt conferretur nominato per eum. Sic Nauarr. Dixi (iure antiquo) quia nunc iure nouo propter bullam Pij IV. & Pij V. de simonia confidentiali, cuius supra meminimus, dubium est, an non sit reprobata vt simoniaca, talis intentio. Quidam opinantur Pium IV. & Pium V. etiam damnare licitam confiden-

confidentiam, qualis ea antiquo iure fuit, de qua in conclusione agimus. Sic Iosephus Mascard. volum. 3. de probat. conclus. 1306. num. 35. & quidam incertus auctor, cuius tractatum in scriptis Mascard. habuit de confidentijs, & quidam alij in curia existimant in bulla damnari etiam alias licitas confidentias. Nauar. in dicto consil. & in manuali cap. 23. maximè 109. latè ostendit contrarium, tantum damnari confidentias illicitas, quæ ante bullas illas erant damnatæ à iure. Quicquid sit de hac re, puto Nauarri sententiam esse æquissimam. Non enim solet Ecclesia pœnas imponere pro peccatis mente conceptis in foro exteriori: quanto minus præsumendum, quod actum alias nulla lege prohibitum, eumque mentalem tam grauib. velit subijcere pœnis, quales in confidentijs bullarum prædictorum Pontificum continentur, atque contraria sententia durissima est, quæ multos homines laqueis implicaret. Memini etiam Nauarri sententiam olim Romæ in scholis publicè traditam, cum tamen etiam alij oppositum vellent, non tamen tunc adhuc viuens in curia Nauar. suam mutauit sententiam, sed eidem firmiter adhæsit. Motiua eius loco cit. in Manuali sunt posita, vbi etiam contrarijs respondet.

Septima Conclusio. *Renuncians beneficium ea
adiecta*

adiecta conditione, & modo expresse, vt Titio, vel alteri conferatur simoniam iure positiuo prohibitam committit. Hanc tenent Glos. Panor. & alij in d. c. Ex parte. S. Antonin. loc. cit. Syluest. & Aurea Armilla vbi supra. Ioann. Bapt. Cacialup. in tract. de pensionib. quest. 19. num. 11. Auffrer. ad decisionem Capellæ Tholos. 438. Turrecrem. in cap. Apostolica. num. 98. q. 1. Nauar. in manual. confess. cap. 23. num. 107. vers. Ad decimum dico. & lib. 5. consil. in tit. de simonia. consil. 22. num. 5. & hæc communis videtur opinio. Contra quam tamen tenent Dominicus à Soto. & Couar. loc. cit. & Gregor. de Valent. in 2. 2. S. Thomæ. disput. 6. q. 16. punct. 3. quest. 4. Ratio. Quia omnis pactio conuentioque in spiritualibus est prohibita per iura allegata in concl. 5. nisi natura, & iure insit: & sic hæc simonia non est contra ius diuinum & naturale, sed tantum posituum. Quare in manibus Pontificis si fiant renunciationes hoc modo conceptæ, vt beneficium Titio conferatur, etiam si addatur, quod alio modo non resignetur, admittuntur secundum stylum curiæ, auctore Cassad. decis. vlt. de renunciat. & 2. de Simonia. Quia cum Pontifex sit supra ius posituum, in hoc casu purgat simoniam: Quæ ratio non militat in alio inferiore prælato. Quod verò alij auctores autumant talem renunciationem sic conceptam, non esse contra ius, negatur: Est enim contra omnia iura, de quibus supra, quæ reprobant

probant pacta, conuentiones & conditiones in spiritualibus, quando iure non insunt.

Octaua Conclusio. Renuncians beneficium in manibus prelati cum pacto, & conditione, vt renunciarius sibi restituat expensas, quas fecit in acquisitione beneficij, simoniam committit, & quidem vterque tam renuncians, quam renunciarius: & si intercedat solutio, ac receptio, sit realis ex vtraque parte. Antequam conclusio probetur pro maiori intelligentia formandus est casus. Est aliquis, qui ante quatuor, vel quinque annos adhuc iuuenis inconstans de vitæ statu canonicatum obtinuit apud Episcopum, tandem intendit renunciare statui Ecclesiastico simul cum beneficio, & quia expensas fecit in curia Episcopi, & tandem alias in solutione statutorum, quas non libenter perdit, circumit, ac quæritat aliquem in cuius fauorem renunciaret cum pacto, conuentioneque refusionis expensarum. Nunc probatur conclusio, quam posui contra praxin multorum, qui aliquando, vt experientia cognoui sub colore expensarum, multum pecuniæ acquisierunt. Primo per regulam sæpius positam. In acquisitione spiritualium omnis pactio, conuentioque, uæ iure non inest, cessare debet. Secundo. In usu huius conclusionis datur pecunia in ordine ad acquirendum spirituale, siue spirituali in exum. Ergo aperta est simonia. Renunciarius non acquireret canonicatum, nisi baret onus solutionis expensarum, nec alter renun-

renunciaret, nisi solutionem reciperet. Tercio. Simonia est si quis renunciaret liti super beneficio, aut alio spiritali, aliquo dato temporali etiam nomine expensarum. per text. in cap. Cum pridem. de pactis. Gloss. Panormit. Anton. Cardin. & alios ibidem. Antonin. & Syluest. vbi supra. Angel. in verb. Renunciatio. §. 9. Ergo à fortiori est simonia, si quis resignet beneficium cum onere solutionis expensarum.

Nona Conclusio. *Nulla renunciatio beneficij simoniacè facta valet, etiam in præiudicium resignantis, nec resignatio prodest resignatario.* cap. Super hoc. iuncta Gloss. super verb. Pecuniæ, de renunciat. Innocentius in cap. Vniuersorum. de rerum permut. Panormit. ibidem. & in cap. Cum olim. cod. tit. Archidiaconus in cap. Ordinationes. l. q. l. Ioann. Andree in cap. Dudum. de præbend. in 6. Decis. Capellæ Tholof. 438. & ibidem latius Auffrer. in addit. Domini de Rota in decis. 236. in antiq. de renunciat. Nicolaus Milius in repertorio. in verb. Renunciatio. quæst. 4. Martin. Nauar. lib. 5. conf. in tit. de simonia. conf. 6. num. 4. & conf. 22. num. 7. & alibi. Et hæc est communis sententia teste Nauarro.

Decima Conclusio. *Licet per simoniacam resignationem nullum ius queratur ei, cui resignatio facta est, tamen qui per simoniam resignauit, non potest illud repetere.* Gloss. & DD. in cap. Constitutus. de transact. Innocent. in d. cap. Cum vniuerso-

vniuersorum. Andr. Tyraquel. de contractu
municipali. §. 26. Gloss. 2. num. 10. Cardin. in
cap. Super hoc. de renunciat. opposit. 5. Quia
licet renunciatio non valeat, obtinet tamen
vim pactitaciti, ne amplius hoc repetat, cui
renuntiauit. cap. periculosum. 7. quæst. 1. vt et-
iam Tyraq. probat. His accedit, quod si simo-
niacus possit repetere beneficium sic dimis-
sum, faueretur ei in hoc, quod nequaquam
dicendum; fraus enim & dolus nemini de-
bent patrocinari. Vt hæc conclusio melius, &
penitius concordetur cum antecedenti, ani-
maduertendum, quod licet simoniaca re-
nunciatio, non præiudicet resignanti, quan-
tum ad amissionem beneficij, & tituli, cum
beneficium non vacet per talem resignatio-
nem, præiudicat tamen illi in hoc, quod
possit priuari, nec etiam repetere coram iu-
dice, cum quantum in se est transfulerit
in alium ius, quod habuit: & ideò meritò
priuandus sit ratione simoniæ in beneficio
commissæ, vt satis Gloss. in pragmaticæ san-
ctionis. in tit. de elect. §. Quod si aliter, & de
alia persona. super verb. Ipso iure. Gloss. in d.
cap. Super hoc. in verb. Pecuniæ. Dominicus à
s. Geminiano. consil. 125. incip. Dubia siue
conclusiones, & alij alibi. arg. cap. Quod in
dubijs. de renunciat. & annotatur
à Gloss. & DD. ibid.

CAPVT XIII.

Notorius simoniacus in beneficio ab illo deponitur ; idem in infamato, qui se purgare non potest.

Insinuatum est, quod in Ecclesijs tui Episcopatus plurimi clerici per simoniam dicuntur habere ingressum, & infamia inde respergi. Vnde mandamus, quatenus si qui fuerint, quos in predictis Ecclesijs publicum, & notorium est, simoniacè intrasse, eos amoueas ab Ecclesijs taliter acquisitis. Illis autem quorum crimen non est publicum, & notorium, si publica laborant infamia, cum quinta, vel sexta manu sui ordinis purgationem indicas : in qua si defecerint, beneficijs huiusmodi Ecclesiarum perpetuò priues eosdem.

CAsus literalis secundum Gloss. & Parnorm. est talis. In Ecclesijs Cisterniensis Episcopatus quamplures clerici per simoniam dicuntur habere ingressum: de qua sunt infamia notati. Vnde mandat Papa Diocæsano Episcopo, quatenus si publicum, & notorium fuerit aliquos in Ecclesijs illis per simoniam intrasse, eos inde remoueat : illis autem, quorum crimen publicum, & notorium non est: si tamen laborant infamia publica, indicat cum quinta, vel sexta manu sui ordinis purgationem, in qua si defecerint, beneficijs illis perpetuò priuet eosdem.

Ex hoc

Ex hoc cap. in primis, quod qui notoriè, publiceq; simoniacus in beneficio est, eo priuandus est. Deinde si quis infamia laboret publica de simonia commissâ in beneficio, indicenda est ei canonica purgatio, in qua si defecerit, beneficio perpetuò priuatur. Forma, siue tenor purgationis describitur infra, de purgatione canonica. cap. Quotiens. ibi Episcopus iurabit primum super sancta Dei Euangelia, quod pro Ecclesia sancti Petri presbytero P. danda, nec ipse per se, nec per submissam personam, nec aliquis pro eo se sciente pretium recepit. Deinde purgatores super sancta Dei Euangelia iurabunt, quod ipsi credunt eum verum iurasse. De hoc cap. nihil singulare dicendum restat.

CAPVT XIV.

Simoniacum est precio, vel fauore calare peccatorem, vel reconciliare non pœnitentem, vel dignè pœnitentem à reconciliatione remouere.

Idem.

Nemo presbyterorum xenium, vel emolumentum quodlibet temporale, imò spirituale detrimentum: à quocunque publicè peccante accipiat, vt Episcopo, vel ministris eius, peccatum illius cælet: nec

T

pro re-

pro respectu cuiusque personæ consanguinitatis, aut familiaritatis alienis communicans peccatis, hoc Episcopo innotescere detrectet. Nec quenquam pœnitentem, vel minus dignè pœnitentem, gratia, vel fauore ad reconciliationem adducat, & testimonium reconciliationis ferat eidem, vel quocunque liore dignè pœnitentem à reconciliatione remoueat: quia simoniacum est vtrumque.

Casus literalis. Alexander Pontifex statuit, vt nullus presbyter aliquod emolumentum recipiat à quocunque publicè peccante, vt Episcopo vel eius ministris cælet peccatum illius: nec pro respectu cuiusque personæ, consanguinitatis, aut familiaritatis dimittat, quin peccatum innotescat. Secundò dicit, quod nullum dignè pœnitentē propter gratiam, vel fauorem ad reconciliationem adducat, & testimonium reconciliationis ferat eidem, vel propter aliquem liorem, siue odium remoueat à reconciliatione, quia vtrumque simoniacum est. Gloss. & Panorm.

Qæritur pro intelligentia huius cap.

Vtrum dare, vel recipere aliquid temporale pro omissione actus spiritualis, sit simonia?

EXempli gratia recipere, aut dare pecuniam, ne absoluator aliquis ab excom-

communicatione maiori, vt sic non sit capax suffragij ferendi in electione ad dignitatem præfinito tempore. Simoniam esse, videtur probare textus in hoc capite. Deinde, sicut absolvere pertinet ad officium spirituale: Ita etiam non absolvere. Ergo vtrumque est spirituale. Glossa in hoc capite. Panormitanus, Antonius, Felinus, & alij. Angelus in verb. Simonia 3. §. 42. Syluest. eodem verb. quæstione 9. Paludan. in 4. dif. vicesima quinta. quæstione quinta. Supplementum Gabr. eadem dif. quæstione secunda. & alij quidam, quorum opinio apud antiquiores videtur communior, censent simoniam committi. In contrarium non committi verè sed impropriè simoniam, secundum quandam apparentiam aut similitudinem existimant Innocentius, Tancrèd. & quidam alij. vt Hostiens. & Ioann. Andre. hic meminerunt. Summa Pisanelle in verb. Simonia 1. Summa confessor. titulo eodem. quæstione tricesima octaua. Adrianus quodlib. 9. Victoria in relectione secunda. de simonia. Petrus de Aragon. in secunda secundæ Sancti Thomæ. quæstione centesima. articulo primo. Gregorius de Valentia ibidem disputatione sexta. quæstione decima sexta. puncto 2. quæst. 4. & alij quidam recentiores, & sic tenendum putamus. Omittere enim spirituales actum, non est aliud

T 2

quam

quam ens rationis, nec est quid spirituale. Ergo pro tali omissione dare, vel accipere aliquid temporale, non est simonia. argum. sumpto à definitione simoniæ. Præterea si dare pecuniam pro omissione actus spiritualis, esset simonia, sequeretur quod quacunque ratione id fieret, esset simonia, quod tamen est falsum: Nam si quis alicui pecuniam offerret, vt indignum, & Ecclesiæ perniciosum non eligeret ad Episcopatum, nec simoniam committeret, nec peccaret. Peccat autem peccato auaritiæ, qui pretio corruptus non facit actum etiam spiritualem, quem exercere debebat. Ad text huius cap. respondetur cum alijs, quod loquitur improprie & apparenter de simonia, quia præsefert speciem quandam simoniæ, & animum ad eandem propensum, ostendit, cum sic ob temporale commodum cessans ab operatione debita, pluris videatur facere temporale, quam actum spiritualem, à quo cessat. Vnde etiam dici potest, quod talis ita pecunia motus ad omittendum actum, quem facere tenebatur lege positiua pœna simoniæ veniat puniendus, licet in rei veritate non sit simoniacus. Ad aliud argumentum in oppositum, ommissio actus non est quid spirituale, sed ommissio actus spiritualis.

CAPVT XV.

Ecclesia emi vel redimi non potest.

Idem Vigor Episcopo, & Priori
de Acra.

QVerelam monachorum de Acra recepimus, quod cum ipsi quoddam manerium cum pertinentijs suis, & Ecclesiam de Genen. à monachis de Cardonio sub annuo censu quindecim librarum fuissent adepti, & inde chartam ab ipsis monachis habuissent: prior eorum capitulo inconsulto præscriptum manerium, & chartam monachis de Cardonio accepta pecunia resignauit. Vnde quia præfati monachi de Acra se conqueruntur iniuste grauatos: mandamus quatenus partibus conuocatis, præscriptam causam concordia, vel iudicio terminetis. Scituri quod sicut emi non potuit, ita nec redimi Ecclesia memorata. Si verò monachi de Cardonio legitime citati, ad vestram præsentiam accedere, & iudicio vestro stare contempserint: vos ipsos monachos de Acra in possessionem eorum, de quibus controuersia vertitur, inducatis: nec permittatis eos exinde absque ordine iudicario molestari.

In primis notandum circa dictionem (manerium) quod est nomē vulgare Gallicorum. vt ait Hostiens. in hoc cap. & idem significat

T 3

quod

quod mansus. de quo text. & Gloss. in cap. i. de censib. quæ dicit esse vulgare Italicorum. Dicitur autem mansus, quantitas terræ sufficiens duobus bobus in anno ad laborandum. Gloss. in d. cap. i. Alberic. in dictionario in verb. Manso vno. Bartol. in l. si ita esset. prope finem. ff. de auro & argento legato. Sed melius ad propositum videtur Gloss. in cap. Secundum. super verb. Manso. 23. quæst. 8. Mansus appellatur, vnde percipitur frumentum & vinum ad Eucharistiam conficiendam, cap. Sancitum est. de censibus. Vel mansus dicitur dos ipsius Ecclesiæ, quæ talis esse debet, vt Ecclesia possit inde sustentari, de consecrat. d. i. cap. Nemo. Quandoquidem mansus secundum vulgare dicitur, vnde vnus rusticus cum sua familia possit sustentari, &c. Sic Gloss. Videtur ergo quod manerium in hoc cap. significet fundum Ecclesiæ in dorem datum, aut alio iure ad Ecclesiam spectantem.

Secundo not. Super verb. (Capitulo incon-
sulto) quod solus prælatus non potest remittere, aut resignare ius Ecclesiæ quæsitum. Et quando prælatus sine consilio & consensu conuentus aliquid remittit, aut alienat, monachi possunt agere ad reuocationem, vt communiter DD. hic obseruant, facit ad hoc etiam cap. Si quis presbyterorum. cum annotatis ibidem. de rebus Ecclesiæ non alienandis.

Tertiò notand. hoc loco cum DD. quod inter religiosos etiam locum habeat missio in possessionem, causa rei seruandæ propter contumaciam.

Quartò, Circa Gloss. in verb. Non potuit. Panormitan. Felin. Ioannes ab Anania. & alij quidem mouent, quomodo ius patronatus possit vendi, aut transferri, idcò hoc loco fit

QVÆSTIO

An & quomodo simonia circa ius patronatus committatur?

PRO instructione ante omnia præcognoscendum, quod ius patronatus secundum Ioann. Andream. Panormit. & alios in Rubric. de iure patron. ac Summistas in verb. Ius patronatus, definitur quod sit ius honorificum, onerosum & utile, competens alicui in Ecclesia, pro eo, quod ex dioccesani consensu, per eum constructa, fundata, vel dotata est, vel per eum à quo habuit. Quæ definitio latissimè explicatur secundum singulas particulas à Rocho de Curte in tractat. de iure patronatus, statim à principio per aliquot paginas, & breuius à Paulo de Citadinis in tractu de eadem re, qui tractat. habentur in initio Quinti Voluminis Oceani iuris, Vel breuius, clariùsque cum Hostiensis

T 4 defini-

definiri potest, quod patronatus sit potestas præsentandi instituendum ad beneficium Ecclesiasticum.

Iuspatronatus aliud est Ecclesiasticum, aliud seculare. Iuspatronatus Ecclesiasticum dicitur quod competit Ecclesiæ, vel clerico ratione Ecclesiæ. Vnde si clerico ratione patrimonij competeret, non esset Ecclesiasticum, sed seculare. Iuspatronatus laicum siue seculare quod seculari, aut etiam clerico conuenit ratione patrimonij, utpote quia aut Ecclesiam fundauit aut dotauit, aut à parentibus tale ius cum patrimonio deuenit, aut bona emit; quibus annexum iuspatronatus fuit, ut exempli gratia, aliquis castrum emit, in quo est capella, quæ est iurispatronatus eius, qui castrum possidet eiusque hæres est.

Deinde iuspatronatus etsi directè non sit spirituale dicendum, cum etiam mero laico competere possit, est tamen spirituale secundum quid, seu spirituali annexum, quia ordinatur ad præsentandum clericos ad beneficia Ecclesiastica. Nunc pro resolutione sit

Prima Conclusio. Circa ius patronatus, eiusque usum potest simonia committi. S. Thom. 2.2. q. 100. art. 4. & Commentatores eius ibidem, & hæc est communis Theologorum, Summistarum, & Iuristarum. & canones sunt clari. cap. Quia clerici. & cap. De iure. de iure patronatus.

Secunda Conclusio. Iuspatronatus per se pretio ven-

tio vendere, aut emere, est simonia. S. Thom. in dicto art. 4. ad 3. Commentatores ibidem. Sotus lib. 9. de iustit. & iure. q. 7. art. 1. DD. canonum in d. c. Quia clerici. & c. De iure. in quo expressum est his verbis ab Alexandro III. De iure verò patronatus (& infra) Mandamus quatenus si R. illud comparauit, cum inconueniens sit vendi ius patronatus, quod est spirituali annexum, contractum illum irritum esse decernas.

Tertia Conclusio. Qui castrum, aut villam vendit, aut emit maiori pretio propter ius patronatus annexum, simoniam committit. Ratio clara est. Quia in hoc casu pretio æstimatur spirituali annexum, quod spectat ad manifestam simoniam.

Quarta Conclusio. Qui villam, aut castrum vendit aut emit, cui annexum est ius patronatus, illud ipsum ius transit cum villa, aut castro, nisi ius patronatus sit specificè exceptum. Summistæ in d. verb. Ius patronatus. DD. in cap. Ex literis. eod. tit. & in hoc nostro c. Comprobatur ex d. cap. Ex literis, ubi quasi tota conclusio satis roboratur, & ibid. cap. Cum seculum. Circa hanc conclusionem dubium noueri solet à DD. An si quis vendat vniuersitatem vt villam, vel castrum, in quo sit ius patronatus possit etiam exprimere ius patronatus, sine simonia, & consequenter, an ius trāsferatur ius patronatus. Verbi gratia, Vendo tibi tale castrū cum omni iurisdictione, com-

ne,commodo, ac iure patronatus. Hoc dubium mouent Panormit. Felin. Ioan. ab Anania in hoc cap. Querelam. & alij. Ioan. Andr. in cap.1. de iure patron. in 6. Rochus de iure patron. & Paulus de Citadinis de eadem re. nona part. quæst.3. tangunt etiam Ludouic. Roman. in consilio 368. incip. Præsens consultatio. Summistæ in verb. Ius patronatus. Ad dubij declarationem obseruandum, quod DD. aliqui faciunt differentiam in modo loquendi, vt; An dicatur, vendo tibi castrum, cum iurisdictione, & iure patronatus, Vel hoc modo. Vendo tibi castrum, iurisdictionem, & ius parronatus. Panormitan. in hoc cap. num. 5. & 6. sentit si posteriori modo verba concipiantur, non tenere venditionem respectu iuris patronatus, ratione simoniæ, quæ interuenit. Quia ius patronatus ita principaliter videtur venditum, sicut castrum. Cum copula, &, vt Gloss. notat, faciat copulatum venire principaliter, & non accessoriè. Quando autem priori modo concipitur locutio per præpositionem (cum) tunc transit, nec committitur simonia, quia dictio (cum) denotat accessionem quandam, sed per accessionem bene transit ius patronatus etiam in venditione. Atque in hunc sensum Panormitan. interpretatur etiam Ioan. Andr. in d. cap. vnico. de iure patron. in 6. Hanc Panormit. sententiam amplectuntur Cardin. in hoc capite. Rochus & Paul. de Citadinis, Angel. Syluest. Aurea Armilla

milla & alij in verb. Simonia. & alij alibi. Pro hac doctrina facit etiam Bartolus in Auctent. ingressi. in colum. penult. dum docet, quod si quis dedicat se religioni cum bonis suis, expressio bonorum nihil operatur: quia quemadmodum bona tacite veniebant accessorie, pariter veniunt hoc casu: cum natura dictionis (cum) sit coniungere accessorie. l. 1. & 2. ff. de peculio legat. §. Si quis ancillas. Si verò quis se & sua dedicaret, tunc expressio fit per alium modum quam tacite inesset secundum Gloss. ibidem. nam tacite bona veniebant per quandam consequentiam, sed hoc casu exprimuntur per se & principaliter: quia natura dictionis (&) est copulare per se & principaliter, ex dicta l. Ioannes ab Anania in hoc capite. Baldus in l. finali. numero 48. de edicto Diui Adriani tollendo docent, quod expressio iuris patronatus facta per copulam, non nocet, ut dicendo, vendo castrum & ius patronatus, quia vna dictio, ut ait Ioannes ab Anania potest poni pro alia, prout est necesse, iuxta Glossam notabilem in l. eas causas. ff. de conditionib. & demonstrat. unde (ait) quando ius patronatus exprimitur per dictionem (&) exponitur pro (cum) ut sic res potius valeat, quam pereat, & sic consequenter sentit quod quomodocumque fiat expressio iuris patronatus siue per dictionem (&) siue per dictionem (cum) semper valeat,

valeat & transeat ius patronatus cum vniuersitate vendita. Pro hac parte aliud est argumentum. In spiritualibus illa, quæ de iure insunt sine vitio exprimuntur, cap. Significasti, de elect. & per alia iura ibid. à Gloss. allegata. Cum ergo ius patronatus de iure transeat cum vniuersitate, etiamsi non exprimatur, nihil etiam refert si exprimatur, & dicit Ioannes Andreas in d. cap. vnico. quod audiuerit pro hac parte sententiam latam in curia, de venditione quam fecerat capitulum Herbipose Decano & capitulo S. Stephani Moguntia, de villa Ingelheim, quam habebat in diocesi Moguntina, quam vendendo expressit curiam, agros, vineas, decimas, census, ius patronatus cum omnibus iuribus, &c. Prima sententia Panormit. videtur & est communior receptior apud Doctores; secunda tamē etiam in casu occurrenti non videretur damnanda, quando alias consideratis verbis contractus, & materia subiecta, non appareret de deprauata mente contrahentium, vtpote quod aliquid pretij plus acceptū, pollicitumue propter adiunctum atque annexum ius patronatus: aut quod principaliter villam, aut castrum aliquis emisset ad consequendum ius patronatus, tunc enim simonia committeretur ex mente Panorm. in c. Quia clerici de iure patron. Angel. Syluest. Aur. Armill. alijque sequuntur in eod. verb.

Quinta Conclusio. Ius patronatus per se sumptum,

ptum, non potest in feudum dari sine simonia. Ludouicus Roman. in consil. 368. incip. Præfens consultatio. Angelus, Syluest. alijque in verb. Ius patronatus. Innocent. & alij in c. Cum seculum. de iure pat. Ratio redditur, quia natura feudi exigit, ut quis fidelitatem & homagium præstet domino feudi, pro re utem spirituali, aut spirituali annexa, fidelitatem homagiumque præstare simoniaca laes est. infra hoc tit. cap. Ex diligenti. Cum vniuersitate tamen potest dari in feudum, arg. cap. Cum seculum. & communis ibi Doctorum opinio. Si tamen in infeudatione vilis, aut alterius temporalis rei, cui ius patronatus adhæret, intuitu iuris patronatus maius obsequium, temporaleque grauamen imponeretur, simonia interueniet.

Sexta Conclusio. In diuisione bonorum hæres sine simonia, non possunt alicui cohæredi assignare siue adiudicare pro sua parte, ut pro recompensatione inæqualitatis eius, si minus percipit ius patronatus. Panorm. in p. Quærimoniam. de iure patronat. Angel. Syluest. Armilla & alij in eod. verb. & alij alij. Ratio clara est. Quia in casu conclusionis temporale daretur pro consequendo spirituali innexo, & hoc ipsum æstimeretur pro temporalis: quod ad manifestam simoniam spectat.

Septima Conclusio. Patronus etiam laicus nisi temporale potest exigere, ratione iuris præstandi ad beneficium iuris patronatus ab eo quem

eo quem præsentat. Conclusio est communis,
& ratio euidens. Quia, vt sapius dictum, sine
vitio simoniæ nihil temporalis commodi po-
test percipi, exigique pro consequendo spiri-
tuali, aut ei annexo.

CAPVT XVI.

*Pro chrismate ab Ecclesijs pecunia exigi
non debet, etiamsi hoc habeat consue-
tudo.*

Idem.

EA quæ de auaritia (& infra) audiui-
mus, quod nummos pro chrismate ab
Ecclesijs extorquetis, quos nunc cathedrati-
cum, aliquando paschalem præstationem, in-
terdum Episcopalem consuetudinem appel-
latis. Quia verò simoniacum esse hoc cogno-
scitur: mandamus, quatenus prætextu alicuius
consuetudinis, vel prælationis præscrip-
tos denarios nullatenus exigatis. Pro certo
scituri, quod si hoc præsumpseritis, periculum
ordinis & dignitatis, poteritis non immeritò
formidare.

Nota primò, circa Gloss. & DD. pro chrismate pecuniam ab Ecclesijs exigere simoniacum est. Quod verum esse Ioan. Andreas. Panormit. Anthonius. & alij communiter hic volunt, pro chrismate etiam vt est liquor:
Nam

Nam hic non exigebatur pecunia à chrismate vncto, aut confirmato, sed ab inferioribus Ecclesijs. facit ad idem c. placuit 2. l. quæst. 1. Quod limitant Felin. & Cardinal. rectè. quando liquor est per benedictionem consecrationemque Episcopi effectus chrisma: Non enim chrisma dicitur, nisi quando oleum cum balsamo permixtum, consecratum est, & hoc satis indicat nominatio eorum, qui paschalem præstationem vocabant. In cæna enim Domini chrisma conficitur, & circa pascha inferioribus Ecclesijs distribuitur. Secundo, mutatio & variatio nominis, non facit licitum id quod sua natura malum est, & bona denominatio non excusat malum. Ultimo. Consuetudo non facit bonum, nec excusat in eo, quod de sua natura simoniacum & peccatum est.

CAPVT XVII.

Pro habendis spiritualibus homagium facere, simoniacum est.

Idem.

EX diligenti tua relatione innotuit, quod H. Cant. Archidiaconus te induxit, ut ei homagium faceres, & fidelitatem præstares: ita quod ipse tibi beneficium Ecclesiasticum annis singulis exhiberet. Vnde, quoniam

quoniam huiusmodi obligatio illicita contra tuæ salutis, nec non & suæ profectum existit, absolui à nobis instantius postulasti: adiiciens quod ab eo deinceps nihil omninò de beneficio acciperes constituto. Quocirca nos tuam petitionem honestam & fauorabilem attendentes: te à præfati Archidiaconi homagio & fidelitate (præsertim cum hæc taliter præstita, diuinis & humanis legibus contraire noscantur) absoluimus, ita q̃ ab Episcopo, vel sacerdote discreto, pœnitentiã inde condignã recipias. Verum ne aliqua propter hoc nota, vel infamia possis respergi, absolutionis nostræ literas tibi duximus indulgendas: quibus contra latrantium morsus tutus & præmunitus existas, & quas in testimonium indulgentiæ nostræ valeas demonstrare.

Casus literalis secundum Gloss. & Abbat. hic est. Archidiaconus Cantuariensis induxit quendam clericum, vt faceret ei fidelitatem: ita quod ipse illi clerico beneficium Ecclesiasticum annis singulis exhiberet, clericus iste videns quod huiusmodi obligatio illicita erat, petijt instantèr à domino Papa absolui: dicens quod de prædicto beneficio nihil amplius acciperet. Papa videns petitionē huiusmodi honestam, fauorabilemque ipsum ab illa fidelitate absoluit: cum illud contrarium fuerit diuinis legibus & humanis, ita quod à sacerdote discreto pœnitentiam accipiat; & ne nota infamiæ possit respergi, concedit sibi literas in testi-

in testimonium suæ indulgentiæ infamantes,
& latrantium morsus.

Primò notandum, cum hic definiatur, quod pro spiritualibus habendis sit simoniacum, homagium facere, quid sit homagium. De qua re Speculator in tit. de feud. §. 2. Hostiens. Ioan. Andr. Panormit. Cardin. & alij communiter in hoc cap. Anton. Corsetus de potestate regia. 4. part. Iacobus Aluarotus in prohemio feudor. q. 7. Gloss. in Clem. Pastoralis. ibi. homoque ligius & vassallus. de rei iudic. Chassan. super consuetud. Burgundiæ. Rubr. 3. §. 3. in textu ibidem. super verb. & homage. Angel. Sylvest. & alij in summis. in verb. Homagium. Nomen autem Homagij sumpsit originem ex consuetudine generali, & potius ab ea usurpatum est, quam ex iure scripto introductum fuerit, ut post Speculat. ubi supra. & Cardin. in d. Clem. observat Chassan. in d. §. 3. in verb. & homage. num. 9. Definitur autem homagium communiter à DD. in hoc cap. & Summistis, quod sit, quando quis facit promissionem alteri genibus flexis, & manibus intra manus illius positis, ita quod efficiatur homo illius, nullius alterius, fidelitate salva, & talis appellatur homo ligius in d. Clement. Pastoralis, & sic homagium strictè, præstaturque solum Imperatori, aut Regi supremo, alijque non recognoscenti superiorem, ut etiam insinuantur in d. Clem. §. Denique. ibi. Rex ipse noster, & Ecclesiæ Romanæ ratione regni,

V

prædi.

prædicti notoriè subditus, homoque ligius & vassallus. Alio modo latius potest accipi homagiū, prout etiam inferiori Domino præstatur, & dicitur etiam non ligium. In genere autem sic definiri potest homagium, quod sit fidelitas hominis pro temporalibus facta domino. Hinc contingit, quod homagium sæpè etiam accipiatur pro fidelitate. & c. contra, & pro vassallagio, vt post Hostiens. Corsetus, Chassan. & alij quidā annotarunt. Quandoquidem autem homagiū comprehendit in se pactiones, obsequium temporale, & subiectionem quasi seruilem, ideò sine simoniæ crimine pro acquisitione spiritualiū nullo modo fieri potest, ac debet, vt in hoc c. text. probat. & communis DD. sententia ibidem & locis cit. confitetur. Est etiam insignis text. ad hoc, in cap. fin. de reg. iuris. vbi Pontifex sic inquit: Indignum est: & à Romanæ Ecclesiæ consuetudine alienum, vt pro spiritualibus facere quis homagium compellatur. Gloss. ibid. super verb. (Romanæ Ecclesiæ) Ergo & à consuetudine aliarum Ecclesiarum debet esse alienum: quia quod Romana Ecclesia probat, vel reprobat, & aliæ Ecclesiæ hoc idem facere debent: cum ab ipsa suam habeant institutionem & auctoritatem. 11. d. cap. Consequens. & c. Nolite. Pro temporalibus autem concessis, aut concedendis, vt feudalibus bonis, Prælatus Ecclesiæ potest etiam Imperatori, Regi, aut etiam Principi alteri seculari, homagium siue fidelitatis iuramen-

iuramentum præstare, vt communiter DD. sentiunt, & antiquissima consuetudine in Ecclesia receptum est, & iure comprobatum, c. Nimis. de iurciurando. & c. i. §. Verum. de statu regular. & DD. in eisdem locis. Si quis obijciat, quod etiam pro spiritualibus licitum sit facere homagium, text. in cap. Grauem. de excessib. prælat. dum dicitur: Contra fidem homagij præstiti ac debitam reuerentiam, &c. Respondetur, quod homagium in dicto cap. Grauem, accipitur pro fidelitate, vt Gloss. & DD. ibidem annotant: & sic vnum ponitur pro alio, quod sæpè fieri antea traditum est. Diuersa autem sunt, propriè loquendo homagium, & fidelitas iuxta Panorm. Anton. & alios in hoc cap. Nam homagium est: quod supra primo loco definitum. Fidelitas verò est, cum quis alteri promittit fidelitatem seruare, & reuerentiam debitam, aliaque, de quibus 22. quæst. 5. & in c. Ego N. de iurciurand. & latè Anton. à Buttrio in hoc cap. Solent autem prælati Ecclesiarum in initio, quando prouisionem, aut confirmationem suæ dignitatis consequuntur, iuramentum fidelitatis præstare suo superiori, à quo instituuntur, prouidentur, aut confirmantur. Forma iuramenti, secundum quam Episcopi Pontifici iurant, habetur in d. cap. Ego N. Si quis dicat. Quæ ratio sit, quod sit simonia, homagium propriè dictū pro spiritualibus præstare, & non subire iuramentum fidelitatis? Ex dictis discrimen

sumi potest, sed breuibus Panormit. in hoc cap. & post eum Angel. Syluest. & alij in verb. Homagium. & alibi. Homagium enim præstatur, vt supra insinuaturn extitit, in commodum eius, cui præstatur, cum efficiatur eius seruus, obligatus ad certa seruitia: Vnde pro spiritualibus non potest fieri: quia munus ob obsequia pro spiritualibus dare, aut accipere, (vt supra traditū) simonia est. Fidelitatis autem iuramentum bene potest exigi, sine simonia, quia tantum obligat ad esse fidelem, & potius dignitati quam personæ præstatur. Et hoc veritatem habet, quando iuramentum præstatur in tali dignitate, cui talis fidelitas debetur: alias esset simonia secundum vnam lectionem in hoc cap. Eadem ratio esset si prælatus superior antiquo iuramento, & consuetudo, nouas pactiones aut grauamina adderet, quibus iurantem grauaret, aut obligare vellet ad quædam capitula, ad quæ nec iure, nec consuetudine recepta, approbataque teneretur, tunc sine dubio simoniacū foret: Quandoquidem vt frequentissimè in hac materia repetitum est, in spiritualibus omnis pactio, conditio, & conuentio cessare debet. cap. fin. de pact. & alibi, nisi conditio aliqua natura & iure insit.

Secundò notandum. Obligatio quæ oritur ex pactionibus simoniacis, turpis & illicita est, nec de iure, nec de facto ligat. cap. fin. de pactis.

Tertiò,

Tertiò, Simoniacus non potest ritè salubriterque pœnitere, nisi in primis renunciât simoniacè acquisitum.

Quartò, Simoniam etiam in beneficio infamia comitatur, quæ dispensatione pontificia tollitur. Vide Gloss. & DD. hic.

CAPVT XVIII.

Ordinatio vel consecratio non censetur simoniaca, licet ordinatori aliquid donatum fuerit non ex pacto.

Idem Strigonensi Archiepiscopo.

ET si quæstiones tuas de feruore religionis ad nos perferri nullatenus ignoremus, non tamen est tibi in his vltra, quam oporteat dubitandû, cum leges humanæ dicât, quod quidâ tenui religione sacramenta necessaria, & legitima exhibere conténunt: ténuem religionem vocantes, quæ in talibus hæsitat, vbi non est aliquatenus hæsitandum. In hoc itaque quod P. presbyter Cardinalis Apostolicæ Sedis Legatus, pro electione tua, vt pallium tibi traderet, ad partes illas accessit, & frater tuus eius præsciens necessitatem, ei equum vnum te ignorante transmisit, quoniam per mare veniens, nullas, aut paucas secum equitaturas adduxit, te nullo modo timere oportet. Cum in accipiēdis, vel dandis muneribus,

tria sunt maximè attendenda, personæ scilicet dantis & accipientis qualitas, quantitas muneris, & donationis tempus: qualitas personarum, vt à quo & cui, videlicet an à paupere diuiti, vel è conuerso, siue à diuite locupleti datum fuerit: æstimatio muneris & donationis: tempus si magni vel minoris pretij res data existat, & an instante necessitate, vel alio tempore conferatur. Si ergo prædictorum Cardinalis, & fratris tui personam & qualitatem pensamus, non fuit magnum, ab eodem fratre tuo Cardinali equum vnum transmitti, quem etiam ioculatori non petenti, vir tantus & tam abundans fortè donaret, verum si temporis necessitatem perpendimus, non alia intentione constat factum fuisse, quam vt Cardinali subueniretur in articulo prænotato. (& infra) Quod autem scriptum est: Beatus qui excutit manus suas ab omni munere: de illis donis dictum est, quæ accipientis animum allicere, vel peruertere solent: quoniam si ipsa persona etiam electi offerat ordinatori, vel consecratori suo electuarium, vel de vino, siue de alijs huiusmodi, quæ modici precij fuerunt, ea quæ voluntatem recipientis inclinare vel mouere non debeant, non tamen Romana Ecclesia interpretari consuevit, accipientem in his delinquere, vel donantem.

Casus literalis secundum Glossatorem &
Abba-

Abbatem. Quidam electus fuit in Archiepiscopum Strigonenſ. & confirmatus. Papa per quendam Cardinalem euntem per mare, tranſmiſit ei pallium: frater illius electi occurrit obuiam Cardinali: & cum Cardinalis paucas equitaturas haberet, obtulit ei equum ſiue palafredum, Epifcopo electo ignorante, & recipiente poſtmodum pallium ab eodem: poſtea Archiepiſcopus hoc intelligens dubitauit, an eſſet ſibi in aliquo imputandum: conſuluit Papam ſuper hoc, qui reſpondet, quod in his ultra quam oporteat dubitare non debet, cum dicant humanæ leges, quod quidam contemnunt ſacramenta (intellig: iuramenta) etiam neceſſaria exhibere, quidam tenui religione dicentes tenuem religionem, quæ dubitat ubi dubitandum non eſt: & ideò frater eius Cardinali equum vnum illo ignorante tranſmiſit, nullo modo ipſum dubitare oportet: Cum paucas equitaturas veniens per mare ſecum haberet: quia in accipiendis muneribus vel dandis, tria ſunt maximè conſideranda, ſcilicet qualitas dantis & accipientis: quantitas muneris, & tempus donationis: qualitas perſonarum, vt à quo, & cui, videlicet an à paupere diuiti, vel è conuerſo; quantitas muneris, magnumne vel paruum ſit donum, tempus an inſtante neceſſitate, vel alio tempore donetur. Si prædicta conſide-

rentur non fuit magnum, si frater ille vnum equum Cardinali donauit, quem histrioni, etiam non petenti donaret: & potius hoc fecit necessitate inspecta, quam alia intentione. quod autem dicitur, beatus qui excutit manus suas ab omni munere: de donis illis dictum est, quæ solent accipientis animum alligere vel peruertere. In alijs quæ accipientis animum non mutarent; Romana Ecclesia interpretari consuevit, accipientem non delinquere, vel donantem.

Notandum in primis, Conscientiam scrupulosam non esse sequendam, quando nullo dubio coloratur. Si autem aliqua ratione fulciatur, quæ persuadere videatur, conscientia scrupulosæ standum, donec declaratione error auferatur.

Secundo, Leges humanæ, de quibus text. l. ult. C. de fide instrum. §. Sin aut. in fine ibi. Cum forsitan quidam subtili reuerentia tenti, nec verum sacramentum præstare putauerint.

Tertiò, Sacramenti nomine, in vtroq; iure, iuramentum intelligitur, vt hic constat ex textu vtriusque iuris. Ad vltiorem huius cap. explicationem sit



QVÆSTIO.

An dona siue munuscula inducant simoniam?

Glossa, quam aliqui DD. hic sequuntur, constituit differentiam inter munus & donum iuxta l. Inter donum. ff. de verbor. signific. ita quod donum etiam sine causa; munus ex causa. Vel aliter secundum Hostiens. Donum possit dici exile, munus verò pretiosum. Sed quicquid sit de hoc supè consuetudine loquendi pro eodem accipiuntur, fauet etiam text. in l. Munus propriè. ff. de verbor. signific. Glossa etiam duobus versibus, quæ in muneribus dandis, obseruanda sunt, declarat.

Muneribus dandis attendas quatuor ista.

Quis dans: quis sive petens: quæ res: quæ causa petendi.

Prima Conclusio. Qui in traditione pallij, consecratione Episcopi, benedictione Abbatibus, similibusque actibus spiritualibus, etiam minimum quid temporale ex pacto, promissioneque dat, aut exigit, aut accipit, simoniam committit. hæc est communis, quæ satis confirmatur ex cap. Quam pio. i. q. 2. & cap. Iudices. i. q. 1. ex D. Hieronymo super cap. 3. Michæ, ubi clarè docet modicitatem pretij non excusare simoniam. & cap. Ex tuæ. infra hoc tit. ubi ut simoniacus condemnatur, qui Archidia.

chidiacono soluerat sex solidos pro præsentatione ad ordinem sacerdotij. Conclusio est intelligenda, siue quis ex pacto & conuentione ante, siue post huiusmodi actus soluat.

Secunda Conclusio. In foro conscientiae, siue quis ante, siue post huiusmodi actus, ordinatori, aut cōsecratori aliquid donet, aut gratis ex liberalitate, beneuolentiaque offerat, non committitur simonia. Glossa in d. cap. Quam pio. prope finem. Cardinal. Alexand. Turrecrem. Archidiac. & communis in cap. Sicut Episcopum. eadem quæst. & causa. Ratio clara est à definitione simoniae, quæ non habet locum in eis quæ gratis ex liberalitate, & beneuolentia, animique gratitudine offeruntur. Multi ad hoc propositum sunt canones i. quæst. 2. maximè ibidem in cap. Placuit. ex concilio Bracaren. ii. cap. 5. his verbis: Placuit, vt quoties ab aliquo fidelium ad consecrandas Ecclesias Episcopi inuitantur, non quasi ex debito munus aliquod à fundatore requirant: sed si ipse aliquid quidem ex suo voto obtulerit, non respuatur: Si verò aut paupertas illum, aut necessitas retinet, nihil exigatur ab illo. & in princ. illius quæst. auctoritatibus scripturæ comprobatur. Quando autem in his & similibus intentio est deprauata, licet quis apud Ecclesiam, quæ non iudicat de occultis, non censeatur simoniacus, apud Deum tamen, qui secundum intentionem hominis iudicat, cap. Huma-

Humanæ. 22. q. 5. & 24. q. 3. cap. Deus. simoniæ reatum incurrit.

Tertia Conclusio. Ad euitandam præsumptionem & suspicionem simoniæ, melius rectiusque offertur id quod gratis, liberaliterque donatur, post completos huiusmodi actus spirituales. Hanc tenent Gloss. fin. in d. cap. Quam pio. Cardin. Alexand. Turrecr. & alij in c. Sicut Episcopum. 1. q. 2. ideoque iure exprimitur, ut post tales actus accipiatur. in d. c. Quam pio. prope fin. ibi: postmodum vos quasi subsidij gratia, aliqua suæ Ecclesiæ munera largiri, fratrum solatio, Romana permittit Ecclesia. & in d. c. Sicut Episcopum. ex D. Gregorio lib. 4. Regesti. epist. 44. Is autem, ait, qui ordinatus fuerit, si non ex placito, neque exactus, neque petitus, post acceptas chartas, & pallium aliquid cuilibet ex clero, gratiæ tantummodò causa dare voluerit, hoc accipi nullo modo prohibemus: quia eius oblatio nullam culpæ maculam ingerit, quæ non ex ambientis petitione processit, confirmat eandem conclusionem, quod ex eadem auctoritate docent Petr. Anchar. in cons. 271. incip. De titulis criminum. Felin. infra hoc tit. c. Tua nos. in fin. Iosephus Mascard. de probation. concl. 164. n. 14. vol. 1. & alij alibi. iudicem pecuniâ recipientem post sententiâ, si de pacto non probetur, non committere barratariâ. His tamē fortissimè obstare videtur. c. Eos. 1. q. 1. quod sumptum est ex epist. Tharasisij Constant. Episcopi ad Adrianum Papam

Papam: vbi prope finem cap. sic legitur: Nam & vicesimus nonus canon sanctorum Apostolorum, & actus eorundem, & tertius, & quartus liber regnorum, alienum omninò à sacerdotio pronunciant eum, qui aliquando dederit, vel acceperit pecuniā in aliquo tempore, siue ante manus impositionem, siue in ipsa manus impositione, siue post. Accipere enim est, quandoque accipere. Ad hunc text. respondent Cardin. Alexand. Archidiac. Turrecrem. & alij in d.c. Eos. quod si ante vel post sponte, vel gratis aliquid datur, aut accipitur, licitum & sine peccato est, modò intentio principaliter non referatur, ad ordinis collationē. Vnde in d. verb. condemnatur, vt aliquis neq; ante neq; postea aliquid det, aut accipiat pro ordinatione, siue vt pretiū ordinationis, aut quocunq; modo ex conuentione & pacto, vt etiam obseruat Martin. Nauar. in comment. de datis & promissis, pro iustit. & grat. notab. 17. num. 28. vers. Ad tertium respondet.

Quarta Conclusio. In dubio ad præsumendum, an donum sit gratuito collatum, vel munus gratis oblatum, nec ne, tria sunt maximè consideranda: qualitas dantis & recipientis, quantitas muneris: & tempus donationis. Hæc conclusio satis constat ex text. & communi DD. interpretatione. Dictum cum text. in conclusione (maximè) Quia non est dubium, quin quandoque etiam aliæ circumstantiæ pos-

tiæ possint occurrere, quæ faciant ad præsumptionem talem. Nunc conclusio declaranda & ostendenda. Atque inprimis attentio dirigenda ad qualitatem dantis, accipientisquæ. Si enim à paupere, diuiti; aut à subdito, superiori, aliquid detur vtrumque suspectum: Si autem à diuite, pauperi, pium: Si à diuite, locupleti, curiale humanumque est, nisi ex causæ corruptione, mentis intentione, aut exterioribus signis aliud iudiciû sumatur, per annotata in hoc cap. ab Hosliens. & Ioan. Andrea. Facit ad hunc effectum, quod quamuis donatio regulariter non præsumatur. arg. Pauli Iurisconsulti in l. Campanus. ff. de operis libertor. & alijs multis congestis à Iosepho Mascard. volum. I. de probat. concl. 554. à num. 1. tamen fallit, si dans est diues, aut nobilis, recipiensque pauper. Gloss. in l. vxori. §. fin. in gloss. fin. ff. de leg. 3. Bartol. in l. Cum quid. num. 11. ff. de reb. credit. si certum pet. Purpurat. ibid. num. 121. Bald. in l. 1. num. 6. C. ad Vellean. & in l. Si paterno. num. 3. Cod. de negot. gest. Felin. in cap. Si cautio. num. 5. de fide instrument. & post alios latè Andreas Tiraquel. in tract. de nobilit. art. vlt. num. 47. & 50. Hanc sibi quodammodo legem nobilitas imponit, vt debere se, quod sponte tribuit, existimet: vt ait Gregor. in cap. 1. de donat. Ex parte munus recipientis considerata etiam eius consuetudo, an soleat etiam in huiusmodi functionibus munera appetere, aut se difficilem exhibere,

bere, nisi muneribus excitetur. Atque hoc docet hic Panormitanus, dum vult, quod si modicum à clerico ordinatori detur, qui non consuevit sine pretio ordinare, iudicetur simoniacum. In moralibus autem solitis, consuetis, & sæpè contingentibus fortis præsumptio sumitur. Quando enim à superioribus munera petuntur, inferior præsertim, non videtur gratis, sed exactus dare. Hinc Gloss. in hoc cap. Super verb. Non petenti: cum Seneca ait: Non gratis accipitur, quod petenti donatur, & D. Gregorius in d. cap. Sicut Episcopum. Eius oblatio nullam culpæ maculam ingerit, quæ non ex ambientis petitione processit. Quasi simul significare velit, simoniæ labem subesse, quando oblatio causam sumpsit à petitione ambientis: & sic Gloss. super verb. Ex ambientis. addit: ubi enim causa non est, vitium non imputatur. Quare ante in eodem capite hoc expressius indicatur: quando dicit. Is autem qui ordinatus fuerit, si non ex pacto, neque exactus ac petitus offerre aliquod post acceptas chartas & pallium voluerit, &c. hoc accipi nullo modo prohibemus, &c. Ergo sumpto argumento à contrario si aliquid exigatur, aut petatur tanquam simoniacum prohibetur, & sic petitiō excludit gratitudinis & liberalitatis præsumptionem. Gloss. hic super verb. muneribus, existimat, quod etiam considerata sit quantitas ex persona dantis & recipien-

Recipientis. Vnde refert illud ex Seneca :
 Quidam Cynicus petijt à rege Antigono talentum : respondit rex quod plus est, quam cynicus petere debeat : & sic fuit repulsus. petijt denarium cynicus : respondit rex quod minus esset quam deceret regem dare : & ita turpissimam cauillationem inuenit qua neutrum daret : cum posset talentum dare tanquam rex : & denarium tanquam cynico. Secundo loco considerata est quantitas muneris, an paruum vel magnum sit donum. res enim modica non inducit simoniæ præsumptionem : quia præsumitur gratis dari ex beneuolentia & liberalitate. Sic quamuis in dubio nemo præsumatur suum iactare, in modicis tamen præsumitur donatio, maximè si tradens siue offerens sit diues. Gloss. in l. Si filij tui. super verb. probet. C. de donationibus inter virum & uxorem. Castrenf. in l. Cum quid. numero II. ff. Si certum petatur. Baldus in l. Si paterno. numero 3. versic. Item & quantitas. Raphael Fulgosius ibidem. Cod. de negot. gest. Andreas Barbat. in consilio 46. incipien. Illud adducam. numero 9. volumine 4. allegans Bald. in dicta l. Si paterno. Anton. Corsetus in tractatu de minimis. pprima part. numero 6. versiculo Nono de minimis. & alij alibi. Quod autem modicum siue paruum ad hunc effectum dicatur, arbitrio boni viri definendum : nam aliquid dicitur paruum respectu

vnius,

vnius, 217

vnius , quod intuitu alterius magnum iudicandum foret. arg. huius cap. Bartol. in l. Sed si suscepit. §. 1. ff. de iud. Specul. in tit. de iudice deleg. vers. Quid si causa. & in tit. de iuramento calumn. §. 2. Alberic. in repert. verb. Modicum. in addit. Equus in hoc cap. respectu fratris Archiepiscopi donantis , res modica censetur , quæ si ab homine mediocris fortunæ homini eiusdem status oblata extitisset , res magna iudicaretur. In hoc cap. res magna factis iudicatur , quæ tanta est , vt probabiliter præsumatur mouere vel mouisse à recto, ac in aliam partem iudicem , & in hoc casu non est eadem ratio de modicis quæ de magnis , quia cessat ratio finalis iuxta annotata à Decio in cap. De appellationibus. de appellat. & Nauarr. in comment. de datis & promiss. pro iussit. & grat. notab. 10. Tertiò videndum in collatione muneris , quo tempore detur , an in necessitate , vel alio tempore. Si enim munus detur , quando donans in nullo indiget donatario , tunc minimè est suspectum , vt bene Hostiensis hîc annotat.

Quinta Conclusio. In foro conscientiæ , vt munerum collatio sit sine peccato simoniæ requiritur , vt donantis & donatarij intentio sit recta. Hanc docent Hostiens. Ioan. Andr. & alij quidam in hoc cap. nec est dubium in ea. Quia si donans det pro exhibendo , vel exhibito spiritali , recipiens autem bona fide accipiat tanquam gratis liberaliterque oblatum,

tum, peccatum committitur ex parte donantis, cuius peruersa est intentio. Si autem donans gratuito animo, ac liberali voluntate offerret, recipiens autem tanquam pretium rei spiritualis acceptaret corrupta intentione, simoniæ labes ex parte donatarij tantum contraheretur. Hæc tamen est tantum simonia mētalis, (quia præsupponimus id fieri sine ullo pacto tacito, vel expresso) quæ per poenitentiam aboletur, nec obligat ad restitutionem, vt in cap. fin. infra plenius explicabitur: Sed cum omnes nunc auaritiæ studeant, muneræque diligant ad euitandam sordidam auaritiā, & ad retinendam sobriam mediocritatem, mente tenendum, non omnia, & non semper, nec ab omnibus accipiēda iuxta mentem Gloss. in l. Solent. ff. de officio procons. Vetus prouerbium est, vt meminit ibidem Vlpian: Nam, inquit, valdè inhumanum est, à nemine accipere, sed passim vilissimum, & per omnia auarissimum.

CAPVT XIX.

Abbas & maiores de conuentu, si pro receptione monachi receperūt pecuniam ex pacto: ab officio & beneficio suspenduntur, & taliter recepta pecunia restituitur, & in aliud monasterium ita receptus transfertur.

X

Idem

Idem.

Veniens ad nos F. presbyter proposuit, quod Abbas & fratres sancti R. noluerunt eum in monachum recipere, quousque triginta solidos dare conuenerit: conuentione autem facta, sequenti die eum monasticum habitum induerunt: & iidem monachi triginta solidos, Abbas verò decem, & familia duodecim pro pastu (asserentes hoc esse de consuetudine monasterij) postularunt. Quoniam ergo factum huiusmodi perniciosum videtur: mandamus quatenus si ita esse inueneris, Abbatem & monachos ad restituendam pecuniam præfato F. tam indignè acceptam compellas, & Abbatem & maiores personas monasterij pro tantæ prauitatis excessu, ab officij executione suspendens, præcipias dicto F. vt in alio monasterio in habitu monastico domino studeat deferuire.

Notandum in primis cum text. & DD. pecuniam datam à monacho pro ingressu religionis, eidem monacho restituendam.

Secundò, Simoniacè monasterium ingressus transferendus est ad aliud monasterium, vt in habitu suscepto Deo inseruiat.

Tertio, Obseruant hic DD. Panor. Anton. Felin. & communiter alij, quod simonia commissæ in monachatu nō vitiat actum, id est, vt clarius loquamur, non reddit ingressum & professionē nullam. Primò, quia in hoc e. non manda-

mandatur vt fiat monachus , sed vt in alio monasterio deferuiat in habitu. Ergo remansit monachus. Deinde simonia non committitur respectu monachatus , sed propter ingressum in hoc monasterium, cuius Abbas & fratres pecuniā acceperunt ex conuentione. Ergo ingressus tantum vitatur respectu illius monasterij, & non monachatus assumptio in genere. Est. n. monachatus professio, quædam obligatio Deo facta & quærita, quæ nō impeditur per factū recipientis pecuniā. Nam cum talis intendat se obligare Deo, prauum factum alterius, non debet impedire hanc obligationem. & sic Abbas, & Ioan. ab Anania notant hunc casum vt notabilem, in quo simonia actum nō vitiat. Mouent quidam DD. hic dubiū, an sic simoniacè receptus, sit transferendus in aliud arctius monasterium. Felin. prope fin. c. respondet quod communiter hic DD. teneant contra Goffred. quod non. Quia text. simpliciter dicit in alio, & dictio (alius) regulariter importat similitudinem. vt per Gloss. magnam in c. Sedes. de rescript. Nec obstat: Quoniam. infra eod. ibi: in locum arctioris regulæ, &c. quia illud fuit in pœnam, vt ille text. statim exprimit, sed hic vt perficeret inchoatam professionem, Dominoq; inseruiet. Vel dic melius ait Felin. quod ibi lex ultra processit declarando de arctiori. De simonia circa ingressum religionis latissimè actum est supra in cap. Non satis.

CAPVT XX.

Si ordinandus presentatori suo aliquid dedit ex pacto, simoniacum est, non tamen deponitur, si est occultum.

Idem.

EX tuæ fraternitatis literis, & ex confessione sacerdotis præsentium latoris accepimus, quod cum ad sacerdotij ordinem, non aliter voluisset eum eius Archidiaconus præsentare, sex solidos soluit eidem, & sic ordinem ipsum per eum præsentatus accepit. Vnde tibi sic duximus respondendum, vt si hoc non est publicum, sed secretum; eundem sacerdotem secretò conuenias, monens sine vlla coactione propensius, & inducens vt ordinem alicuius religionis assumat, & perpetuo ab officio abstineat, quod illicitè acquisiuit. Alioquin non erit tutum (cum sit secretus excessus) ipsum inuitum ab eodem officio coërcere, cui tamen secretam pœnitentiam, secundum quod tibi visum fuerit, iniungere non postponas.

Casus literalis secundum Gloss. & Abbat. Quidam cum vellet ad sacerdotij ordinem ascendere: accessit ad Archidiaconum, vt eum præsentaret ad ordinem sacerdotij, qui noluit nisi in primis sex solidos soluisset sibi, & sic ordinem per eum præsentatus accepit. Epi-
scopus

scopus diocœsis, cui sacerdos hoc in secreto fuerat confessus, quæsiuit à Domino Papa, quid de isto presbytero esset agendum. Respondet Papa, si secretum sit, eundem sacerdotem moneat inducatque, ut ordinem alicuius religionis assumat, & perpetuo ab officio sacerdotis abstineat: alioquin non debet ipsum ab officio sacerdotis coercere, cum eius excessus sit secretus, pœnitentiam tamen secretam pro arbitrio eidem iniungendam iubet.

Notandum primò, simoniam in ordine committi non solum quando Episcopo aliquid datur, sed etiam quando eius ministris, aut præsentatori ad ordines.

Secundò, Quantumcunque modicum datum ex pacto pro consequendo spirituali, simoniacum efficit, prout latius antea dictum est in cap. Etsi quæstiones. Nam qui hic tantum ex pacto sex solidos soluit præsentatori, simoniacus est. Alia tamen ratio est, quando modicum quid datur gratitudinis & benevolentiae causa, sine ullo pacto, & peruersa intentione, ut in d. c. Etsi quæstiones.

Tertiò, Simonia quando secreta est in confessione, non est deducenda ad cognitionem, & pœnam fori exterioris.

CAPVT XXI.

Breue est, nec potest breuius summari.

Idem.

AD nostram: & infra. Di. V. mandamus, quatenus pro ministerio Ecclesiastico exercendo, siue pro vicarijs assignandis, seu pro chrismate nullatenus pecuniam exigatis. Ex hoc cap. generalis regula desumitur, quod pro ministerijs Ecclesiasticis exercendis, aut sacramentis administrandis, aut etiam sacramentalibus benedicendis, & distribuendis, nihil pretij potest exigi sine crimine simoniæ.

CAPVT XXII.

Cum simoniacè ordinato, qui simoniacus non est, dispensari potest.

Lucius III.

DE simoniacè ordinatis, certum tibi non possumus dare responsum, nisi plenius cognoscamus qualiter fuerint ordinati: cum quidam licet secundum quandam speciem simoniæ, utpote ipsis ignorantibus simoniacè ordinentur: possunt (qui simoniaci non sunt) in suis ordinibus remanere.

Quoniam varijs modis quis potest simoniacè

niacè ad ordines promoueri, quæstioni sic vt hic in genere conceptæ, non potest certum reddi responsum. Aduertendum autem ex 1. quæst. 1. cap. Statuimus 1. & 2. ac Magistro sententiarum in 4. dif. 25. triplici modo, quem posse simoniacè ordinari. Quidam enim ordinantur simoniacè à simoniacis, vt quando simonia est ex vtraque parte ordinatoris & ordinati. Ordinatus dedit aliquid temporale pro ordinis receptione, & ordinans eodem animo & conuentione accepit. Aut simoniacè à non simoniacis, quando simonia committitur tantum à parte ordinati, qui pecuniam dat alicui consiliario, aut ministro Episcopi eo ignorante, tunc Episcopus non est simoniacus, licet ipse ordinatus talis sit, & alij pecuniam recipientes. Vel aliquis minus idoneus examinatori pro admissione ad ordines pecuniam offert in absentia Episcopi, eo penitus nihil sciente, vtpote quod cura exanimis commissæ sit alijs: nec Episcopus ex officio teneatur adesse examini ordinandorum, prout fieri contingit in multis locis Germaniæ, vbi suffraganei, atque Episcopi titulares ordinare solent, imò & Romæ regulariter Episcopus ordinans examini non interest. Aut non simoniacè à simoniacis, quando tantum est simonia ex parte ordinantis, vt quando aliquis nomine aut vice ordinati pro ordinatione dat

aliquid Episcopo, omnino ignorante ordinato, & in hoc casu ordinatus non redditur particeps criminis simoniæ. & de hoc casu Pontifex respondet in præsentī cap. quod sic ordinati, cum simoniaci non sint, possint in ordinibus permanere, tamen dispensatione Episcopi indigent ad exercitium ordinis sic recepti. Nunc quoniam DD. Panorm. Anton. à Butrio, Ioan. ab Anania & alij quidam agunt in hoc cap. de dispensatione cum simoniacis. sit

QVÆSTIO.

Quis dispenseſet cum ſimoniacis in ordine, aut beneficio?

DE hac materia tractant canonum DD. in hoc cap. & quidam in cap. post translationem. de renunciat. & in cap. penult. de elect. Cardin. Alexand. & Turrecrem. 1. q. 5. in princ. Alberic. in repertorio verb. Simonia. Angel. in eod. verb. 6. §. 3. & alij alibi.

Prima Conclusio. Pontifex potest dispensare in omnibus pœnis inductis iure positiuo cum simoniaco, tam in ordine quam in beneficio. Hanc amplectuntur Cardin. Alexand. & Turrecrem. loc. cit. & alij alibi. nec potest in ea esse dubium. Cum enim Pontifex sit supra omne ius canonicum & positiuum, in eius potestate est talis iuris dispositio. argum. cap. Proposuit,

fuit, cum ibidem annotatis à DD. de concess. præbend.

Secunda Conclusio. Licet Pontifex de plenitudine potestatis possit cum simoniacis in ordine dispensare, non tamen consuevit passim dispensationem talem impendere. Hanc etiam Cardin. Alexand. & Turrecrem. cum alijs in d. quæst. 5. in princ. ponunt. Panormitan. in hoc cap. Rationem adiungunt DD. hanc cum Vlrico, quia in tali simonia fit iniuria sacramento Ordinis, & ideò merito punitur in quo deliquit. Sed melior ratio reddi potest, simonia enim in ordine commissæ omnium est grauissima, vt clarum est ex multis in Rub. maximè notab. II. allegatis, & ex frequentî prohibitione canonum in hoc tit. ideòque si passim dispensatio concederetur, tribueretur occasio peccandi: facilitas enim veniæ præbet audaciam delinquentibus, & sic simoniaca labes, quæ hæresi comparatur, vsu frequentaretur, Ecclesiastica benedictio in maledictionem conuerteretur, & disciplinæ à patribus traditæ neruus, cum sacramentorum contaminatione & sacrilegio dissolueretur. Conclusio intelligitur maximè de simonia interuenienti tam ex parte ordinatoris quam ordinati. Ea enim pessima est, & minori misericordia digna.

Tertia Conclusio. Quando simonia est cum scientia commissæ in ordine, solus Pontifex dispensat, hanc tradunt Panorm. Anton. Fe-

ipse cum criminis sit particeps in odiū peccati
tanti non dispensabit, sed vel successor eius,
aut superior. Hodie tamen per Concil. Trid.
sess. 24. c. 6. de reformatione. potest Episcopus
etiam criminis particeps dispensare cum sibi
subditis, in suspensione simoniæ, dummodò
sit occulta, vt auctor Candelabri aurei in ap-
pendice illius libri, c. 1. n. 20. obseruat. Huic et-
iam fauet Nauar. lib. 5. consil. de simonia. conf.
61. n. 12. Per hanc Concilij determinationem,
fortassè quis existimabit confirmari sententi-
am illorum DD. quorum distinctionem Pa-
norm. Felin. & alij reiiciunt, dum volunt Epi-
scopum solum dispensare dum occultū est, &
nō quando manifestū. Nihilominus respon-
detur Concil. non facere directè ad intentum
allegatum ab auctore Candelabri aurei. Quia
vt ex nostra conclusione elicitur, & manifestè
ex hoc c. confirmatur, in casu huius cōclusio-
nis, nō vei è committitur simonia, nec etiā vl-
lum peccatū, si ordinatus nihil sciat de pecu-
nia data pordinis collatione, nec etiā postea-
quā rescuerit, consentiat in factū, vt commu-
nis DD. sententia p certo habet. Vnde ista di-
stinctio nō sustinetur, etiam si casus noster sit
notorius: cū ex parte sic ordinati, nec simonia
nec aliud crimē fuerit commissum. Id tamen
verū est, qd ad propositum istius D. argumen-
tum satis concludit, dū aliud nō sentire vider-
tur, quam qd quādo talis simonia occulta fuit,
& consequenter secuta suspensio, possit etiam
dispen-

dispensare Episcopus per dictam concessio-
nem Concilij Tridentini, & sic à fortiori ar-
gumentum concluderet, si enim Episcopus
potest dispensare in suspensionibus quæ ori-
untur ex delicto occulto, exceptis eis quæ ori-
untur ex homicidio voluntario ac alijs de-
ductis ad forum contentiosum, multo magis
potest dispensare cum eo, quo ignorante si-
monia occultè commissa est; cum non pecca-
uerit, nec criminis sit particeps, modo post-
quam cognouerit, ratum non habuerit con-
sentiendo.

Quinta Conclusio. Quando simonia non est
commissa cum Episcopo, sed cum eius mini-
stro, aut collaterali, Episcopo ignorante, tunc
etiam Episcopus potest dispensare. Hanc po-
nunt Cardin. Alexand. & Turrecrem. quæ ta-
men intelligenda, quando etiam ignorantia
est ex parte ordinati.

Sexta Conclusio. Cum eo qui scienter ordi-
nes simoniacè recepit, nec tamen in eis admi-
nistravit, potest Episcopus dispensare, vt v-
tantur ordinibus ritè susceptis, non tamen in
ordine simoniacè collato, aut vt ad alios ascen-
dat, dispensare poterit. Card. Alexand. & Tur-
recre. Nunc videndum de dispensatione simo-
niæ circa beneficia Ecclesiastica.

Septima Conclusio. Cum eo qui scienter be-
neficio simoniacè recepit, solum summus
Pontifex dispensat. S. Thom. 2. 2. q. 100. art.
vlt. ad 7. Cardin. Alexand. & Turrecrem. vbi
supra,

supra, alijque ab eis allegati, & hæc nunc communis, & in praxi curiæ recepta opinio, quicquid quidam ex antiquioribus in contrarium sentire videantur adhibendo distinctionem, facit pro conclusione cap. De regularibus supra. eod. tit.

Octava Conclusio. Si simonia commissæ est ignorante, nec etiam ratum habente, eo, qui dignitatem Ecclesiasticam recepit, Episcopus non potest cum eo dispensare, vt eam iterum legitimè consequatur possideatque, sed solum summus Pontifex. Innocent. Hostiens. Ioan. Andr. Panormit. & alij ibidem. Nauarr. lib. 5. consil. in tit. de simonia. consil. 35. num. 4. hanc conclusionem probat cap. penult. de elect. & cap. 1. 1. q. 5.

Nona Conclusio. Qui simplex beneficium acquisiuit per simoniam ignoranter commissam, si illud liberè renunciât in manibus superioris post scientiam, potest illud idem iterum licitè recipere per dispensationem Episcopi. Hanc tenent Gloss. in d. cap. penult. de elect. DD. ibidem. Innocent. Panormit. & alij communiter in hoc cap. Angel. in verb. Simonia 6. §. 3. Syluest. in verb. Suspendio. q. 7. d. 4. Atque hanc conclusionem expressè text. in d. c. penult. probat: dū sic loquitur: Quamuis circa eū qui ignoranter recipit simplex beneficium per simoniacam prauitatem, post liberam resignationem Episcopi dispensatio tolleretur. Dubitare aliquis possit. An canonicatus etiam cenfea-

cenſeatur ad hunc effectū, vt Epiſcopus diſpenſet, beneficiū ſimplex. Reſpondetur quod canonicatus eſt beneficium ſimplex ſecundū communem DD. ſententiam, ex cap. Statutum. de reſcrip. in 6. vbi dignitas & canonicatus pro diuerſis ſumuntur. Vnde Philipp. Francus ibidem & Felinus in cap. Paſtoralis in princip. de offic. delegat. colligunt canonicatum neque dignitatem, neque perſonatum eſſe. Facit quod etiam canonicatus non comprehenditur ſub beneficijs duplicibus contentis in cap. De multa. de præbend. & in extrauag. Excecrabilis. ſecundum omnes. vt teſtatur Nauarr. lib. 5. conſil. in titu. de ſimonia. conſil. 61. num. 6. Facit ad idem cap. Ex inſinuatione. infra. vbi agitur de canonicatu per ſimoniam acquiſito, & ſatis declaratur poſt ſpontaneam renunciationem per diſpenſationem inferioris Pontificis, poſſe illum ſecundo renuncianti acquiri. In hoc autem caſu, eſſi renunciatio fiat in manibus Epiſcopi, iſque diſpenſet, non tamen poteſt renuncianti iterum conferre, niſi pro eo tempore collatio & prouiſio ad ipſum ſpectet: ſed ordinarius collator conferet, prout rectiſſimè Nauarr. in d. conſil. num. 3. docet. Dubium eſſe poteſt. Quid ſi parentes praua cupiditate ducti, filio adhuc paruulo exiſtente, eidem beneficium mediante pecunia ſimoniacè acquiſiuerunt, tandem parentes poſtquam filius adoleuerit, rei que capax fuerit, ei aper-
riunt

riunt iniquam beneficij acquisitionem, an filius teneatur credere parentibus, atque beneficium resignare? Archidiaconus, Cardinalis Alexandrinus, & Turrecrem. mouent in cap. Quicumque 1. quæstione 5. sed parum resolutè respondent, ideò distinctius dicendum primò. Si filius ex parentum fideli narratione alijsque circumstantijs habet conscientiam læsam, non potest tenere beneficium, sed tenetur renunciare. Alioqui si faciat contra conscientiam ædificat ad gehennam. argum. cap. 14. ad Roman. in fin. cap. fin. de præscriptionib. & cap. literas. de restitut. spoliat. postquam autem liberè resignauerit, potest ad idem iterum dispensatione impetrata promoueri, iuxta prædicta, & dictum cap. Quicumque. Cum enim talis simonia filio adhuc paruulo & inscio, vt præsupponitur commissæ sit, iusta dispensandi causa subest. Secundò, quando parentes filio denunciant emptionem, aut acquisitionem simoniacam beneficij, non est verisimile quod falsum dicant. argum. cap. Afferre. & cap. literas. de præsumpt. ideòque talis si parentibus fidem non haberet, in hac conscientia nimis durus foret, prout in simili casu Hostiensis & alij quidam notant in capite Officij. de pœnitent. & remiss. Hoc dictum etiam prædicti auctores sequuntur. Tertiò, si filij conscientia non læditur ex dictis parentum, non tenetur eis credere. hoc

hoc fuit dictum quorundam Doctorum, vt mentionem faciunt Archid. & alij arg. sumpto ex l. filium. ff. de ijs qui sui, vel alieni iuris sunt. Pro hoc etiam facit opinio multorum Theologorum, canonistarum & legistarum, dum sentiunt filium minimè tenere, fidem adhibere matri asserenti eum natum ex adulterio. Sic S. Antonin. 2. part. tit. 2. cap. 7. §. 4. Gabr. in 4. d. 15. quæst. 2. art. 2. Angel. Syluest. & alij in summis. verb. adulterium. Alphonsus, Castrenf. lib. 2. de potestate legis pœnalis. cap. 11. & alij alibi. Canonistæ, Panorm. in cap. Per tuas. de probat. Anton. Ioan. Imolen. & alij ibidem. Panorm. & Anton. in d. cap. Officij. Legistæ, Cynus, Angel. Salycet. Alber. & alij in l. Si vicinis. C. de nuptijs. Bart. & Alberic. in d. l. Si filium. De qua re plurima allegauimus & congeessimus in comment. de iniur. & damno dato. cap. fin. q. 18. à conclus. 9. Quartò, si parentes filio ita narratione persuaderent, euentibusq; argumentis demonstrarent beneficij acquisitionem simoniacā esse, vt intus in animo quasi conuinceretur credere, atq; etiam quilibet vir prudens, non possit nō assentiri, teneretur fidem adhibere. Pro hoc facit quod Dominicus à Soto lib. 4. de iustit. & iure. q. 7. art. 2. Petr. de Aragon. in 2. 2. S. Thom. q. 6. art. 6. Ioseph. Angles in 2. part. 4. in florib. de restitut. & alij quidam recentiores tradunt filium in tali casu tenere credere matri asserenti eum esse natum ex adulterio.

QVÆ

QVÆSTIO II.

Quis dispenset in simonia circa ingressum religionis, & alios actus spirituales.

P*rima Conclusio.* Cum eo, qui realem completamque simoniam commisit dando, aut recipiendo scienter pecuniam pro ingressu religionis, solus summus Pontifex dispensat. Panormit. in hoc cap. Hostiens. in summa. verb. Simonia. §. penul. & alij alibi. & satis confirmatur ex cap. De regularibus & c. fin. infra.

Secunda Conclusio. Cum religiosis quibus ignorantibus in receptione eorum commissæ est simonia, in fauorem religionis Episcopus dispensare potest. Cardin. Alexand. & Turrecrem. in principio quæst. 5. causa 1. Hostiens. vbi supra. Panormit. & alij in dicto cap. De regularibus, quod satis hanc conclusionem fundat.

Tertia Conclusio. In minoribus speciebus simoniæ, quæ videlicet committuntur in obsequijs mortuorum, benedictionibus nubentium, sacrorum vasorum ac vestimentorum, in venditione chrismatis, panis benedicti, sepulturæ, in consecratione Ecclesiæ ac cœmeterij, & similibus actibus, Episcopus potest dispensare. Cardin. Alexand. & Turrecrem. vbi supra. qui allegant & Raymundum in
Y summa

summā tit. de magistris. Hostiens. in d. §. penult. Angel. in verb. Simonia 6. §. 5. Syluest. in verb. Suspendio. quæst. 7. & dicit Hostiensis quod magistri sic dicunt, quod Episcopus post peractam pœnitentiam possit dispensare. Quia in his non prohibetur arg. cap. Nuper. de sententia excomm. & sic potest.

CAPVT XXIII.

Si contradicens electo, pro pecunia de voluntate electi tradita à contradictione cessat, electus postea confirmatus, est simoniacus, & beneficio renunciare tenetur.

Idem.

M Athæus Cardinalis, secreta nobis insinuatione monstrauit, quod cum fuisses ad Ecclesiæ tuæ regimen de voluntate maioris partis fratrum electus, paucis tibi contradicentibus: quidam amicus tuus de conscientia tua & voluntate turbata ei, qui magister discordiæ videbatur, certæ quantitatis munus exoluit, & sic contradictio conqueuit: nunc autem dubitas, quod non sis à labe simoniæ prorsus immunis, donec in administratione volueris remanere. Quia igitur consilium requisisti, quid tibi sit fa-

fit faciendum : respondemus , quod multum tibi consulis , si administrationem celeriter ac sponte dimittas , illius verbi memor existens : Nihil prodest homini , si vniuersum mundum lucretur : animæ verò suæ detrimentum patiatur.

Casus secundum Gloss. & Abbat. literalis talis est. Quidam electus fuit ad regimen cuiusdam Ecclesiæ , de voluntate maioris partis paucis contradicentibus , quidam amicus illius de voluntate electi turbata , quandam pecuniam soluit illi , qui discordiam faciebat : & sic contradictio quieuit , postea dubitans an simoniam commisisset per Cardinalem , factum secretè Papæ intimaui , petens super hoc salutare consiliū. Papa respondit ei , quod multum consuleret sibi , si administrationem statim & sponte dimitteret : memor existens illius verbi. Nihil prodest homini si vniuersum mundum lucretur : animæ verò suæ detrimentum patiatur.

Nota circa textum in primis , quod hic dubitans secretè in confessione , vel extra eandem sub commissione secreti Cardinali casum proposuit , & sic Cardinalis etiam Pontifici tanquam occultum pro consilio proposuit , & sic responsio data per modum consilij , & non expressam prohibitionem. Secundò. Simonia committitur etiam si quis pecuniam offerat pro voce non necessaria in electione , aut ad amouendā contradictionem oppositionēq;.

Etenim hic erat electus à maiori parte, ideo electio valebat, non obstante aliorum contradictione. cap. Cum in cunctis. De his quæ fiunt à maiori parte cap. & cap. Ecclesia vestra. el. 2. de elect. & tamen quia pecuniâ amicus electi obtulerat auctori contradictionis, eo tamen consentiente electio simoniaca est. Tertiò, Mens turbata non excusat in peccatis. Exemplum, qualiter dicatur voluntate turbata fecisse, ponunt hic Anton. à Butrio, & post eum Ioan. ab Anania in hunc modum: Forte amico consulenti respondit: maledicatur ipse, da sibi pecuniam quæ secum sit in perditionem, vel similia: vel forte voluntate turbata respondit amico, quid à me quæris consilium: fac quod tibi videtur. Postremò licet Pontifex responsionem, vtpote de secretè proposito casu, det per modum consilij, tamen in ordine ad consequendam animæ salutem necessaria est renunciatio eius, quod iniuste & simoniacè obtentū, vt colligitur ex Gloss. hic supra verb. Consulis. vbi Felin. obseruat quod verba quæ important aliquando persuasione, si imponantur in materia conscientia, importabunt præceptum, & est alia Gloss. in cap. Ad aures. in fine. de ætat. & qual. & multa ad hoc allegat Felin.

CAPVT XXIV.

Pro absoluendo excommunicatum, pretium aliquod exigi non debet.

Idem.

AD aures nostras peruenisse noueris, quod cum C. de Seneuilla propter pecuniam, quam debebat, vinculo fuisset excommunicationis astrictus, creditoribus satisfecit, sed excommunicatoribus decem libras pro absolutione quærentibus, non ualuit absolutionis beneficium obtinere. Quoniam igitur indignum est, & Ecclesiasticæ rationi contrarium, ut absolutionis beneficium redimatur: Di. V. mandamus, quatenus si præfatus C. debitum soluit, ipsum gratis faciat absolui, si excommunicatores id non fecerint, requisiti.

Notandum primò, debitorem posse excommunicari ad instantiam creditoris pro non satisfactione debiti. Panormit. Anton. Felin. & alij hic per text. Facit ad idem cap. Odoardus de solut. cum annotatis ibidem à DD. Sed pro debitis passim & regulariter, id non est faciendum. sed cum moderamine ex dicto cap. Odoardus. & DD. ibidem. & ex Concil.

Triden. sess. 25. de reformat.

capite 3.

Y 3

QVÆ-

QVÆSTIO.

An pro absolutione ab excommunicatione possit pecunia solui, aut accipi?

P*rima Conclusio.* Pro beneficio absolutionis ab excommunicatione pecuniam dare, aut accipere, simoniacum est. S. Thomas 2. 2. q. 100. art. 2. ad 3. Richard. in 4. d. 25. art. 3. q. 1. Angel. in verb. Simonia. 2. §. 34. Syluest. eod. verb. q. 7. Turrecrem. in c. Nullus. 1. q. 1. Hostiens. in summa. tit. de excessib. prælat. §. 1. vers. Alij quia sine certa quantitate. Panorm. Cardin. Felin. & communiter DD. in hoc cap. per text. expressum. Ratio etiam clara est. Beneficium absolutionis est quid spirituale, & procedit etiam à potestate spirituali. Ergo simoniacum est illud pro pecunia impendere.

Secunda Conclusio. Quando aliquid in absolutione ab excommunicatione soluitur pro pœna aut mulcta imposita propter contumaciam, non est simonia. S. Thomas. Angel. Syluest. Hostiens. & DD. in hoc cap. Hinc DD. communiter secuti Hostiens. in hoc cap. dicunt consuetudinem, aut statutum esse iustum, quo excommunicatus antequam absolueretur, pro quolibet mense, quo mansit in excommunicatione, soluat certam quantitatem
puta

puta decem libras, aut tres, aut quinque, aut plures. Sicut est in Francia, & in multis alijs regionibus. Aliqui tamen referente eodẽ Hostiens. dicunt, quod petens in primis gratis absolui debet, & demum compelli ad satisfaciendum pro pœna secundum consuetudinem aut statutum, vt infra cap. Ad Apostolicam. & sic Hostiens. in summa. d. §. i. vers. Quid si petitur ratione consuetudinis, &c. putat quod ante absolutionem pœna non possit exigi, cum nec pro illa fuerit excommunicatus.

Tertia Conclusio. Si creditor propter contumaciam debitoris aliquas fecit expensas, iudex sine crimine simoniæ, ad instantiam partis poterit absolutionis beneficium subtrahere, donec illas soluerit. Gloss. Anton. Hostiens. Ioannes Andreas. & Cardinalis in hoc capite. per cap. Quoniam. §. in alijs. Quia expensæ non dantur intuitu absolutionis.

Quarta Conclusio. Si alicui iniuste denegaretur absolutio ab excommunicatore, & ex dilatione absolutionis ei immineret graue periculum aut damnum, vtpote sequenti die debet celebrari electio, quæ eum actiue & passiuè concerneret: aut immineret grauis iudicialis actio, vbi, si non esset qualificatus ad standum in iudicio, præscribetur contra eum, aut aliud magnum, & irreparabile damnum sequetur, pro vexatione redimenda vt absolutio obtineatur, potest pecu-

niam offerre excommunicatori. Ioan. Andr. & post cum Panormit. Antonius hic. Cardinalis Alexandr. in cap. Nullus. el. vlt. l. q. 1. In eandem sententiam ire videntur Ioan. ab Anania. & Felin. in hoc c. distinguentes vtrum interesse quod sequitur ex dilatione absolutionis sit æstimabile, vel non: ita quod liceat redimere vexationem, quando interesse est æstimabile, alias minimè. Gloss. hic indistinctè sentit, quod licet vexationem redimere. Innocent. autem indistinctè tenet hic quod non liceat, sed pro absolutione sit recurrendum ad superiorem. iuxta d. cap. Nullus Episcopus. Innocentium Cardin. & Goffred. hic & Archidiac. in d. cap. Nullus. alijque sequuntur.

CAPVT XXV.

Monachi per simoniam recepti, si sunt simoniaci, ad arctiora monasteria transferuntur: alias post renunciationem in eisdem, vel in alijs monasterijs eiusdem ordinis poterunt collocari.

Clemens tertius.

DE regularibus canonicis seu monachis nos consulere voluistis, qui per simoniam ingressum, ipsis scientibus habuerunt. Vnde cum super hoc auctoritates multæ reperiuntur expressæ, non aliud quam statutum est, re-

est, respondemus: vt locum quem taliter adepti sunt, omninò dimittant, & solitudines seu alia monasteria districtiora adeant, in quibus tam execrabilem excessum sine intermissione deplorent. Si autem ignorantibus illis pecunia data fuerit, cogas eos ad renunciandum loco eidem, & postmodum in ipsum reducere, si ibi absque scandalo potuerint remanere, vel in alio qui sit de ordine ipso, ad seruiendum Deo poteris collocare.

Nota in primis, maximum esse discrimen inter eos, quibus scientibus simonia commissæ est in ingressu monasterij, & alios quibus ignorantibus pecunia data est: Cum prioribus, vt supra dictum est, arg. huius cap. Solus Pontifex dispensat: Cum posterioribus Episcopus gratiam facere potest. In vtrisque autem renunciatio spontanea eius quod simoniacè acquisitum est, omnem dispensationem præcedere necesse est. Non enim dimittitur peccatum, nisi antea restituatur ablatum, aut dimittatur siue restituatur iniuste possessum.

CAPVT XXVI.

Si quis canonicatui renunciâns, ad quem per simoniam ignoranter assumptus fuerat, postea de nouo assumatur ad idem: non potest ex prima receptione sibi aliquid vendicare.

Y 5

Idem.

Idem.

EX insinuatione tua nobis innotuit, quod pater tuus interueniente pecunia, olim tibi præbendæ beneficium acquisiuit.

Cumq; ad annos discretionis perueniens, accepisses Dominicæ crucis signum: dictam præbendam in manu præpositi & fratrum liberè resignasti. Sed iidem tibi compatiens de nouo te in suum canonicum elegerunt: ita videlicet quod per electionem istam postremum locum in choro & in alijs obtineres: & infra) Respond. vt indulgentia quam fratres tui misericorditer tibi fecisse noscuntur contentus existens; ratione primæ receptionis nihil audeas in ipsa Ecclesia vendicare.

Nota iterum casum, in quo ignorans sine dispensatione Sedis Apostolicæ, iterum ad beneficium prius liberè resignatum assumitur ex gratia & misericordia.

CAPVT XXVII.

Electio simoniaca est cassanda, si propter hoc electoribus promissa fuit pecunia, quamuis electus ignoret: nisi hoc factum fuerit in fraudem electi, hoc dicit primo. Cum electo reprobat per vitium simoniae, non dispensat Episcopus. hoc dicit secundo.

Celesti-

Celestinus III.

NObis fuit ex parte tua intimatum, quod cum quatuor essent à capitulo constituti, qui debebant quendam eligere in plebanum, amici eius de cuius electione spes habebatur: vni vel omnibus eligentium promiserunt se pecuniam soluturos: eo tamen ignorante, qui huiusmodi promissione interueniente postmodum est electus: & infra.) Quia igitur super hoc consulere nos voluisti, consult. tuæ breuiter respondemus, quod nisi constaret illos, qui promissum tale fecerunt, per fraudem in dispendium illius qui eligendus erat id malitiosè fecisse: quamuis ipse tempore promissionis conscius non fuerit: eius tamen electio tanquam simoniaca prauitate præsumpta, est penitus reprobanda: & infra.) Ad vltimum quod in fine consultationis tuæ inuenimus: hoc duximus respondendum, quod aliquis in Ecclesiæ cuiuslibet Prælatus electus, & vt dictum est, per prauitatem simoniacam reprobatus, ab Episcopo suo dispensationem aliquam de iure obtinere non potest. De huius capitis materia satis constare potest ex superioribus, ideo non est opus repetitione.

CAPVT

CAPVT XXVIII.

Qui praelato dat pecuniam, ne ipsum in iure suo de facto molestet, illam repetit, si praelatus promissa non seruat, hoc dicit inherendo literæ.

Dilectus filius R. Præpositus nobis exposuit, quod cum Eboracens. Archidiacono eum multis grauaminibus afficere non cessaret: promisit ei certam quantitatem pecuniæ se daturum: vt ab ipsius desisteret læsione. Verum dictus Archid. post receptionem pecuniæ super dignitatibus & beneficijs suis ab eius molestia non quieuit. Ideoque Di. V. mandamus, quatenus si res ita se habet, Archid. restituere quod accepit (si eum contra promissionem suam venisse constiterit) compellatis.

Casus secundum Gloss. & Abbatem: Archidiaconus Eboracens. R. præpositum multis grauaminibus & iniurijs affligebat. Vt Archidiac. ab iniurijs desisteret, præpositus promisit ei certam pecuniæ quantitatem se daturum, & persoluit, sed post receptionem pecuniæ Archid. super dignitatibus & beneficijs ab eius molestia non quieuit. Vnde præpositus Domino Papæ fuit conquestus. Mandat Papa quibusdam, quatenus si est ita, compellant Archidiaconum restituere quod accepit, si ipsum

fi ipsum contra promissionem suam venisse constiterit.

Notant DD. cum Gloss. quod licitum est allicui redimere suam vexationem. Deinde fidem non seruanti fides non est seruanda.

QVÆSTIO.

An sit licitum in spiritualibus vel eis annexis, vexationem redimere?

COnueniunt communiter DD. in temporalibus tã pro iure quærendo quam pro quæsito, licitum esse pecunia vexationem redimere; quia temporalia non sunt materia simoniæ, sed cadunt in contractus non gratuitos. Nunc pro intelligentia quæstionis aduertendum quod in redimenda vexatione intentio redimentis potest ferri aut in emptionem rei spiritualis, tanquam medium directum ad redimendam vexationem, & amouendam iniuriam quæ obstat, quo minus spirituale debitum obtineatur: & hæc intentio non est recta cum inuoluat simoniam. Aut intentio fertur in dationem pecuniæ, non vt pretium rei spiritualis, sed vt motium quoddam ad remouendum impedimentum.

Prima Conclusio. Quando intentio sana rectaque est, ac fertur in dationem pecuniæ, non vt pretium rei spiritualis, sed vt motium ad amo-

ad amotionem iniuriæ siue impedimenti non committitur simonia. Conclusio necessariò ab omnibus admittenda est. Omnes enim DD. vt in sequentibus latius patebit, concedunt licitum esse redimere vexationem. S. Thom. 2. 2. q. 100. art. 2. ad quintum, & eius commentatores ibid. Alexand. Alenf. 2. part. q. 187. memb. 3. art. 1. §. 2. S. Antonin. 2. part. tit. 1. cap. 4. §. 2. prope finem. Paludan. in 4. d. 25. quæst. 5. art. 3. Adrian. quodlib. 9. Angel. in verb. Simonia 2. §. 10. Syluest. eod. verb. quæst. 3. reg. 4. & alij communiter ibi. Turrecrem. & Cardin. Alexand. cum alijs in cap. Quæsitum. 1. quæst. 3. Panorm. Cardin. Hostiens. & communis in hoc cap. Sed non est licitum intendere dationem siue collationem pecuniæ vt pretium rei spiritualis, cum id aperte spectet ad simoniæ prauitatem, argum. sumpto à definitione. Ergo.

Secunda Conclusio. Ad iustam redemptionem vexationis requiritur, vt is à quo vexatio redimitur iniuste eam inferat. S. Thom. Alen. D. Antonin. & alij communiter. Ratio etiam manifesta est. Si enim alius iure & iuste inferret, non tam daretur pro amouenda iniuria, quam pro iure spirituali quærendo. Hinc DD. volunt quod non est licitum ei redimere vexationem, qui dubium habet ius. per text. in hoc cap. & cap. Nullus Episcopus. 1. quæst. 1. Panormitanus in cap. Cum pridem. de pactis. Felin. in hoc cap. Angel. in dicto §. 10. Re-

10. Rebuff. in praxi benefic. in 3. part. in titulo de Simonia in resignatione. & alij a-
libi.

Tertia Conclusio. Ex parte redimentis requi-
ritur vt habeat ius quæsitum. Hanc tradunt
etiam communiter DD. loc. cit. Vnde pro
iure quærendo non licere vexationem redi-
mere sentiunt. Quia tunc pecunia daretur
pro consequendo, acquirendoque spiritali:
quod non est licitum per cap. Ad aures. &
cap. Mathæus. supra eod. & cap. Significasti.
de elect. Verum hanc conclusionem Na-
uarr. in manuali confessoriorum. cap. 23. num.
102. versic. octauo quod neque datio pecu-
niæ, & post eum Gregorius de Valentia in 2.
2. S. Thomæ. disput. 6. quæst. 16. puncto 3.
quæst. 3. conclus. 2. restringunt, tantum ad
forum exterius, quod ibi præsumatur simo-
niam committere, qui ante ius acquisitum ve-
xationem pecunia redimit, etiamsi pecuni-
am reuera daret, non vt pretium, sed tantum
vt motiuum. Quicquid sit de subtilitate do-
ctrinæ horum DD. quæ certè speculatiua est,
nec caret sua probabilitate, tamen non vide-
tur ad mentem veterum Theologorū, quam-
uis hi Doctores S. Thomam in hanc senten-
tiam in d. art. 2. ad quintum trahant. Etenim
Alexand. Alen. S. Thom. Paludan. S. Antonin.
Angel. & alij suam doctrinam in primis sem-
per foro consciëntiæ accommodant, & tamen
apertè sentiunt non esse licitum redimere
vexatio-

vexationem ante ius quæsitum, sed pro iure quæsito tuendo & retinendo. Sed circa hanc conclusionem dubium mouetur: An liceat redimere iniustam vexationem ante ius completum & perfectum acquisitum? Exempli gratia. Petrus obtinuit collationem curati beneficij ab Abbate S. Magnerici, venit ad Archidiaconum pro institutione, qui non vult inuestire, nisi aliquid pecuniæ offeratur pro sua cupiditate explenda, non quidem quod pecuniam exigat tanquam pretium rei spiritalis expresse: sed ambagibus, & molestijs suspensum tenet, donec pro desiderio satisfiat. Vel aliud esse potest exemplum. Obtinuit aliquis Ecclesiam & inuestitus est, tamen quia in loco beneficij nemo ad possessionem peruenire potest, nisi per placetum secularis magistratus, habet aliquem in senatu sibi ex aliqua priuata passione aduersantem, impediendemque ne placetum consequatur: itaque obcursum temporis, dum non est in possessione actuali aliquod damnum incurret: An liceat redimere vexationem pro possessione quærenda. Quidam videntur sentire, quod nunquam liceat redimere, nisi post acquisitionem pleni iuris per actualem possessionem, ita quod etiam simonia sit pro possessione facti acquirenda redimere vexationem. Innocent. supra in cap. Ad aures. Gloss. in cap. Decimas 16. q. 7. & ita dicit Felin. hic per Doctores concludentes, quod nunquam est licitum redimere vexatio-

vexationē, nisi vexatio omninò sit de facto, & redimens habeat ius plenum, adeò quod si deficeret possessio, adhuc nō liceret quasi non sit integrum ius suum, & sic plurimi Doctores sunt in hac sententia. Ratio pro hac sententia est, quia possessio beneficij est quid spirituale, vnde non cadit in laicum. cap. Causam. de præscript. aut est spirituali annexum. Panorm. tamen Ioan. ab Anania & Felinus in hoc capite. Angel. in verb. Simonia 2. §. 11. Cardinal. Alexandr. 1. quæstione 1. in summa. Rebuff. vbi supra. n. 24. censent, quod quando propter potentiam aduersarij, & propriam impotentiam, quis non possit consequi facilè possessionem, nec etiam superioris auxilio adiuari, & notabile præiudicium immineret, tunc possit redimi licitè vexatio, pro adipiscenda possessione iuxta ea quæ supra in capite Ad aures. conclusione 4. congestimus. Hinc ad probandam redemptionem vexationis duo probanda sunt, aduersarij potentia, & dantis siue redimentis innocentia. Baldus & Salycet. in l. Serui. C. ad leg. Iul. de adult. Ioan. ab Anania in hoc cap. & Ioan. le Cirier de primogenitura lib. 3. quæst. 8. num. 4. Ego nunc ad quæstionem respondeo quod in foro conscientiæ, quando recta est intentio redimentis, non est simonia etiam redimere vexationem ante ius completum acquisitum per possessionem, & sic posse eum redimere vexationem sibi iniuste obstantem, qui iam

Z

acqui-

acquisiuit ius in præbenda, aut dignitate per prouisionem, siue collationem, aut electionem, & vltcrius impeditur, ne ad possessionem beneficij, & fructuum perceptionem deuenire possit, modò aliud facilè remedium nò occurrat tollendi impedimētum. Qui enim per prouisionem, aut electionem canonicam obtinet beneficium aut dignitatem, iam certum ius acquisiuit, vt apud omnes in confesso est, & qui tali impedimentum præstat, ne suo iure quæsito pro sua intentione ac commoditate fruatur, ipsi iniuriam facit. Atq; pro hac sententia est Ioannes Maior in 4. d. 25. vt eum allegat Petrus de Aragon in 2. 2. S. Thomæ. q. 100. art. 2. & Maior. D. Thom. in d. art. 2. ad 5. in hanc sententiam exponit, & satis litera D. Thomæ concordat, dum non aliud requirere videtur, quam acquisitionem iuris in dignitate, aut præbenda per electionem, aut prouisionem. Sic enim ait. S. Doctor. Ad quintum dicendum, quod antequam alicui acquiratur ius in Episcopatu, vel quacunque dignitate, vel præbenda, per electionem, vel prouisionem, seu collationem, simoniacum esset aduersantium obstacula pecunia redimere, sic enim per pecuniam pararet sibi viam ad rem spiritualem obtinendam. Sed postquam ius alicui acquisitum est, licet per pecuniam iniusta impedimenta remouere. hæc ibi. Ergo ex mente S. Thomæ qui ius habet per electionem, aut collationem, iam potest suam

vexationem redimere, & latius hoc ostendo: Qui enim confirmat, nihil noui iuris dat, sed ius datum ab electore, aut collatore confirmat, & corroborat argum. text. in cap. 1. de confirmat. vtilis, vel inutil. Gloss. ibidem. in verb. confirmationem. & in cap. Cum dilecta. §. Nuper autem. ibid. & cap. Quia diuersitatem. de concess. præbend. Gloss. ibid. in verb. Forma communi. Inuestitura etiam operatur confirmationem iuris illius, quod per collationem translatum fuerat, vt rectè obseruat Didacus Couarr. lib. 3. variar. resolut. cap. 16. num. 10. versicu. Corporalis inductio. Pro hac nostra responsione est etiam expressè Gregor. de Valentia loc. cit. dum dicit, quod post ius acquisitum per electionem, potest in foro conscientie redimi absque simonia vexatio obstat confirmationi, aut possessioni, vt communiter, ait, conceditur. Et Nauarr. prius id etiã satis significauit in manuali confessorior. c. 23. num. 102. vers. Octauo quod neque datio pecunie.

Quarta Conclusio. Etsi qui recta intentione, & rationabili causa motus, vexationem suam redimit, non peccet, tamen is qui sic pro iniusta vexatione recipit, aut peccat turpiter iniusteque recipiendo: aut simoniam committit, si tanquam pretium rei spiritualis, siue rei spirituali annexæ, accipiat, & extorqueat. Hanc tenent communiter DD. vt testatur Cardin. Alexand. 1. quæst. 1. in summa. Adrian. quodl. 9.

Gregor. de Valentia vbi supra. conclus. 3. Hostiens. & alij in hoc cap. Angel. in d. §. ii. Syluest. cod. verb. quæst. 3. reg. 4. Rebuff. vbi supra. num. 23. & alij alibi.

CAPVT XXIX.

Pro benedictionibus nubentium, & exequijs mortuorum nihil exigi debet.

Innocentius III. Abbati de iugo Dei,
& Priori de Sila.

SVam nobis parochiani de villa Franca querimoniam destinarunt, quod capellanus eorum pro exequijs mortuorum, & benedictionibus nubentium, minus licitè pecuniam ab eis exigit & extorquet. & (infra) Dis. V. mandamus, quatenus dictum capellanium, vt à tanta præsumptione desistat, & etiam pro excessu satisfaciat competenter, moneatis: sibi (si obedire noluerit) pœnam canonicam infligentes.

Casus secundum Gloss. & Abbat. Capellanus de villa Franca pro exequijs mortuorum, & benedictionibus nubentium exigebat pecuniam à parochianis suis iniuste, & extorquebat: parochiani illi conquesti sunt Papæ. Vnde mandat quibusdam quatenus capellanium illum moneant, vt à tanta præsumptione desistat, & pro excessu competenter satisfaciat.

faciat. Si autem obedire noluerit, ipsum puniant pœna canonica.

Notat Gloss. quod pro benedictionibus nubentium non licet aliquid accipere, quia sunt sacramenta. Intelligendum quod sint non propriè, sed larga significatione sacramenta, prout hic DD. & in rubr. de sacramentis non iterand.

QVÆSTIO I.

An clericus Ecclesiam visitans, ut quotidianas distributiones lucrifaciat, mentalem simoniam committat?

Quæstio mouetur à S. Thoma quodlibeto 8. art. 12. Gabr. super canon. misfæ lect. 28. Turrecrem. Domin. Archidiac. & alijs in cap. Clericus 1. d. 91. Panormit. Anton. & alijs in hoc cap. Hostiens. in cap. Olim. de verbor. signific. Nauarr. in enchiridio de oratione & horis canon. cap. 6. à num. 12. & seq. & in cap. fin. de pœnitent. dist. 5. num. 56. Didac. Couarr. lib. 1. variar. resolut. cap. 20. num. 5. Angel. in verb. Simonia. 3. §. 12. & ab alijs alibi.

Reuocanda deinde hoc loco in memoriam sunt, quæ supra in cap. Cum essent. q. 4. diximus de distinctione causæ principalis, & minus principalis siue excitatiuæ aut impulsivæ.

Prima Conclusio. Canonicus qui principaliter vadit ad Ecclesiam, aut diuinum obsequium impendit propter distributiones quotidianas, aut temporale lucrum, simoniā committit, & mortaliter peccat. S. Thomas in d. art. 12. & omnes alij. & hoc est quod Turrecrem. & alij decretistæ in d. cap. Clericus volunt, quando dicunt, qui ad horas canonicas, exequias mortuorum, & similia potius (id est principalius) pro denario, vel pro ventre implendo, quam pro Deo accedunt, simoniam committant. Non tamen talis hæc simonia est, vt subiaceat pœnis statutis à canonibus, quamuis reum damnationis æternæ reddat, nisi pœnitentia saluari expietur: Cum tantum sit mentalis, & non spectet ad forum exterius: Vnde communiter à DD. Gloss. in cap. vnico. de cler. non resident. in 6. approbatur, quæ scripsit, quod canonicus qui principaliter vadit ad horas canonicas pro denario, simoniam mentale committat. Ratio pro conclusione est. Qui principaliter vadit ad horas canonicas, aut diuinum officium propter lucrum quotidianarum distributionum, virtualiter & implicite obsequium diuinum, quod sub pretij temporalis æstimationem nō cadit, pretio æstimat: Quod ad simoniæ speciē pertinet. Sed quoniam doctrina S. Tho. in d. art. 12. maximè facit ad declarationem huius & sequentis conclusionis eam libet hic inferere. Ad euidentiā, inquit, huius quæstionis notandum

tandum est, quod aliquis actus dicitur esse spiritualis dupliciter. Vno modo ex parte principij, quando scilicet actus competit alicui persone propter aliquid spirituale, quod in ipso est, sicut Episcopo consecrare basilicas, & Diacono legere Euangelium, & in talibus actibus committitur simonia, si aliquis intendat suum actum vendere. Alio modo est aliquis actus spiritualis non ex parte principij, sed tantum ex parte finis, sicut docere liberales artes, quarum veritas spiritualis est, sed huiusmodi doctrina non competit alicui propter aliquod spirituale officium, cum etiam gentibus liceat huiusmodi artes docere, & in his actibus committitur simonia, si vendatur finis qui spiritualis est, scilicet ipsa veritas, non autem si aliquis sua opera locet. Celebrare ergo diuinum officium in Ecclesia, est actus spiritualis primo modo. Competit enim alicui ex hoc, quod est clericus, & ideo simoniam committit, qui huiusmodi actum vendere intendit. In qualibet enim venditione pretium accipitur quasi finis, & ideo in prædicto casu distinguendum est. Si enim huiusmodi distributiones recipit quasi finem sui operis principaliter intentum, simoniam committit, & ita mortaliter peccat. Si autem habet principalem finem Deum in tali actu, ad huiusmodi autem distributiones respicit secundario non quasi in finem, sed sicut in id quod est necessarium ad suam sustentationem,

constat, quod non vendit actum spiritua-
lem, & ita simoniam non committit, nec
peccat. Sic enim acceptio distributionum
non erit causa quare ad Ecclesiam vadat :
sed propriè huiusmodi determinatio, quare
nunc vadat & non alia vice. Sic S. Thomas.
Quæ plenius ex dicendis in seq. conclusione
patebunt.

Secunda Conclusio. Qui minus principaliter,
aut secundario vadit ad horas canonicas, vel
diuinum officium explet propter lucrû quo-
tidianarum distributionum, non peccat, nec
simoniam committit. Hæc est etiã communis
DD. loc. cit. Quia in hoc casu lucrû quotidia-
narû distributionû, nō est finis principalis, sed
minus principalis, & causa impulsua. Potest
autem actus principaliter fieri propter Deum,
eiusque honorem, & secundariò ob lucrum
aliquod temporale, quatenus id necessarium
ad sustentationem eius, qui Deo obsequium
impendit. Atque ad discernendum, an inten-
tio in huiusmodi actibus sit recta, obseruan-
dum non esse finem vltimum & principalem
lucrum distributionum, quando canonicus
alias non esset iturus ad Ecclesiam, nisi distri-
butiones perciperet, vel sacerdos non celebra-
ret, si præsentia siue pitantia non daretur pro
tali tempore celebrantibus, cum spes lucri
possit esse causa impulsua, siue excitatiua,
quod pro tali tempore potius moueatur ad
eundum, aut celebrandum, quam alias, & in-
terim

terim finis vltimus principalisq̃ue intentus sit diuinum obsequium. Hinc ex mente Ioannis Maioris in 4. d. 25. q. 2. Gabr. in d. lect. 28. sub lit. E. Nauarr. in d. cap. fin. num. 56. Couarr. vbi supra. num. 2. & aliorum alibi. Non valet hoc argumentum, aut talis consecutio. Ille vadit ad chorum propter distributionem pecuniæ, alias non iturus: aut talis celebrat, alias non celebraturus, nisi pitantia distribueretur. Igitur est simoniacus. Sed oportet addere prout Gabriel prosequitur, facit hoc principaliter propter pecunias. Hoc autem minimè facit, qui refert actum suum, actu vel virtute in Deum, & eius honorē, & pecunias in sustentationem suam, vt melius diuinis officijs, pijsq̃ue operibus vacare valeat. Exemplum ad illustrandum discrimen inter causam principalem, ac impulsuam siue excitantem adhibent. Nauarr. & Couarr. ex l. 1. §. Sexum. iuncta Glos. super verb. Origo. ff. de postulando. Mulieres prohibentur pro alijs postulare, cuius prohibitionis causa finalis, ne contra pudicitiam sexui congruentem, vt Vlpian. in l. loquitur, alienis causis se immisceant: nec virilibus officijs fungantur mulieres. Causa autem impulsua l. fuit improbitas Calphurniæ femine, quæ inuerecundem postulans inquietabat, vt lex satis declarat. Si enim impudentia Calphurniæ causa finalis, principalisq̃; extitisset, ea per mortem sublata, lex cessasset, aut etiam in proba honestaq̃ue femina, locum non haberet.

beret. Quod tamen non est, quia tantum fuit impulsiva, qua etiam cessante, lex non definit suum effectum habere. Sed illud obseruatione dignum est pro iurisperito, quod obseruat Andreas Alciat. lib. 2. parerg. iuris. cap. 38. in d. 1. pro Calphurnia. legendum esse. Caia Afrania. Meminit enim Valerius Maximus lib. 8. c. 3. Caia Afrania mulieris impudentia abundantis, quæ inuistatis foro latratibus assidue tribunalia exercebat. Aliud quotidianum & familiare exemplum ponit Nauarr. in hunc modum. Oportebat me adire plateam ob certum negotium, non tamen decreueram hodie mane id facere, superuenit deinde negotiolum aliquod propter quod plateam adire, mihi hodie mane conueniret: & eo principaliter quidem propter negotium illud prius, minus autem principaliter propter hoc negotiolum, propter quod solum non iuissem: Id tamē alteri adiunctum efficit, vt prius quam alias essem aditurus, adeam. Sic Nauarr. Cui exemplo congruit optimè declaratio S. Thomæ in fine, vbi supra ait his verbis: Sic enim acceptio distributionum non erit causa quare ad Ecclesiam vadat: sed propriè huiusmodi determinatio quare nunc vadat, & non alia vice.

Tertia Conclusio, Simonia quæ committitur ab eo, qui vadit ad horas canonicas, aut diuinum officium principaliter ob lucrum distributionū, mentalis est, nec obligat ad restitutionem perceptarum, sed poenitentia aboletur.

tur. Hæc est communis DD. Ratio, quia simonia mentalis nō obligat ad restitutionem, sed pœnitentia tollitur per cap. fin. infra. Hinc Gloss. in c. vnico. de cler. non resident. quando vult non esse veram simoniã, si quis principaliter ad horas canonicas vadit ob quotidianas distributiones, intelligenda, non esse veram simoniam realem, & perfectam, quæ subiaceat pœnis Ecclesiasticis latis contra simoniacos. Ex dictis conclusionibus satis constare potest, quomodo rectificanda sit intentio ab eo, qui visitat diuina officia, ex quibus lucra temporalia expectantur. Attendat tamẽ quilibet diligenter, vt bene Gabriel admonet, ne mentiatur sibi iniquitas, subtiles enim sunt hominis affectus, & sic sæpè fingitur quod non est in rei veritate, Deus autem qui etiam interiora nostra videt, omnia discernit pro sincera intentione, & non pro deprauato mentis affectu.

QVÆSTIO II.

An pro exequijs, anniuersarijs, aut celebrationibus missarum licitum sit sine crimine simoniæ pecuniam, aut aliquid temporali pretio dignum recipere?

DE hac materia tractât Gerf. in tract. de sollicitudine Ecclesiasticorũ ad fratres Cœlc-

Cælestinos. Scot. in quodlibeto 20. Gabr. super canone missæ. lect. 28. Innocent. in cap. 3. Ne prælati vices suas. latè Ioan. Imolen. in c. Significatum. de præbend. Panormit. Anton. Hostiens. Ioan. Andr. & alij ibidem.

Prima Conclusio. Si quis intenderet pecunia, aut aliquo temporali, vt pretio, anniuersaria, aut missarum celebrationes comparare, simoniam committeret. Est omnium conclusio, & ratio clara est. Quia simoniacum est emere vel vendere rem spiritualem. At missas celebrare actus est spiritualis, consequens potestatem facultatemque supernaturaliter collatam, & ordinatus ad effectum spiritualem.

Secunda Conclusio. Quando sacerdos se obligat ad celebrandum in certo loco, & tempore, pro tali obligatione potest pecuniam recipere, & exigere, imo & pacisci, hæc conclusio communiter nunc à DD. recepta est. Talis enim obligatio res temporalis est, & onerosa. Ergo, pro ea aliquid temporale ex pacto recipere, non est simonia. facit etiam cap. Significatum. de præbend. cum ibi notatis à DD.

Tertia Conclusio. Qui dant eleemosinas alicui Ecclesiæ, aut loco pio adiecta conditione, vt anniuersaria, aut certa opera pia certis temporibus, & locis statutis annuatim fiant, nec dantes, nec recipientes, committunt simoniā, modo intentio recta sit. Scot. in quodlibet. 20. Gabr. super can. missæ lect. 28. Gers. in d. tract. part. 19. & alij alibi. Conclusio constat ex d. cap. Sig-

cap. Significatum. & DD. ibidem. & Concilio Trident. sess. 25. cap. 4. de reformat. nec non etiam ex recepta totius Ecclesiæ consuetudine, cui contradicere temerarium est. Intentio autem rectè fundanda est in largitione, acceptioneque talis eleemosinæ, vt non detur, accipiaturq; tanquam pretium rerum spiritualium, quæ temporalem æstimationem superant, sed pro sustentatione, & causa excitatiua ad opera pia. Qui enim seminant spiritualia, metere ad suam necessitatem possunt temporalia.

Quarta Conclusio. Recipientes sic eleemosinas, eorumque successores obligantur adimplere onera & opera pia, quæ adiunguntur talibus eleemosynarum erogationibus. Hanc tenent Scot. Gabriel. & alij loc. cit. Richard. in 4. d. 25. art. 3. quæst. 2. Paludan. ibid. q. vlt. art. 2. concl. 2. & alij communiter, constat ex d. cap. Significatum. & Concil. Trident. Dubitare aliquis possit, an recipienti sic temporalia cum obligatione, liceat recedere ab onere imposito, & obligatione. Idem dubium locum habere potest in successore: exempli gratia. Quidam Prior monasterij accepit eleemosinam cum onere anniuersarij, aliorumque piorum operum, post quinquaginta annos successor cum conuentu non vult complere, sed recedere ab obligatione. Gerson. in d. tract. partic. 25. & seq. & post eum Gabr. tres ponunt casus, in quibus huiusmodi obligatio pro parte, aut toto

toto cessat. Primus est necessitatis, quando aliquis redditur impotens, aut infirmus; aut Ecclesiæ pereunt, vel hæreditates & redditus, quibus ministri talis Ecclesiæ, vel beneficij sustentandi essent, perduntur aut ab hostibus occupantur. Quando aliqua fundatio ita erecta est, vt beneficium possidens quotidie celebret, aut tot missas in septimana, si redditus communiter pro sustentatione talis personæ sufficiant, intelligitur secundum ius, vt celebret quanto frequentius potest, salua honestate ac debita deuotione: nec non stante corporis firma valetudine, quæ ad celebrandum sine periculo necessaria est, vt colligitur ex DD. in d. cap. Significatum. Si autem onus adiunctum foret celebrandi per se, vel alium, & redditus sufficerent, tunc alia ratio foret. Secundus est casus, vrgentis vtilitatis, quæ ex temporis successu possit quandoque prouenire, vbi oporteret, quod alia ratio pactum reformaret prout canonistæ loquuntur. Exempli gratia, quidam fundauit singulis diebus missam pro defunctis, fit conuentus populi ad audiendam missam in die paschæ, aut pentecostes, nec est alius sacerdos qui celebret, ratio dicat, & temporis celebritas persuadet, vt non sit legendavel cantanda missa pro defunctis, sed de solemnî festo. Tertius casus est, quando ex potestate superioris habentis ordinariam, aut delegatam facultatem, iusta, rationabilique de causa dispensatione tollitur obligatio

ligatio pro parte, aut toto. Huc spectat Concil. Trident. loco cit. dum vult, quod quando eleemosynæ adeò tenues sunt, quod non facile inueniatur, qui se muneri subijcere velit, Episcopi in synodo diœcesana, nec non Abates ac Generales ordinum in suis capitulis generalibus, re diligenter perspecta, possint pro sua conscientia statuere circa hæc prout viderint magis expedire ad Dei honorem & cultum, atque Ecclesiarum vtilitatem: ita tamen vt eorum semper defunctorum commemoratio fiat, qui pro suarum animarum salute legata ea ad pios vsus reliquerunt.

CAPVT XXX.

Si per accusationem constat monachum simoniacè fuisse receptum: receptus & recipiens deponuntur. Si verò per inquisitionem receptus, in arctius monasterium detruditur: recipienti verò & maioribus pœna condigna imponitur: & interim ab executione ordinum sacrorum suspenduntur.

Idem Cantuariensi Archiepiscopo.

Dilectus filius A. nuncius tuus pro parte tua proposuit: quod cum Cantuarien. diocœ-

diocœsim visitans, in monasterijs & religiosis locis pullulasse repereris simoniacam prauitatem : ita quod in eis multi pretio sunt recepti, qui potius gratis recipi debuissent : imo etiam ad religionis obseruantiam inuitari.

Dubitas igitur an (quia multitudo reperitur in causa) seueritati sit aliquid detrahendum ? Nos inquis. t. t. r. quod si aduersus eos qui labe fuerint huiusmodi maculati, accusatio coram te fuerit canonicè instituta : postquam crimen ordine fuerit iudiciario patefactum : tam in dantes quam in recipientes canonicè seueritatis exerceas ultionem. Quod si de hoc tibi per solam inquisitionē constiterit : eos, qui per simoniacam prauitatē in locis talibus sūt recepti : ab illis amotos ad agendā pœnitentiā ad monasteria dirigas arctiora. Abbatibus autem & Abbatissis, Prioribus, Prælatibus quibuslibet, & Officialibus eorundem, iniungas pœnitentiam competentem, & donec illam peregerint : eos à sacrorum ordinum executione suspendas. Iniungens Episcopis tuis, vt hanc formam per suas diocœses studeant obseruare. Illud tamen gratanter recipi poterit, quod fuerit sine taxatione gratis oblatum.

Casus secundum Gloss. & Panormit. talis est. Archiepiscopus Cantuariensis, dum ipse suam diocœsim visitaret, in monasterijs & alijs locis religiosis inuenit pullulasse simoniacam prauitatem : ita quod in eis multi pretio essent recepti, qui gratis recipi debuerunt.

Sed

Sed quia multitudo erat in causa, quæsiuit à Papa, an seueritati sit aliquid detrahendum? Et ipse respondit, quod si prædicti coram ipso fuerunt accusati, postquam crimen ordine iudiciario fuerit comprobatum: tam dantes quam recipientes canonica pœna puniat. Si autem per solam inquisitionem de hoc sibi constiterit, illos qui per simoniam in talibus locis recepti sunt, inde remoueat, & ad monasteria arctiora ad pœnitentiam peragendam dirigat, & Abbatibus, Prioribus, Prælatibuslibet, & Officialibus eorundem, iniungat pœnitentiam competentem, & donec illam peregerint ab executione sacrorum ordinum suspendat eosdem. Iniungens Episcopis suis, vt hanc formam per suas diocœses faciant obseruari. Tamen si gratis sine aliqua taxatione fuerit eis aliquid oblatum, illud gratanter recipi poterit.

Notandum in primis, quod crimen grauius punitur deductum in notitiam per accusationem, quam per inquisitionem: quia in hoc c. de quibus per accusationem constat simoniam commisisse, tam recepti quam recipientes deponuntur. Quando autem per inquisitionem cognoscuntur recepti ad monasteria per simoniam, antouentur ab eisdem monasterijs, & in arctioribus collocantur ad agendam pœnitentiam. Si autem arctiora non sint, mutantur ad æqualia, vel post renunciationem suorum locorū dispensatiuè in suis monaste-

rijs de nouo recipientur, & vltimi in omnibus erunt, iuxta Innocent. Panormit. & alios DD. Hodie tamen vt Gloss. hic super verb. Amotos, significare videtur, in hoc standum dispositioni cap. Quoniam. infra eod.

Secundo, Propter multitudinem peccantium aliquando detrahendum aliquid seueritatis. Quod quomodo & quando veritatem contineat videndi Cardin. Alexand. Turrecrem. & alij cum Gloss. in cap. Commessationes. d. 44. DD. cum Gloss. in cap. Latores. de clerico excommun. vel depos. Bartol. in l. Aut facta. §. Nonnunquam. ff. de pœnis. Nicolaus Boërius in tract. de seditiosis. in septimo & vltimo præsupposito. Ioan. ab Anania & Felin. hic. D. Thomas breuiter & optimè 2.2. q. 108. art. 1. ad 5. Alphons. à Castro lib. 2. de iusta hæretic. punit. cap. 14. prope finem, & post hos nos in l. Multi. q. 1. Cod. de maleficis & mathematicis. de hac rescripsimus. Sed quia hæc propriè hanc materiam non tangunt, lectorem remittimus.

Tertiò, Multis hic Panorm. Cardin. Felin. & alij prosequuntur. An vniuersitas, ciuitas, aut collegium possit delinquere, & puniri, & qualiter puniatur sed quia parum ad præsens propositum faciunt, omittimus remittendo ad prædictos auctores. Tractant etiam idem argumentum Bartol. in d. l. Aut facta. Boër. in præsupposito d. 7. Anton. Gomez. variar. resolut. tomo 3. de delictis, cap. 1. à num. 52. Iul.

Clarus

Clarus lib. 5. sentent. §. fin. q. 16. Didac. Couar. lib. 2. variar. resolut. cap. 8. num. 9. quærens quare in vniuersitatem non possit sententia excommunicationis ferri iuxta cap. Romana. de sentent. excomm. in 6. Damhoud. in practica crimin. cap. 63. & alij alibi.

Quartò, In receptione ad religionem si quid gratis offeratur sine taxatione, pactoque, modo intentio tam in dante quam in recipiente recta sit, poterit recipi sine simonia.

CAPVT XXXI.

Abbas contra testes qui deposuerunt contra eum de simonia in iudicio inquisitionis excipere potest, quod sunt inimici & conspiratores: alias verò exceptiones criminum opponere non potest.

Idem Priori sancti Victoris, magistris
I. Bononien. & L. Modicen.
canonicis.

Licet Heli summus sacerdos in se bonus existeret: quia tamē filiorū excessus efficaciter nō corripuit, & in se pariter, & in ipsis animaduersionis diuinæ vindictā excepit: dū filijs eius in bello peremptis, ipse de sella corruēs fractis ceruicib. expirauit. Ad corrigēdos

igitur subditorum excessus, tanto diligentius debet prælatus exurgere, quanto damnabilius eorum offensas defereret incorrectas. Contra quos (vt de notorijs excessibus taceatur) & si tribus modis procedi possit, per accusationem videlicet, denunciationem & inquisitionem ipsorum: Vt tamen in omnibus diligens adhibeatur cautela: sicut accusationem, legitima præcedere debet inscriptio, sic & denunciationem charitatiua correctio, & inquisitionem clamorosa debet insinuatio præuenire. Descendam (inquit Dominus) & videbo vtrum clamorem qui venit ad me, opere compleuerint. Tunc enim clamor peruenit ad Prælatus, cum per publicam famam, aut insinuationem frequentem, subditorum referuntur excessus: & tunc debet descendere & videre, id est, mittere & inquirere vtrum clamorem qui venit, veritas comitetur. Nam iuxta canonicas sanctiones si quid de quocumque clerico ad aures Prælati peruenierit quod eum iuste possit offendere, non facile credere debet, nec ad vindictam cum res est incognita: sed coram Ecclesiæ senioribus, diligenter est veritas perscrutanda, vt si rei poscerit qualitas, canonica districtio culpan feriat delinquentis; non tanquam sit idem accusator, & iudex, sed quasi fama deferente, vt denunciante clamore, sui officij debitum exequatur: eo semper adhibito moderamine, vt iuxta iudicij formam, sententiæ quoque forma di-

ma dictetur. Cum igitur de Abbate Pomposiano ea nobis frequenter insinuata fuissent, quæ ab honestate regulari nimium dissonabant, monachis ad præsentiam nostram accedentibus, quidam ex ipsis nobis ipsum Abbatem de simonia, periurio, dilapidatione, ac insufficientia detulerunt. Contra quosdã cum idem Abbas exciperet, quod denunciationem huiusmodi fraterna correctio, secundum regulam Euangelicam non præcesserat, & iidem constanter assererent, quod correctionem huiusmodi præmisissent. Licet ad probandum hæc duorum monachorum iuramenta fuissent exhibita: quia tamen super hoc ipsi nondũ contendere desistebant. Nos ut prædiximus frequentibus clamoribus excitati, ex officio nostro volumus inquirere de præmissis; omnes monachos, qui vel cum ipso, vel contra ipsum accesserant iuramenti vinculo astringentes, ut de propositis plenam quam scirent exponerent veritatem, quorum depositiones in scripturis redactæ cum publicatæ fuissent, super illis cæperunt multipliciter disputare. Quia verò tum ex assertionem monachorum, tum ex ipsius Abbatis confessione cognouimus, quod idem non modicam summam pecuniæ relictam à prædecesore suo expenderat, & in alia summa maiori monasterium obligarat: Nos eum quasi de dilapidatione suspectum, ab administratione Abbatiae duximus suspendendum; & quia simo-

nia multis modis cōtra ipsum Abbatē videbatur esse p̄bata: ipse cōtra testes multas exceptiones opposuit, super q̄bus fuit multipliciter disputatū: alijs afferentibus in crimine simoniæ, sicut in criminibus læsæ maiestatis omnes indifferenter, tam infames quam criminosos, non solum ad accusandum, sed etiam ad testificandum admittendos, cum ad instar publici criminis & læsæ maiestatis procedat accusatio simoniæ, alijs è contrario respondentibus, quod licet hæc duo crimina quantum ad accusationem quasi paria iudicentur, differunt tamen in multis, cum alia p̄cena pro vno, & alia pro altero inferatur, & inter personas accusatorum & testium sit vtique distinguendum: cum non per accusatores, sed per testes crimina comprobentur. Ne verò innocentia puritas confusa succumberet, vel simoniæ prauitas effugeret impunita. Nos æquitate pensata, illas dumtaxat exceptiones oppositas probandas admisimus quæ probatæ, non de zelo iustitiæ, sed de malignitatis fomite procedere viderentur.

Casus secundum Gloss. Ostendit Papa, quod prælati tanto diligentius subditorum excessus corrigere debent: quanto eorum offensas damnabilius deserunt incorrectas. Quod ostendit exemplo Heli, qui licet in se bonus existeret: quia tamen filiorum excessus non corripuit, & in se, & in ipsis vindictam accepit: Prælatus enim contra subditos tri-

tos tribus modis (exceptis notorijs) procedere potest, per accusationem, denunciationem, & inquisitionem ipsorum, ita videlicet quod accusationem præcedat inscriptio, denunciationem admonitio, & inquisitionem clamorosa insinuatio, & hoc probatur auctoritate Domini, dicentis : Descendam & videbo vtrum clamorem qui venit ad me, opere compleuerint : Cum clamor peruenit ad prælatum, descendere debet & inquirere, & videre an veritas sic se habeat, & hoc idem ostendit per canonem antiquum : Si quid de quocunque clerico ad aures prælati peruenerit, quod iuste offendere possit, non statim credat, sed prius cum canonicis suis veritatem inquireat, vt si culpam inuenerit, ipsam puniat, non tanquam ipse sit accusator, & iudex, sed fama deferente suum officium exequatur, ita videlicet, vt iuxta iudicij formam sententia formetur : his præmissis descendit ad casum qui talis est, & sequitur ibi in textu : (Cum igitur de Abbate Pomposiano) Abbas Pomposianus erat infamatus apud dominum Papam de simonia, dilapidatione, periurio, & insufficientia : Quidam monachi Pomposiani, super his denunciauerunt ipsum Abbatem domino Papæ : contra quos Abbas excepit, quod denunciationem huiusmodi fraterna correctio non præcessit, secundum regulam Euangelij : sed monachi asseriebant, se

illum præmonuisse, & ad hoc probandum induxerunt duos monachos: sed quia super hoc contendere non desistebant, Papa ex officio suo voluit inquirere de præmissis. Vnde super prædictis criminibus recepit iuramenta monachorum, tam qui contra ipsum, quam qui pro ipso venerant: quorum depositionibus publicatis, cœperunt disputare super illis: sed quia per dicta illorum, & confessionem Abbatis constitit Papæ, quod Abbas quandam summiæ pecuniæ ab antecessore suo dimissam expenderat, & in alia maiori, monasterium obligauerat: propter hoc Papa ipsum tanquam de dilapidatione suspectum, suspendit ab administratione: sed quia simonia multis modis videbatur probata, Abbas contra testes multas exceptiones opposuit, videlicet conspirationes, & inimicitias capitales, furtum & adulterium, vt eos à testimonio removeret: super quibus satis fuit disputatum: quidam dicebant quod omnes indifferenter erant admittendi, cum accusatio simoniæ ad instar criminis læsæ maiestatis procedat: Alij verò contrarium dicebant: quia licet crimina ista quantum ad accusationem paria iudicentur, differunt tamen in multis: præterea distinguendum est inter accusatores & testes. Papa verò æquitate pensata, ne innocens succumberet: vel prauitas simoniæ effugeret impunita: illas exceptiones tantum admisit, quæ si probentur, testes ipsi non zelo iusti-

lo iustitiæ , sed ex odio procedere videntur.

Notandum primò. Historiam Heli & filiorum suorum describi libr. 1. Regum. cap. 4. Quare etiam filij Heli Ophni & Phinees morte puniti, & pater quoque fractis ceruicibus de sella in terram mortuus ceciderit, meminerunt D. Chrysof. homil. 17. super Matth. prope finem. & homil. 9. in 1. ad Timoth. D. Hieronym. in epist. ad Ephes. cuius verba referuntur à Gratiano d. 37. cap. Legant. & quid significet mors Heli, filiorumque eius tradit D. Augustin. lib. 17. de Ciuitate Dei. cap. 5.

Secundò, Prælatis ex officio incumbit subditorum corrigere excessus, etsi neglexerint, sanguis eorum de manibus prælatorum requiretur, & durissima exigetur ratio in die iudicij. argum. cap. Irrefragabili. de officio ordinarij. & cap. Qualiter & quando. de accusat.

Tertiò, De tribus modis procedendi contra criminosos, & forma seruanda plenè agitur à DD. cum textu supra in titu. de accusat. inquisitionibus & denunciationibus. proinde alienum est à proposito hoc loco illam materiam, quæ longè lateque diffunditur, discutere.

Quartò, Abbas, vel Prælatus propter crimina, dilapidationem aut regendi insufficientiam, à subditis potest deferri ad superiorem, modò recta intentione, & debito ordine id fiat.

Quintò, Abbas de dilapidatione probabiliter suspectus, ab administratione Abbatix suspendendus est, donec oportuno remedio ei prouideatur.

Sextò, Simonia est de grauissimis criminibus, quandoquidem instar publici criminis, & læsæ maiestatis simoniæ accusatio procedit. Differunt tamen in multis crimen læsæ maiestatis & simonia.

Septimò, Quales testes admittantur in simoniæ probatione, & qui reprobandi plenius tractabitur in cap. seq. quod præsentiratione coniunctionis materiæ annectitur, eiusque quædam declaratio est. Præterea à DD. quædam in hoc capite tanguntur minimè congrua tractatui simoniæ, vnde consulto ea transimus.

CAPVT XXXII.

Hoc capitulum est glossa præcedentis: nam tendit ad declarationem illius, an & quando testes criminosi admittantur in crimine simoniæ: & in effectu idem dicit, quod præcedens.

Idem.

Pertuas nobis literas intimasti, te dubitare super quadam epistola decretali, quam

quam nos asseris edidisse, de testibus admit-
tendis contra simoniacam prauitatem. No-
ueris igitur, quod nos illam epistolam, quæ sic
incipit, Quamuis ad abolendum, nequaquam
edidimus: sed aliam, quæ sic incipit: Licet He-
li. nos edidisse fatemur: ad cuius intelligenti-
am credimus distinguendum, vtrum is, con-
tra quem agitur de simoniaca prauitate, de-
nunciatur simpliciter, aut criminaliter accu-
setur: & vtrum agatur secundum iuris rigo-
rem, an secundum temperantiam æquitatis.
Item vtrum ipse sit regularis qui iam renun-
tiauero mundo, an sæcularis, qui adhuc in
mundo existit: & an inferioris gradus, an ex-
cellentioris sit dignitatis. Adhæc vtrum an-
te fuisset claræ opinionis & bonæ famæ, an
grauiter infamatus, & valdè suspectus, & v-
trum de facili possit puniri, an sine scandalo
nequeat condemnari. Præterea vtrum testes
sint honesti, an criminosi: & an sint emenda-
ti de crimine, an adhuc in crimine perseue-
rent. Rursus si crimina sint eadem, vel mi-
nora, an paria vel maiora: vtrumne testes
ex zelo iustitiæ, an ex malignitatis fomite
deposuisse credantur. Denique vtrum ad
prauitatem simoniacam detegendam sola
dicta testium inducantur, an alia etiam
adminicula suffragentur. Hæc omnia sunt
ad intelligentiam illius epistolæ distingen-
da. Ille quidem Pomposianus Abbas, qui
iam pridem renuntiavit mundo, erat de
simonia,

simonia, periurio, dilapidatione, ac insufficientia grauiter infamatus. Cumque per monachos, qui iurauerunt perhibere testimonium veritati, simonia multis modis videretur esse probata, ipse contra testes multas exceptiones opposuit, conspirationes videlicet, inimicitias capitales, furtum & adulterium, vt eos à testimonio remoueret. Nos verò (ne innocentiae puritas confusa succuberet; vel simoniae grauitas effugeret impunita) illas dūtaxat exceptiones pbandas admisimus, quibus fortè probatis, testes non zelo iustitię, sed malignitatis fomite pcessisse constaret, vt cōspirations & inimicitias capitales, cæteras aut exceptiones, vt furti, & adulterij propter immanitatem heresis simoniacæ (ad cuius comparisonem cætera crimina quasi pro nihilo reputantur) duximus repellendas: quoniam & si de probata fide testium debilitarent in aliquo, non tamen euacuarunt ex toto, alijs adminiculis suffragantibus, præsertim cum testes de crimine fuerint emendati. Tales igitur contra talem, taliter duximus admittendos, non secundum rigorem iuris, sed secundum temperantiam æquitatis; cum ageretur non criminaliter, vt deponeretur ab ordine: sed ciuilitè, vt ab administratione amoueretur, tanquam immeritus, & damnosus. Et utique tales prælati, ex leuioribus causis possunt ab administrationibus amoueri, sicut quorundam religiosorum approbata consuetudo deposcit. Vnde prædi-

prædictus Abbas non expectata sententia, quasi malè conscius sibi cessit.

Casus. In præcedenti decretali dicitur, quod Abbas Pomposianus plures exceptiones opposuit contra testes inductos contra ipsum super crimine simoniæ, & Papa quasdam admisit, quasdam verò non: Vnde videbatur, quod testes criminosi admitterentur in crimine simoniæ: Quæsitum fuit à Papa, qualiter decretalis illa esset intelligenda? Respondet Papa dicens, quod illam decretalem, Licet Heli, edidit: ad cuius intelligentiam sic distinguit. Primò circa modum agendi: Vtrum agatur in crimine simoniæ criminaliter, aut ciuilitè: etsi ciuilitè agatur: utrù de rigore, aut æquitate. Secundò distinguit circa personam, contra quam proceditur, vtrum sit regularis, an secularis: & si sit regularis, vtrum sit inferioris gradus, aut excellentioris dignitatis, & an ille idem sit bonæ opinionis, vel malæ famæ, & vtrum etiam possit puniri de de facili, an sine scandalo non possit condemnari. Tertiò distinguit circa personas testium, vtrum sint honesti, vel criminosi: vel emendati de crimine, an adhuc perseuerent in ipso, & an ipsi testificentur ex charitate, vel odio. Quartò, quæ crimina obijciantur testibus: vtrum eadem, vel minora: an paria, vel maiora. Quintò, an sint alia adminicula, quæ adiuuent testes. Recollige illos quinque modos quantum ad alteram partem. Si ergo agatur ciuili-

ciuilliter de crimine simoniæ secundum æquitatem, & persona contra quam agatur, sit regularis, & inferioris gradus, & malæ famæ: & de facili possit puniri, & adsint alia adminicula, vt contingit in Abbate Pomposiano, qui est persona regularis, & grauiter infamatus: & qui de facili potuit remoueri: contra talem personam secundum Laur. testes qui commendati sunt de crimine, vel secundum alios qui adhuc in crimine perseuerant cum alijs adminiculis, vtpote furti, adulterij, quæ sunt minora crimina: & qui ex charitate deponunt, & habent alia adminicula, admittuntur in crimine simoniæ propter criminis enormitatem: & testes tales admisi fuerunt contra illum Abbatem Pomposianum, non obstantibus exceptionibus furti & adulterij: alias verò exceptiones, id est, conspirationes & inimicitias capitales, Papa probandas admisit: quia eis probatis patet, quod ex odio testificantur, & sic debet intelligi decretalis præmissa, Licet Heli, quantum ad testium receptionem contra simoniacam prauitatem: quia ille Abbas grauiter infamatus denunciabatur simpliciter secundum æquitatem, vt remoueretur solummodo ab Abbatix administratione, & de facili poterat remoueri: Vnde ipse non expectata sententia cessit. Ergo intellige à contrario, si persona contra quam taliter agitur de simonia, non sit talis: tales te-

les testes nullo modo admittuntur. sic Gloss.

Notandum primò, declarationem iuris obscuri spectare ad conditorem eiusdem, Antonius, Felinus, & alij quidam hic in principio. Panormitanus in cap. Cum olim, notab. 2. de arbit. Bartolus in l. Omnes populi. ff. de iustitia & iure. Baldus in l. Leges. Cod. de legibus. & in l. 1. columna finali. ff. de constitut. princip. Angelus, & Ioann. Imol. in l. Ex facto. in principio. ff. de vulgar. & pupill. substitut. Iason ibid. numero 4. & pro hoc dicto sunt text. hic. & cap. Inter alia. de sentent. excommun. & cap. 1. de postulat. praelat. cap. Ex his. 11. quæst. 1. & in l. fin. Cod. de legibus. & in dicta l. Ex facto. in text. ibi. Beneficia quidem principalia ipsi principes.

Not. 2. Aliam esse rationem quando agitur contra simoniacum criminaliter: aliam quando ciuilitur. Pro quorum terminorum notitia obseruanda illa regula posita à Roberto Maranta in speculo aureo parte 4. distinct. 1. num. 32. vbicunque ex delicto agitur vt quis puniatur, non pœna ordinaria & naturali introducta, pro illo delicto, sed vt priuetur aliquo officio, administratione, vel dignitate, illa causa dicitur ciuillis, non autem criminalis, licet agatur ex delicto, ex quo non agitur ad vindictam publicam, vt quis puniatur pœna condigna, per text. in hoc cap. Panormitanus & Felinus hic. Idem in capite Super.

Super his. de accusat. Ioann. ab Anania ibid. Philip. Corneus in consil. 19. colum. 2. in fine. volum. 3. Vnde criminaliter agitur, quoties ratione criminis siue delicti actio intentatur, vt quis puniatur pœnis iuris siue in corpore, siue in pecunia applicanda Fisco. Similis censura videtur si agatur principaliter, vt quis in pœnam priuetur, cum tum delictum pœna coërceatur. iuxta Francisc. Aretin. in d. cap. Super his. colum. 3. & Marant. vbi supra. num. 34. Quoties autem nec præcedente accusatio- ne, nec exceptione, sed per viam inquisitionis ad priuationem beneficij agitur, causa est ci- uilis: quandoquidem non agitur ad princi- palem pœnam delicti, vt sentiunt Francisc. Aretin. loco cit. Panorm. in cap. fin. colum. vlt. de purgat. canon. Ioan. Andr. in c. Frequens. de restit. spoliat. in 6. Barto. in l. 1. §. Sciendum. ff. de suspect. tutor. & post hos Marant. vbi supra. num. 35. Rectè enim in hoc cap. notab. 1. ait Abbas, quod quando principaliter solum agitur ad remotionem beneficij, tunc non a- gitur ad puniendum delictum, sed ad bonum publicum, vt immeritus & dampnosus non præsit Ecclesiæ.

Tertiò, Ex text. diligenter obseruanda ea, quæ attendenda circa testimonia testium cri- minosorum.

Quartò, Conspiratores & inimici non ad- mittuntur etiam in criminibus exceptis, et- iam grauissimis, vt crimine hærescos, & læsæ maiesta-

maiestatis humanæ. Vbi & hoc cum Panor-
mit. atque alijs quibusdam mente tenendum,
non omnem simoniam esse hæresin, sed eam,
quæ credit Spiritum sanctum pretio posse ac-
quiri, & in eo sensu intelligendus text. in hoc
cap. quando dicit cætera crimina ad compara-
tionem huius pro nihilo reputari. Alia ratio
videtur in simonia, quæ committitur vt plu-
rimum hisce nostris temporibus. Dantes e-
nim nunc pecuniam offerunt vt inducant su-
periores ad ordinandum, vel ad conferen-
dum beneficium potius, quam vt existiment
spiritualia verè pretio emi, aut vendi posse, at-
que hinc etiam iudicium sumi potest, inter
crimina simoniæ dari latitudinem, atque et-
iam alia quædam crimina maiora esse, qua-
dam simoniæ specie, vt patet ex facilitate dis-
pensandi iuxta notata in cap. De simoniacè.
supra, vt etiam Abbas hic annotat.

Quintò, Circa Gloss. in verb. inimicitias ca-
pitales, non omnem inimicitiam esse impedi-
mento, vt quis repellatur à ferendo testimo-
nio. Quæ autem inimicitia sit capitalis, aut fa-
tis grauis ad hunc effectum iudicis discreti ar-
bitrio relinquitur, vt tradunt Innocent. & Fe-
lin. in cap. Cum oporteat. de accusat. Marian.
Socin. in c. Repellantur. cod. tit. Bartol. in l. 3.
§. fin. ff. de testib. Bald. in Aucten. Si testis pro-
ductus dicatur. C. de testib. colum. 2. & ex re-
centioribus Anton. Gomez. lib. 3. variar. reso-
lut. cap. 12. num. 14. Iulius Clarus lib. 5. sentent.

§.fin. pract. crimin. q.24. num.5. Menoch. de arbitrarijs iudic. qq.caf.110. lib.2.& ita tenent omnes DD. & in hoc refident teste Felino in d. cap. Repellantur. Cenfetur autem à DD. inimicitia capitalis, quando mors eft intentata, inter teftem, & eum contra quem produci- tur, aut via ad mortem præparata, vt latè of- tendit Franc. Pegna in 3. part. directorij In- quifit. q. 67. comment. 116. aut inimicitia eft orta ob confanguineos occifos. Idem eft iudi- cium de ea inimicitia, quæ originem fumpfit ex folis minis de occidendo. Panormitan. in d. cap. Repellantur. num. 4. Cardin. & Ioan. ab Anania in d. cap. Cum oporteat. Alexand. in confil. 14. incip. Ponderatis narratis. lib. 3. Marfil. in l.1. §. Præterea. ff. de quæftionib. Ac- curt. in l. Licet. in verb. Capitales. ff. de recept. arbitr. & alij alibi. Quod maximè obtinet, quando is qui minatus eft potens eft, atque folitus minas fuas exequi, vt declarant Mar- fil. & Ioan. ab Anania. Similiter inimicitia ca- pitalis cenfetur, quæ orta ex hoc quod quis al- terum accusauit de caufa capitali, vt de homi- cidio, proditione, graui rapina, aut furto & fi- milibus criminibus, ex quibus pœna mortis imponitur, aut abfciffio membri, aut publica- tio omnium, fiue maior pars bonorum, aut exilium. Accurf. in d. l. Licet. verb. Capitales. Panormitan. in dicto cap. Repellantur. & in cap. Accedens. de teftib. Bartolus in dicta l. 3. ff. de teftib. Marfil. ubi fupra. DD. in l. Liberi. C. de

C. de inoffic. testam. Pegna loc. cit. & post alios Ioseph. Mascard. volum. 2. de probat. conclus. 898. num. 16. Inimicitia etiam capitalis præsumitur, quando quis mouit alicui litem de omnibus bonis, aut eorum maiori parte. Parormitan. Ioan. ab Anania loc. cit. Felin. in cap. Quoties. colum. 2. de testib. Bartolus in l. 3. §. fin. ff. de adimend. leg. Menoch. Pegna & Mascard. vbi supra post alios. Postremo vt alia omittamus, quæ latius colligit Mascard. in dicta conclus. 898. inimicitia capitalis censenda est, quæ ex graui verborum iniuriosorum prolatione, & illatione nascitur Bald. in c. Veniens. de iurciurand. Marf. in d. §. Præterea. post num. 54. & in conf. 3. incip. Sæpe ac sæpius decreui. num. 12. Ias. in l. Procuratoribus. C. de procurat. Pegna & Mascard. loc. cit. qui duo posteriores multis hanc materiã persequuntur. Quod autem dictum est inimicum repelli à testimonio, intelligendum est durante inimicitia. Quandoquidem si inimicitia obliuione, antiquitate, reconciliatione amicitia, beneuolentiaq; signis & effectibus, aut alio modo sublata, sepultaq; sit, nō potest amplius opponi hæc exceptio de inimicitia, vt DD. declarant, & satis Gloss. hic sentit ab alijs recepta.

Sextò Not. cum eadem Gloss. super verb. Debilitaret. Crimina in testibus qui admittuntur, etiam in exceptis criminibus, etsi ex toto à testimonio non repellant, quando alijs adminiculis iuuantur, debilitant

tamen testimonium, ita vt non tantum probet criminofus, quantum vir integræ famæ. arg. huius cap. Duo enim criminofi, etfi in exceptis criminibus ferant testimonium nunquam tamen per fe plenam faciunt probationem.

Septimò Not. cum Gloffa super verb. Leuioribus. & DD. ibidem, quod regulares prælati facilius & ex leuioribus caufis amouentur ab administrationibus & officijs, per text. huius cap. & cap. Qualiter & quando 2. in fin. de accusationib. Gloff. huius dicti duas reddit rationes. In primis quia non ita pingue ius habent regulares, ficut feculares. arg. c. Cum ad monasterium. de ftatu monachor. Deinde quia non eft tantum scandalum pro remotio-
ne regularis, ficut fecularis: & fic quorundam religioforum approbata confuetudo habet.

QVÆSTIO VNICA circa hæc cap.

*Quomodo & quibus modis simonia
probetur?*

P*rima Conclusio.* Simonix crimen eisdem modis probatur, quibus quodlibet aliud factum, aut crimen probari potest. Hanc conclusionem generatim politam amplectitur Iosephus Mascard. de probationib. vol. 3. conclus. 1305. num. 1. post Gulielm. Redoan. in

tractat.

tract.de simonia.part.4.cap.6. In hac conclusionem non potest esse dubium. Cum enim hoc crimen sit è numero exceptorum & grauissimorum, certè eisdem modis comprobatur, quibus alia conuinci solent. Continentur autem modi quibus aliquod factum probatur his versibus.

Aspectus, sculptum, testis, notoria, scriptum.

Iurans, confessus, præsumptio, fama probabunt.

Secunda Conclusio. In hoc crimine simoniæ probatio per coniecturas, siue signa, & præsumptiones fieri potest. Gloss.fin. in cap. Insinuatum. hoc tit. Abb. ibidem. num. 3. Ioan. ab Anania in cap. Nobis. notab. 3. hoc tit. Pannormit. & Innocent. in cap. Sicut simoniaca. ibid. Philip. Corneus in consil. 341. incip. Quod dicta dos non debeat restitui, non longius à fine. versic. Sic etiam in probando crimen simoniæ. volum. I. arg. cap. Per tuas. Roland. à Valle consil. 31. incip. In causa. num. 16. vol. 3. Crauet. in consil. 122. Mascard. & Redoan. loc. cit. Iul. Clarus lib. 5. sent. §. Simonia. & alij alibi. Ratio huius conclusionis redditur à DD. hæc. Simonia est ex eorum delictorum numero, quæ occultè committi solent, & idcirca difficultas probandi oritur in hoc crimine. Sed in his quæ occultè committuntur, & à communiter accidentibus difficilis sunt probationis, coniecturæ, indicia, & præsumptiones pro plena probatione recipiuntur, vt receptissimum est apud iuris interpretes, faciunt

ad hoc cap. Veniens 2. in fin. de testib. cap. Michael. de filiis presbyteror. l. consensu. §. Super. C. de repud. l. Si vicinis. C. de nupt. l. Licet imperator. ff. de legat. 1. Sic tradunt Bartol. in l. Si quis ex argentarijs. §. fin. ff. de edend. Ias. ibid. Idem Bart. in d. l. Licet in princip. Bald. in l. Quicunque. col. penult. C. de seruis fugitiuis. & in l. Si quis in hoc genus. C. de episc. & cler. & in d. l. Si quis ex argentarijs. §. penult. Marfil. in pract. criminali. §. Principium. num. 12. Panormitanus in cap. fin. not. 2. de testib. cogend. Hostien. in cap. vlt. Quod metus caus. Anton. à Butrio in cap. Veniens 1. de testibus. Alexand. in consil. 64. incip. Viso themate & dubijs. volum. 1. & in consil. 146. incip. Viso themate. vol. 6. Angel. in consil. 218. incip. Visa narratione facti. colum. 5. Federic. de Senis consil. 119. incip. Nulli dubium. statim in princip. & per multa iura Paulus Castrensis. in consil. 143. incip. Visis processu & attestationibus. n. 5. part. 2. Mascard. vol. 3. de probat. concl. 1124. num. 8. & ibidem concl. 1147. num. 1. & alij alibi. Quod autem simonia sit de eis quæ secretò, clanculumque fiant, & difficilis sunt probationis docent Corneus in d. consil. 341. Cranet. in d. consil. 122. Redoan. in d. c. 6. Ludouic. Gomez. in reg. cancellariæ de triennali possess. q. 18. Menoch. lib. 2. de arbitr. iudic. qq. cas. 116. num. 11. Mascard. de probat. vol. 3. concl. 1304. num. 11. 12. & 13. & alij alibi, & id experientia, quæ rerum magistra dicitur, compertissimum est. So-

est. Solent enim simoniaci quam secretissime
sua negotia tractare, & contractus celebrare,
nisi sint in locis ubi præbendæ, & canonica-
tus impunè, sine vlla verecundia, tanquam e-
qui, aut aliæ bestię sunt vñales, prout aliquā-
do apud quosdam narratur fieri. Alias à com-
muniter accidentibus exercitium simonię so-
let esse occultum. Hinc DD. inferunt, quod
licet regulariter in alijs criminibus requiratur
probationes luce meridiana clariores secun-
dum l. ult. C. de probat. Ioan. ab Anania in c.
Cum contumacia. de hæret. in 6. Iul. Clar. &
Mascard. loc. cit. in crimine tamē simonię suf-
ficit probatio quę sit per signa, & coniecturas,
vt est text. in c. Sicut. de simonia. ꝑut Clar. ait.

Tertia Conclusio. Ad hoc vt sufficiens sit
probatio ad condemnandum aliquem de cri-
mine simonię ex signis & præsumptionibus,
signa, siue coniecturæ & præsumptiones de-
bent esse euidentes, & reum de crimine con-
uincentes. Gloss. fin. supra in cap. Insinuatum.
eod. tit. quando sentit quod existente contra
aliquem præsumptione probabili orta ex in-
famia, indicenda ei sit purgatio canonica, in
qua si defecerit, præsumptio probabilis tran-
sit in violentam, eo quod nō habeat testes suę
bonitatis. Ex violenta autem præsumptione,
ex mente Gloss. potest quis condemnari de si-
monię crimine. Gloss. ibi interpretantur atq;
amplectuntur Hostien. Panor. Anton. Felin.
Ioan. ab Anan. & alij communiter. Iul. Clarus

& Mascard. locis cit. Andr. Alciat. in consil. 2. incip. Tria principaliter. lib. 1. tomo 1. Et nota quod secundum Gloss. & DD. præsumptio duplex est, probabilis, & violenta. prima non sufficit ad condemnandum, sed violenta, quæ reum de crimine conuincit. Panormitan. Felin. & alij in cap. Afferte. de præsumpt. Bald. in addit. ad Speculat. in tit. de probat. §. 3. versicu. Quinto per præsumptionem. Ancharan. & Philipp. Franc. in cap. Cum contumacia in explicationem Glossę. in verb. Vehementem. de hæret. in 6. Addendum & hoc quod quando aliquis signis & præsumptionibus simoniæ reus probatur, tunc signa & præsumptiones debent plenè probari. Ioan. ab Anania. in cap. Sicut simoniaca. hoc tit. num. 1. per Innocent. in cap. Literas. de præsumpt. facit etiam Felin. ibid. Mascard. loc. cit. num. 33.

Quarta Conclusio. In crimine simoniæ admittuntur testes criminosi cum alijs adminiculis, & considerationibus, de quibus in hoc cap. Per tuas. hæc conclusio probatur ex text. cap. & communi DD. sententia.

Quinta Conclusio. Testes alias inhabiles admittuntur etiam ad probandum crimen simoniæ. Probatur Conclusio. Testes alias inhabiles admittuntur in criminibus exceptis, propter immanitatem criminum. l. famosi. ff. ad leg. Iul. Maiest. & hoc cap. Alexand. in consil. 11. incip. Circa primum dubium. n. 15. vol. 1. Marsil. in consil. 101. incip. Illumina quæso. num.

num. 16. Speculat. in tit. de accusat. §. 1. in fine. Panormit. in cap. fin. de testib. Gloss. in l. 3. §. Iul. ff. ad leg. Iul. Maiest. & communiter alibi DD. Sed crimen simoniæ est de exceptis, ut Rubr. ostensum est, & DD. communiter tradunt. Ergo. Illud tamen prætereundum non est circa hanc conclusionem, quod licet testes inhabiles tam in crimine simoniæ per cap. Licet Heli, & cap. Per tuas. eod. tit. quam in alijs delictis exceptis admittuntur in subsidium, in occultis, & quando aliter veritas haberi non potest, tamen in totum & omninò repelluntur & reijciuntur, quando plures defectus, & exceptiones patiuntur. Socin. in consil. 118. incip. Visa, & c. volum. 1. Andr. Barbat. consil. 54. incip. Illud afferam in medium. num. 16. in fine. volum. 1. & his allegatis Marsil. in consil. 102. incip. Pauci sunt dies. num. 12. & in singulari 385. Roland. à Valle in cons. 24. incip. In causa præsentis processus. num. 61. volum. 1. & latius in consil. 3. incip. In causa inquisitionis. num. 51. & in consil. 57. incip. Quia omni iure. num. 41. Anton. Gabriel. in communibus opinionibus. in titu. de testib. conclus. 7. num. 10. Menoch. de arbitrar. iudic. qq. lib. 2. casu 99. num. 7. Ioseph. Mascard. de probat. volum. 3. conclus. 1359. num. fin. & alij plures quos ad longum allegat Roland. Rationem reddunt Socin. & post eum Marsil. Sicut plurima adminicula ampliant probationem arg. eorum, quæ habentur in l. Admonendi. ff. de iurciu-

rand. Ita plures defectus annihilant, & destrunt, quia contrariorum est eadem disciplina, & quod operatur propositum in proposito, operatur oppositum in opposito. l. Si vt proponis. C. de nupt. Hinc in crimine simoniæ si mulier, quæ de iure canonico est inhabilis ad ferendum testimonium, adduceretur, si alium defectum pateretur, vtpote esset infamis ex aliquo crimine, possit in totum repelli à testimonio, cum non vnam sed duas habeat contra se exceptiones. Similis ratio foret, si domesticus, & idem infamis ex aliquo crimine in testem produceretur contra notatum suspicionem simoniæ. Nunquam tamen testes inhabiles, per se plenam faciunt probationem ad condemnandum aliquem in pœnam ordinariam, sed alia probatione, alijsq; adminiculis indigent ad conuincendum aliquem de crimine simoniæ. arg. cap. Licet Heli. & c. Per tuas. hoc tit. Alia tamen ratio esset, si simonia etiam hæresin inuolueret, quia tunc ob crimen hærescos in fidei fauorem, si plures quam duo inhabiles & minus idonei contra aliquem producerentur, sufficerent ad plenam probationem, & condemnationem ordinariam, iuxta c. In fidei fauorem, de hæret. in 6. Tunc tamen consideratio dirigenda ad ea, quæ in illo c. ponuntur ibi: Si ex verisimilibus coniecturis, & numero testium aut personarum, &c. Atque plures quam duos sufficere ad plenam probationem & condemnationem in pœnam ordinariam

nariam inhabiles testes in fauorem fidei post alios tradidere Franciscus Pegna in commentario in director. inquisitorum part. 3. schol. 171. col. 2. & 3. & Mascard. de probat. volum. 2. conclus. 857. num. 39.

Sexta Conclusio. Socius criminis in peccato simoniae admittitur contra socium qui simoniam commisit. Hanc docent Innoc. in c. Veniens. de testib. Crottus in tract. de testib. 4. part. n. 94. Specul. in tit. de teste. §. 1. vers. Item quod est socius. Campegius in tract. de testib. reg. 86 fallentia 1. Boërius in decis. 119. n. 2. Menoch. de arbitrar. iudic. qq. lib. 2. casu 474. num. 31. Gulielm. Redoanus de simonia, part. 4. cap. 5. num. 28. Mascard. de probat. vol. 3. concl. 1311. num. 25. & alij alibi faciunt pro conclusione c. Si quis Papa. 89. d. cap. 1 de testib. in 6. & arg. cap. Veniens 1. de testib. Conclusio non habet locum, quando socius huiusmodi esset socius criminis & muneris, tunc non admitteretur in testem per text. in d. cap. Veniens. & DD. ibidem. Redoan. & Mascardus vbi supra. Hinc illi versus relati à Glossa in d. cap. Veniens.

*Per testem socium sceleris simonia probatur,
Muneris & sceleris socius testis reprobatur.*

Gloss. in c. 1. de testib. in 6. ponit ad illustrandum hoc exemplum. Volebam obtinere ab Episcopo Pictauiensi aliquod spirituale. Ego sciens quod ipse diligebat temporalia, habui aliquem de suis familiaribus, & conueni
cum

cum tertio vt promitteret Episcopo equū, vt possem habere spirituale, iste mediator nihil accepit, sed gratis fecit, & sic dicitur socius criminis tantum: Quando autem conuenio cum mediatore & aliquid temporale do, tunc talis dicitur socius criminis & muneris simul.

Septima Conclusio. Inimicus capitalis non admittitur in testē in crimine simoniæ. Hanc docent communiter DD. cum text. in hoc cap. Per tuas. Præterea in atrocissimis criminibus exceptis, vt in crimine læsæ maiestatis, hæreseos, &c. inimicus à testimonio dicendo reijcitur. Bartolus in l. In quæstionibus. ff. ad leg. Iuliam maiest. Bald. in l. In his. §. i. in fine. ff. soluto matrim. Romanus in l. Si verò. §. Si viro. ff. eod. Marfil. in consil. 20. num. 27. Crauet. in consil. 9. num. 60. & post alios ex Iunioribus Iulius Clarus lib. 5. sentent. §. fin. præticæ crimin. quæst. 24. num. 5. Menoch. de arb. iudic. qq. lib. 1. quæst. 28. Mascard. de probat. vol. 2. conclus. 899. num. 2. Ergo & in crimine simoniæ quod his æquiparatur. Si quis querat, quare in crimine simoniæ, & alijs exceptis siue casibus priuilegiatis alij testes inhabiles admittantur, & inimicus in totum repellatur. Vt huic dubitationi satisfiat, reducendum in memoriam, quod quædam testium exceptiones siue inhabilitates sint iuris naturæ, vt quod furiosus, aut inimicus non admittantur ad ferendum testimonium. In inimico naturaliter, ira, odiumque impediunt animum vt
non pos-

non possit cernere verum. Aliæ testium exceptiones à conditore legis in lege, ex quadam congruentia sunt inductæ, vt quod infamis, feruus, familiaris, socius criminis, &c. non possint testimonium ferre. His præsuppositis respondetur propter atrocitatem criminum, & probandi difficultatem in defectum aliarum probationum legem & conditorem eius dispensare, vt exceptiones à lege statutz non impediunt. At in eis quæ sunt legis naturalis non admittitur dispensatio, cum non sit potestas dispensandi. Ex quo fundamento rectè tradidere Petrus Ancharan. in cap. Pastoralis. de re iudicata. Philippus Francus in cap. In fidei fauorem. de hæret. in 6. & Andreas Barbat. in tract. de testib. num. 42. Pontificem non posse dispensare vt inimicus testimonium ferat. Id quod etiam tetigit Parisius in consil. 2. num. 64. lib. 4. dum ex Bartoli auctoritate sentit iure gentium inimici testimonium reijci, ideoque principem facere non posse, vt inimici testimonium recipiatur: Cui consentit & Menoch. in d. q. 28. num. 4.

Ostaua Conclusio. Periurus reijcitur etiam à ferendo testimonio in crimine simoniæ, quamuis emendatus sit à crimine. Sic Gloss. in hoc cap. Per tuas. in verb. Adulterij. Panor. normit. & Ioan. ab Anan. ibidem & alij: atque hanc Glossam communiter approbatam post Hieronym. Gigantem in tractatu de crimine læsæ maiestatis sentiunt Iul. Clarus lib. 5. sent. §. Periurus.

§. Periurium. num. 7. vers. Repellitur etiam periurus. & Mascard. de probat. volum. 3. conclus. 1168. num. 1. Ratio conclusionis. Quia qui semel periurus, ad iuramentum amplius non admittitur: quandoquidem timendum est, quod qui semel in periurium incidit, iterum sit deieraturus. 6. quæst. 1. c. Quicumque. 26. quæst. 5. cap. Paruuli. cap. Literas. de præsumpt. & cap. Testimonium. de testib. cum annotatis ibidem. Gloss. in hoc sequuntur Panormitan. ibidem. Felin. in cap. Testimonium. num. 19. vers. Tertia conclusio. Crauet. in consil. 6. colum. 4. Philipp. Corneus in consil. 21. colum. fin. volum. 3. Roland. à Valle consil. 17. num. 12. & consil. 73. à num. 10. volum. 1. & in consil. 98. à num. 13. & seq. ubi plures alios allegat, sicut etiam Mascard. loco cit. à num. 16. & circa hæc notanda singularis animaduersio Panormit. in hoc cap. Per tuas. circa Gloss. in verb. Adulterij, quod sub generali dispositione, qua habilitantur testes criminosi, & cauetur vt omnes admittantur, non videtur habilitatus periurus, nisi de eo specialiter caueatur. Quam obseruationem Panormit. approbant referendo Crauet. in dicto consil. 6. num. 16. Roland. in dictis consil. & Mascard. in d. conclus. num. 20.

CAPVT XXXIII.

Non imputatur electo confirmato, si eo prohibente pro ipsius confirmatione pecunia data fuit.

Idem Abbati Iemblacensi.

Sicut tuis literis intimasti : cum in Iemblacensi Ecclesia fueris monachus : fuisti tandem promotus ad regimen Ecclesiæ Florensis, verum Abbate Iemblacensi, post sublato de medio : ipsa quæ prius te filium habuerat, in patrem per electionem canonicam te vocauit : & quod pastore carebat Leodiensis Ecclesia cathedralis : ad Coloniensem Ecclesiam quæ tua est Metropolis proficiscens ; in Iemblacensi Ecclesia interim ministrasti. Cæterum postquam in Leodiensi Ecclesia fuit Episcopus institutus : is à te requisitus electionem de te factam noluit confirmare. Verum cum hæc fieri pro extorquenda pecunia comperisses : sub interminatione anathematis vetuisti : ne pro facto huiusmodi aliqua pecunia offerretur. Sed quidam de fratribus te inconsulto & ignorante, contra excommunicationis à te factæ sententiam venientes : promiserunt pecuniam : & etiam exsoluerunt, & sic ab Episcopo inuitatus institutionem ab eo accepisti liberè quemadmodum

modum postulabas. Quamuis autem secundum sacrorum canonum instituta: etiam paruuli, qui cupiditate parentum Ecclesias per pecuniam sunt adepti: eas dimittere teneantur: quod tamen longè diuersum est non præbere consensum: & expressim aliquid prohibere: taliter duximus respondendum: quamquam ex eo quod contra prohibitionem & voluntatem tuam, à qua postmodum recessisti: aliquis te penitus ignorante promisit pecuniam: & exoluit: (præsertim cum is nulla sit tibi consanguinitate coniunctus) nihil debet tibi ad pœnam vel culpam (sicut credimus) imputari: nisi postea consenseris pecuniam soluendo promissam: aut reddendo solutam: alioquin contingeret quod alicuius factum insidias inimico parantis ei damnosum existeret, cui penitus displiceret: & sic aliquis de fraude sua commodum reportaret. Illos autem qui dederunt pecuniam, vel etiam receperunt: in tantum constat esse culpabiles, quod si excessus eorum esset Ecclesiæ manifestus: (quæ non iudicat de occultis) pœna essent canonica feriendi.

Casus secundum Gloss. Vacante Ecclesia Iemblacen. quendam monachum suum, virum prouidum & discretum elegerunt in Abbatem, & quia Leodicenf. Ecclesia cathedralis pastore carebat, ad Coloniensem Ecclesiam Metropolitanam ipsius accessit, & de licentia ipsius interim ministravit, & in monasterio

sterio Iemblacen. Postmodum in Leodiensi Ecclesia fuit institutus Episcopus, qui requisitus ab ipso electo, electionem ipsius noluit confirmare, sed cōperto quod hoc fiebat pro extorquenda pecunia, protulit excommunicationem, ne pro facto huiusmodi aliqua pecunia persoluator, & qui contra faceret esset excommunicatus. Sed quidam de fratribus eius eo ignorante promiserunt pecuniam & soluerunt, & sic ab Episcopo inuitatus confirmationem & institutionem accepit. Postea peruenit hoc ad notitiam Abbatis ipsius: dubitavit an possit licitè in officio Abbatis ministrare: Quæsiuit à Papa quid facere deberet. Respondet Papa: licet secundum canones etiam paruuli qui cupiditate parentum Ecclesias per pecuniam sunt adepti eas dimittere teneantur: tamen quia aliud est, & longè diuersum non præbere consensum: & aliud est expressè prohibere: Nihil debet sibi ad pœnam & culpam imputari ex eo, quod contra prohibitionem, & voluntatem suam, à qua postea non recessit, alius pecuniam soluit eo ignorante, præsertim cum ille non sit ei aliqua consanguinitate coniunctus: nisi postea consenserit soluendo pecuniam promissam, aut reddendo solutam. Alioquin contingeret quod factum alicuius parantis insidias inimico suo ei damnosum existeret, cui omnino displiceret, & sic aliquis de dolo suo commodum reportaret. Illi verò qui pecuniam dede-

Cc

runt,

runt, aut eam receperunt, in tantum culpabiles sunt, quod si eorū excessus manifestus esset Ecclesiæ pœna essent canonica feriendi.

Notandum primò. Si pecunia soluatur pro confirmatione electi, eo ignorante, prohibente, & contradicente, non committitur simonia ab eo qui sic confirmatur, nec ei imputatur ad pœnam, aut culpam, nisi postquam ad suam cognitionem peruenerit, consentiat aut soluendo pecuniam promissam, aut reddendo solutam. Hinc si amicus pecuniam ad extorquendam confirmationem, aut inuestituram soluisset, ignorante & contradicente electo, si electus certior deinde factus de solutione pecuniæ amico solutam restitueret, per proprium consensum culpam & pœnam incurreret.

Secundò Not. Aliquando quod ab initio non nocebat, tractu temporis accedente consensu imputatur & sic ratihabitio in maleficijs retrahitur, & mandato comparatur, iuxta reg. iuris in 6. Ratihabitionem retrahere, & mandato comparari.

Tertiò, Dubitant hic DD. an quando confirmatio electi fuit pecunia procurata, ignorante tamen & contradicente electo talis confirmatio sit nulla & inualida. Anton. à Butrio & quidam alij putant non valere confirmationem simoniacè procuratam, etiam contradicente electo. & sic respondent quod text. supra in cap. Nobis. & hic intelligantur, quod tale

tales factum non præiudicat sic electo, quantum ad pœnam, & quoad facilitatem dispensandi. Ioan. Andr. Panormitan. Joann. ab Anania, Cardinalis & alij iudicant talem confirmationem validam esse auctoritate huius capituli, & sic secundum Florian. hic allegatum ab Anania, singularis casus est, in quo confirmatio facta per simoniam valet. Facit etiam ad idem litera. in verb. Ad pœnam. Annulatio actus dicitur & est pœna, quando actus annullatur ratione prohibitionis, & odio agentis text. cum Gloss. in capite 2. de constitut. & cap. Dispendia. in fine. de re script. in 6. & est etiam textus in extravag. 2. de Simonia. §. Per electiones verò. Ergo si confirmatio talis esset nulla, imputaretur electo ad pœnam. cuius tamen contrarium text. exprimit, & certè hæc sententia menti huius capituli videtur consentanea.

Quartò. Ecclesia non iudicat de occultis. Ad hoc etiam Gloss. magistralis secundum Felinum hic. in Clement. 1. in versic. Eo ipso. de hæret.

CAPVT XXXIV.

Si clericus cum pacto confert Ecclesie sua bona, ut in ipsa recipiatur in cano-

nonicum: & illa sibi retineat pro præbenda, simonia committitur: Secus si hoc fiat sine pacto.

Idem Decano Beluacen.

T Va nos duxit discretio consulendos: (& infra) Deuotioni tuæ taliter respond. quod si quis clericus cum conditione, vel pacto largiatur: aut offerat bona sua: vt illa postmodum pro præbenda retineat, & in canonicum admittatur: huiusmodi oblatio vel receptio fieri non poterit sine vitio simoniæ: Cum in talibus omnis pactio, aut conuentio cessare debeat iuxta canonicas sanctiones. Si verò purè ac sine pacto, vel conditione qualibet offerat, rogans humiliter vt in canonicū admittatur, & bona sua retinere sibi liceat pro præbenda, & clerici eiusdem Ecclesiæ purè consentiant: huiusmodi receptio fieri potuit absque scrupulo simoniacæ prauitatis. Licet autem taliter duximus respondendum: quia nobis datum est de manifestis tantummodo iudicare, si tamen is qui talem donationem facit ea intentione ducatur, vt per temporalia bona quæ offert, spiritualia valeat adipisci, & clerici qui eum in fratrem admittunt non essent eum (nisi commoda temporalia perciperent) admissuri: sine dubio tam ille, quam isti, apud districtum iudicem (qui scrutator est cordium, & cognitor secretorum) culpabiles iudicantur.

Casus

Casus secundum Gloss. Quidam clericus aliqua de bonis suis obtulit alicui Ecclesiæ, petens vt in canonicum admittatur, & eadem bona sibi retinere liceat pro præbenda in vita sua: Quæritur vtrum bona illa recipi, & idem clericus in canonicum assumi absque vitio simoniæ valeat. Resp. Papa, quod si clericus conditione, vel pacto offerat bona sua, vt ea retineat pro præbenda, & in canonicum admittatur, huiusmodi oblatio non potest fieri absque simonia; quia in talibus omnis pactio cessare debet: Si verò purè & sine pacto & conditione bona sua offerat, rogans humiliter vt in canonicum admittatur, & bona sibi retinere pro præbenda liceat, & clerici etiam purè consentiant: talis receptio absque simonia poterit fieri. In fine addit Pontifex, quamuis taliter duximus respondendum: si tamen ille qui facit talem donationem ea intentione ducatur, vt per temporalia spiritualia valeat adipisci: & clerici eum aliter non recipient: Sine dubio tam iste, quam illi, apud Deum quem nullum latet secretum, culpabiles iudicantur.

Notab. primum. Canonica & sæpe repetita in hac materia regula est, quod in spiritualibus omnis pactio aut conuentio cessare debeat 1. quæst. 2. cap. Quam pio. cap. fin. de pactis. & hic.

Secundum. Potest aliquis quando alias dignus est cum humilitate rogare, vt in canoni-

cum admittatur, vbi & hoc aduertendum cum Panormit. num. 3. ius canonice esse quid spirituale, quod non cadit in laicum cap. 2. de institut.

Tertium. Intentio quantum ad crimen simonie, quando exterius nulla pactio, aut conuentio accedit, examinanda est, quando aliquis aliquid offert, aut accipit temporale, ante vel post perceptionem rei spiritualis, quia sola intentio, de qua tamen Ecclesia, cum occulta sit, non iudicat, inducit simoniam mentalem, quæ pœnitentia deletur, nec ad restitutionem obligat iuxta cap. fin. infra eod. Dubium esse potest. An simonia mentalis non cadat sub probationem, ita vt ab Ecclesia in foro exteriori puniri non possit? Ratio quare simonia mentalis ab Ecclesia non puniatur, ea esse videtur ex mente Archidiac. in summa. 1. quæst. 1. in verb. Studiosa. & Domini ibidem in vers. In 1. Gloss. quia eius probatio haberi non potest, & ita elicitur consequenter, quod nec etiam iudicium de eadem habeatur. Nunc respondetur: mentalem simoniam per signa, coniecturas & præsumptiones probari, vt post Gulielmum Redoanum in tract. de simonia. part. 4. cap. 1. tradit Iosephus Mascard. de probationib. vol. 3. conclus. 1304. à num. 22. Nec mirum, cum animus directe probari non possit, sed soli Deo, qui est scrutator cordium, & cognitor secretorum notus sit, ex text. hoc cap. Gloss. in cap. De occiden-

adendis. 23. quæst. 5. & ead. Gloss. in Clem. v-
 nic. de reliq. & venerat. sanct. & Clem. Exiui de
 paradiso. de verbor. signific. ideò meritò con-
 fugiendum ad coniecturas & præsumptiones.
 Quæ enim animo consistunt, probantur &
 cognoscuntur præsumptione verbi, vel facti:
 Talis namq; animus præsumitur, qualia verba
 aut facta sunt. l. Is qui. §. Diuus. ff. de tutor. &
 curat. l. Labeo. ff. de suppell. leg. l. i. §. Diuus. ff.
 ad leg. Cornel. de fidei. Bart. & alij ibid. & ex
 qualitate facientis animus eius metiendus est.
 l. i. ff. de petit. hæred. & per extrinseca proban-
 tur intrinseca. l. fin. ad finem. ff. de diuort. §.
 Seruus. Instit. de rerum diuis. & alibi. Pro his
 etiam faciunt Cardin. in cap. Ex tuæ. supra
 cod. dum ait quod intentio consideratur per
 coniecturas. cap. Etsi quæstiones. supra. & Pa-
 normitan. Felinus ac Ioan. ab Anania in d.
 cap. Ex tuæ. volunt quod ad inuestigandum
 animum, & prauam mentem in simonia
 quando dubium, an praua mens præcesserit
 inspiciendæ circumstantiæ & coniecturæ de
 quibus in d. cap. Etsi quæstiones.

QVÆSTIO.

*An si quis iudicem corrumpat pecunia,
 & sic emat iustitiam, commit-
 tat simoniam?*

Hanc quæstionem breuibus extra Glossam hic mouent Hostiens. Panormit. Cardin. Felinus, & communiter alij. Gloss. in cap. Videntes i. quæst. 3. Cardin. Alexandr. & Turrecrem. ibid. & in cap. Qui rectè. & cap. Non licet. ii. quæst. 3. Panormit. in c. Cum ab omni. de vita & honest. cleric. Angel. in verb. Iudex. §. 19. Syluest. in verb. Simonia. i. q. 10. dicto 3.

Pro resolutione quæstionis prænotandum in primis, quod peccatum grauissimum à iudice committitur, quando iustitiam pro pecunia distrahit, vtpote si pecuniam accipiat à priuato aut parte, vt faciat non facienda, vel omittat ea, quæ sunt facienda ex mente Accursi. in l. i. ff. ad leg. Iul. repetund. hoc crimen à DD. iuris barataria nominatur. Felin. in hoc cap. Bald. in consil. 21. incip. Processus factus contra ciuitatem. colum. fin. Petr. Ancharan. in consil. 271. incip. De titulis criminum, col. penult. Circa medium. Marsil. in consil. 61. incip. Post reditum. num. 33. Angel. de Perusio. de Syndicatu. num. 3. & 4. Iustin. Amedeus de Syndicatu. §. Item eo quod dictus, & c. num. 163. & seq. Iul. Clar. lib. 5. sentent. §. fin. practica crim. Mascard. de probat. volum. i. conclus. 164. 165. 166. & alij alibi. Dicitur autem secundum Amedeum loco cit. num. 165. barataria, à barato, baratas, quia iudex recipiendo aliquid dicitur baratare & permutare iustitiam, cum eo quod recipit, sicut recipiens aliquid pro

pro dando beneficium, dicitur vendere beneficium. Semper aut Iudex dicitur committere baratariā, quando pecunia, aut aliter corrumpitur iuxta Bald.in d. consil. & Amedeum vbi supra. num. 164. Tres autem casus post Boss. in tract. crimin. titu. de officialibus corruptis. num. 1. ponit & distinguit Mascard. in d. conclus. 164. num. 7. in quibus iuxta sententiam communi consensu receptā barataria committitur: quando videlicet magistratui datur pecunia, vt ferat sententiam iustam, & quando vt feratur iniusta, & quādo si detur vt simpliciter. Neque iudicium iustum, neque iniustum vlli vendere licet. cap. Non licet. 11. q. 3. & cap. Quomodo puniendus iudex committens baratariam, videndum apud Amedeum & Clarum. De pœnis etiam corrupti iudicis ex gentilium factis atque exemplis pulchra & digna lectu congerunt, & commemorant Alexand. ab Alexand. gentilium dier. lib. 3. cap. 5. Balduin. in commentarijs ad leges 12. tabular. lege 52. & Menochius de arbitrarijs iudicum qq. lib. 2. cas. 342. qui late hanc materiam prosequitur secundo loco præmittendum, aut loquimur de iudice seculari, aut de Ecclesiastico, idque in causis spiritualibus.

Prima Conclusio. Iudex grauissimè peccat, & tenetur ad restitutionem, quando vt iustam sententiam proferat, pretium siue pecuniam accipit. Hæc est communis sententia DD. quam tenent S. Thomas 2. 2. quæst. 71. art. 4. ad

Cc 5 3. iuncto

cto 03

3. iuncto ibid. consensu commentatorum. Adrian. in 4. de restitut. §. Restat inquirere. & in quæst. An extorta per concessionem, &c. Syluest. in verb. Restitutio 2. §. 1. adiunctis etiã eis quæ habet in verb. Iudex. §. penult. Ioan. à Medina in C. de reb. restituendis. quæst. 19. & q. 25. Petrus à Nauarra lib. 4. de restitut. cap. 2. à n. 93. Sotus lib. 4. de iust. & iure. quæst. 7. art. 1. ad 2. Ioseph. Angles in florib. Theolog. qq. in 4. 2. part. de restitut. in quæst. Quis à restitutione sit liber. 15. difficult. Martin. Nauarr. in manuali confessar. cap. 25. num. 12. & sæpissimè in comment. de datis & promissis, pro iustitia. Doctissimus eiusdem discipulus Didac. Couarr. in reg. Peccatum. de reg. iuris. part. 2. §. 3. Cardin. Alexand. Turrecrem. Archidiac. Dominic. & alij decretistæ in cap. Qui rectè. 11. quæst. 3. & latius Card. Alexand. & Turrecrem. in cap. Videntes. 1. quæst. 3. Panormit. in cap. Cum ab omni. de vita & honest. clericor. Cardin. Hostiens. Anton. & communiter alij cum text. ibidem. Nunc conclusio probatur. 1. quæst. 1. cap. Iubemus. cap. Concussionis. cap. lege Iulia repetundarum. & seq. & 11. q. 3. c. Qui rectè. ex B. Gregorio. Qui rectè iudicat, & premium remunerationis expectat: fraudem in Deum perpetrat: quia iustitiam quam gratis impatiiri debuit, acceptione pecuniæ vendidit, &c. & ibid. ex Augustino in epist. 54. ad Macedonium. cap. Non licet iudici vendere iustum iudicium, etsi liceat aduocato vende-

vendere iustum patrociniū, & iurisconsulto rectum consiliū. & 14. q. 5. cap. Non sanè. ex ead. Augustini epist. His accedit quod canones & leges volunt sententias non debere esse venales. d. cap. iubemus. & d. cap. Cum ab omni. prope finem. & l. Venales. C. Quando provocare non est necesse. Eadem ratione graviter peccant, & peccatum concussionis admittunt, qui publicæ auctoritate pollent, aut in officijs sunt positi extorquent aliquid per metum, aut aliam artem à subditis pro eo, quod gratis deberet impendi, per text. Gloss. & annotata à DD. in l. 1. & 2. ff. de concussion. quæst. 1. cap. Militare. in fine. & Gloss. ibidem in cap. Paratus. super verb. Concusseritis. Speculator in tit. de recusat. §. Effectus. vers. Sed quis providebit. Cardin. Alexandrin. & Turrecrem. in d. cap. Concussionis. Angel. Summa Pisanella, Syluester, Aurea Armilla & alij in summis. verb. Concussio. Hinc iudices, officiales, alijque qui publicis officijs funguntur, atque à republica constituta habent stipendia, si quid ratione sui officij extorquent, aut emungant titulo laboris, aut vacantiae aut alio modo colorato, concussionis crimen omnium iudicio committunt. arg. d. cap. Paratus. & cap. Militare. arguuntur enim sententia Ioan. Neminem concusseritis, sed estote contenti stipendijs vestris. ex mente August. tract. 19. in Ioan. relati in d. c. Militare. Tenetur etiā huiusmodi ad restitutionē omnium sic extor-

torum.

torum. His adiiciendum quod sententia lata per pecuniam & baratariam est ipso iure nulla. d. l. Venales. & DD. ibid. Gloss. in cap. Quatuor modis. ii. quæst. 3. Felin. in hoc nostro c. Panormit. in d. cap. Cum ab omni. num. 7. Cardin. Alexand. in d. cap. Videntes. & alij alibi. Fallit hoc tamen in sententia arbitri, quæ etsi mediante pecunia lata sit, non est ipso iure nulla. Felin. in hoc cap. Imolen. in cap. i. colum. 10. de constitut. Mascard. de probat. volum. i. conclus. 166. num. 7. per text. in l. 3. C. de arbit. Sustinetur etiam sententia & non est nulla, quando esset lata à tribus iudicibus, & vnus eorum tantum esset corruptus, Felin. hic. Ioannes Andr. in addit. ad Specul. de sentent. probat. §. Iuxta. in princ. in addit. quæ incipit. Quid si ex duobus. Mascard. in d. concl. num. 9. Angel. in d. l. Venales. Menoch. in casu 343. num. 8. Nunc autem quoniam corrumpens & corruptus sunt duo correlatiua, declarandum an etiam peccet ipse corrumpens. Sit ergo

Secunda Conclusio. Corrumpens iudicem etiam graue crimen committit. In hac conclusione non est dubium, & eam communiter DD. in hoc cap. præsupponunt. Panormitan. in d. cap. Cum ab omni. Angel. in verb. Iudex. §. 19. Couarr. loc. cit. Nauarr. in commentario de datis & promissis pro iustitia & gratia. notab. 9. & alij alibi. Probatur in primis. Corrumpens iudicem consentit, & cooperatur iniustitiæ

Iustitiæ iudicis. Sed ex Apostolica doctrina non solum sunt digni morte qui faciunt mala, sed etiam qui consentiunt facientibus. Deinde corrumpens iudicem præsertim in criminalibus, & ciuilibus, vt iniustam proferat sibi sententiam, damnum infert proximo, vel in persona, vel in rebus exterioribus, quorum vtrumque est contra præcepta Decalogi. Si autem corrumpit iudicem dando pecuniam, vt iustam proferat sententiam pro se, licet non peccet contra aliquod præceptum Decalogi, neque contra principia iuris naturæ, neque contra consequentia necessariò ex principijs, est tamen contra ius naturale & humanum præsumptiuè, l. 2. ff. de condic. ob turpē causam, vt Nauart. & Couarr. tradunt. His accedit quod sic corrumpens pecunia ad proferendam iustam sententiam, est causa peccati in iudice. Ergo ei cooperatur ad peccandum. Postremò leges puniunt corruptores iudicum, d. l. 2. Gloss. & DD. ibid. l. 1. C. de pœna iudicis qui malè iudic. Corrumpens iudicem, vt pro se iniustè pronuntiet, perdit datum & litem, pariterque dans vt iustè pro se pronunciet. Gloss. in d. l. 2. super verb. In bona. quam communiter approbatam dicit Roman. ibid. & post eum Iulius Clar. Couarr. & Menoch. qui latius de pœnis corrupcētis iudicem discurret. Si quis tamen det iudici pecuniam, vt celeriter & absq; mora causam expediat, iustitiamque administret, non perdit datum, sed potest

potest illud repetere, vt post Didacum Clar. & Menochius sentiunt, nec perdit litem; cum in hoc casu nō habeat locum d. l. 2. ex opinione Didaci, quia non videtur iudicem voluisse corrumpere. Grauius tamen semper peccat, qui iudicem corrumpit ad ferendum iudicium falsum, quemadmodum etiam iudex grauius crimen committit, quando accepta pecunia falsam iniustamq; sententiam profert, iuxta Gloss. & DD. in d. cap. Non sanē. 14. q. 5. Postremò quando iudex aliter non vult iustam proferre sententiam, licitum est pecuniam offerre pro conseruatione sui iuris, ex mente Panormitani in d. cap. Cum ab omni. num. 8. Ioan. Imolens. ibid. Angel. in verbo Iudicare. §. 19. Aureæ Armillæ in verbo Iudex. num. 11. & 13. Nauarri loco citato. numero 13. & aliorum alibi. In hoc casu redimitur vexatio, quam patitur. Licitum autem est redimere vexationem argum. cap. Dilectus 1. supra.

Tertia Conclusio. Iudex secularis in causis secularibus pro pecunijs iudicans, non committit simoniam, nec etiam pecuniam dans. Hanc tenent communiter DD. allegati in principio quæst. & communis in hoc cap. cum Gloss. in cap. Vendentes. 1. quæst. 3. Ratio est clara. Quia nihil spirituale aut spirituali annexum emitur, aut venditur, in casu huius conclusionis. Spirituale autē, & spirituali annexum, sunt obiectum simoniæ. Hugo tamen
in d.

in d. cap. Qui rectè. & Turrecremata referunt quosdā dicere, quod in omni sententia venali committatur simonia, sed hæc opinio merito reiicitur ab omnibus ob rationem pro conclusione adductam.

Quarta Conclusio. Iudex Ecclesiasticus si pro iure reddendo in merè temporalibus pecuniā accipiat, licet alias peccet, vt ex superioribus constat, non tamen simoniæ crimine polluitur. Hæc videtur contra quosdam DD. vt patet ex Cardin. Alexandrino & Turrecremata in d. cap. Videntes, qui volunt quod iudex Ecclesiasticus mediante pecunia proferens sententiam in temporalibus, simoniam incurrat, rationem reddunt, quia ratione Ecclesiasticæ iurisdictionis ad hoc tenetur: Sed hæc ratio fragilis est, & confutatur, & confirmatur conclusio eadem ratione, qua proxima. Vbi enim non est obiectum simoniæ, non potest esse simonia. Ratio autem alterius sententiæ non plus probat, quam quod iudex Ecclesiasticus gratis teneatur sententiam ferre, quando stipendium sufficiens statutum habet, & sic quod peccet, quemadmodum etiam secularis iudex habens salarium à republ. constitutum, qui gratis tunc tenetur suam iurisdictionem impendere in dicendo iure. Conclusionem tradunt Gloss. in c. Videntes. Turrecr. in d. cap. Qui rectè. in fin. Panor. in c. Cum ab omni. n. 7. Ioan. Imolen. ibidē in fin. Host. Card. & alij communiter hic.

Quinta

Quinta Conclusio. Iudex Ecclesiasticus quando in causis spiritualibus & spiritualibus annexis, pro pretio aut pecunia sententiam profert, simoniam committit, vel quasi vt Hostiensis loquitur. Hæc est communis omnium Decretistarum, Canonistarum, & Summistarum in loc. alleg. nunc & supra. post Gloss. in d. cap. Videntes, quam etiam Nauart. sequitur vbi supra. Hinc si iudex in causis beneficiorum, iuris decimarum, & similibus pro sententia siue iusta, siue iniusta pretium accipiat, simoniæ crimen committit. Vnum tamen hic obseruandum occurrit, quod Glossa in cap. Videntes. super verbo Iustitiam. in fine. & Hugo in dicto cap. Qui rectè. quem ibidem num. 9. allegat Turrecr. nec tamen improbat, excipiunt ab his spiritualibus, in quibus sibi locum vendicat simonia, matrimonium quasi iudex Ecclesiasticus pro dicendo iure in causa matrimonij pretium recipiens non committat simoniam sicut in alijs spiritualibus. Sed horum DD. sententia fundatur in alio errore, quod matrimonium non sit sacramentum continens in se gratiam, sed tantum humanus sit contractus, quod salua fide catholica dici non potest, vt alibi in hoc commentario expressius ostendimus.

CAPVT XXXV.

Non debet quis ordinem recipere ab eo quem credit simoniacum: sed ministrare potest in illis quos prius ab isto recepit.

Idem Priori Cantuariensi.

PER tuas literas intimasti: quod cum B. in quadam domo Carthusiensis ordinis suscepisset habitum monachalem, à diocesano Episcopo fuit in subdiaconum ordinatus: sed postmodum didicit ex relatione quorundam, quod Episcopus multoties commiserat vitium simoniæ: propter quod idem monachus in suscepto formidat ordine ministrare: nolens ab eodem Episcopo ad superiores ordines promoueri. (& infra.) Nos igitur respondemus, vt idem in ordine sic suscepto securè ministret: sed contra conscientiam ad superiores ordines non ascendat: ne fortè ædificet ad gehennam, licet ex eo quod conscientia nimis habuerit scrupulosam, in difficultatem huiusmodi sit collapsus, quam utiq; non euadet nisi deponat errorem.

Casus secundum Gloss. & Abbatem. Quidam B. nomine monachus ordinis Carthusiensis à diocesano Episcopo suscepit ordinem subdiaconatus. Postmodum monachus intellexit, quod Episcopus ille multotiens

Dd

com-

applicatio scientiæ vniuersalis practicæ, ad aliquod particulare obiectum vel breuius. Est quoddam dictamen rationis dictans vel iudicans aliquid faciendum vel non faciendum. Vel aliter. Est conclusio syllogismi practici, qua iudicamus nos fecisse aliquid, vel non fecisse, & sic conscientia dicitur testificari iuxta illud Eccles. 7. Scit conscientia tua te crebrò maledixisse alijs: aut aliquid faciendum, vel non faciendum, siue omittendum: & hoc pacto conscientia tribuuntur actus, ligare & infligare: aut aliquid bene factum, vel non bene sed male factum, & sic conscientia excusat, & accusat, siue remordet. Conscientia quadruplex est. Recta, Erronea, Dubia, & Scrupulosa. Recta siue vera est, quæ iudicat verè id faciendum esse vel non faciendum. Erronea, quæ dictat esse verum quod falsum est, & è diuerso, aut dicit bonum malum, & malum bonum. Dubia quæ nec assentitur, nec dissentit, sed hæret in ambiguo. Scrupulosa est quæ alteri parti adhæret, sed cum formidine & anxietate quadam animû torquente. Quantum ad obligationem nunc resolutio adhibenda est per conclusiones.

Prima. Conscientia recta obligat, & qui contra eandam facit, peccat. In hac non est dubium, & eam communiter Theologi tradunt locis cit. Roman. 14. in fine. Omne quod non est ex fide peccatum est. Quod non est ex fide, id est, ex conscientia, sed contra eandem, secun-

secundum expositionem Origenis, Chrysostomi, Theophilacti, Ambrosij & aliorum. Ambros. in cap. Quærat hîc aliquis. ibi. Item Ambrosius. de pœnit. d. 3. Innocent. III. in cap. Literas. de restitut. spol. & Concil. generale in c. fin. de præscript.

Secunda Conclusio. Conscientia erronea obligat ad sequendum eam, ita vt si quis contra eam faciat, peccet. S. Thomas in d. quæst. 19. art. 5. & commentatores eius ibidẽ. & communiter Theologi scholastici in 2. d. 39. licet Durand. ibidem. quæst. 5. videatur nouam quandam opinionem fingere de nomine, quod conscientia erronea non obliget, sed liget. Hanc Theologorum sententiam sequuntur Syluest. Aurea Armilla & alij in verb. Conscientia. Nauarr. loc cit. Card. Abbas, Anton. Felin. & alij communiter in hoc cap. cum textu id clarè probante. Præterea probat eandem conclusionem illud Apostolicum allegatum in præcedenti. Conscientia erronea est conscientia, ergo qui agit contra eam peccat, & ædificat ad gehennam ex mente huius cap. Si quis quærat, quale quantumque peccatum sit facere contra conscientiam erroneam, mortale, an veniale? Respondetur ex mente Nauarri in manuali confessarior. præludio nono. num. 9. Medina & Gregorij de Valentia in d. art. S. Thomæ. Didaci Couarr. lib. 1. variar. resolut. cap. 1. num. 1. & aliorum recentiorum, facere contra conscientiam tale esse peccatum,

commiserat vitium simoniæ, vnde monachus timebat in suscepto ordine ministrare nolens etiam ab eodem promoueri ad maiores. Querebatur quid facere debeat ille monachus? Respondet Papa vt securè in ordine suscepto ministret, sed contra conscientiam ad superiores ordines non ascendat; ne fortè ædificet ad gehennam, & licet in huiusmodi difficultem sit collapsus ex eo, quod conscientiam nimis habuit scrupulosam, eam tamen non euadet, nisi deponat errorem.

Notab. primum, ex text. quod regulares siue monachi ordines recipiunt à diocesanis Episcopis, quod veritatem etiam habet in exemptis. cap. Nullus. de temporib. ordinandor. lib. 6.

Secundum. Non est de facili credendum vanæ relationi hominum in præiudicium & infamiam alterius. 33. d. cap. Habuisse. 86. dist. cap. Si quid verò. & l. Iulianus. §. Quod autem diximus. in fine. ff. de action. empt. & vend. Si autem superior, & prælatus solemniter denunciaret aliquem simoniacum & vitandum, tunc ei credendum parendumue foret. 11. quæst. 3. cap. Curæ. cap. Post cessionem. de probationib.

Tertium. Hostiens. hic in primis obseruat contra conscientiam nimis scrupulosam quinque notabilia digna, & eum secuti Ioan. Andreas, Cardin. Henric. Ioan. ab Anan. & alij quidam. *Primum*. Ex vanis dictis in alterius præiudi-

præiudiciū, alterius non est conscientia informanda. Secundum. quod si taliter informata sit, ad prælati consilium est deponenda. Tertium. Si deponi non potest: modis omnibus sequenda est. De quo vide. cap. Inquisitioni. de sentent. excomm. & cap. Ad aures. §. 1. de temporib. ordinand. Quartum. Virtus animi de scrupulosa conscientia potest facere bonam, & eam in melius reformare, & e contra animi debilitas ac nimia simplicitas, de bona malam, & scrupulosam. Quintum & ultimum. In indifferentibus potest unusquisque prout sibi placuerit conscientiam informare, & hæc omnia ex sententia Hostiens. ex hoc cap. colligi possunt.

Quartum. Ad intelligentiam tam textus, quam relatorum ab Hostiens. alijsque altius aliqua repetenda sunt de conscientia, eius diuisione & obligatione. De qua re Theologi & Summistæ aliqua tractant. S. Thom. 1.2. q. 19. art. 5. & 6. & latè ibidè Bartholomæus Medina alijsq; commentatores. Doctores scholastici in 2. sent. d. 39. latissimè D. Antonin. in 1. part. tit. 3. c. 10. Angel. Summa Pisanelle, Syluest. & alijs Summistæ in verb. Conscientia. Nauarr. in manuali confess. c. 27. à n. 279. & seq. & latius in cap. Si quis autem. de pœnitent. d. 7. Nunc omiſſis multis quæ Scholastici mouent circa definitionem conscientia, ex mente S. Thomæ 1. part. q. 79. art. 13. & 1.2. q. 19. art. 5. dicitur, quod consciētia sit actus synderesis, id est

Dd 2 applica.

commiserat vitium simoniæ, vnde monachus timebat in suscepto ordine ministrare nolens etiam ab eodem promoueri ad maiores. Querebatur quid facere debeat ille monachus? Respondet Papa vt securè in ordine suscepto ministret, sed contra conscientiam ad superiores ordines non ascendat; ne fortè ædificet ad gehennam, & licet in huiusmodi difficultem sit collapsus ex eo, quod conscientiam nimis habuit scrupulosam, eam tamen non euadet, nisi deponat errorem.

Notab. primum, ex text. quod regulares siue monachi ordines recipiunt à diocesanis Episcopis, quod veritatem etiam habet in exemptis. cap. Nullus. de temporib. ordinandor. lib. 6.

Secundum. Non est de facili credendum vanæ relationi hominum in præiudicium & infamiam alterius. 33. d. cap. Habuisse. 86. dist. cap. Si quid verò. & l. Iulianus. §. Quod autem diximus. in fine. ff. de action. empt. & vend. Si autem superior, & prælatus solemniter denunciaret aliquem simoniacum & vitandum, tunc ei credendum parendumue foret. 11. quæst. 3. cap. Curæ. cap. Post cessionem. de probationib.

Tertium. Hostiens. hic in primis obseruat contra conscientiam nimis scrupulosam quinque notabilia digna, & eum secuti Ioan. Andreas, Cardin. Henric. Ioan. ab Anan. & alij quidam. Primum. Ex vanis dictis in alterius præiudi-

præiudicium, alterius non est conscientia informanda. Secundum. quod si taliter informata sit, ad prælati consilium est deponenda. Tertium. Si deponi non potest: modis omnibus sequenda est. De quo vide. cap. Inquisitioni. de sentent. excomm. & cap. Ad aures. §. 1. de temporib. ordinand. Quartum. Virtus animi de scrupulosa conscientia potest facere bonam, & eam in melius reformare, & e contra animi debilitas ac nimia simplicitas, de bona malam, & scrupulosam. Quintum & ultimum. In indifferentibus potest unusquisque prout sibi placuerit conscientiam informare, & hæc omnia ex sententia Hostiens. ex hoc cap. colligi possunt.

Quartum. Ad intelligentiam tam textus, quam relatorum ab Hostiens. alijsque altius aliqua repetenda sunt de conscientia, eius diuisione & obligatione. De qua re Theologi & Summistæ aliqua tractant. S. Thom. 1.2. q. 19. art. 5. & 6. & latè ibidè Bartholomæus Medina alijsq; commentatores. Doctores scholastici in 2. sent. d. 39. latissimè D. Antonin. in 1. part. tit. 3. c. 10. Angel. Summa Pisanelle, Syluest. & alijs Summistæ in verb. Conscientia. Nauarr. in manuali confess. c. 27. à n. 279. & seq. & latius in cap. Si quis autem. de pœnitent. d. 7. Nunc omiſſis multis quæ Scholastici mouent circa definitionem conscientia, ex mente S. Thomæ 1. part. q. 79. art. 13. & 1.2. q. 19. art. 5. dicitur, quod consciētia sit actus synderesis, id est

Dd 2 applica.

commiserat vitium simoniæ, vnde monachus timebat in suscepto ordine ministrare nolens etiam ab eodem promoueri ad maiores. Querebatur quid facere debeat ille monachus? Respondet Papa vt securè in ordine suscepto ministret, sed contra conscientiam ad superiores ordines non ascendat; ne fortè ædificet ad gehennam, & licet in huiusmodi difficultem sit collapsus ex eo, quod conscientiam nimis habuit scrupulosam, eam tamen non euadet, nisi deponat errorem.

Notab. primum, ex text. quod regulares siue monachi ordines recipiunt à diocesanis Episcopis, quod veritatem etiam habet in exemptis. cap. Nullus. de temporib. ordinandor. lib. 6.

Secundum. Non est de facili credendum vanæ relationi hominum in præiudicium & infamiam alterius. 33. d. cap. Habuisse. 86. dist. cap. Si quid verò. & l. Iulianus. §. Quod autem diximus. in fine. ff. de action. empt. & vend. Si autem superior, & prælatus solemniter denunciaret aliquem simoniacum & vitandum, tunc ei credendum parendumue foret. 11. quæst. 3. cap. Curæ. cap. Post cessionem. de probationib.

Tertium. Hostiens. hic in primis obseruat contra conscientiam nimis scrupulosam quinque notabilia digna, & eum secuti Ioan. Andreas, Cardin. Henric. Ioan. ab Anan. & alij quidam. Primum. Ex vanis dictis in alterius præiudi-

præiudicium, alterius non est conscientia informanda. Secundum. quod si taliter informata sit, ad prælati consilium est deponenda. Tertium. Si deponi non potest: modis omnibus sequenda est. De quo vide. cap. Inquisitioni. de sentent. excomm. & cap. Ad aures. §. 1. de temporib. ordinand. Quartum. Virtus animi de scrupulosa conscientia potest facere bonam, & eam in melius reformare, & e contra animi debilitas ac nimia simplicitas, de bona malam, & scrupulosam. Quintum & ultimum. In indifferentibus potest unusquisque prout sibi placuerit conscientiam informare, & hæc omnia ex sententia Hostiens. ex hoc cap. colligi possunt.

Quartum. Ad intelligentiam tam textus, quam relatorum ab Hostiens. alijsque altius aliqua repetenda sunt de conscientia, eius diuisione & obligatione. De qua re Theologi & Summistæ aliqua tractant. S. Thom. 1.2. q. 19. art. 5. & 6. & latè ibidē Bartholomæus Medina alijsq; commentatores. Doctores scholastici in 2. sent. d. 39. latissimè D. Antonin. in 1. part. tit. 3. c. 10. Angel. Summa Pisanella, Syluest. & alijs Summistæ in verb. Conscientia. Nauarr. in manuali confess. c. 27. à n. 279. & seq. & latius in cap. Si quis autem. de pœnitent. d. 7. Nunc omissis multis quæ Scholastici mouent circa definitionem conscientia, ex mente S. Thomæ 1. part. q. 79. art. 13. & 1.2. q. 19. art. 5. dicitur, quod consciētia sit actus synderesis, id est

Dd 2 applica-

commiserat vitium simoniæ, vnde monachus timebat in suscepto ordine ministrare nolens etiam ab eodem promoueri ad maiores. Querebatur quid facere debeat ille monachus? Respondet Papa vt securè in ordine suscepto ministret, sed contra conscientiam ad superiores ordines non ascendat; ne fortè ædificet ad gehennam, & licet in huiusmodi difficultem sit collapsus ex eo, quod conscientiam nimis habuit scrupulosam, cam tamen non euadet, nisi deponat errorem.

Notab. primum, ex text. quod regulares siue monachi ordines recipiunt à diocesanis Episcopis, quod veritatem etiam habet in exemptis. cap. Nullus. de temporib. ordinandor. lib. 6.

Secundum. Non est de facili credendum vanæ relationi hominum in præiudicium & infamiam alterius. 33. d. cap. Habuisse. 86. dist. cap. Si quid verò. & l. Iulianus. §. Quod autem diximus. in fine. ff. de action. empt. & vend. Si autem superior, & prælatus solemniter denunciaret aliquem simoniacum & vitandum, tunc ei credendum parendumue foret. 11. quæst. 3. cap. Curæ. cap. Post cessionem. de probationib.

Tertium. Hostiens. hic in primis obseruat contra conscientiam nimis scrupulosam quinque notabilia digna, & eum secuti Ioan. Andreas, Cardin. Henric. Ioan. ab Anan. & alij quidam. Primum. Ex vanis dictis in alterius præiudi-

præiudicium, alterius non est conscientia informanda. Secundum. quod si taliter informata sit, ad prælati consilium est deponenda. Tertium. Si deponi non potest: modis omnibus sequenda est. De quo vide. cap. Inquisitioni. de sentent. excomm. & cap. Ad aures. §. 1. de temporib. ordinand. Quartum. Virtus animi de scrupulosa conscientia potest facere bonam, & eam in melius reformare, & e contra animi debilitas ac nimia simplicitas, de bona malam, & scrupulosam. Quintum & ultimum. In indifferentibus potest unusquisque prout sibi placuerit conscientiam informare, & hæc omnia ex sententia Hostiens. ex hoc cap. colligi possunt.

Quartum. Ad intelligentiam tam textus, quam relatorum ab Hostiens. alijsque altius aliqua repetenda sunt de conscientia, eius diuisione & obligatione. De qua re Theologi & Summistæ aliqua tractant. S. Thom. 1.2. q. 19. art. 5. & 6. & latè ibidè Bartholomæus Medina alijq; commentatores. Doctores scholastici in 2. sent. d. 39. latissimè D. Antonin. in 1. part. tit. 3. c. 10. Angel. Summa Pisanelle, Syluest. & alij Summistæ in verb. Conscientia. Nauarr. in manuali confess. c. 27. à n. 279. & seq. & latius in cap. Si quis autem. de pœnitent. d. 7. Nunc omiſſis multis quæ Scholastici mouent circa definitionem conscientia, ex mente S. Thomæ 1. part. q. 79. art. 13. & 1.2. q. 19. art. 5. dicitur, quod conscientia sit actus synderesis, id est

Dd 2 applica.

applicatio scientiæ vniuersalis practicæ, ad aliquod particulare obiectum vel breuius. Est quoddam dictamen rationis dictans vel iudicans aliquid faciendum vel non faciendum. Vel aliter. Est conclusio syllogismi practici, qua iudicamus nos fecisse aliquid, vel non fecisse, & sic conscientia dicitur testificari iuxta illud Eccles. 7. Scit conscientia tua te crebrò maledixisse alijs: aut aliquid faciendum, vel non faciendum, siue omittendum: & hoc pacto conscientia tribuuntur actus, ligare & infligare: aut aliquid bene factum, vel non bene sed male factum, & sic conscientia excusat, & accusat, siue remordet. Conscientia quadruplex est. Recta, Erronea, Dubia, & Scrupulosa. Recta siue vera est, quæ iudicat verè id faciendum esse vel non faciendum. Erronea, quæ dictat esse verum quod falsum est, & è diuerso, aut dicit bonum malum, & malum bonum. Dubia quæ nec assentitur, nec dissentit, sed hæret in ambiguo. Scrupulosa est quæ alteri parti adhæret, sed cum formidine & anxietate quadam animû torquente. Quantum ad obligationem nunc resolutio adhibenda est per conclusiones.

Prima. Conscientia recta obligat, & qui contra eandam facit, peccat. In hac non est dubium, & eam communiter Theologi tradunt locis cit. Roman. 14. in fine. Omne quod non est ex fide peccatum est. Quod non est ex fide, id est, ex conscientia, sed contra eandem, secun-

secundum expositionem Origenis, Chrysostomi, Theophilacti, Ambrosij & aliorum. Ambrosi. in cap. Quærat hîc aliquis. ibi. Item Ambrosius. de pœnit. d. 3. Innocent. III. in cap. Literas. de restitut. spol. & Concil. generale in c. fin. de præscript.

Secunda Conclusio. Conscientia erronea obligat ad sequendum eam, ita vt si quis contra eam faciat, peccet. S. Thomas in d. quæst. 19. art. 5. & commentatores eius ibidẽ. & communiter Theologi scholastici in 2. d. 39. licet Durand. ibidem. quæst. 5. videatur nouam quandam opinionem fingere de nomine, quod conscientia erronea non obliget, sed liget. Hanc Theologorum sententiam sequuntur Syluest. Aurea Armilla & alij in verb. Conscientia. Nauarr. loc cit. Card. Abbas, Anton. Felin. & alij communiter in hoc cap. cum textu id clarè probante. Præterea probat eandem conclusionem illud Apostolicum allegatum in præcedenti. Conscientia erronea est conscientia, ergo qui agit contra eam peccat, & ædificat ad gehennam ex mente huius cap. Si quis quærat, quale quantumque peccatum sit facere contra conscientiam erroneam, mortale, an veniale? Respondetur ex mente Nauarri in manuali confessarior. præludio nono. num. 9. Medina & Gregorij de Valentia in d. art. S. Thomæ. Didaci Couarr. lib. 1. variar. resolut. cap. 1. num. 1. & aliorum recentiorum, facere contra conscientiam tale esse peccatum,

tum, quale iudicat, & putat is qui actum facit. Si enim operans faciat actum verè bonum, quem tamen iudicat esse peccatum mortale, mortalem culpam contrahit: Si autem eundem actum veniale, credit, non peccat plus quam venialiter. Quod semper verū est quoties iudicat esse veniale, nisi actus ex se sit mortalis. Conscientia enim non potest efficere id non esse peccatum, quod verè peccatum est, nec etiam reddere veniale, quod alias mortale est, licet ignorantia aliquando inuincibilis à culpa excuset. Rationem prædictæ doctrinæ reddit Nauarr. in d. num. 9. hanc. Non potest esse in causato plus virtutis, quam in id potentia causæ, infundat, Bald. in l. i. ff. de legib. facit etiam ad idem cap. Licet ex quadam. de testib. & cap. i. §. Hoc notandum. Qui feuda dare possunt. Ergo conscientia quando iudicatur aliquid esse tantū veniale, quod alias nullum est, aut saltem veniale, non infundit in id grauitatem letalem, quam non habet. Ad cuitandum peccatum, quando aliquis erroneam conscientiam habet, remedium est, vt eam deponat ad consilium & instructionem viri intelligentis & periti. Vera enim scientia excludit falsam sibi contrariam. Erronea ergo conscientia semper obligat, vel ad sui depositionem, vel ad faciendum id quod illa dicit, vt satis constat ex text. huius cap. & annotatis ab Hostiens. & alijs DD. ibidem. S. Thoma in d. art. 5. & Medin. ibidem.

Gersone

Gersones 2. part. in tit. de natura & qualitat. conscient. Nauarr. in d. cap. Si quis autem. num. 120. & alijs alibi.

Tertia Conclusio. Agere contra conscientiam dubiam, est peccatum, ita quod facere id, de quo dubitatur an sit mortale, sit peccatum mortale, & facere id de quo dubium est, an sit veniale. Veniale peccatum sit. Hanc docent Medin. & Gregor. de Valentia in d. art. 5. D. Thomæ. Nauarr. in d. cap. Si quis autem, à num. 81. & alij alibi. Nec de hac re est vlla controuersia apud Theologos, vt rectè ait Gregorius de Valentia. probatur in primis ex dicto Pauli. Quod non est ex fide, id est, contra conscientiam, peccatum est. Sed qui operatur contra conscientiam dubiam, operatur contra conscientiam. Ergo peccat. Deinde Ecclesiast. 3. Qui amat periculum, peribit in illo. Sed qui dubitat, an illud quod operatur, peccatum sit, exponit se periculo peccandi. Ergo. Et hoc præceptum de non faciendo id quod animæ periculū continet iuris naturæ esse, subtiliter deducit Nauarr. qui etiam plura pro probatione conclusionis colligit. Dubia conscientia etiam deponenda est, antequam ad opus procedatur, & animus recto iudicio informandus. latè & doctè Nauarr. de hac materia tractat, quæ ex professo hunc locum non concernit.

Quarta Conclusio. Licitum est agere contra conscientiam scrupulosam, nec peccatū com-

mittitur. Hanc tradunt Medina & Gregor. de Valentia in d. art. 5. Nauarr. loco cit. & communiter DD. Sed obseruandum quando hîc agimus de conscientia scrupulosa, non intelligimus per eam opinionẽ, nec dubitationem anxiam, sed formidinem ex leuibus & irrati-
nabilibus causis ortam & conceptam, qua aliquis trepidat vbi trepidandum non est. Et ita inter reliqua remedia contra scrupulos consulunt DD. vtile & salubre esse scrupulosis fortiter frequenterque contra proprios scrupulos agere, vt ita animæ tranquillitas, quam scrupuli perturbant, acquiratur, & mens rectius securiusq; Deo tam interiori quam exteriori cultu inferuiat. Sic Gerson in tract. de regulis moralibus. D. Antonin. 1. part. tit. 3. cap. 10. §. 30. Syluest. in verb. Scrupulus. quæst. 3. Nauarr. loc. cit. n. 64. & in Enchirid. confessor. cap. 27. num. 283. Causas etiam ex quibus scrupuli oriantur colligit D. Antoninus, & post eum Syluest. & Nauarr. Sed de hac materia Deo volente, & vitam donante latissimè agemus in prima parte comment. super cap. 58. Regulæ D. Benedicti, ybi materiam temptationum ad longum inferemus. (morte præuentus non potest.) Sed nunc ad propositum hoc obseruandum, quod quando Panorm. in hoc c. n. 4. colligit, quod veniens contra conscientiam etiam scrupulosam ædificet ad gehennam, intelligit per scrupulosam dubiam, aut opinionem natam ex probabili-
libus

libus argumentis cum quadam animi anxietate.

Quintum Not. Circa Glossam 2. in fine quæ-
runt communiter hîc DD. An simoniacus sit
ipso facto suspensus, & varij varia congerunt,
sed Felinus pro clariori resolutione sequen-
tes colligit conclusiones.

Prima. Simoniacus in ordine recipiendo est
suspensus, non solum ab illo ordine simonia-
cè recepto, sed etiam ab omnibus alijs ritè sus-
ceptis, & per consequens remotus ab admini-
stratione temporalium suorum beneficiorum.
Innocent. hic. & in c. Tanta. supra eod. Gloss.
Archid. & Domin. in §. verum. 32. dist. Gloss. I.
quæst. I. cap. Reperiuntur. Conclusio secun-
dum DD. fallit in eo, quo ignorante simonia
commissa est, ille enim solum suspensus ab or-
dine simoniacè recepto est supra cap. Sicut
tuis. eod.

Secunda Conclusio. Conferens ordinem per
simoniam suspensus est ipso facto ab omni-
bus ordinibus, text. cum Gloss. I. quæst. I. cap.
Si quis à simoniacis. Gloss. in d. §. Verum. Vn-
de ab eo non debent recipi sacramenta, nisi
baptisma & corpus Christi in articulo necessi-
tatis, secundum Gloss. in d. §. Verum.

Tertia Conclusio. Simoniacus in beneficio
suspensus est ipso iure. fallit si sit occultus. vt
hîc per Innocentium.

Quarta Conclusio. In collatione ordinis facta
à simoniaco imprimitur caracter, sed non
Dd 5 confer-

confertur executio, secundū DD. hic. Quod autē character imprimatur patet. Quia nulla prohibitio legis vel hominis potest impedire characteris impressionem, Gloss. in cap. Prouida. in verb. firmitatis. de elect. lib. 6. Gloss. penult. in cap. Post translationem. de renunciat. latē Imolens. & Abbas in cap. Quanto. de de consuetud. & Anton. in cap. Ad dissoluen- dum. in vlt. q. de desponsat. impuberum. &c. Quod autem non conferatur à simoniaci ordinis executio. probant Gloss. & DD. in hoc cap. Quia talis ordinator non habet executionem supra cap. Tanta. & i. quæst. i. cap. Reperiuntur. Ergo ipse eam conferre non potest, cum nemq. det quod non habet i. quæst. i. cap. i. & ibid. cap. Qui perfectionem. & ead. caus. quæst. 7. cap. Daibertum. Has conclusiones ponit Felin. nos de hac materia scripsimus in Rubr. notab. 15. vbi de pœnis simoniacorum tractauimus.

CAPVT XXXVI.

Pro chrismate, vel inuestitura Ecclesiarum nil exigi debet: nec excusat consuetudo, vel nominis variatio.

Idem Cantuariensi Archiepisc.

IN tantum peccatis exigentibus corda quorundam simoniaca prauitas deprauauit: (& infra.) Sanè peruenit ad audientiam nostram,

nostram, quod cum olim quidam suffraganei tui pro chrismate certam consueuerant accipere pecuniæ quantitatem : non metuentes pœnam canonicam , & correctionem tuam eludere cupientes , tempus faciendæ solutionis anticipant : recipientes in media quadragesimæ , quod recipere consueuere post Pascha : & vt causam recipiendi dissimulent : nomen denariorum variant : denarios quos prius chrismales : secundò paschales dicebant : consuetudinem mediæ quadragesimæ nuncupantes ; & infra. Cum verò expressius exprimat venditionis speciem : qui prius recipit pretium , quam rem conferat pretiosam : & gratis sit gratia conferenda : mandamus quatenus taliter excessus corrigas , supradictos suffraganeos tuos & officiales eorum à tam illicita exactione compescens , quod aliorum culpa tibi ob tuam negligentiam non imputetur ad pœnam. Pravam etiam illam consuetudinem de tua Prouincia studeas abolere , per quam pro Ecclesiarum inuestitura Archidiaconi marcham argenti : minores verò Decani vaccam albam sibi dari postulant , vel certam solui pecuniæ quantitatem.

Casus secundum Gloss. & Panormit. Quidam suffraganei Cantuarien. Archiepiscopi, recipere consueuerunt certam quantitatem pecuniæ pro chrismate. Isti timentes pœnam canonicam, & correctionē eludere cupientes,
tempus

tempus futuræ solutionis anticipabant, recipientes in media quadragesima, quod recipere consueuerunt in paschate, & nomen denariorum variabant. Denarios quos primo dicebant chrismales: secundo appellabant paschales, consuetudinem mediæ quadragesimæ nuncupantes: peruenit hoc ad notitiam domini Papæ, qui respondit, quod cum gratia sit gratis conferenda: & qui primò recipit pretium quam rem conferat pretiosam, expressius speciem exprimat venditionis. Mandat Papa Archiepiscopo quatenus huiusmodi excessus corrigit, & suffraganeos suos & eorum officiales taliter puniat, quod aliorum culpa sibi non imputetur ad pœnam. In fine addit, vt illam prauam consuetudinem de sua Prouincia studeat extirpare, secundum quam pro inuestitura Ecclesiarum Archidiaconi marcham argenti exigebant: alij verò prælati vaccam albam, vel certam pecuniæ quantitatem pro vacca.

Notabile primum. Ex principio text. cum Panormit. Anton. & quibusdam alijs, quod ex vno peccato aliud generatur, & vnum est causa alterius, iuxta illud Gregor. Peccatum quod per pœnitentiam non deletur, mox suo pondere ad aliud trahit. Sic etiam vnum peccatum est pœna alterius, vt Theologi docent, D. Thom. 1. 2. quæst. 87. art. 2. & eius commentatores ibidem. Magist. cum alijs in 2. d. 36. facit & illud Roman. 1. Quia non probauerunt Deum

Deum habere in notitia, tradidit illos Deus in reprobum sensum, vt faciant ea quæ non conueniunt, & in desideria cordis eorum. Esaia 6. Excæca cor populi huius & aures eius aggraua. D. Gregor. hom. 11. in Ezechiel. Iustus & omnipotens Deus cum præcedentibus peccatis irascitur, permittit vt cæca mens etiam in alijs labatur. D. August. in lib. 83. qq. q. 79. & clarus ad id est text. in princ. cum ait: In tantum peccatis exigentibus corda quorundam simoniaca prauitas deprauauit. Magister & scholastici in d. dist. 36. multa colligunt ad hoc propositum.

Secundum. Contra vsurarios & simoniacos mente tenendum, quod mutatio nominis substantiam contractus non mutet. Ait enim Iurisconsultus rerum vocabula esse immutabilia, l. Si quis fundi vocabulo. ff. de legat. 1. at tamen malitia hominum non rarò contingit, vt vitia mentitis nominibus velentur, & peccata virtutum coloribus tegantur: Quod Evangelicæ doctrinæ congruum etiam est: quæ testatur homines quosdam ambulare in vestibus ouium, intrinsecus autem esse lupos rapaces. De usura exemplum esse potest: eam quidam ad tegendum nominant lucrum cessans, alij damnum emergens aut munera, quidam pœnam tardæ solutionis, aut pensionem. arg. l. lecta est. ff. de rebus credit. si certum petatur, sed vera firmaque stat sententia Ambrosij relata in cap. Plerique. 14. quæst. 3. quodcunque

cunque accedit forti; quod velis nomen ei imponas, vsura est. De simonia in hoc text. euidentis est.

Tertium. Ex hoc etiam text. colligitur cum Panormitano, quod ad considerandum speciem contractus, non solum sunt attendenda verba, sed etiam natura, contractus, pacta, & res ipsa. Quod idem Panormitan. Ioan. Imolenf. Ancharan. & alij obseruant in cap. Illos. de pignorib. & ex Theologis Conrad. de contractibus. quæst. 33. Gabriel in 4. d. 15. quæst. 12. art. 3. & Ioan. Maior. in eadem d. quæst. 26. & nos latius in Rubr. de vsur. notab. 10.

Quartum. Fortius declaratur ostenditurque venditio, quando pretium rei præcedit eius traditionem, quam quando sequitur, vt communiter hîc DD. notant, rationemque reddunt, quia traditio rei potest adaptari ad multos contractus, sed interuentio pretij ad solam emptionem adaptatur. Instit. de empt. & vendit. in principio.

Quintum. Pro inuestitura etiam facti, & possessione habenda, non potest aliquid exigi sine simonia, nec excusat consuetudo, sed potius accusat. supra eod. tit. cap. Non satis. & cap. Cum in Ecclesiâ.



CAPVT XXXVII.

Ordinatus in subdiaconum, qui prius presentatori suo promisit quod nihil ab eo peteret: in suscepto ministrare, vel ad superiores ordines ascendere sine dispensatione non potest: etiamsi peccare non crediderit.

Idem.

PER tuas nobis literas intimaſſi: quod cum D. lator præſentium vellet in ſubdiaconum ordinari: & certum titulum non haberet: quendam præſbyterum exorauit, vt ipſum ad Eccleſiæ ſuæ titulum præſentaret: quod cum ille facere recuſaret: ipſe illi firmiter re-promiſit, quod nunquam ſi præſentaret eundem in Eccleſia ſua aliquam peteret portionem: & ſic ad præſentationem eius extitit ordinatus: nec ſe in hoc egiſſe aliquod illicitum intellexit: & infra. Nos inquisitioni tuæ taliter reſpondemus, quod niſi cum eo fuerit miſericorditer diſpenſatum: nec ad ſuperiores ascendere: nec in ſuſcepto debet ordine miniſtrare.

Cafus. Quidam clericus cum vellet in ſubdiaconum ordinari, & certum titulum non haberet: rogauit quendam præſbyterum, vt ipſum ad titulum ſuæ Eccleſiæ præſentaret.

Sed

Sed cum presbyter hoc facere nollet, promissit eidem quod nunquā portionem aliquam peteret in sua Ecclesia, si præsenteret ipsum, & sic ad eius præsensationem fuit ordinatus: quærebatur quid iuris esset de ipso clerico. Respondet Pontifex quod nisi cum eo misericorditer fuerit dispensatum, nec in eodem ordine debet ministrare: nec ad superiores ordines poterit promoueri.

Notabile primum. Ad ordinem subdiaconatus non debet aliquis promoueri sine titulo. Nec tamen titulus solus sufficit, sed requiritur, vt is tantos fructus annexos habeat, qui sufficiant ad congruam necessariamque clerici sustentationem.

Secundum. Per hoc quod aliquis cum titulo clericum præsenterat ad sacros ordines, tenetur eidem ad sustentationem. Vnde quando inter eos conuentio intercedit, quod habito titulo non petet aliquid pro sustentatione, simoniæ labes incurritur, quia est pactum de remittendo temporali ad consequendum temporale.

Tertium. Circa illa verba: nec se in hoc aliquid illicitum egisse intellexit: notant communiter Doctores, quod ignorantia iuris non excusat à delicto, cum peritiores potuerit consulere. 37. d. cap. fin. Non omnis qui ignorat, immunis est à pœna. Ille enim ignorans potest excusari à pœna: qui quod disceret non inuenit. Illis autem hoc ignosci non poterit, qui ha-

qui habentes à quo discerent : operam non dederunt. & l. regula. §. Sed iuris. ff. de iur. & fact. ignorant. leuius tamen peccat sic ignorans, quam si ex proposito, aut scientia peccaret, de pœnit. dist. 2. cap. Sciendum. atque etiam sic, cum pœna reguletur secundum culpam mitius punitur.

Quartum. Cum Antonio de Butrio in notab. 5. aduertendum, quod simonia commissæ circa aliquod annexum ordini, in ipsa ordinis promotione non solum operatur quoad conexum, sed etiam quantum ad vitium ordinis quoad executionem eiusdem: cum hic nec in ordine sic recepto possit ministrare.

Quintum. Cum sic promotus non potest nisi per Pontificem dispensari, ut post Innocentium Hostiensis, Anton. Ioannes ab Anania, qui dicit Innocent. DD. communiter sequi, & alij sentiunt, quicquid in contrarium dicat Panormit.

Sextum. Circa Gloss. fin. super verb. ministrare, obijciunt Hostiens. Cardin. Abbas & alij contra Gloss. & text. Quod in hoc casu nulla sit simonia: cum nec interueniat munus ab obsequio, quandoquidem nullum obsequium præstitum extitit, nec munus à lingua, id est, fauor humanus, seu sordidæ preces, imò humiles adhibuit, nec munus à manu interuenit, quia nihil temporale tradidit. Respondent quod licet de præsentis non esset aliqua obligatio, tamen post ordinationem obliga-

Ec

tur

tur præsentator ad dandum isti portionem pro sustentatione, quæ portio est quid temporale: remisit ergo ex pacto istam obligationem, vt consequeretur ius spirituale, & remittere in istis idem est quod dare. cap. Veniens 1. de testib. lib. 6.

QVÆSTIO VNICA.

An clericus diues habens patrimonium sufficiens ad congruam vitæ sustentationem licitè possit recipere beneficium Ecclesiasticum, & percipere fructus ratione Ecclesiastici tituli, ac de eis viuere reseruato patrimonio?

Hanc quæstionem mouent hoc loco Felinus & Ioannes ab Anania. Panormit. in disputatione sua quarta, incipien. Titius clericus. In quarto & vltimo dubio. Cardin. Alexandr. & Turrecrem. cum alijs in cap. Clericos. 1. quæst. 2. Gabriel super canonem missæ. lect. 28. Cardin. Antonius. Ioan. Imolenf. Abbas & alij communiter in cap. Episcopus. de præbend. & dignit. & itidem Canonistæ in cap. Postulasti. de rescriptis. Andreas Barbatia de præstantia Cardinalium. 6. q. basilica primæ part. in 6. vol. oceani iuris. & alij alibi.

Difficultatem in hac q. pariunt canones,
qui

qui omnino videntur confirmare, quod clericus habens sufficiens patrimonium ad viuendum non possit viuere ex beneficio & Ecclesiasticis bonis saluo patrimonio. Atque in primis est auctoritas Hieronymi ad Damasum Papā, relata in d. cap. Clericos. vbi sic legitur: Clericos autem illos conuenit Ecclesiæ stipendijs sustentari, quibus parentum & propinquorum nulla suffragantur bona. Qui autem bonis parentum & opibus suis sustentari possunt: si quod est pauperum accipiunt, sacrilegium profecto committunt: & per abusione talium, iudicium sibi manducant & bibunt. & ibid. c. Pastor. ex Prospero de contemplatiua vita, c. 10. Pastor Ecclesiæ his quibus sua sufficiunt, nō debet aliquid erogare: quandoquidē nihil aliud sit habentibus dare quā perdere: nec illi qui sua possidētes dari sibi aliquid volunt, sine grandi peccato suo, vnde pauper victurus erat accipiunt. & 12. q. 1. c. Illi autem. ex eodem Prospero. Illi autem qui tam infirmi sunt vt possessionibus suis renunciare non possunt: si ea quæ accepturi erant dispensatori relinquunt, nil habentibus conferenda: sine peccato possident sua: quia & ipsi quodammodo sua relinquunt, quando proprijs contenti rebus nihil eorum quæ labori vel ordini suo deberi arbitrantur accipiunt. Similia his habentur in 1. q. 2. cap. Si quis. & cap. Sacerdos, & sæpius ibi & alibi: Secundo eidem proposito inferuire videntur canones decer-

Ee 2 nentes;

nentes, quod Episcopus non cogatur prouidere clericis habentibus proprium patrimonium, vnde vitæ necessaria percipere possunt cap. Tuis. cap. Episcopus. de præbendis. & cap. Postulasti. de rescript. Ergo clericus quando habet sufficiens patrimonium eo debet esse contentus, nec ab Ecclesia stipendium exigere. Tertiò, deputata ad certum vsum pium largitione fidelium, sine auctoritate Sedis Apostolicæ non sunt in alium vsum conuertenda, Clement. Qui contingit. de religios. domib. & argum. l. legatum. ff. de vusufr. legat. Sed bona Ecclesiæ sunt deputata ad vsum pauperum & egentium, cap. Videntes. 12. quæst. 1. & cap. Quoniam quicquid habet Ecclesia pauperum est. 16. quæst. 1. & alibi. Sed habentes sufficiens ad viuendum patrimonium, non indigent, nec pauperes sunt. His accedit Prosperi auctoritas in d. cap. Sacerdos. 1. quæst. 2. qui sentit quod illud Apostoli 1. Corinth. cap. 9. Qui in sacrario operantur: quæ de sacrario sunt edant: & qui altario deseruiunt, de altario participant, intelligatur de talibus pauperibus qui nihil habent, aut possident. Plura argumenta accumulatur pro hac parte Andr. Barbat. loc. cit. Turrecrem. in d. cap. Clericos. & Panormit. in d. disput. 4. cap. Grauis & satispericulosa, vt ex canonibus colligitur hæc controuersia videtur: cum in vtramque partem sint grauius argumenta, nec etiam per omnia DD. conueniant, & res tangat animarum per-

rum periculum. Decius & Andreas Barbat. in cap. Postulasti. de rescriptis, hic. num. 41. & ille num. 8. Hi tamen DD. alibi videntur communi opinioni, de qua postea, consentire. Decius in cap. Episcopus. de præbend. & Barbat. de præstantia Cardinalium d. quæst. 6. Adrianus in 4. de restitut. fol. 59. in impressione Parisiensi Badij de anno Domini 1516. §. Quia supra determinatū, vbi ex professo quærit & tractat. An is qui patrimonio, seu secularibus bonis abundat, licitè possit vel vnum beneficium, aut præbendam suscipere, respondet resolutiue, quod habenti sufficiens patrimonium, si fructus vel prouentus patrimonij seruat operi pio: licet de bonis Ecclesiæ viuere: alias non: sed quicquid prouentuum Ecclesiæ suscipitur, tenetur quasi pauperum & Ecclesiæ procurator in eorum vtilitatem conuvertere, aut seruare. Adrian. suam sententiam sic probat: Non licet homini prætextu paupertatis plus deposcere in eleemosynis, quam ad victum tenuem & mediocrem sibi fuerit necessarium: Quando enim plus expetit hypocrisis & simulatione paupertatis eleemosynarios circumuenit & decipit: ac tenetur sic accepta restituere. Et hæc est ratio, vbi pauperes Christi hæredes instituuntur: quare nec executoribus: nec Episcopo, vel etiam Papæ sine magna & euidenti causa; licet ex illis aliquos prius pauperes ditare alijs pauperibus præteritis. Potest tamen is cuius necessitates

sufficienter releuatæ sunt, alterius nomine eleemosynam petere: etsi prius accepta alterius vsui deputauerit pro se petere & seruare. Ergo nō licet sufficienter ditato temporalibus, viuere de bonis Ecclesiæ: nisi prouentus patrimonij pio vsui, puta necessitatibus propinquorum, pauperum, aut Ecclesiarum destinauerit, consequentia tenet: quia par ratio videtur hinc inde, cum de bonis Ecclesiæ solum liceat necessitates, alimenta, & quibus tegamur accipere, sicuti pauperi de eleemosynis, quantum est necessarium suis necessitatibus & penuriæ releuandæ, & ad confirmandum alia adducit. Item decimæ tributa sunt animarum egentium: & quanti pauperes in loco quem inhabitat, fame moriuntur, decimas non soluens: tantorum homicidiorum reus ante æterni iudicis tribunal apparebit: quia rem à Deo pauperibus delegatam suis vsibus reseruauit 16. q. 1. c. Decimæ. Ergo non licet Ecclesiastico præter victus necessitatem ex decimis sumere. Et cum eadem ratio sit in omnibus Ecclesiæ bonis, necesse est vti diues ex patrimonio illius prouentus, saltem animi destinatione piè erogat: aut Ecclesiasticorum bonorum emolumenta à suis vsibus in pauperum vel Ecclesiæ necessitates conuertat. Sic Adrian. In contrarium est consuetudo generalis in Ecclesia tam diuites quam pauperes clerici accipiunt beneficia & stipendia Ecclesiastica, reseruato patrimonio pro hæredibus, & consanguineis, aut
disposi-

dispositione propria, & interim viuunt de bonis Ecclesiæ, nec est qui eos propterea condemnet. Nunc ante resolutionem pro meliori titulo quæstionis obseruandum, clericum posse habere tria bonorum genera: patrimonialia, quæ hæreditaria successione ad eum peruenerunt, aut propria industria, aut labore exercendo aliquod honestum officium in curia acquisiuit: aut donatione, testamenti dispositione, alioque contractu iusto ad eum deducta sunt. argum. cap. Episcopus. 12. q. 1. & cap. Quia nos. de testament. cap. Cum dilectus. de iure patronat. & cap. Manifesta. & cap. Sint manifestè 12. quæst. 1. Alia sunt Ecclesiastica, quæ percipiunt ex suis beneficijs Ecclesiasticis, vt sunt annui redditus & decimæ. Alia vocantur quasi patrimonialia, qualia sunt ea, quæ lucrantur agendo capellanos, vicarios temporarios, aut prædicatores, aut exercendo alios spirituales & actus Ecclesiasticos. Host. Innocent. & alij quidam in d. c. Quia nos. Abbas in cap. Cum in officijs. de testam. Nauarr. in tractatu de redditib. beneficiorum, num. 5. & alij alibi. Secundo loco notandum, quod vt Nauarr. docet in apologia libri de redditib. benefic. quæst. 1. monitione 22. bona patrimonialia clericorum, æquè libera esse illis, ac sua laicis, & sic de illis ita disponere possunt in morte & vita, prout laici de suis. cap. Episcopi. 12. quæst. 1. & cap. Fixum. eadem quæst. 5. & dicto cap. Quia nos. Tercio notandum, etsi

Innocentio in d. cap. Quia nos. & cap. Quoniam. Ne prælati vices suas videatur. quod clerici non possint testari de bonis quasi patrimonialibus, & sic quod sortiantur ordinem Ecclesiasticorum, & exequentur redditibus Ecclesiasticis, tamen aliter dicendum cum communi sententia, quod quasi patrimonialia æquentur patrimonialibus, & tam libera penes clericos sit disponendi in morte & vita potestas, sicuti in patrimonialibus, ex mente Cyni in Auctent. licentiam. C. de Episcop. & cleric. Panormit. in cap. Cum esses. num. 26. & cap. Cum in officijs. num. 8. de testam. Hostiens. Anthonij à Butrio. Ancharan. Imolen. in cap. Quia nos. eod. titu. Cardin. Alexand. & Turrecrem. in cap. Nulli dubium. 12. quæst. 5. Boërij in decis. 20. Nicol. de Vbaldis in tract. successionum ab intestato. §. finita tandem successione regularium. num. 22. Nauarri in d. monit. 22. num. 3. & de redditib. benefic. q. 1. dicto 19. Couar. in cap. 1. num. 13. de testamen. & aliorum alibi quorum sententia communis sine dubio est. Ratio, quia huiusmodi bona quærentur eis vt merces & recompensatio laborum, & non de bonis beneficiorum suorum, quæ conferuntur cum onere expresso, vel tacito distribuendi superflua pauperibus, & non conseruandi pro amicis & consanguineis, alijsque vsibus secularibus.

Quarto, Ecclesiasticis & beneficiorum bonis annumerantur, quæ beneficiarius ex redditibus

tibus beneficiorum comparauit, siue sint mobilia siue immobilia, probant cap. Inquirendum. de peculio cleric. & DD. ibid. cap. I. de testament. Panormitan. Anton. ibid. & in idem cap. latè Couarr. num. 7. text. etiam in aucten. Licentiam. C. de Episc. & cleric. Bald. in l. Si quis presbyter. C. cod. tit. clarius autem omnibus probant extrauagantes Pontificum. Iulij III. de anno & dato Romæ 1549. Pauli I V. de anno 1556. Pij I V. de anno 1560. & Pij V. de anno 1567. 3. Calend. Septemb. Pontificatus sui anno primo. In his omnibus extrauagant. quas etiam pro parte Nauarr. in comment. de spolijs cleric. super cap. Non liceat Papæ. 12. quæst. 2. inserit, decernitur omnia mobilia & immobilia quæ sita à beneficiarijs de redditibus suorum beneficiorum dici & esse spolia Ecclesiasticorum spectantia ad sedem Apostolicam, & sic ad nostrum propositum allegat Nauarr. in apologia. lib. de redditib. benefic. quæst. I. monit. 37. Facit etiam regula illa iuris: Subrogatū sapit naturam eius cui subrogatur. l. Si cum. §. Qui iniuriarum. ff. Si quis caution. Gloss. ibid. in verb. Danda. l. Duobus. §. I. ff. de iureiur. l. Quod debitori. ff. de donation. causa mortis. & in cap. Ecclesia I. vt lite pendent. nihil innouet. & alia similia iura, quæ ostendunt frequenter rem succedere loco pretij. Hinc elicitur prælatum, aut alium clericum non ampliorem potestatem quantum ad dispositionem, donationem, aut translationem in

alium habere in bona empta ex redditibus beneficiorum Ecclesiæ, quam in Ecclesiastica, & beneficijs suis annexa. Quando autem dubium est, an aliqua bona sint acquisita ex bonis patrimonij, aut quasi, an ex bonis Ecclesiæ, quomodo præsumptio sit facienda post plures allegatos, tractant Couarr. in d. cap. 1. de testament. & Menochius de arbitrarijs iudic. quæstion. lib. 2. casu 195. incipien. Contingit non semel clericos. Quando autem constat Prælatum, aut clericum aliqua emisse ex patrimonialibus, aut quasi, tunc vt propria spectant ad clericum, & liberam eiusdem dispositionem, & ab intestato succedunt eius hæredes. Quod nequaquam verum est, quando manifestum est, empta & comparata esse ex bonis beneficiorum & Ecclesiasticis, vt pote clericus iuuenis & pauper assumpsit statum Ecclesiasticum, beneficia corrasit, nec aliud officium exercuit, nec propria industria acquisiuit, factus diues ex bonis Ecclesiæ, agros, vineas, villasque emit, hæc omnia bona sic empta Ecclesiastica sine dubio sunt, nec aliter de eis beneficiarius, quam de Ecclesiasticis potest disponere. Sicut enim empta ex patrimonialibus, fiunt patrimonialia, & propria clerico. Ita comparata ex redditibus Ecclesiasticis, fiunt Ecclesiastica. Nunc pro resolutione sit

Prima Conclusio. Clericus habens bona patrimonialia sufficientia, ad ritè decenterque

terque viuendum in statu Ecclesiastico, rem laude dignam, conscientia securitati commodam, & multum meritoriam præstat, si contentus uiuat ex patrimonialibus, relinquendo beneficia alijs pauperibus clericis. Hæc conclusio etsi expressè à nemine ponatur, tamen necessariò ab omnibus amplectenda est, & nunc latius demonstratur. Primò, hæc conclusio dictis sanctorum & sacris canonibus per omnia conformis est. Atque in primis faciunt canones Hieronymi & Prosperi allegati in principio. Deinde quando dicunt bona Ecclesiæ deputata esse ad vsum pauperum & egentium, cap. Videntes. 12. quæst. 1. & 16. quæst. 1. cap. Decimæ tributa sunt egentium animarum, ex Augustino. Sic etiam bona Ecclesiæ & clericorum sunt, & dicuntur pauperum in ead. caus. & q. cap. Quoniam quicquid habent clerici pauperum est ex D. Hieronymo ad Damasum, & infra ibid. in fine. Qui autem, ait, bonis parentum & opibus sustentari possunt: si quod pauperum est, accipiunt, sacrilegium profectò incurrunt & committunt. 12. quæst. 1. cap. fin. & 23. quæst. 7. cap. Quod autem. ex Augustino: ibi. Si autem priuatim quæ nobis sufficiant, possidemus: non sunt illa nostra, sed pauperum, quorum procuracionem quodammodo gerimus, non proprietatem nobis usurpatione damnabili vendicamus. Qui autem de suo habet vnde honestè sustentetur, non indiget,

nec

nec pauper est. His accedit, quod Gloss. in d. c. Clericos. & alij ibidem & alibi sentiunt quæ in illo cap. ex Hieronymo adferuntur consilij esse, & non præcepti. Si consilij est viuere de proprijs, quando habemus, & non accipere ab Ecclesia. Ergo bonum & laude dignum est viuere ex patrimonio, quando quidem consilium est de meliori bono: & sancti patres sine dubio illud tanquam excellentius bonum ab Ecclesiasticis viris fieri desiderarunt. Quis enim dubitat, esse honorificum, & meritorium Deo seruire, eumque honorare propria substantia, & non pauperum patrimonio. Gratius acceptiusque Regi est, si quis ei militet proprio stipendio, quam si communem legem sequatur, expetendo à Rege militiæ mercedem, ideoque maiori laude & honore etiam meritò afficitur. Quod enim quis suis sumptibus alicui Regi, aut duci inseruiat, rarum est argum. illius Apostoli 1. Cor. 9. Quis militat suis stipendijs vnquam? ac si diceret hoc rarissimum esse: & tamen postea ostendit se potestatem habere metendi carnalia, quippe qui seminet spiritualia, non tamen se vsum hac potestate. Et ibidem. Si nos vobis spiritualia seminauimus: magnum est si nos carnalia vestra metamus? Magnum ergo à contrario, Ecclesiæ fideliter inseruire, & ab ea temporalia non percipere, sed proprijs sumptibus viuere, & suis stipendijs militare: Quod certè contingit, quando quis clericali militiæ se ascribi

ascribi curat, & proprio patrimonio viuit, & Deo Ecclesiæque fidelissimum exhibet obsequiū, relictis bonis & beneficijs Ecclesijs pro eis, qui ad viuendum indigent. Quod etiā securius sit, proprijs opibus clericū agere, in primis ostendit illud Prosperi in c. Si quis. 1. q. 2. Si quis propter hoc sua relinquere non vult, vt habeat vnde viuat, vt quid accipit vnde rationem reddat? vt quid de peccatis alienis sua multiplicat. His accedit quod maximum periculum est incidendi in peccatum mortale, quando aliquis amplos Ecclesiasticos colligit redditus, magna enim opus est vigilantia & cura, ne aut expendantur in vanos & profanos vsus, aut indebitè prodigantur, aut in fine vitæ relinquantur eis, quibus non debet cum interitu proprio & alieno. Si enim redditus Ecclesiastici superfluè in seculares vsus expendantur ex communi DD. sententia peccatum mortale committitur, vt multis allegationibus Nauarr. in tract. de redditib. beneficiorum ostendit, & nos eo breuius probamus & dilatamus ex proposito, adducendo multas auctoritates in Enchiridio Theologiæ pastoralis. 4. part. cap. 13. conclus. 9. 10. 11. & 12. Quibus addimus, quod etiam periculosa quæstio est, an sic profanè & superfluè expendentes etiam teneantur ad restitutionem eius quod tam malè impenderunt, vt loco cit. conclus. 10. & 11. ad satietatem multorum magnorumque DD. testimonijs conuincimus. Ab his periculis

culis anxietatibusque se liberant, qui ex proprio patrimonio viuunt, possunt dare; & expendere pro suo arbitrio, & si etiam prodigè in notabili quantitate exponant, non plus quam venialiter peccant, vt Nauarr. ex mente S. Thom. tradit in d. apologia. quæst. 2. monit. 19. num. 2. nec ad vllam tenentur restitutionem. Ex quibus omnibus apparet quod multo facilius securiusque sit diuitiarum secularium rectam rationem reddere, quam Ecclesiasticarum, vt idem Nauarrus dicit in dicta Apologia, monit. 76. num. 1. Infertur itidem cum eodem auctore ex dictis rectè decipi vulgus dum iudicat grande bonum esse alicui amplos redditus Ecclesiasticos habere. Melius enim est tantum possidere ex Ecclesiasticis, quantum sufficiat ad moderatum, modestumque victum & vestitum, & sic contentum viuere cum maiori conscientiae securitate. Si enim diues in seculo, cum tanta difficultate saluatur, teste eo qui mentiri non potest, Matth. 19. & Marc. 10. vt facilius sit camelum pertransire foramen acus, quam diuitem intrare regnum cœlorum: Quid censendum erit de clerico, qui in sortem Domini vocatus, & cuius status maiorem perfectionem, & rerum humanarum contemptum exigat, si beneficia beneficijs, & diuitias diuitijs accumulet. Tunc non tam Deo, quàm mammonæ seruiet, nec portionem cum Deo in cœlis, sed cum mammo-

mammona in inferno habebit. Stultus enim clericus sæpe multa congregat, & nescit cui relinquat. Accidit non rarò quibusdam, quod Ludolphus Carthusianus in vita Christi, parte prima, capite 68. narrat, sub mortem quendam conquestum esse: Medici abstulerunt mihi corpus, & animam amici: Quam profecto auferunt quando importunè instant, ut bona pauperum, & patrimonium Christi Ecclesiæ, & egenis eius membris debitum, carni & sanguini citra necessitatem, aut in vita doneamus, aut in morte relinquamus. Si tamen consanguinei indigeant, pauperesque sint, tanquam alijs pauperibus aliquid dari potest, modo absit scandalum, & non ditentur bonis Ecclesiæ, sed tantum eorum paupertas subleuetur. Sic ergo constat nunc quod sanum salutiferumque consilium sit, pro clericis, ut quando à Deo donati sunt paternis, maternisque bonis ad honestam sustentationem, aut aliunde ex proprio labore ac industria habent unde decenter pro sua vocatione viuant, pauperibus relinquunt bona Ecclesiæ, & inserviunt Deo eiusque Ecclesiæ proprio stipendio. Scribit Andr. Barbat. in dicto cap. Postulasti. numero 27. ex Ioanne de Lignano in cap. Episcopus. vel aliàs cap. Tuis. de præbendis, quod cum ipse Ioannes fuisset requisitus ab Urbano Quinto, ut eum promo-

promoueret ad Cardinalatum , recusauit & Pontifici responsum dederit, quod nollet bibere sanguinem martyrum , sed sudorem manuum suarum , & quia talia exempla rara, ideoque præclara, libet ad ædificationem nostri temporis vnum & alterum proponere. Atque in primis se offert Reuerendus , nec non pietate eruditioneque insignis Iodocus Lorichius sacræ Theologiæ Doctor, & ordinarius Professor in Vniuersitate Friburgensi, qui cum ob merita vitæ, conuersationis, ac doctrinæ dignissimus sit, ad beneficia & dignitates Ecclesiasticas, nullum tamen beneficium, quamuis sine dubio multa oblata sint, accipere voluit, sed semper viuere & Deo sacrificare tam interiori quam exteriori sacrificio maluit, proprio labore & stipendio cathedratico contentus, quã ex patrimonio Christi & pauperum gazophilatio aliquid sumere. Huic accedit etiam Reuerendus ac generoso nobiliq; sanguine prognatus Dominus Ioannes à Brandenburg, qui cum antea miles, ac ad militiæ præfecturam ob strenuam in bello operam, nec non animi corporisq; fortitudinem euectus fuisset, relicto cingulo militiæ secularis Christo militare proposuit, militiæ clericali inscribi desiderauit , & sic Romam perrexit ad obtinendam à summa sede dispensationem in irregularitatibus: quæ in militia etiam iustissima ab optimæ conscientiæ militibus frequenter solent incurri. Obtentâ
dispen-

dispensatione omnes etiam sacros ordines pia intentione suscepit, in quibus nunc magna cum laude, & ingenti animi contentione Deo inseruit, altari administrat, ac etiam iuge sacrificium pro fidelibus viuis ac defunctis Luzemburgi in proprijs ædibus, de proprio patrimonio viuens, ac pauperibus liberaliter etiam suis manibus de eodem distribuens offert, ac Ecclesiam de propria substantia honorat in exemplum multorum: quod utinam multi nobiles, & diuitijs abundantes imitarentur.

Secunda Conclusio. Qui diuites sunt, atque ex patrimonio sufficientem vitæ & status sustentationem habent, si causa cupiditatis scilicet augendi diuitias, & ditandi sanguine iunctos: aut etiam voluptatis ergò ut otiosè, & luxuriosè vitam sine cura transigant, beneficia & Ecclesiastica stipendia accipiant, mortaliter peccant. Hanc tradunt communiter DD. Card. Alex. & Turrecr. in d.c. Clericos. Host. in c. Postulasti. de rescript. & post eum Cardin. Abbas, Antonius, Ancharan. Felin. & alij ibidem communiter. & maiori ex parte etiam in d. cap. Episcopus. de præbend. Angel. in verb. Clericus 3. §. 2. Syluest. in eod. verb. 4. quæst. 16. Alexand. Alen. in 3. part. quæst. 51. memb. 6. art. 3. & alij alibi. Ratio sumitur ex intentione deprauata. Appetunt & acquirunt tales beneficia & stipendia Ecclesiastica propter fines illicitos. Mortaliter enim agunt qui bona Ecclesiæ patrimonium Christi, & pauperum ali-

Ff

moniam

moniam parentibus donant, nisi tanquam alij
pauperes indigeant, aut otiosè, luxurioseque
prodigunt. Ministris Ecclesiæ, tantū debetur
de bonis & beneficijs Ecclesiæ, quantū neces-
sarium ad honestā eorum sustentationē, quod
reliquum est, pauperū necessitatibus debetur.
Hinc Hieron. c.1. §.ordinandus. 42. d. Aliena
capere cōuincitur, qui vltra necessaria sibi re-
tinere probatur. & idem 44. d. in princ. Tibi, ô
sacerdos, viuere de altari permittitur, non lu-
xuriari. D. Augustin. serm. 37. ad fratres in ere-
mo. Memento quod pauperē vitam sacerdos
gerere debet, & ideò si superbam habet, si ma-
gno gaudet beneficio, præter victū & vestitū,
quod superest, pauperibus dare non differat,
quia omnia pauperū sunt. D. Bern. in ep. 2. ad
Fulconem canonicum. Deniq; quicquid præ-
ter necessariū victum ac simplicem vestitum
de altari retines, tuū non est, rapina est, sacrile-
gium est. Pulchra ad propositum est responsio
Alens. in d. art. 3. dicendū est, inquit, quod cle-
ricus habens sufficiens stipendiū, vel redditum,
vnde possit aliter quam de decimis sustentari
sufficienter, & secundum statū personæ, potest
recipere decimas, vt procurator in necessitates
pauperū, vel vtilitates Ecclesiæ expendendas.
Non autem potest recipere in vsus proprios
conuertendas, vel in malos vsus distrahendās:
imò si in proprios conuertant, committūt sa-
crilegium: si in malos vsus expendunt, incur-
runt iudicium. De illis enim intelligitur quod
dicit

dicit Augustin. ad Bonifacium. Si priuatim quæ nobis sufficiant possidemus: non illa nostra sunt, sed pauperum quorum procuratorem quodammodo gerimus, non proprietatem nobis vsurpatione damnabilē vendicamus. Hæc ex Alexand. Quod etiam non liceat sanguine iunctos diuites reddere ex bonis Ecclesiasticis, aut in ipsos eadem bona transferre satis indicat canon 37. Apostolorum, qui sic habet: Omnium rerum Ecclesiasticarū curam Episcopus gerito, & eas dispensato, quasi inspectante Deo. Non licitum autē ei esto quippiam ex eis sibi tanquam proprium assumere, aut cognatis suis elargiri, quæ Deo dedicata sunt. Quod si pauperes illi sint, vt pauperibus subministrato, non tamen horum prætextu res Ecclesiæ venundato. Eius canonis etiam fit mentio in cap. Quisquis. 12. quæst. 2. Ex Eusebio Cæsariensi, & Concilium Tridentinum sess. 25. cap. 1. de reformatione: Omnino, ait, verò eis interdicit, ne ex redditibus Ecclesiæ consanguineos, familiaresque suos augere studeant: cum & Apostolorum canones prohibeant, ne res Ecclesiasticas, quæ Dei sunt, consanguineis donent, sed si pauperes sint, ijs vt pauperibus distribuunt: Eas autem non distrahant, nec dissipent illorum causa, &c. Deinde subiungit: ea quæ de Episcopis dicta intelligi de quibuscunque beneficia Ecclesiastica tam secularia quam regularia obtinentibus pro gradus sui conditione. Et D. Ambros.

lib.1. Officior. cap. 3. aptè loquitur his verbis. Neque enim propterea te Deo dicasti, vt illos diuites facias, sed vt tibi vitam perpetuam fructum boni operis acquiras, & pretio miserationis, peccata tua redimas. Putant se parum poscere: primum quærunt tuum, contra accusant, quod eos diuites non feceris: cum te velint illi parentes æternæ vitæ fraudare mercede. Ex his similibusque quæ adferri possent satis colligitur, eos Ecclesiasticos non in securo statu versari, qui beneficia & redditus ex eis in abundantia colligunt & coaceruant ad exaltandum suos consanguineos, cognatos, & nepotes super solidum gradum, aut eisdem in morte relinquunt ingentem diuitiarum thesaurum, quem ex redditibus beneficiorum patrimonio Christi, martyrum sanguine, & pauperum pane conflare. Si securè de vita exeant, ipsi viderint. Longè aliæ sunt viæ Dei, à filiis hominum. Qui enim illos Ecclesiasticos beatos prædicant, vt in hoc cæco seculo non rarò fieri solet, qui amplas ædes, dominia, comitatus, agros, montes collesque pro parentela & sanguine comparant ex redditibus Ecclesiæ, & pijs maiorum nostrorum elemosynis, decipiuntur, cæci sunt, & duces cæcorum. Non enim nostra sunt, quæ de Ecclesiasticis supersunt vltra necessariam decentemque sustentationem, sed membrorum Christi, & Ecclesiæ. Si consanguineis ex illis villas, agros, arces, & dominia congregas, rapis pauperum bona, & diui-

& diuitibus donas, dominijs pauperum nepotes & cognatos exaltas, & extollis, ac vt lautius ac superbius de cleemosynis viuendo aliena consumant, quæ nunquam restituere cogitant. Satis enim superque supra probatum est ex communi & verissima DD. sententia, ea etiam bona esse Ecclesiastica, quæ ex redditibus Ecclesiæ acquiruntur. Quod si nasutus obijciat illam iuris ciuilis regulam: emptum ex pecunia aliena ementi acquiri, non ei cuius est pecunia, l. si ex ea. C. de rei vindicat. libenter respondemus, speciale esse in Ecclesiæ bonis, vt empta ex eis, non ementis, sed Ecclesiæ dominio adijciantur, & acquirantur. Gloss. in c. 1. super verb. suo. 12. q. 3. Card. & Andreas Barbat. & alij per Gloss. sing. in c. Inquirendum. de peculio clericor. Bald. in l. Si quis presbyter. C. de Episc. & cleric. Aret. in l. Cum hæredes. in princ. ff. de acquir. poss. & post alios plures Didac. Couar. in cap. 1. num. 7. de testament.

Tertia Conclusio. Clericus habens patrimonium potest illud conseruare pro consanguineis, cognatis, aut alio honesto vsu, & ex beneficio eiusque redditibus pro statu suo viuere. Hæc est communis opinio, auctorib. Decio in d. cap. Episcopus. de præbend. Felin. & Barbat. in d. cap. Postulasti. Syluest. in verb. Clericus 4. quæst. 16. Couarr. in d. cap. 1. num. 2. & eam tenent omnes DD. in princip. quæst. allegati. Syluest. in d. quæst. 16. Couarr. loc. cit. Caietan. 2. 2. quæst. 185. art. 7. ad 3. Dominic.

Sotus de iust. & iure. lib. 10. q. 4. art. 3. prope finem. Nauarr. in apologia lib. de redditib. benefic. q. 1. monit. 30. & alibi & ante hos omnes Alexand. Alens. in 3. part. q. 51. memb. 6. art. 3. nec est nunc qui dissentiat. Potest enim Ecclesiasticus de suo patrimonio disponere pro sua voluntate, & viuere de Ecclesiæ bonis, quando ei inseruit. Hæc conclusio his probatur argumentis. Primo, ex scriptura 1. Corint. 9. Quis militat suis stipendijs vnquam? Quis pascit gregem, & de lacte gregis non manducat? & infra: Nescitis quoniam qui in sacrario operantur quæ de sacrario sunt edunt? Et qui altario deseruiunt, cum altario participant: ita & Dominus ordinauit his, qui Euangelium annunciant, de Euangelio viuere. Secundo, ex canonibus 1. quæst. 1. cap. Clerici omnes qui Ecclesiæ fideliter vigilanterque deseruiunt, stipendia sanctis laboribus debita, secundum seruitij sui meritum per ordinationem canonum à sacerdotibus consequantur. Tertio, qui ad onus recipitur, non debet repelli à mercede. cap. Cum secundum. de præbend. nec ligandum est os boui trituranti. 1. Corinth. 9. cap. Extirpandæ. de præbend. & cap. fin. de magistris. Et qui Ecclesiæ inseruit, dignum est vt Ecclesiastica remuneratione gaudeat 12. quæstione 2. cap. Charitatem ex Beato Gregorio. & ibidem cap. Ecclesiasticis vtilitatibus. ex eodem. Quarto, Clericus habens patrimonium potest il-

test illud relinquere parentibus , vel erogare pauperibus ; vel donare Ecclesiæ in initio quando militiæ Ecclesiasticæ inscribitur , & de bonis Ecclesiæ viuere 1. quæstione 2. cap. Sacerdos. Ergo potest etiam patrimonium conseruare interim viuendo de bonis Ecclesiæ , donec tempore necessitatis , vel consanguineis donet , vel pauperibus distribuat : Hinc Alexander Tertius Vigilenſi Episcopo scribit. cap. Quia nos. de testament. quod clerici licitè de his quæ paternæ successionis , vel cognationis intuitu : aut de artificio sunt adepti : seu dono consanguineorum , aut amicorum non habito respectu ad Ecclesiam , peruenerunt ad ipsos , libere possunt disponere ; Minimè verò de his quæ consideratione Ecclesiæ : & ibidem cap. Relatum 2. idem Alexander occasione dubij orti ex Concilio Lateranenſi , declarat id intelligi tam de mobilibus quam immobilibus. & cap. 1. 12. quæst. 3. ex Concilio Carthagenenſi tertio. Placuit, inquit, vt Episcopi , presbyteri , diaconi , vel quicumque clerici qui nihil habentes , ordinantur : & tempore Episcopatus , vel clericatus sui agros , & quæcunque prædia nomine suo comparant , tanquam rerum dominicarum inuasionis crimine teneantur : nisi admoniti Ecclesiæ eadem contulerint. Si autem ipsis propriè aliquid liberalitate alicuius : vel successionem cognationis

euenerit, faciant inde quod eorum proposito congruerit. & cap. seq. Ex his canonibus & similibus clarum redditur, quod clericus de beneficio potest viuere, & propria relinquere amicis, consanguineis, vel alijs prout voluerint: modo non exorbitent à proposito clericali, vt Card. Alex. Turrecr. Archid. Domin. & alij declarant in d.c. Placuit. Non licet enim clericis bona propria etiam & patrimonialia, vel quasi, relinquere hæreticis, schismaticis, concubinis, aut alijs inhonestis personis, prout rectè ibidem DD. colligunt: cum id longè alienum esse debeat à proposito & pietate clerici. Quinto, ex canone 40. vel secundam aliam dispositionem 39. Apostolorum manifestum est, quod Episcopus res proprias potest conseruare cum bonis Ecclesiæ, modò fiat inuentarium rerum propriarum, & acquisitarum, ne fraus fiat Ecclesiæ, vt ita notum maneat, quæ bona sint propria, & quæ Ecclesiæ. Sint autem, ait canon, manifestæ res Episcopi (Si tamen habet proprias) & manifestæ Dominicæ, vt potestatem habeat de proprijs moriens Episcopus, sicut voluerit, & quibus voluerit derelinquere, &c. & inseritur hic canon 12. quæst. 1. cap. Sint manifestæ. Idem colligitur ibid. ex cap. Manifesta. & cap. Fixum. ead. c. quæst. 5. Potest ergo non solum Episcopus res patrimoniales, vel quasi, parentibus & consanguineis, vel alijs pro suo beneplacito relinquere, sed etiam quilibet alius clericus, &
sic vt

sic vt eas conseruet cum bonis Ecclesiasticis nihil obstat, modo sub velamento rerum propriarum redditus Ecclesiæ, & patrimonium Christi non deueniant ad consanguineos, & vsus prophanos. Nunc ad argumenta in oppositum. Ad illam auctoritatem in d. cap. Clericos. quæ D. Hieronymo tribuitur, & aliam Prosperi diuersæ à diuersis adferuntur responsiones, quas Cardin. Alexand. & Turrec. in d. cap. Clericos ponunt. Quidam secundum præcitatos DD. excusantes excusationes in peccatis, dixerunt & scripserunt, quod illa capitula de consilio loquuntur, sed ista responsio nulla est: quoniam in ipsis capitulis continetur contrarium. Nam in primo dicit Hieron. quod tales committunt sacrilegium, & in secundo Prosper, quod non sine grandi peccato tales accipiunt Ecclesiastica stipendia: Quæ non essent vera, si capitula tantum loquerentur de consilio. Secunda est aliorum responsio, qui dicunt, quod est præceptum: sed intelligitur de his, qui occasione diuitiarum patrimonialium vagantur, & nec per se, nec per alios seruiunt Ecclesiæ. Isti licet benedicant quod sit præceptum, non tamen in hoc rectè respondent, quod dicta capitula intelligantur, de vagantibus, nec per se, nec per alios seruientibus Ecclesiæ. Hoc enim est commune omnibus clericis tam pauperibus quam diuitibus, qui vagantur & seruire contemnunt Ecclesiæ, vt patet in tit. de cleric. non residentibus.

tibus. Tertia aliorum responsio dicentium, quod loquantur de his qui vsurpant quartam partem decimarum pauperibus assignatam, sed hoc nec bene dicitur, quia ista capitula generalius loquuntur, quã de vsurpatione quartæ partis. Quarto loco alij respondent, quod intelligantur eo casu, quo Ecclesia non omnibus sufficit, tunc quibus propria sufficiunt, nõ debet aliquid ab Ecclesia accipere, sed potius de suo subuenire arg. c. Pasce. 76. d. & c. licet. de censib. Quinto respondet Vlricus in sua summa, quod hoc intelligendum est, cum extrema necessitas pauperum hoc requirit, vt etiam sua quisque pro sua facultate communicet. Ad eandem responsionem accedit S. Thom. 2. 2. q. 186. art. 7. ad 3. dicens, quod non omnia bona Ecclesiarum sunt pauperibus largiēda, nisi fortè in articulo necessitatis, in quo etiam pro redemptione captiuorum, & alijs necessitatibus pauperũ, vasa cultui diuino dicata distrahuntur, vt Ambros. dicit. Et in tali necessitate peccaret clericus, si vellet de rebus Ecclesiæ viuere, dummodo haberet patrimonialia bona, de quibus viuere posset, & in ead. part. infra. q. 187. art. 4. ad 1. dicendum, quod auctoritates illæ (loquitur de c. Clericos. ex Hieron. & illa auctoritate 1. ad Timoth. 5. vbi verè viduæ & verè pauperes, quæ aliunde non habent, de sumptibus Ecclesiæ sustentandæ sunt, iuxta cap. Viduas honora. 1. q. 2.) intelligendæ sint tempore necessitatis, quando scilicet non

cet non posset aliter pauperibus subueniri: tunc enim tenerentur non solum ab eleemosynis accipiendis desistere, sed etiam sua si quæ haberent, largiri ad pauperum sustentationem. Sic S. Thom. Atq; vt hoc circa illum can. Clericos, qui à Gratiano D. Thom. in d. art. 7. in 3. arg. & alijs quibusdam Hieronymo tribuitur ad Damasum Papam, cum Nauarro in comment. c. Quicquid. 16. q. 1. vbi etiã §. fin. eadem habentur quæ in c. Clericos, de rebus benef. in princ. annotem illa verba in nulla epistolarum Hieronymi ad Damasum inueniri, & illos DD. scilicet D. Thom. & alios auctoritate Gratiani in hoc deceptos, aut certò deesse in epistolis D. Hieronymi, quæ nunc circumferuntur aliquã maximi ponderis epistolam. Prosperi dicta referuntur ad statum perfectissimum Ecclesiæ, quando adhuc florebat, cunctaq; illis communia erant, nec quisquã suum aliquid dicebat, sed omnia distribuebantur pro necessitate. Ad secundum, Licet Episcopus non teneatur providere eis qui diuites sunt, & sufficiens ad viuendum patrimonium habent, non sequitur tamen quod talis non possit beneficiũ acquirere, & inde viuere saluo manente patrimonio. Ad tertium, Non solum bona Ecclesiæ sunt deputata ad vsum pauperum, sed etiam in stipendium laborantium in Ecclesia, vt ex superioribus apertum est, maximè ex Apostolica doctrina 1. Corinth. 9. & ex d. cap. Clerici omnes qui Ecclesiæ fideliter vigilan-

gilanterque deseruiunt, stipendia sanctis laboribus debita, &c. consequantur. Itaque beneficia non solum sunt pro pauperibus, sed etiam pro diuitibus qui ex ordinatione Ecclesiæ Deo inseruiunt. Si quid tamen his post honestam sustentationem superest, de tali stipendio, id pauperum necessitati deputandum est. Atque ex his soluitur etiam argumentum Adriani, non est eadem ratio eleemosynæ quæ pauperi datur, & beneficij Ecclesiastici. Eleemosyna purè suppeditatur ad subleuandam inopiam pauperis. Sed beneficium datur etiam vt sit stipendium & merces eius laboris, qui impenditur à clerico in diuinis. Atq; hinc maximum fortissimumq; argumentum desumitur, quod stipendia siue beneficia Ecclesiastica nō secunda consciētia possideantur ab illis, qui nō laborāt in beneficijs pro onere iniuncto. Tritum est enim illud Apostolicum. 2. ad Timoth. 3. Qui non laborat, non manducet, & aliud Euangelicum, quod merces detur laborantibus in vinea Domini, & non stantibus otiosè in foro. Nec etiam est canon, qui dicat, bona patrimonialia esse deputanda alicui operi pio. Imò in contrarium sunt canones, qui clarè ostendunt ea posse relinqui consanguineis, & subiacere dispositioni liberæ ipsius beneficiarij, modo non expendat in vsus illicitos & inhonestos, atque à clericali proposito alienos.

CAPVT XXXVIII.

Simoniam est dare pecuniam pro vicariatu, vel pro alia administratione rerum spiritualium seu Ecclesiasticarum habenda: & dantes & recipientes ab illa Ecclesia sunt eijciendi.

Idem.

Confulere: & infra. Quicumque vicedominatum, vel aliam Ecclesiasticarum rerum administrationem, per pecuniam obtinere voluerint: tam ementes quam vendentes cum Simone percelluntur: & ab Ecclesia, in cuius contumeliam dare pecuniam, & accipere voluerunt, iustè excluduntur.

Casus facilè colligi potest ex summario & litera.

Nota cum Gloss. in verb. Administrationem, nomine administrationis in hoc cap. comprehenditur præpositura, æconomi officium, vicedominatus, aduocatia, castaldionatus, & munus iudicandi, aut quælibet alia administratio Ecclesiastica.

Secundò. Contumelia ac iniuria fit illi Ecclesiæ quæ per pecuniam acquiritur, aut cuius officia & administrationes venales sunt.

QVÆ-

QVÆSTIO I.

*An sit simonia pecunia acquirere admini-
strationem rerum Ecclesiasticarum,
aut officia Ecclesiæ?*

Prima Conclusio. Prælati non potest sine si-
monia peccato vendere suam iurisdictionem Ecclesiasticam & spiritualem. Hæc est communis DD. tam in hoc cap. quam in cap. 1. Ne prælati vices suas, vel Ecclesiæ sub annuo censu concedant. per text. in hoc cap. & in d. cap. 1. nec in hac re est dubium. Iurisdic-
tio enim Ecclesiastica est quid spirituale per notata in cap. Decernimus. de iudicijs. & in dicto cap. Saluator. & in dicto cap. 1. Ne prælati vices. damnantur, ab Alexandro in Concilio Lateranensi quidam Episcopi, qui pro certa quantitate pecuniæ vendebant Episcopalem iurisdictionem quibusdam, qui decani, id est, archipresbyteri rurales, secundum Glos. vocabantur. & capite sequenti. Hinc Episcopus nullo modo vices suas pro pretio potest vendere, nec officialatus munus circa spiritualia.

Secunda Conclusio. Prælati, aut Episcopus, si alicui purè & simpliciter suas vices in spiritualibus committat, potest, imò tenetur ei salarium assignare, nec incurritur simonia. Quia nemo tenetur proprijs sumptibus militare.

litare. Conclusionem tenent Cardin. Alexandrin. & Turrecrem. in d. cap. Saluator. Abbas. Anton. & alij communiter in cap. 1. Ne prælati vices suas.

Tertia Conclusio. Nulla officia, quæ aliquam habent dependentiam à rebus spiritualibus, sine simoniæ labe possunt vendi, aut emi. Ratio sumitur à definitione simoniæ, quæ locum habet in annexis spiritualibus, & à traditis in hoc cap. & in cap. Quoniam 1. Ne prælati vices suas.

Quarta Conclusio. Commoda & obuentiones iurisdictionis possunt vendi, & elocari sine simonia. DD. communiter in dicto cap. 1. circa Gloss. fin. Ne prælati vices. Quia fructus & obuentiones sunt quid tēporale. Innocent. tamen putat quod commodum iurisdictionis non debeant vendi exercenti iurisdictionem: Ne propter connexionem videantur vendere ipsam iurisdictionem. argum. cap. Si quis obiecerit. 1. quæst. 3. quod etiam placet Panor. mit. in d. cap. 1. in fine. Hostien. tamen sentit quod etiam possint vendi eidē exercenti, dum tamen iurdictio non vendatur, & sic debent tunc separari isti duo contractus, vt ex vna parte iurdictio committatur, & ex alia fructus vendantur, ita vt contractus non permisceantur. argum. cap. Ad quæstiones, de rerum permutat.

Quinta Conclusio. Simoniam non committit Ecclesiæ prælatus, si aliquam iurisdictionem
tempo-

temporalem, aut officium non habens dependentiam vllam à spirituali vendat, aut elo-
cet pro pecunia, licet alias grauiter peccet, &
sit turpe lucrum quod sic acquiritur. Hanc
tenent Hostiens. Innocent. Panormit. & Car-
din. in d. cap. 1. Ne prælati vices. Panormitan.
Anton. Ioan. ab Anania in cap. 2. cod. tit. Con-
clusio clara est. Non committitur simonia,
quia nec venditur spirituale, nec spirituali an-
nexum. Quod autem peccet, & sit turpe lu-
crum, patet, quia est in grauamen subdito-
rum, & subuersionem iudiciorum. Si enim
iurisdictio vendatur, vt emens non careat suo
emolumento, iurisdictionem exercens ultra
debitum subditos hac occasione grauat. arg.
cap. Militare. 23. quæst. 1. & sic vendendo iuris-
dictionem, tacite videtur dissimulare, quod
subditi plus debito grauentur, & iudicia sub-
uertantur. His accedit quod habet mali spe-
ciem, à quo Episcopus aut Ecclesiæ prælatus
maximè debet esse alienus. Sordidum enim
ac auaritia plenum est in prælato Ecclesiæ, cui
magis virtutibus quam diuitijs abundare
conuenit, lucrum sectari in minimis quibus-
cunque rebus.

QVÆSTIO II.

*An iurisdictio secularis & officia rei-
publicæ possint vendi?*

IN pri-

IN primis Hostiensis in summa Rubric. Ne
 praelati vices suas, non longè à principio.
 vers. Item est secunda ratio, dicit quod si quis
 det pecuniam, vt in Imperatorem, vel in Po-
 testatem, vel in Rectorem alicuius ciuitatis
 promoueat, simonia committatur, quia
 omnis iurisdictio & omnis potestas à Deo est,
 & spiritualis videtur. Vnde illud: Non habe-
 res in me potestatem, nisi desuper tibi datum
 fuisset. Sic ergo Hostiens. in ea sententia est,
 quod iurisdictio temporalis & dignitas secu-
 laris sine simonia non possint vendi. Angel. de
 Vbaldis, Perusinus in Auðtent. Vt iudices si-
 ne quoquo suffragio, collat. 2. statim in princ.
 eiusdem videtur opinionis, quando ait: Nota
 istum text. contra illas potestarias mediante
 simonia. & Iacob. de Beluifio in ead. Auðtent.
 vers. Opponitur secundo ad idem, ait, quod
 lex Iulia ambitus & simonia in vrbe Romana
 hodie cesset, quia ad curam principis magi-
 stratum communicatio pertinet: & loqui-
 tur, vt clarissimum est de magistratibus poly-
 tics, & sic in sententiam Hostiensis tendit.
 Bald. in vsib. feudorum. in tit. de pace iura-
 ment. firmand. cap. 1. & post eum Fabianus de
 monte S. Seuerini in tract. de empt. & vend. q.
 4. principali. vers. Sexto quæritur. tradunt
 iurisditionem secularem vendi non posse,
 nec consuetudinem eam vendendi valere. Ex
 Theologis Adrian. in 4. de restitut. in tract. de
 mutuo & vsura. §. Ex his suboritur. fol. 39. vult

Gg

non

non licere officia temporalia vendere, etiam idoneis, cum princeps non sit dominus officiorum & stipendiorum correspondentium, sed dispensator. Deinde allegat etiam ius humanum quo prohibetur, l. q. 7. cap. Sancimus. desumptum ex l. Sancimus. C. ad leg. Iul. repetund. vbi hæc verba habentur: Prouincias recturi non debent assumi ambitione, sed testimonio probatæ vitæ, & iurati inter gesta depromant, se pro administrationibus sortiēdis, neq; dedisse quippiam neq; daturus vnquam postmodum fore, siue per se, siue per interpositam personam in fraudē legis, sacramentiq; aut donationis, venditionisq; titulo, aut velamento cuiusq; contractus, & ob hoc (exceptis salarijs) nihil penitus tam in administratione positos, quam post depositum officium, pro aliquo præstito beneficio tempore administrationis, quā gratuitò meruerunt, accepturos. Occasione huius legis in multis locis officiales in principio officij, tenētur iurare, quod non dederunt, neq; dabunt, nec promiserunt, aut promittent aliquid pro ipso officio, vt est videre apud Iulium Clarum lib. 5. sentent. §. Simonia. num. 4.

Prima Conclusio. Non est simonia dare, aut accipere pecuniam, aut aliquid temporale pro acquirenda dignitate ciuili, aut alia temporalis iurisdictione, aut pro officio seculari consequendo. Hæc conclusio est contra Hostien. Angl. & Iacobum de Beluisio locis cit. & eam tenent

tenent D. Antonin. 2. part. titu. i. cap. 5. §. 21. Angel. in verb. Simonia 2. §. 31. Syluest. eod. verbo. quæst. 9. non longius à fine. Pisanella eod. verbo. 3. in fine. & omnes isti reprobant Hostiensis opinionem. Eandem conclusi-
onem à fortiori sequuntur omnes allegati in conclus. fin. præcedentis quæst. & Ratio ibid. reddita hanc etiam sufficienter probat. Ad Hostiensis argumentum respondetur, quod nec potestas, nec iurisdictio temporalis est quid spirituale, supernaturaliter à Deo datum & sacrum factum, sed naturaliter omnis potestas à Deo est. Quare non ponitur potestas talis in ordine entium supernaturalium, quæ spectant ad materiam simoniæ, sed manet in gradu obiectorum naturalium. Hinc infertur contra Hostiens. quod si quis in Imperatorem mediante pecunia, aut promissione temporalium eligeretur, aut pretio dato acceptoque ad consulatum, vel magistratum promoueretur, neque electio, neque promotio foret simoniaca, licet peccatum committeretur, & turpe lucrum intercederet.

secunda Conclusio. Iurisdictio & officia secularia ex sua natura vendi possunt. Hanc tradunt S. Thomas in opusculo 21. ad Ducissam Brabantia. S. Antonin. in d. §. 21. Angel. in verbo Dignitas. §. 2. Syluest. in verbo. eod. quæst. 4. & alibi. Caietan. in summa. in verb. officiorum secularium venalitas. Dominicus

Sotus de iustitia & iure. lib. 3. quæst. 6. art. 4. Petrus de Aragon in 2. 2. S. Thomæ. quæst. 63. art. 2. Gregor. de Valent. in ead. quæst. S. Thomæ. Aurea Armilla in verb. Officium. Martinus Nauarr. in comment. de datis & promissis pro iustitia. notab. 32. num. 44. & seq. Didac. Couarr. lib. 3. variar. resolutionum. cap. 19. num. 4. & seq. & alijs latius ex proposito Fernand. Vasquius illustrium controuers. lib. 1. cap. 42. & 43. & hæc est communis DD. conclusio. Probatur. Iurisdictio, ac officia reipublicæ ex natura sua pretio æstimari possunt: quandoquidem temporalia, vtilia & honorifica sunt, nec habent aliquid spirituale annexum, & subduntur contractibus humanis. Consuetudine autem quæ legum interpret est, cap. Dilectus. de consuetud. vbique gentium receptum est, iurisdictionem temporalem, vendi, permutari, locari, in dotem & fudum dari. Huic accedit quod nulli legi naturali, vel diuinæ contrarium est, vendere iurisdictionem & officia secularia, imò legi consonum est. l. ex hoc iure. ff. de iustit. & iure. cap. Ius gentium. & l. d. cum glossis & annotatis, quatenus probant regnum & consequenter iurisdictionem in dominio alicuius esse posse. Ad argumentum Adriani, patere potest ex dictis, constat enim Principem, Regem, aut quemcunque superiorem cui competit iurisdictione, aut communicatio officiorum ciuiliu, dominum eorum esse. Is enim qui ea vendit,

dit,elocat,in dotem aut feudum dat,dominus eorum est. Ad legem humanam. cap. Sancimus. quod desumptum est ex l. Sancimus. C. ad leg. Iul. repetund. respondet Nauarr. in primis quod non loquatur de iurisdictione, aut eius venditione, sed de munere & officio iudicandi, nec probat munus & officium iudicandi esse inæstimabile, & inuendibile de se ex iure naturali vel diuino, sed tantum nō expedire vt vendantur. Præterea non conuincit talia munera & officia non posse vendi à principe: cum princeps tali iuri humano non subsit. l. Princeps. ff. de legib. Restat ergo quod ex natura sua reipublicæ officia sint vendibilia, & etiam multis in locis actu vendantur, & in æstimationem veniant. Cui rei astipulatur illa quæstio à DD. aliquibus mota: An decurionatus, publica munera, scribæ & tabellionis officia & similia, empti matrimonio constante à marito, sint communia ipsi & vxori? De qua quæstione post alios tractat Couarr. loco cit.

Tertia Conclusio. Consultius ac conuenientius ad conseruandam, retinendamque iustitiam in republ. foret gratis officia & munia talia conferre, & nō vendere. Hanc conclusionem puto ab omnibus esse receptissimam, quamuis in forma non ponatur. Probatur in primis ex c. Quoniam i. Ne prælati vices suas: vbi damnatur venditio & elocatio iurisdictionis spiritualis, quia tendit in grauamen sub-

ditorum, eorundemque perniciem, & subuersionem iudiciorum. Sed eadem incommoda timentur ex venditione officiorum polyticorum, & munerum publicorum, vt etiam satis ostenditur ex d. Auctent. vt iudices sine quoquo suffragio fiant, & ex annotatis ibid. à DD. Conuenit optimè huic proposito illud dictū Bartoli in l. 2. ad finem. C. de Murelegulis. lib. 11. etiam allegatum à Ioanne ab Anan. in d. c. Quoniam. Ille qui dat pecuniam, vt habeat officium, habet animum malè administrandi, & malè lucrandi, & propter hoc fuit factus ille titulus, Vt iudices sine. Regularè enim est, vt annotat Iacob. de Beluifio in d. Auctent. Vt iudices, &c. in princ. vers. Nota decimo, quod quilibet ex officio quod suscipit, cogitat lucrari. Præclarum extat Alexandri Seueri dictum, commemoratum à Iacobo Menochio lib. 2. de arbitrar. iudic. qq. casu 401. n. 16. Ille itaq; prædicabat se nolle dignitates & magistratus vendere: Quia qui emunt, vt vendant necesse est, & vt pecunias in emptione honoris expositas recuperet, subditos torquere, & vexare ij emētes magistratus coguntur. Postremò cōformius legib. & iuri hoc esset, si gratis dignitates, & officia publica conferantur. arg. d. c. Sancimus. & Auct. vt iudic. sine quoq. suffrag.

Quarta Conclusio. Rex aut Imperator ex iusta & rationabili causa licitè possent vendere publica officia. Hanc tenet communiter DD. tam Theologi quam Iuristæ citati, licet Caiet. & post

& post eum Sotus videantur docere, quod vix practicè vnquā licita sit venditio officiorum, propter incommoda, quæ vt plurimū sequuntur. Duo autem ex mente S. Tho. ad licitā talium officiorum venditionē requiruntur. Primum vt vendantur personis idoneis, & vtilibus secundū moralem præsumptionē ad talia officia exequenda. Infideliter ageretur, & malè consultū esset communi bono, si ineptis hominibus, & minus idoneis talia munia necessaria ad polyticū regimē venderentur, & committerentur. Alterū est, vt pretiū pro talibus officijs datū, ita sit moderatum, vt sine grauamine populi possit recuperari. Ex quo capite oritur, quod si excessiuū pretium exigeretur in venditione, emens ad consulendū suæ utilitati quamprimū à subditis extorqueret, cum eorū grauamine pretiū quod exposuit. Ideoq; necessariū ad subueniendum ex hac parte, in cōmodis, & grauaminibus, esset, vt prouidentia principis, & statutis salubribus, taxarentur, & moderarētur stipendia debita officialibus, qui officia emerunt, ne auaritia (ex qua plurima mala sequuntur. d. Auēten. vt iudic. sine quoq. suffrag.) capti, sub colore sui officij, subditos contra iustitiā emungant, & paulatim eorum vires exhauriant. Illud quoq; Sotus, Petrus de Arag. Damhoud. & alij quidam, docent non esse licitū vēdere iudicaturas seu iudicatus, (vt alij loquuntur) sed alia officia inferiora in quib. non tā administratio iustitiæ, quam executio

eorum, quæ à iudicibus decernuntur, consistit & versatur.

Quinta Conclusio. Si princeps sufficientes à populo haberet redditus, nec indigeret, neutiquam ei licitum esset talia officia vendere. Hanc conclusionem à nemine puto negari, & eam clare tradit Vasquius in d. c. 43. n. 6. & 8. Ratio clara est pro conclusione. Venditio talium officiorum est de genere rerum, quæ licet ex sua natura sint licita, tamen ob plurima incommoda, & inconuenientia, quæ concomitantur, periculosa sunt, maximamque speciem mali habent, & facilè, præsupposita maximè hominū malitia, vergunt in peccatum, ideò nisi iustitiæ causa alijsq; circumstantijs de quibus ex dictis patet, rectificentur, neutiquā tolerantur. Causa autē vera quare tolerantur venditiones officiorū est, vt subueniatur necessitati principis & reipub. Si autem princeps sufficiēter redditibus dotatus sit, cessat causa, & ideò meritò cessare debet vēditio officiorum. Incommoda autem, quæ vt plurimū officiorum secularium venalitatem sequuntur, breuius Caietan. Sotus, Petrus de Aragon. & latius Iodocus Damhouderius in praxi rerum criminalium. cap. 131. enumerant. Quando ergo principi non sufficienter prouisum est in redditibus, tunc, inquit Vasquius, vendere potest vsque ad repletionem idoneam, & non ultra, atque si quid superest, id in vsus publicos conuertendum est.

Sexta Conclusio. Non solum Regi, aut Imperatori competit ius vendendi officia, sed etiam inferioribus Principibus, qui ex populi, vel supremi domini concessione, aut alio iusto titulo, habent plenam tam iurisdicendi facultatem, quam gubernandi potestatem. Hanc etiam ponit Vasquius, nec puto quod Sotus & alij Theologi sint alieni. Conclusio tantum locum habet, quando etiam sufficientem non haberent prouisionem. Ratio facta pro præcedenti conclusione. Hanc etiam probat. Cum enim tales debeant per omnia gubernare suam rempubl. omniaque facere quæ spectant ad manutenendum statum illius, si non habeant necessaria ad eum finem, nihil vetat, quo minus possint ex talium officiorum venditione pecunias colligere, non secus ac ex ciuium & subiectorum collectione ac alijs idoneis modis. Alia tamen ratio esset, quando essent domini inferiores, qui non plenam haberent iudicandi, regendi que potestatem, sed à supremo domino in sua administratione dependerent. Eadem ratione, populus liber potest etiam vendere officia publica, quando indiget. vt Vasq. in d. cap. 42. latius probat.

Septima Conclusio. Particulares personæ, quæ talia officia à Rege aut superiore emerunt, non possunt eadem aut per venditionem, renunciationem simplicem, aut alium modum in alterum transferre, nisi de consensu & licentia regis, aut superioris qui vendit.

corum, quæ à iudicibus decernuntur, consistit & versatur.

Quinta Conclusio. Si princeps sufficientes populo haberet redditus, nec indigeret, neutquam ei licitum esset talia officia vendere. Hanc conclusionem à nemine puto negari, & eam clare tradit Vasquius in d. c. 43. n. 6. & Ratio clara est pro conclusione. Venditio talium officiorum est de genere rerum, quæ licet ex sua natura sint licita, tamen ob plurima incommoda, & inconuenientia, quæ concomitantur, periculosa sunt, maximamque speciem mali habent, & facile, præsupposita maximè hominū malitia, vergunt in peccatum, ideò nisi iustitiæ causa alijsq; circumstantijs de quibus ex dictis patet, rectificentur, neutiquā tolerantur. Causa autē vera quare tolerantur venditiones officiorū est, vt subueniatur necessitati principis & reipub. Si autem princeps sufficiēter redditibus dotatus sit, cessat causa, & ideò meritò cessare debet veditio officiorum. Incommoda autem, quæ vt plurimū officiorum secularium venalitatē sequuntur, breuius Caietan. Sotus, Petrus de Aragon. & latius Iodocus Damhouderius in praxi rerum criminalium. cap. 131. enumerant. Quando ergo principi non sufficienter prouisum est in redditibus, tunc, inquit Vasquius, vendere potest vsque ad repletionem idoneam, & non ultra, atque si quid superest, id in vsus publicos conuertendum est.

Sexta Conclusio. Non solum Regi, aut Imperatori competit ius vendendi officia, sed etiam inferioribus Principibus, qui ex populi, vel supremi domini concessione, aut alio iusto titulo, habent plenam tam iurisdicendi facultatem, quam gubernandi potestatem. Hanc etiam ponit Vasquius, nec puto quod Sotus & alij Theologi sint alieni. Conclusio tantum locum habet, quando etiam sufficientem non haberent prouisionem. Ratio facta pro præcedenti conclusione. Hanc etiam probat. Cum enim tales debeant per omnia gubernare suam rempubl. omniaque facere quæ spectant ad manutenendum statum illius, si non habeant necessaria ad eum finem, nihil vetat, quo minus possint ex talium officiorum venditione pecunias colligere, non secus ac ex ciuium & subiectorum collectatione ac alijs idoneis modis. Alia tamen ratio esset, quando essent domini inferiores, qui non plenam haberent iudicandi, regendi que potestatem, sed à supremo domino in sua administratione dependerent. Eadem ratione, populus liber potest etiam vendere officia publica, quando indiget. vt Vasq. in d. cap. 42. latius probat.

Septima Conclusio. Particulares personæ, quæ talia officia à Rege aut superiore emerunt, non possunt eadem aut per venditionem, renunciationem simplicem, aut alium modum in alterum transferre, nisi de consensu & licentia regis, aut superioris qui ven-

didit. Hanc post alios ponit Petrus de Aragon. & Couarr. qui fatentur, quod facillimè à principe soleat impetrari licentia vendendi & transferendi in alium.

CAPVT XXXIX.

Simoniacum est aliquid exigere pro consecratione Episcoporum, & benedictionibus Abbatum, & ordinationibus clericorum: nec excusat consuetudo.

Idem in Concilio generali.

Sicut pro certo didicimus, in plerisque locis, à plerisque personis quasi columbas in templo vendentibus fiunt exactiones, & extorsiones turpes, & prauæ: pro consecrationibus Episcoporum, benedictionibus Abbatum, & ordinibus clericorum: estque taxatum quantum sit isti, vel illi: quantumue alteri, vel alij persoluumdum: & ad cumulum damnationis maioris quidam cupiditatem & prauitatem huiusmodi nituntur defendere per consuetudinem longo tempore obseruatam. Tantum igitur abolere volentes abusum: consuetudinem huiusmodi (quæ magis dicenda est corruptela) penitus reprobamus: firmiter statuentes, vt pro his, siue conferendis, siue collatis, nemo aliquid quocunq; prætextu exigere, aut extorquere præsumat: alioquin

quin & qui receperit, & qui dederit huiusmodi pretium omnino damnatum cum Giezi, & Simone condemnetur.

Casus literalis secundum Gloss. & Abbatem. In plerisque locis à multis prælatis fiunt turpes exactiones pro consecrationibus Episcoporum, benedictionibus Abbatû, & consimilibus, & est taxatum quantû debeat dari istî, vel illi, quantumûc alteri, vel alij, huiusmodi prauitatem per consuetudinem defendentes. Conciliû huiusmodi consuetudinem, quæ dicenda est potius corruptela, penitus reprobat prohibendo expressè, ne pro talibus quocunq; prætextu aliquis extorquere præsumat aliquid, vel exigere: alioquin & qui dederit, & qui acceperit cum Giezi, & Simone condemnetur.

Notab. primum. Episcopus dicitur consecrari, Abbas benedici, & clericus ordinari. Dicit tamen Abbas, quod satis potest dici, quod etiam Episcopus ordinetur, quia Episcopatus est ordo, ut notatur in præmio sexti, à Gloss. in verb. Episcopus. Sed Theologorû communior & receptior opinio est, quod tantum septem sint ordines, & Episcopatus propriè nō sit ordo, nec in eo nouus caracter imprimatur. Sed hoc latius examinare locus non postulat.

Not. secundum. Pro huiusmodi actionibus hierarchicis nec post, nec antea potest aliquid exigi, aut extorqueri quocunque prætextu, & omnis consuetudo aliquid ex pacto accipien-

accipiendi, penitus in hac materia reprobat-
 tur hîc, & supra in cap. Non satis, & cap. Cum
 in Ecclesiæ. & infra. cap. Iacobus. eod. tit. Cum
 enim simonia sit contra legem diuinam, con-
 suetudo eam non excusat, sed magis accusat,
 quia diuturnitas temporis non diminuit, sed
 auget peccatum. d. cap. Non satis.

CAPVT XL.

*Religiosi precio recepti vna cum recipien-
 tibus de monasterio expelluntur: & in
 arctioribus monasterijs ad agendam
 pœnitentiam detruduntur. Sed recepti
 ante istud Concilium ponebantur sic
 recepti in alijs locis eiusdem ordinis:
 nisi multitudo sit in causa, ita tamen
 vt renuncient primæ receptioni, & de
 nouo recipiantur,*

Idem in eodem.

Quoniam simoniaca labes adeò plerâ-
 que moniales infecit, vt vix aliquas si-
 ne pretio recipiant in sorores: paupertatis
 prætextu volentes huiusmodi vitium palliare,
 ne id de cætero fiat penitus prohibemus: sta-
 tuentes, vt quæcunque de cætero talem com-
 miserint prauitatem: tam recipientes quam
 recepta: siue sit subdita, siue prælata: sine spe
 restitutionis de suo monasterio expellatur, in
 locum

locum arctioris regulæ, ad agendam perpetuam pœnitentiam retrudenda. De his autem quæ ante hoc synodale statutum taliter sunt receptæ, ita duximus prouidendum, vt remotæ de monasterijs quæ perperam sunt ingressæ, in alijs locis eiusdem ordinis collocentur. Quod si forte propter multitudinem alibi nequiuerint commodè collocari, ne damnabiliter in seculo euagentur: recipiantur in eisdem monasterijs dispensatiuè de nouo, mutatis prioribus locis, & inferioribus assignatis. Hoc etiam circa monachos, vel alios regulares discernimus obseruandum. Verum ne per simplicitatem, vel per ignorantiam se valeant excusare: præcipimus vt diœcesani Episcopi singulis annis hoc faciant per suas diœceses publicari.

Casus litteralis. Simoniaca prauitas apud multas moniales in tantum inualuit, quod vix recipere voluerunt aliquas in sorores sine pretio, paupertatis prætextu. Præcepit Concilium ne de cætero id fiat, statuens vt quæcunque de cætero talem commiserit prauitatem, tam recipiens quam recepta, siue subdita fuerit, siue prælata, sine spe restitutionis de monasterio expellatur, in arctius monasterium ad agendam perpetuam pœnitentiam: De his verò quæ ante istud Concilium taliter sunt receptæ, statuit, vt de illis monasterijs quæ perperam sunt ingressæ remoueantur, & cum alijs eiusdem ordinis collocentur. Si fortè propter

propter multitudinem hoc fieri non poterit, ne damnabiliter in seculo euagentur, de nouo dispensatiuè in eisdem monasterijs recipiantur, mutatis locis prioribus, & inferioribus assignatis. Et hoc quod dictum est de monialibus obseruandum est de monachis, & alijs regularibus: & ne per simplicitatem, vel ignorantiam aliqui se valeant excusare, præcipit vt Episcopi per suas dioceses singulis annis hoc faciant publicari.

Not. primum. Appellatione monialium non continetur Abbatissa, priorissa, aut prælata. Nam in primis fit mentio monialium in genere, deinde subditur de prælata.

Secundum. Appellatione monialium non comprehenduntur monachi, quia licet masculinum comprehendat fœmininū, non tamē contra. vt l. Si ita. ff. de legat. 2. & sic dispositio faciens mentionem fœminæ, nō extenditur ad masculum, nisi expressè hoc dicar.

Tertium. Paupertas non excusat à simonia, & similis ratio est de alijs intrinsecè & ex natura sua malis.

Quartum. Moniales & monachi non excusantur ob ignorantiam iuris, quando ius omni anno illis publicatur.

Quintum. Constitutio antiqui iuris declaratoria, non extenditur ad præterita respectu pœnæ, vt Panormitan. Anton. Felin. & alij communiter in hoc cap. obseruant. Dominicus à S. Geminiano in cap. Quoniam. d. 47.

Gloss.

Gloss. in verb. Receperint. cap. i. de cleric. non resident. in 6. Limitat tamen hoc Felin. nisi pœna concerneret delictum præteritum, cui tamen per legem antiquam non esset satisfactum, quia pendentia delicti, vel accessorii sui, existens tempore legis nouæ, includetur sub ipsa per text. singularem, & intellectum magis literæ consonum in cap. Cum tu. de vsur. Abb. ibid. super Gloss. in verb. Pœnam, &c.

Sexto & ultimo singulariter obseruandum cum Panormit. hic in fine ex Gloss. & textu ibi. Ne damnabiliter in seculo euagentur, &c. quod simonia non impedit monachatum, licet impediatur locum habere in illo monasterio, ubi simoniaca receptio intercessit: Nam si non essent moniales impediente simonia, possent redire ad seculum sine damnatione. Vnde rectè colligitur, quod ille qui simoniacè receptus est ad religionem, & postea professionem solemnem fecerit in approbata religione, ob simoniam commissam non absolutus est à trium votorum obligatione. De simonia commissam respectu religionis, actum est supra in cap. Non satis.

CAPVT XLI.

Episcopi nil accipere debent ut permittant in Ecclesijs sibi subiectis clericos institui:

institui: monachos profiteri: vel mortuos sepeliri, alioquin exacta restituentur duplicata.

Idem in eodem.

*1. ad Thef-
sal. 5.*

AVdiuimus de quibusdam Episcopis, quod decedentibus Ecclesiarum rectoribus, ipsas interdicto subijciunt, nec patiuntur alios in eisdem institui, donec ipsis certa summa pecuniæ persoluatur. Præterea cum miles, aut clericus domum religionis ingreditur: vel apud religiosos eligit sepulturam, etiamsi nihil loco religioso reliquerit, difficultatem ingerunt, & malitias, donec aliquid muneris manus contingat eorum. Cum igitur non solum à malo, sed ab omni specie mali sit secundum Apostolum abstinendum: exactiones huiusmodi penitus inhihemus. Quod si quis transgressor extiterit, exacta duplicata restituat: in utilitatem locorum (in quorum fuerint soluta dispendium) fideliter conuertenda.

Casus literalis. Quidam Episcopi decedentibus Ecclesiarum rectoribus Ecclesias ipsas subijciunt interdicto, nec permittunt aliquos in eisdem institui, donec pecunia persoluatur. Item cum miles aliquis vel clericus domum religionis ingreditur, vel apud religiosos eligit sepulturam, si nihil reliquerit loco religioso, difficultates ingerunt, donec aliquid muneris recipiant. Peruenit hoc ad notitiam Papæ, qui

pæ, qui respondet. Cum non solum à malo, sed etiam ab omni specie mali præcipiat Apostolus abstinere, Concilium huiusmodi exactiones duxit inhibendas : & qui contra fecerit, exacta duplicata restituet in vtilitatem locorum, in quorum fuerant soluta dispendium fideliter conuertenda.

Not. primò, ex text. Pro institutione Rectoris, aut consensu præstando nihil exigendum, aut dandum : alioquin simonia committitur. Quia institutio est quid spirituale.

Not. secundo. Casum, in quo simoniace exactum, restitui debet duplicatum. Obijciunt Panormit. & post eum Ioan. ab Anania. text. in cap. De hoc. supra eod. vbi tantum restituendum decernitur illicitè exactum, nec alibi in iure huius tituli cauetur de ista duplicatione. Respondent quod contrarium locum habet, quando simoniace aliquid datur, accipiturque ex communi concordia dantis & recipientis. Præsens verò text. procedit in exacto per superiorem quasi per extortionem, ac concussionem, vt satis ex textu elicitur: & ideo quasi per violentā impressionem consequantur hanc pecuniam, & non ex spontanea voluntate dantis.

Tertiò. Hoc cap. quantum ad restitutionem duplicatam exactorum pœnale est, & ideo non obligat in foro conscientie, vt notant hîc Panormit. Ioan. ab Anan. & alias latius Felin. per Gloss. sing. in cap. Fraternitatis. in Gloss.

Hh

magna

magna in fine. 12. quæst. 2. In foro enim conscientie sufficit simplex restitutio eius, quod simoniace exactum est.

QVÆSTIO I.

An dare vel recipere pecuniam pro sepultura sit licitum?

DE hac materia tractant Cardin. Alexander. & Turrecr. in c. Dictum est. 1. q. Hostien. in summa. tit. de Simonia. §. Qualiter committatur. Cardin. Abbas, Antonius, & alii Canonistæ communiter in c. Abolende. de sepultura. S. Antonin. 2. part. tit. 1. c. 5. §. 22. S. Thoma in 2. 2. q. 100. art. 4. ad 3. & eius commentator ibid. Dominic. Sotus lib. 9. de iustit. & iure. 7. ad tertium arg. Syluest. in verb. Sepultura. 2. & in verb. Simonia. q. 11. & 12.

Deinde nomine sepulturæ intelligimus aut ius sepeliendi, siue sepulchri: aut ipsum officium, quod impenditur corporibus funerandis: aut locum in quo sepeliuntur corpora mortuorum, siue terram sepulchrorum. Postremo, talis terra aut est consecrata & deputata iam actu corporibus sepeliendis: aut nec dum est deputata ad talem usum, nec etiam consecrata. Nunc pro resolutione sit

Prima Conclusio. Vendere aut emere ius sepulturæ est simoniacum. Constat. Quia hoc autem est spirituale, aut spirituali annexum. Innocentius & alij in d. c. Abolendæ. & alij loc. cit.

Secunda

Secunda Conclusio. Vendere, aut emere ipsum funebre officium, aut exigere aliquid pro eo, est simoniacum. DD. communiter vbi supra. Quia officium illud est spirituale, & est text. supra in cap. Non satis. eod. Ex hac conclusione resoluuntur quæstiunculæ motæ ab Hostiensii in primis, deinde à Summistis, maxime Syluestro. Prima esse poterit. Quid si maior crux nõ deportetur, nisi certo pretio habito? Respondetur quod hoc sine dubio simoniacum est, & species mali, & avaritiæ signum, atque sic reprobandum, vt in hoc c. Audiui-
mus. Secunda. Quid de his qui faciunt pactum de lecto redimendo certo pretio, antequam corpus deportetur ad Ecclesiã. Respondetur, quod lectus & panni temporales, vnde vendi, redimi, & permutari possunt, tam ante quam postea. Tertia. Quid si clerici nolunt corpus sepelire nisi prius interposito pacto de lecto reddendo? Species mali est, cum fiat pactum de temporali ad spirituale. cap. fin. de rerum permut. Quarto. Quid si deportato corpore ad Ecclesiã, amici volunt recuperare lectum, & violenter reportant ipsum ad domum. Resp. nihilominus debet corpus gratis & honorifice sepeliri. Et si consuetudo Ecclesiæ sit, vel quasi, quod lectus retineatur à clericis, amici vel hæredes per censuram Ecclesiasticã compelli possunt ad restituendum lectum, quia talis consuetudo laudabilis est. arg. c. seq. Quinta quæstiuncula esse potest. Quid sentiendum

de clericis extraneis, qui non sunt de illa Ecclesia, vbi officium sepulture est exercendum, sed vocantur ex alijs Ecclesijs & monasterijs, vt comitentur sepeliendum ad Ecclesiam, in psalmis, & orationibus, officioque funebri assistant, an hi possint accipere & exigere pretium? Glossa in d. cap. Abolenda. super verbo Sepultura in fine distinguit, de clericis dicit, quod illud officium sine simonia non potest vendi, si clerici ad hoc teneantur, vtpote cum habeant beneficium ab ipsa Ecclesia. Si verò non teneantur ad hoc ratione beneficij, possunt inde accipere pretium, quia de suo hoc facere non tenentur. 12. quæst. 2. cap. Charitatem. & cap. Cum ex officij. de præscript. & sic de mente Glossæ videtur, quod illi clerici qui sunt extranei, & non de corpore Ecclesiæ, vbi corpus sepeliendum, nec ibi beneficiati, possunt pretium accipere pro officio sepulture. Hostiensis sentit, quod extranei sine simonia non possunt recipere ex pacto. cap. Non satis. & cap. Cum in Ecclesiæ. supra hoc tit. & cap. Quam pio. 1. q. 2. sed extranei post factum possunt recipere gratis oblatum. Panormit. obijcit contra hanc Hostiens. declarationem, & dicit quod sic nulla esset differentia inter clericos extraneos, & proprios, nam & clerici Ecclesiæ licite recipiunt gratis oblatum, donatumque cap. seq. & cap. Etsi quæstiones. supra eod. Sed possumus, inquit, dicere quod clerici extranei non debent conuenire, vt pro officio di-

cio diuino detur eis pretium, & sic procedit dictum Hostiensis, sed poterunt conuenire, vt habeant aliquid pro labore, & in reparationem damnorum, quæ sustinent trahendo ibi moram, per hoc quod notat Innocent. in cap. penult. Ne prælati vices suas, & vide Gloss. in cap. Suam. de Simonia, &c. Sic Abbas.

Tertia Conclusio. Ratione loci sacri siue terre ordinatæ ad sepulturâ, si clerici quicquam exigant, quando corpus ibi sepelitur, simonia committitur. Sic communiter DD. & satis constat conclusio. ex cap. Quæst. est. 13. quæst. 2. & d. cap. Abolendæ. Nec prætextu consuetudinis potest excusari. d. cap. Abolendæ. & sæpius repetitum consuetudinem simoniam non reddere licitam. Obiectio contra conclusionem ex Genes. 23. vbi Abraham emit ab Ephron speluncam duplicem in sepulturam. S. Thom. 2. 2. quæst. 100. art. 4. ad 3. respondet, quod spelunca duplex quam Abraham emit in sepulturam, non erat terra consecrata ad sepeliendum: & ideo licebat Abraham terram illam emere ad vsum sepulturæ, vt ibi institueret sepulchrum: Sicut etiam nunc liceret emere aliquem agrum communem ad instituendum ibi cœmeterium, vel etiam Ecclesiam. Tamen quia apud gentiles loca sepulturæ deputata, religiosa reputabantur, si Ephron pro loco sepulturæ intendit pretium accipere, peccauit vendens: licet Abraham non pecca-

uerit emens: quia non intendebat emere nisi terram communem. Sic S. Thomas. Hanc sententiam D. Thomæ, quod terra nec dum fuerit consecrata contra Nicolaum Liranum defendit Tostatus Abulensis in cap. vigesimum quintum Genes. Alexand. Alens. in 2. part. quæst. 189. memb. 4. art. 1. §. 4. meminit opinionis quorundam dicentiũ, quod Abraham emit quendam agrum magnum, in quo erat illa magna spelunca, in qua sepeliebantur mortui. Vnde non peccauit, quia transijt spelunca illa cum vniuersitate: sicut cum quis emit villam, cui annexum est ius patronatus allicuius Ecclesiæ, non committit simoniã, quia ius patronatus transit cum illa vniuersitate: sed eadem ratione Ephron non peccauit, vendidit enim agrum, & cum illo transiuit spelunca. Si dicatur, quare ergo mutatum est ei nomen? Respondet Præpositius eodem Alexand. referente, quod non legitur, quod ager ille consecratus fuerit speluncæ, vel etiam spelunca illa ad hoc benedicta vel consecrata fuerat: Sed antiqui patres in illa spelunca duplici, faciebant se sepelire, sperantes se resurrecturos esse cum filio Dei, & dicebatur illa spelunca duplex, quia duas habebat mansiones: Vnam superiorem, in qua sepeliebantur viri: & aliam inferiorem, in qua foemina. Vnde cum non esset terra illa benedicta, non peccauit Abraham emendo, nec Ephron vendendo. Mutatum tamen est ei nomen,

quia

quia descendit à statu perfectionis ad statum imperfectionis. Prius enim voluit dare gratis, quod est perfectorum, & postea carissimè vendidit. Hinc primò dicebatur Ephron, id est, confirmatus & perfectus, postea dictus est Ephran, id est, infirmus & imperfectus. Alia ad hoc propositum etiam colligit Turrecrem. in dicto cap. Dictum est. Ex dictis in primis colligitur, licitum esse emere, & vendere terram necdum consecratam pro ædificanda Ecclesia, aut erigendo cœmiterio. Pro quo est text. cum Gloss. & DD. in cap. Aurum. 12. quæst. 2. Eodem modo intelligitur quid dicendum ad dubium motum à Doctoribus in dicto cap. Abolendæ. An licitè vendi valeat vas ligneum, aut lapideum aptatum ad recipiendum corpus defuncti? Respondent Innocent. Abbas & alij ibid. quod huiusmodi vas, quando est consecratum per Episcopum, non potest vendi, quia est religiosum, arg. cap. Ad hoc. de religios. domib. Alias nō sacrum ad hoc factum potest vendi. Aliud hīc occurrit dubium cum Hostien. in d. c. Abolendæ. Quid si in aliqua Ecclesia diuersa sint cœmiteria. Vnum vocatur forsitan paradus, quam paradisum, inquit Hostiensis, nemo potest acquirere, nisi dederit centum, vel ad minus quinquaginta libras, sed pro tanto vix alicui vsurario denegatur. Aliud alio gaudet nomine, & pro minori pretio aliquis in eo consequitur sepulturam.

Hh 4 Respon-

Respondet Hostiens. hæc omnia & similia esse simoniaca, eius sententiam approbare videntur S. Antonin. loc. cit. Syluest. in verb. Simonia. quæst. II. Aurea Armilla eod. §. 36. & alij Summistæ. Ex Theologis Dominicus à Soto. & Petrus de Aragon in 2. 2. S. Thomæ. q. 100. art. 4. circa solutionem ad 3. D. Thomæ docent non committi simoniam, si quid pro honoratori in Ecclesia loco exigatur ad Ecclesiæ fabricam, & vbi talis viget consuetudo, quæ iam pro lege recepta est, citra scandalum potest taxatum munus postulari. Quoniam ille loci honor non est necessariò coniunctus cum officio sepeliendi, sed quid humanum, ideoq; vendi potest, si absit scandalū. Quemadmodum & loca in Ecclesia honoris gratia ad sedendum certis prosapijs destinata esse consueuerunt.

Quarta Conclusio. Licitum est recipere pro sepultura, & officio sepeliendi ea, quæ secundum laudabilem consuetudinem dari solent. Quandoquidem ista non præsumuntur dari pro sepultura, aut officio sepeliendi, sed in sustentationem ministrorum Ecclesiæ. Hæc conclusio est communis, & satis ex cap. seq. & in cap. Abolendæ. constat.

CAPVT XLII.

Sacramenta sunt liberè conferenda: cogit tamen ordinarius laicos obseruare laudabiles consuetudines.

Idem in eodem.

AD Apostolicam audientiam frequenti relatione peruenit: quod quidam clerici pro exequijs mortuorum, & benedictionibus nubentium & similibus pecuniam exigunt & extorquent: & si fortè eorum cupiditati non fuerit satisfactum, impedimenta fictitia fraudulenter opponunt. E contra verò quidam laici laudabilem consuetudinem erga sanctam Ecclesiam pia deuotione fidelium introductam: ex fermento hæreticæ prauitatis nituntur infringere, sub prætextu canonicæ pietatis. Quapropter super hīs prauas exactiones fieri prohibemus: & pias consuetudines præcipimus obseruari; statucentes vt liberè conferantur Ecclesiastica sacramenta: sed per Episcopum loci veritate cognita compescantur, qui malitiosè nituntur laudabilem consuetudinem immutare.

Casus. Quidam clerici pro benedictionibus nubentium & exequijs mortuorum, & similibus pecuniam exigunt, & extorquent, & nisi eis fuerit satisfactum, fraudulenter impedimenta opponunt. E conuerso sunt quidam

Hh 5

laici

laici qui laudabilem consuetudinem erga sanctam Ecclesiam deuotione fidelium introductam infringere nituntur, sub prætextu pietatis. Vnde Concilium super his prauas exactiones prohibet fieri, & pias consuetudines præcipit obseruari: statuit vt liberè conferantur Ecclesiastica sacramenta, & per Episcopum loci compescantur, qui laudabilem consuetudinem mutare nituntur.

Quæ circa literam & Glossam obseruanda, patebunt ex dicendis in quæstione.

QVÆSTIO I.

An pro sacramentis pecuniam accipere sit illicitum & simoniacum?

DE hac materia tractant D. Thomas 2.2. q.100. art.2. & eius commētatores ibidem. S. Bonauent. Paludan. Richard. & alij in 4.d.25. S. Antonin. in 2. part. tit.1. cap. 5. §.16. Syluest. in verb. Simonia. q.8. Adrian. quodl.9. Victor, in 2. part. relect. de Simonia. num. 20. Dominicus Sotus lib. 9. de iustit. & iure. q. 6. art.1. Petrus de Soto in tract. de institutione sacerdotum. de sacramento ordinis. lect. 7. Cardin. Alexandrin. & Turrecrem. in cap. Gratia. 1. quæst.1. & canonistæ breuius in cap. Significatum. de præbend. occasione Gloss. ibid. dicentis, & alij alibi.

Ante resolutionem animaduertendū circa sacramen-

sacramenti administrationem possumus considerare gratiam, quæ confertur in sacramento, ipsum sacramentum, laborem qui suscipitur in confectione sacramenti, vt e.g. quâdo quis baptizat, actus & motus quidem exercetur, non enim baptismus sine ministri actione perficitur; præterea attendi etiam potest labor antecedens, & remotus à sacramenti administratione, vt si quis iter aliquod conficere debeat, antequâ ad locum veniat vbi sacramentum administrandum, aut missæ sacrificiû celebrandum est, postremò consideratio etiam habenda est ad sustentationem ministri, qui sacramenta administrat. Nunc pro resolutione sit

Prima Conclusio. Gratia, virtutes, & dona, & similia, quæ purè sunt spiritualia, nec de facto, nec de iure vendi possunt. D. Bonauent. in d. d. 25. art. 1. quæst. 3. & post eum Turrecrem. in c. Quicumque. 1. q. 1. Cardin. Alexand. ibidem in summa. Archidiacon. c. Fertur ead. caus. & quæst. S. Antonin. in d. cap. 5. §. 15. Petrus à Soto loco cit. & alij alibi, nec est dubium in eare. Ratio redditur talis. In omni venditione res vendita potest transferri in eumentem de iure vel de facto. Sed gratia, virtutes & dona, & similia purè spiritualia non possunt transferri de vno in alterum, nec de iure, nec de facto. Ergo super talibus voluntas deliberata emptionis, aut venditionis cadere non potest, & sic locum in huiusmodi sibi non potest vendicare simonia.

Secunda Conclusio. Sacramenta licet essentialiter sint spiritualia, tamen accepta in elemento corporali de iure vendi non possunt, licet de facto in venditionem & emptionem cadere valeant, in quantum sunt corporalia. Hanc tenent DD. allegati pro prima. Prima pars patet ex cap. Gratia. i. quæst. i. & multis alijs ibid. quæ ostendunt simoniam esse aliquid dare pro ordinibus. & cap. præsentis, & alijs supra eod. & ex ratione D. Thomæ in d. art. 2. Secunda etiam pars aperta est ex omnibus canonibus, quæ damnant & prohibent aliquid dari & exigi pro sacramentis, & sacramentalibus, quorum canonum numerus est magnus in d. i. quæst. i. & seq. & supra in hoc tit. Frustra esset prohibitio, si non esset de facto locus emptioni & venditioni, & ex consequenti simoniæ. Ratio itidem hæc à DD. etiam adfertur. Illud quod est in dispensatione humana potest emi & vendi, sicut etiam gratis & liberaliter ministrari. Sed sacramentorum collatio in humana dispensatione consistit. Ergo de facto possunt vendi & emi, & ex consequenti simoniacè conferri.

Tertia Conclusio. Labor necessariò coniunctus cum administratione & confectione sacramentorum, ac aliarum rerum spiritualium non potest vendi, aut locari sine simonia. Hanc docent Palud. in 4. d. 25. quæst. ult. Durand. ibid. quæst. 3. Gabr. quæst. 2. propos. 7. in ead. d. Caietan. 2. 2. quæst. 100. art. 2. Petrus de Aragon.

Aragon. & Gregor. de Valentia ibid. Victoria. Petrus, & Dominicus de Soto loc. cit. in princ. quæst. Panorm. supra. in cap. Suam. & nunc communiter recentiores Theologi, & testatur Petrus de Aliaco in tract. de simonia contra Cancellarium Parisiens. referente Victoria, nullum antiquorum oppositum tenuisse. Contrarium tamen quod liceat huiusmodi labores coniunctos administrationi sacramentorum vendere & locare, tradidit Gulielm. Altisiodorens. in 3. part. tract. 21. tit. de simonia. cap. 2. S. Bouauent. in d. art. 1. q. 4. Adrian. in quodlib. 9. §. Pro huius solutione primò inquirendum est. Marsil. in 4. d. 25. art. 1. Maior ibid. quæst. 6. Armachan. lib. 10. de quæstionibus Armenorum. cap. 10. Hostiens. in summa. tit. de simonia. §. Qualiter committatur. Glossa. Panormit. & alij quidam in d. c. Significatum. Nunc contra hos probatur conclusio primò illa Glossa Augustini super cap. 5. primæ ad Timoth. Accipiant (inquit sermonem faciens de sacerdotibus) à populo necessitatis sustentationem, mercedem verò laboris spectent à Deo. Est autem Augustin. in lib. de pastorib. cap. 2. circa finem. tom. 9. Huic proposito etiam inseruit cap. Si quis obiecerit. ex Paschali Papa. 1. quæst. 3. Quando alterum sine altero non prouenit, cum qui vinum vendit, alterum inuenditum non relinquere. Sed labor talis per se non valet nisi ratione ministerij & effectus spiritualis intenti.

Ergo,

Ergo, &c. Secundò, hanc rationem Victoria, & post eum alij formant. Talis labor & operæ sunt spirituales, & nullo modo temporales: sicut sanare infirmum, mundare leprosum ex sua natura sunt temporalia, si tamen procedant ex gratia spirituali, spiritualia reputantur in materia simoniæ, & ideò non possunt vendi, vt patet Matth. 10. Gratis accepistis, gratis date: & præmiserat: Infirmos curate, mortuos suscite, leprosos mundate, &c. præterea talis qui locat operas coniunctas nō gratis administrat. Ergo est simoniacus. Antecedens probatur. Administratio sacramenti non est aliud quam exercitium laboris & operarum, & tamen est actus spiritualis à potestate spirituali procedens, & ad effectum spirituale tendens, si ergo venditur ipse labor, administratio sacramenti venditur, & non gratis datur, quod profectò est simoniacum contra sacram scripturā, & canones qui prohibent pretij exactionem pro collatione sacramentorum, sub seuerissimis pœnis, vt res notissima est in collatione ordinum ex multis canonibus l. quest. 1. & seq. & in hoc tit. & confirmatur magis, baptismus nihil aliud est quā actio illa baptismi, siue ablutio exterior corporis sub præscripta verborum forma. Si ergo licet aliquid accipere, & exigere pro illa actione & labore. Ergo accipi potest pro baptismo contra omnium sanè sentientium mentem. Imò aliter si dicamus, excusabimus omnem simoniam

simoniam in sacramentorum administratio-
ne, & ordinū collatione. Quicquid exigetur,
sub titulo laboris & operarū velabitur: quod
maximè fieri posset in collatione ordinū ex-
tra tempus, ab Episcopis titularibus. Nunc
adferenda argumenta pro contraria sentētia,
& dissoluenda sunt. Primum, ex Num. 18. Do-
minus dedit filijs Leui omnes decimas Israël,
pro ministerio quod impendebant in taber-
naculo fœderis; & deinde inter alia ait: Co-
medetis eas vos & filij vestri: quia pretium est
pro ministerio quod exercetis in tabernaculo
meo. Ergo licitum est præmium pro labore
accipere. & Luc. 10. Dignus est operarius mer-
cede sua. Atq; hoc etiam probatur ex c. Cleri-
ci. 1. q. 2. Clerici qui Ecclesiæ fideliter vigilan-
terq; deseruiunt, stipendia sanctis laboribus
debita, secundū seruitij sui meritū à sacerdoti-
bus accipiant. Secundū, Quando in aliqua re
simul coniunguntur temporale & spirituale,
licet vendere tēporale, dummodo in augendo
pretio nō habeatur ratio spiritualis, vt patet in
calice cōsecrato. Sed in administratione sacra-
mentorū coniunguntur spirituale & tēporale,
videlicet ipsum sacramentū, & labor quo cōfi-
citur sacramentū. Ergo licitū erit vendere la-
borē temporalem, nō habita ratione ipsius sa-
cramenti. Ad 1. respond. quod pretium in illo
Num. accipiatur latè p stipēdio sustētationis,
Ad illud Luc. 10. probat tantum, q̄ operanti in
vineâ Domini debetur sustētatio. Vnde Euāg.
Mat-

Matthæus c. 10. id apertius declarat, posteaquam dixisset: Gratis accepistis, gratis date: subiungit: Nolite possidere aurum, neque argentum, neque enim pecuniam in zonis vestris, non peram in via, neq; duas tunicas, neque calceamenta, neque virgam: dignus est enim operarius cibo suo. Ad quod propositum aptè D. Gregorius hom. 17. in Euangelia loquitur. Ad cap. Clerici. eodem modo dicitur quod stipendium accipiatur pro alimentis, quæ debentur à populo eis qui seminant spiritualia. Ad secundum in primis respondetur cum Caietano 2.2. quæst. 100. art. 3. & in summa. verb. Simonia, quod quotiescunque aliquid maiori ex parte est spirituale, tunc nec etiam ratione temporalis adiuncti potest vendi, quoniam intelligitur ipsum spirituale vendi. Aliam solutionem adhibet Victoria negando quod labor ille intrinsecus, & coniunctus cum administratione sacramentorum sit aliquid temporale: est enim quid spirituale, vt ex supradictis satis superque constat.

Quarta Conclusio. Labores extrinseci, qui antecedunt administrationem sacramentorum possunt vendi & locari pro pecunia sine labe simoniæ. Hæc est sententia omnium Doctorum, vt rectè Victoria attestatur, quam Sot. Valent. Caietan. Petrus de Aragon. & alij Theologi iuniores sequuntur. Labores enim illi e.g. quod quis iter faciat eundo ad locum, vbi debet sacramentum administrare, aut missam

missam celebrare, sunt omninò temporales, & non habent coniunctionem cum re spiritali nisi per accidens. Ergo vendi & locari possunt. Si quis tamen huiusmodi operas ac labores venderet, aut pretium ex pacto acciperet pro eis, quando alio titulo tenetur laborem talem impendere, vtpote quia suum beneficium habet annexum tale onus, peccaret, quia pro eodem labore bis acciperet mercedem; quod non est licitum. Eadem ratione pretio æstimari potest, si quis acceptet obligationem sacramenta administrandi, aut celebrandi certis temporibus & locis, quod satis clarum est ex dicto cap. Significatum. & DD. ibidem.

Quinta Conclusio. Exigere aliquid pro materia sacramenti, vt pro pane, vino, aut pro oleo in sacramento extremæ vnctionis, aut chrismatis, &c. aut vsu istarum rerum, simoniacum foret. Hanc docent Sotus & Petrus de Aragon. Ratio quoniam hæc omnia sunt intrinsecè & necessariò coniuncta cum ipsis sacramentis, nec sacramentum sine sua materia consistit. Confirmari potest hæc conclusio ex cap. Ea quæ supra eod. tit. & annotatis ibidem à Panormit. Antonio, Felin. Ioan. ab Anan. & communiter ab alijs, dum notant ex text. quod non solum prohibetur pecunia exigi pro chrismate in quantum est sacramentum, vt pro chrismando aliquem, sed etiam pro ipso liquore chrismatis: Nam in illo cap. non exigebatur pecunia à confirmato, sed ab alijs

Ecclesijs fortè baptismalibus, vt Panormi
quitur, & etiam clarius probatur ex c. Pla
2. 1. q. 1. Nemo tamen ita sit ignarus, qui c
sione huius conclusionis opinetur simon
esse emere oleum pro conficiendo & ben
cendo oleo infirmorum, aut pecuniam ex
nere pro emptione olei & balsami ad co
ciendum crisma: hæc enim materialia qua
emuntur & venduntur apud mercatores,
sunt adhuc proximè ordinata ad vsum & m
teriã sacramenti: Intelligitur ergo nostra c
clusio de istis materialibus, quando subsum
sui sacramentorũ, & actionibus sacris, diuini
que ministerijs. Non enim potest sacerdos
quid pretij exigere pro oleo sacro infirmo
quando vngere debet, aut vnxit infirmum.

Sexta Conclusio. His qui sacramenta in Ec
clesia administrant, debentur ab eis quibus
eadem communicant stipendia sustentat
nis. Hæc est communis DD. & eam satis Ap
stolus probat 1. Cor. 9. Qui in sacrario opera
tur, quæ de sacrario sunt, edunt, &c. Non
militat suis stipendijs. Non ligabis os boui tra
huranti. Dubium autem occurrit circa hæc
conclusionem. An liceat ministris Ecclesie
huiusmodi stipendia sub pacto ponere? Atque
hoc stipendium in pactum posse deduci con
cedunt communiter recentiores Theologi
Caiet. in 2. 2. S. Tho. q. 100. art. 3. & in summa
verb. Simonia. Domin. Sotus lib. 9. de iustit. &
iure. q. 6. art. 1. Petr. de Aragon. in 2. 2. d. q. 100.

art.2. Gregor. de Valent. ibid. in art.3. q.2. Nauarr. in manuali confessar. cap.23. num.102. & alij alibi: quod in foro conscientie verum est tam in diuite clerico quam in paupere, licet Caietan. videatur velle quod diues non possit ex pacto aliquid recipere, sed hic intelligendus est de foro exteriori, in quo maior præsumptio est de diuite, qui alias habet unde viuat. Is enim non videtur pacisci stipendium sustentationis, quando alias ei prouisum est de sustentatione, & sæpè etiam scandalum tum accedit. In hunc modum Nauarr. & Valent. Caietanum interpretantur. Alij opinantur Caietan. loqui in foro conscientie non esse licitum diuiti clerico pacisci de stipendio sustentationis, quando à iure vel superiore non est determinatum stipendiū. Quando autem est taxatum tam diues quam pauper potest illud exigere, & sic dissentiunt ab eo. Sed si Caiet. intelligatur de foro exteriori, conciliantur. In foro enim conscientie eo modo quo licitum est stipendium sustentationis recipere, licet etiam in pactum deducere. Faciunt etiam pro hac re ea, quæ Innoc. in c. Quoniam 2. Ne prælati vices suas, adducit.

Septima Conclusio. Quando ex antiqua & laudabili consuetudine approbata aliquid datur à laicis in sacramentorum administratione, potest recipi modò intentio recta sit. Hanc tradunt S. Thomas 2. 2. quæst.100. art. 2. ad quartum. & ibid. art. 3. in corp. & eius

commentatores ibid. Angel. in verb. Simon
 2. §. 21. & in verb. Consuetudo. §. 12. Syluest.
 verb. Simonia. quæst. 6. in primo dicto. & I
 cum text. in hoc cap. præsumitur enim id
 troductum pro sustentatione ministranti
 Debet autem abesse intentio emptionis,
 venditionis, vt non exigatur tanquam pr
 um rei spiritualis, sed vt sustentatio necess
 tis: & ita intentio referenda ad solam cons
 tudinis obseruantiam. Ab inuitis autem
 per consuetudinem approbatâ, aut Eccle
 ordinationem, debitum non est exigendû
 spiritualium subtractionem, cum hoc hab
 speciẽ venditionis: sed gratis prius spiritu
 bus exhibitis, auctoritate superioris inuiti
 gendi sunt ad laudabilis consuetudinis ob
 uantiam secundû c. præsens. Quando & q
 modo possit induci consuetudo, vt in ad
 nistracione spiritualium aliquid detur, n
 uent in hoc cap. & supra in cap. Suam. eod
 Panorm. resolutiuè in vtroque loco respo
 det, quod possit induci consuetudo, quan
 non præcessit exactio, sed ex mera liberalitate
 & deuotione populi talis consuetudo fuit
 troducta: tunc enim non habet vitium, n
 fundamentum vitiosum, sed laudabile, q
 non est magnum, nec mirum, si ab eo metu
 tur temporalia, qui seminat spiritualia, vt
 cap. Si Episcopus. de offic. ordinar. lib. 6. &
 offic. ordin. cap. Quoniam. & hoc videtur
 sensu text. in hoc cap. dum vult laicos comp
 lend

lentos ad observandum laudabilem consuetudinem erga sanctam Ecclesiam pia deuotione fidelium introductam. Sed quando exactio præcedens dedit causam consuetudini: tunc non valet consuetudo, quia initium fuit simoniacum & vitiosum. argum. cum in Ecclesiæ. supra. Hanc resolutionem Panormit. sequuntur Ioan. ab Anania, & Felin. in hoc c. Angel. in verb. Consuetudo. §. 12. Syluest. ibid. quæst. 21. Aurea Armill. ibid. num. 11. & alij alibi. Quando enim Ecclesiæ sunt tenues in redditibus, atque tunc ex consuetudine antiqua aliquid contribuitur à populo in administratione spiritualium, magna præsumptio est talem consuetudinem incepisse à necessitate sustentationis ministri. Non est negandum auctoritate superioris, sicuti etiam consuetudine induci posse, quando Ecclesia aliud subsidium non habet, vt laici pro sustentatione aliquid contribuant. Tunc non pro sacramentis aut spiritualibus accipitur, sed pro sustentatione eius per quem spiritualia populo administrantur. Sicut enim decimæ dantur ex lege positiva quantum ad quotam: ita iusto statuto superioris sanciri possit, quando minister non habet ab Ecclesia, vnde viuat, vt certū quid in certis spiritualibus actibus impartendis detur in subsidium sustentationis: cum ad id iure naturali & diuino populus teneatur. argum. multorum, quæ Apostolus 1. Corinth. 9. colligit. Nullo autem statuto aut

consuetudine induci valet, vt aliquid pro spiritualibus detur tanquam pretium, aut causa principalis, & immediata ea habendi. Quandoquidem id esset contra ius diuinum & naturale, quod nec statutum hominum, nec vlla consuetudo tollere potest. cap. fin. de consuetud. Panormitanus & alij ibidem. & vlla consuetudo non valet, nec etiam statutum Baldus consil. 238. colum. 2. lib. 4. Crauet. antiquitat. temporum, 1. part. princ. part. num. 42. & post hos Menoch. de arbitr. iud. quæstion. lib. 1. quæst. 71. num. 5. & sic canonones in hoc nostro tit. sæpè reprobant consuetudines exigendi aliquid pro spiritualibus. Dubium occurrit hoc loco circa illud quod ex sententia Panormit. & aliorum resolutum est, consuetudinem tum valere in huiusmodi, quando ea inducta est ex mera liberalitate, & deuotione populi, & non habuit initium ab exactione. Sed contra. Ex his consuetudines meræ facultatis, non introducitur consuetudo, nec ex annua donatione gratuita. Ioannes Andr. in capite 1. de cleric. coniugat. Innocent. in cap. Bonæ. 2. de prelat. prælat. quando ait: quod licet recipimus amicum à longe venientem in domum nostram, non tamen ei acquiritur ex quasi possessio, nec consuetudo, licet rics fuerit receptus. Angelus & Syluest. verb. Consuetudo. Abbas & Felin. in d. cap. Suam. Bartol. in l. Cum de in rem v.

ff. de vsur. & l. operas. ff. de oper. liber. licet rusticus dederit vnum par caponum annuatim alicui ex liberalitate, non tamen ex hoc aliqua consuetudo, vt in posterum inuitus astringatur. & Cynus in l. 2. Cod. Quæ sit longa consuetud. quamuis aliquis per decennium continuauerit ire ad molendinum, vel furnum alicuius, & sic illi lucrum attulerit, non tamen per hoc introducitur consuetudo aliqua, vt in futurum compellatur ire & continuare. Quia isti actus sunt meræ facultatis, & sic consuetudinem non faciunt obligantem. Si ergo vt proposito nostro accommodemus, populus in initio aliquid gratis, & ex liberalitate offerebat in sacramentorum administratione, non videtur hæc libera oblatio consuetudinem inducere in futurum, quæ obliget, vt populus inuitus possit cogi ad eius obseruantiam. Panormitanus in d. cap. Suam. tribus modis soluit. Primo modo intelligendo, quod aliquis ex populo desistens ab obseruatione aliorum redargutus à reliquis obseruauit aliorum morem. Ex hoc enim actu satis apparet de consensu populi volentis introducere illam consuetudinem laudabilem. Sed hæc solutio parum firma & fundata. Secundo sic ab eodem Panormit. soluitur, quod contraria procedunt, vbi donatio est purè non relata ad certum quid. Sed in hoc casu, cum tempore sacramenti seu exhibitæ rei spiritualis aliquid conferebatur,

videtur populus longo tempore obseruando se ad hoc velle obligare, & constituere illam spontaneam obligationem in recompensationem spiritualium, recognoscendo Deum in muneribus suis, & redimendo peccatum eleemosynis. de pœnit. d. i. cap. Medicinam. Sicut in simili notat Bartol. loco cit. de rustico qui per longum tempus soluit par caponum aliqua causa prætenfa; quia aliquid tenebat à domino. Tertiò potest solui quod sit speciale, fauore Ecclesiæ, vt longo tempore populus sic impendendo temporalia videatur velle inducere consuetudinem in futurum, facit cap. Ex parte. de censib. & notata ibid. & cap. Ex parte Astensis Ecclesiæ. de concess. præbend. De hoc etiam Felin. Ioan. ab Anania & alij quidam in d. cap. Suam.

QVÆSTIO II.

An liceat pecuniam dare sine simonia in sacramento matrimony?

DE hac re paucis agunt S. Thomas 2. 2. quæst. 100. art. 2. ad sextum. S. Antonin. 2. part. titu. i. cap. 5. §. 16. in princ. Angel verb. Simonia 3. §. 16. Syluest. eodem. quæst. 8. Cardin. Alexandr. Turrecrem. Dominic. & alij decretistæ in cap. His igitur. Panormitar Anton. & alij supra in cap. Cum in Ecclesiæ.

Notandum quod matrimonium non solum e

lum est sacramentum, sed etiam contractus in officium naturæ institutus.

Prima Conclusio. Pro contrahendo sacramento matrimonij non potest sine simonia pecunia dari. Hæc est contra aliquos DD. qui tradiderunt in matrimonio non conferri gratiam, de qua re latius diximus in d. cap. Cum in Ecclesiæ. Conclusionem tenent D. Thomas, & eius commentatores loc. cit. Richard. in 4. d. 25. art. 3. quæst. 1. Sotus lib. 9. de iustit. & iure. quæst. 6. art. 1. ad 6. S. Antonin. & alij communiter. Ratio clara est, Matrimonium est vnum de septem sacramentis gratiam conferens ex opere operato. Concil. Trident. sess. 7. de sacramentis in genere, can. 1. & sess. 24. de sacramento matrimonij. can. 1. Sed pro acquirendo sacramento pecuniam dare, aut recipere, simoniacum est, vt in quæst. præcedenti traditum est.

Secunda Conclusio. Conferredotem pro matrimonio, vt est in officium naturæ non est simonia. Hæc est etiam communis. Ratio, quia vt sic est quidam contractus, multisq; indiget pro subleuandis oneribus, quæ ipsum communiter sequuntur ac comitantur.

Tertia Conclusio. Pro benedictione nubentium pecuniâ dare, aut accipere, simoniacum est. Hæc est etiâ communis, & sæpè in hoc tit. declarata, supra c. Non satis. c. Cū in Ecclesiæ. & hoc c. Ratio quia benedictio nubentium est actus spiritualis, & aliquid sacramentale.

Ergo non licet pro eo aliquid temporale dare, vel recipere. Si autem sacerdos nolit benedicere nisi data pecunia, recurrendum est ad superiorem, vt ex Alexandri sententia sentiunt Angel. Syluest. & alij Summistæ: Si autem superior cogere nolit sacerdotem, vt gratis benedictionem impendat, tutius est abstinere, quam peccandi occasionem dare. Quid si sacerdos occupatus, aut alia ratione motus nolit alteri sacerdoti licentiam dare benedicendi nuptias, nisi pro pecunia? Respondent Angelus & Syluest. post alios, quod si hoc faciat non intentione vendendi licentiam, sed prouidendi sibi de portione oblationum eum contingente, non est simonia. Si autem exigit maiorem summam, quam dicta portio valeat, præsumetur talem licentiam vendere voluisse. Eadem est ratio de licentia confitendi, aut communicandi.

Quarta Conclusio. Si aliquid tempore matrimonij consuetum sit dari ex laudabili & antiqua consuetudine, id sine simonia accipi potest, & gratis, prius data benedictione exigi, argum. huius cap. & annotatorum à DD. Hostiens. in hoc cap. §. Contra verò. & post eum alij inter laudabiles consuetudines referunt, vt offeratur candela grossa cum denarijs: vel vt habeat lectum mortui, vel eius vestes sacerdos; vel à nubentibus caput bouis: vel aliud certum quid simile.

CAPVT XLIII.

Prohibet Abbates Cistertienses solemniter installari : & ponit formam obedientia quam præstant suis Episcopis.

Honorius III. vniuersis Abbatibus
& fratribus Cisterciensis
ordinis.

NE Dei Ecclesiam (& infra) Installationis solemnitates in electis Abbatibus ordinis vestri fieri prohibentes. Adijcimus, vt Archiepiscopi & Episcopi ea sint forma professionis contenti, quæ ab origine vestri ordinis noscitur instituta; quæ talis est. Ego frater Abbas Cisterciensis ordinis subiectionem, & reuerentiam, & obedientiam à sanctis patribus constitutam, secundum regulam sancti Benedicti, tibi domine Episcope, tuisque successoribus canonicè substituendis, & sanctæ sedi Apostolicæ, saluo ordine meo, perpetuò me exhibiturum promitto.

Casus literalis secundum Gloss. & Abbatem. Abbates Cisterciensis ordinis consueuerunt dare Archidiaconis palafredum in sua installatione, vel aliud æquipollens. Præcipit Honorius Papa, ne de cætero talis consuetudo debeat obseruari, quæ de cupiditatis radice processit : prohibendo installationis so-

lemniter

mini- in

lemnitates in Abbatibus electis Cisterciensis ordinis, adiungendo vt Archiepiscopi & Episcopi ea sint forma professionis contenti, quæ ab origine huius ordinis fuit instituta, quæ talis est. Ego frater Abbas, &c. vt in textu continetur.

Nota primò, nisi secundum casum relatum Abbates Cisterciensis ordinis debuissent de Archidiacono pro installatione palafredum hæc decretalis non fuisset relata ad hunc titulum sic enim dabatur quid temporale pro installatione, quod spectat ad simoniam, vnde prohibetur hic à Pontifice.

Secundò, Abbates Cistercienses, & alij de iure communi sunt subiecti suis Archiepiscopis, & Episcopis, in quorum diocesi monasteria sita sunt. Episcopi de iure communi talem intentionem fundant super tota diocesi cap. Cum venerabilis. de relig. domib. cap. i. offic. ordin. & cap. Cum Episcopus. eod. tit. l. 6. ideoque Abbates prætendentes exemptionem de ipsa debent docere.

Tertiò, secundum DD. hic non prohibetur installatio, sed installationis solemnitates, exactio, quæ fiebant eo tempore, quo in solium Abbates introducebantur: quia vt plurimum quando adhuc hodie tales actus celebrantur Ecclesiastici, superflui sunt sumptus, & quandoque sub titulo iurium teguntur iniuriæ & simoniacæ exactiones, cum grauamine monasteriorum. In installatione

pitur possessio, & Abbas introducitur in chorum in stallum pro loco Abbatis deputatum, & licet de iure communitalis installatio pertineat ad Archidiaconum. cap. Vt nostrum. in fine. de officio Archidiac. nunc tamen standum consuetudini per tempora seruata iuxta Ioannem Andream, Panormit. Antonium à Butrio & alios, Hostiensis putat, quod Abbates potuerunt installari per monachos. In quibusdam locis installantur, quando munus benedictionis consequuntur ab Episcopo secundum munus Pontificalis.

Quartò, Episcopi debent esse contenti forma professionis à canonibus, & regula præscripta. argum. huius cap. & cap. Dilecti. de maiorit. & obedient.

Quintò, cum Gloss. in verb. Successoribus. & alijs ibid. Quando aliquis præstitit obedientiam prædecessoribus amplius compelli non debet ad præstandum successoribus. cap. Veritatis. de iureiur. Ratio redditur à Ioanne ab Anania hæc: Quia iuramentum sine causa præstari non debet. cap. Etsi Christus. de iureiur. Ex quo ergo semel expressit, obligat etiam ad successorem, quia fuit reale sub nomine dignitatis: secus si fuisset personale, vt notatur in d. cap. Veritatis.

Sextò, circa illa verba: (Saluo ordine meo) Non enim tenentur obedire contra regulam, & professionis formam. Quia vt Innocent. in hoc cap. dicit, ex quo regula per Papam est approbata,

probata, non licet aliquid contra regulam mandare: addit idem. Etiam si Papa mandaret aliquid quod esset contra substantiam ordinis, vel peccatum, non deberent obedire cap. Cum ad monasterium. de statu monachorum.

CAPVT XLIV.

Recepto in canonicum debetur præbenda, & redditus consuetudine non obstante, quod non seruauerit prauam consuetudinem de aliquo temporali dando ipsis canonicis.

Gregorius nonus Priori sancti Thomæ Esculanen.

Iacobus canonicus Esculanus exposuit, quod cum ipse in Ecclesia Aprutin. sit receptus in canonicum & in fratrem: canonici eiusdem Ecclesiæ partem prouentuum ac præbendam sibi assignare reculant, quandam consuetudinem prætendentes, quod prandium habere debeant à canonico recepto de nouo. Quocirca mandamus, quatenus si est ita: dictos canonicos, vt (tali consuetudine non obstante) sibi sicut vni ex alijs in prouentibus & præbenda prouideant, appellatione remota compellas.

Casus. Iacobus iste Canonicus Esculanus receptus

receptus erat in fratrem & canonicum in Ecclesia Aprutin. canonici illius Ecclesiæ partem beneficij sui sibi assignare volebant, nisi primò reciperent prandium ab eodem, consuetudinem prætendentes, vt à canonico nouiter recepto prandium recipiant. Mandat Papa cuidam Priori, quatenus si est ita, consuetudine ista minimè obstante compellat canonicos illos, vt præbendam sicut vni ex alijs conferant & assignent.

Not. primum. Pro spiritualibus nihil exigendum etiam prætextu consuetudinis.

Secundum. In receptione & acquisitione possessionis, & beneficij, nec pro prandio, nec pro pastu, aut pastello quicquam dandum tanquam debitum supra cap. 1. & 1. quæst. 3. cap. Si quis obiecerit. in fine. & cap. fin. ibid. non obstante consuetudine. Qui præsumitur dari pro spirituali acquisito, aut acquirendo.

QVÆSTIO VNICA.

An sit simoniacum si canonici aliquid temporale virtute statuti aut consuetudinis exigant & recipiant in receptione, nominatione, admissione aut presentatione, ad canonicatum, vel præbendam?

DE hac materia tractant Angel. in summa. verb. Simonia 2. §. 5. Syluest. ibid. q. 13. dicto

13. dicto 5. Hostiens. in summa. tit. eod. §. Qualiter committatur. vers. Quid ergo si de consuetudine sit. Canonistæ in hoc cap. & latius quidam in cap. Cum M. Ferrariens. Panormit. ibidem. num. 25. Anton. à Butrio num. 52. Ioan. Imolens. num. 17. Felin. ibid. colum. 9. vers. In Gloss. in verb. perciperent, nisi simoniacum esset. Decius ibid. hum. 33. Card. Alexan. in cap. Ex multis. 1. quæst. 3. Glossator pragmaticæ sanctionis in tit. de annatis, non longè à princip. super verb. Consuetudinis.

Prima Conclusio. Si statuto aut consuetudine antiqua receptum sit, vt in adeptione possessionis aliquid soluatur pro vsu pio, vt pro ornamenti Ecclesiæ, aut fabrica Ecclesiæ, aut eleemosyna pauperum, non est censendum simoniacum. Hæc est communis opinio DE locis cit. & Concilium Trident. satis eam approbat sess. 24. de reformatione. cap. 14. statim à principio, quod ita incipit. In pluribus Ecclesijs tam cathedralibus quam collegiatis, parochialibus, ex earum constitutionibus, a ex praua consuetudine obseruari intelligit vt in electione, præsentatione, nominatione institutione, confirmatione, collatione, vel alia prouisione, siue admissione ad possessionem alicuius cathedralis Ecclesiæ, vel beneficii, canonicatum aut præbendarum, vel partem prouentuum, seu ad distributiones quotidianas certæ conditiones, seu deductio ex fructibus, solutiones, promissiones, &c.

ter

terponantur. Hæc cum sancta Synodus detestetur, mandat Episcopis, vt quæcunque huiusmodi in vsus pios non conuertuntur, atque ingressus eos, qui simoniacæ labis, aut fordidæ auaritiæ suspensionem habent, fieri non permittant, &c. Dictum in conclusione (si statuto, aut consuetudine) Quia quantum ad hunc effectum æqualem vim consuetudinis & statuti iudicamus, licet Panormit. in d. cap. Cum M. & alij quidam eum secuti opinentur consuetudine fieri posse, non statuto. Sed à Panormitani & suorum sententia recedunt Ioannes ab Anania in cap. Sicut pro certo. supra hoc tit. Anton. à Butrio in d. cap. Cum M. num. 53. Decius ibid. num. 33. & seq. Egidius Bellamera in consil. 31. incip. Quod mulier super dote, & alij quidam, & ex iunioribus Nauarr. in manuali confess. cap. 23. num. 102. vers. Vndecimò quod non committit veram, &c. Cū regulariter à pari procedant consuetudo & statutum per notata in l. De quibus. ff. de legib. imò consuetudo & statutum non differant, nisi vt tacitum & expressum. Instit. de iure nat. gent. & ciuil. §. penult. Dec. & Anton. latius, & sic etiam vt Nauarr. obseruat Concilium Trident. videtur in hoc æquare statutum & consuetudinem, & corrigere Panormitani & sequentium sententiam: cuius etiam differentiam ante Hostiens. in d. cap. Sicut pro certo. & in hoc cap. confudit, & statutum consuetudini exæquauit. Fundat Hostiens. con-

clusionem arg. cap. Officij. de testam. & ca.
 fin. De his quæ fiunt à maior. part. cap. & ad
 dit in d. §. Qualiter. in hoc casu etiam cautio
 nem de soluendo exigi posse arg. cap. Signifi-
 catum. de præbend. & cap. Significasti. de
 lect. & cap. Ad Apostolicam. hoc tit. Gerse
 in tract. de simonia 2. part. suorum ope
 tract. 36. ad tertiam rationem siue obiectionem
 nem respondet, quod tales pecuniæ non exi-
 guntur à canonicis pro beneficio, vel officio
 sed pro communibus oneribus supportandis
 in quibus canonicus ille particeps erit, quorum
 emolumentum commune, sicuti pro fabrica
 pro pueris de choro, pro cappa, & similibus.
 Non negamus tamen, inquit, quin apud alios
 quos modus exigendi non sit vsquequaqu
 purus & decens, licet non propriè simoniacus.
 Sic ille. Hinc rectè colligitur, quomodo
 do statutum canonicorum S. Hilarij Pictaui
 ensis Ecclesiæ, quo cauebatur, vt canonicus
 de nouo receptus solueret vel quadraginta
 aureos, vel dimitteret vnius anni redditus pro
 Ecclesiæ fabrica, fuit declaratum abusiuum
 à senatu, auctoribus Stephano Auffrerio i
 stilo parlamenti arresto 377. & post eum Pe-
 tro Rebuffo in tractatu concordatorum i
 tit. de reservationibus. Non enim intelligen-
 dum quod fuerit abusiuum in eo, quòd ali-
 quid exigeretur ad fabricam Ecclesiæ, & com-
 munem vtilitatem, sed ratione alicuius ad-
 iuncti, quòd abusum & speciem mali habe-
 bat

bat: Cum referente eodem Rebuffo ibidem statutum sit per regem Ludouicum in fundatione ordinis militiæ S. Michaëlis approbata per Papam, vt quilibet miles eius ordinis in sua receptione soluere debeat quadraginta aureos in vsus vestium Ecclesiæ, & ornamentorum conuertendos.

Secunda Conclusio. Non est licitū statutum, quo cauetur vt aliquid in receptione ad canonicatum, aut adeptione possessionis soluatur, quod cedat in priuatam vtilitatem canonicorum, aut inter eos diuidatur. Hæc est communis omnium DD. conclusio fundata in hoc cap. quam Concilium Trident. satis confirmat loco cit. Hinc nec pro prandio, nec pro pastu, aut alio simili respectu licitum est pretium recipere.

Tertia Conclusio. Si non sit sinistra intentio vt recipiatur in receptione, nominatione, admissione & adeptione possessionis aliquid temporale, tendens ad propriam vtilitatem commodumque, pro beneficio, aut officio, aut beneficij possessione, vel titulo non est simonia ex se mala, sed tantum præsumptiuè, in foro exteriori prohibita ob speciem mali, de qua actum in secunda conclusione. Hanc tenent Egidius Bellamera in dicto consil. 31. in quo consultit super consuetudine Ecclesiæ Rothomagensis, cuius Ecclesiæ Episcopi suffraganei promoti ad Ecclesias, tenebantur antequam suam Ecclesiam cathedralē intrarent,

personaliter accedere ad Ecclesiam Rothomagensis. & ibidem publicè obedientiam, & reuerentiam Ecclesiæ Rothomagensi & Archiepiscopo eiusque successoribus promittere, & vnum bonum & solemne prandium suis proprijs sumptibus Domino Archiepiscopo Decano, capitulo, & alijs personis illius Ecclesiæ. Gloss. & Vincent. in cap. Ex parte 1. in verb. Dimittere. de offic. deleg. Gerson loc. cit. Nauarr. loco cit. Hanc probo. Si esset simonia ex sua natura mala, & ideò prohibita quia mala, non esset etiam licitum accipere ex statuto aut consuetudine ad vsus pios, contra primam conclusionem. iuxta illud Alexand. Pontifici in cap. Ex multis. 1. quæst. 3. versus finem si dicentis. Constituimus & eodem modo firmamus, vt nullus cuiuscunq; gradus clericus pro Ecclesiæ beneficio aliquid audeat conferre, aut fabricæ Ecclesiarum, vel donarijs Ecclesiarum: seu etiam quod pauperibus sit tribuendum: quia (teste scriptura) qui aliquid malè accepit, vt benè dispense potius grauatur quam iuuatur, & cap. Non est putanda. 1. quæst. 1. Quod enim ex sua natura malum est, nullo fine cohonestari potest, vt bene fiat. Non enim sunt facienda mala, vt eueniant bona. Ergo ex sua natura non est malum & simoniacum aliquid dare, aut recipere vigore statuti, aut consuetudinis, modò intentio non feratur in emptionem, aut venditionem beneficij, aut officij. Quod autem in foro exteriori sit

ri sit tanquam simoniacum prohibitum non est mirum, quia ex cupiditate & avaritiæ radice talis acceptio videtur procedere, cum non appareat iusta causa accipiendi, & ab omni specie mali præsertim Ecclesiasticis sit abstinendum. argum. cap. Cum ab omni. de vit. & honest. clericor. Ad idem facit Concilium Trident. loco cit. dum mandat Episcopis, ut quæcunque huiusmodi in usus pios non convertuntur, atque ingressus eos, qui simoniacæ labis, aut sordidæ avaritiæ suspicionem habent, fieri non permittant. Spectat huc quoque illud quod Ruardus Taper in sua quodlibetica quæst. de obligatione consuetudinis, propositione quarta, primo loco infert ex eadem propositione, nempe quod nulla consuetudine excusari canonici possunt, qui à fratre nouiter recepto, notabilem pecuniæ summam recipiunt, quam inter se distribuunt, & quamvis receptio illa fieri potest, ut non sit propriè simoniaca, semper tamen iniusta est. Propter quod Papa in cap. Iacobus. de simonia illam consuetudinem rejicit & contemnit, &c.

Quarta Conclusio. Non est illicitum, si aliquid liberè, gratisque detur sine vlla exactiōne, in adeptione possessionis, aut nominatione, vel præsentatione. Hæc conclusio communiter recepta. In eis quæ gratis liberaliterque dantur, non vendicat sibi locum simoniaca labes, cum non intercedant emptio & ven-

ditio, quæ ad constituendam simoniam requiruntur. Sed aduertendum vnum notabile hîc, notatum ex Innocentio à Panormitano in dicto cap. Cum M. num. 26. quod si nihil peteretur, vel promitteretur in receptione sed receptus aliquid dat spontè canonicis Ecclesiæ, non committit simoniam, licet ibi sit statutum aliquid exigens. Ab hac tamen sententia rectè recedunt in dicto cap. Cum M. Decius num. 34. Andreas Barbat. num. 13. Felin. ibid. pag. 9. & 10. Ioan. ab Anania in cap. Dilectus 2. & allegant hi etiam Panormitan. contrarium tenentem in dicto cap. Dilectus. dum ait. Et ex hoc infero ad quæstionem: Est statutum in Ecclesia, vt nouiter receptus in canonicum vel monachum, teneatur certum quid soluere: quidam receptus sine aliqua exactione soluit, nunquid licitè hic recipiatur: & concludit secundum Doctores allegatos quod non, per text. ibidem. quia ex quo prius præcessit taxatio illius solutio, & oblatio, non potest dici propriè spontanea, imò videtur facta virtute illius taxationis. facit cap. Ex multis. l. quæst. 3. vbi obseruandum, quod corrupta sit lectio Panormit. in quibusdam libris. Quia in duobus diuersis exemplaribus à me adhibitis, sic legitur in dicto cap. Dilectus allegato, post vltimum notabile, commemoratis suprapositis verbis, nunquid licitè hîc recipiatur, subdi-

Et d

Et dico quod sic per istum textum, quia ex quo præcessit taxatio, illa oblatio videtur facta virtute illius taxationis 1. q. 3. c. Ex multis, & sic lectio corrigenda est, vt clarè ex ratione ab eo allata patet: vt ita legatur. Et dico quod non per istum textum, &c. Sed his omissis posterior sententia amplectenda est. Satis enim exactum videtur, quod per statutum requiritur & præscribitur. Quando enim quis scit se posse compelli, licet sponte faciat, dicitur facere compulsus. Bald. in l. Nouissimè, ff. Quod cum falso tutore, auctores & moderni cum alijs in dicto cap. Cum M. & qui soluit nulla coactione adhibita, si tamen sciebat se posse cogi, inuitus soluit Ioan. Andr. in reg. Bona fides. in princip. de reg. iuris in 6. Atque etiam quando extat statutum, virtute cuius aliquis potest cogi, metu statuti videtur soluere, etiam si non petatur, & qui metu statuti soluit, iustum metum habere dicitur. Baldus in l. Falsus. ad finem. C. de furt. Felin. post alios plures in dicto cap. Cum. M. text. optimus ad idem in dicto cap. Dilectus 2. in fine, cum dicitur: Illud tamen gratanter recipi poterit, quod sine taxatione, gratis oblatum. Sed quando statutum quid certi esse dandum in receptione decernit, satis taxatum est, & sic non omninò gratanter, sed potius quia aliter fieri non potest, soluitur. Sed etiam pro hac materia satis mirabilis casus hic

inferendus, collectus in forma ab Antonio Butrio in d. cap. Cum M. num. 54. vers. Tertius casus ex auctoritate Innocentij ibidem cuius post hos meminit Ioan. Imolens. num. 17. in eod. cap. Tertius casus, inquit Antonio quando aliquid est debitum virtute statuti, et iam applicatum commodum temporali, & prauato, & tempore receptionis nulla sit commemoratio statuti, receptus tamen postea compellitur vi statuti, & hæc non est simonia, datur etiam quod statutum sit iniquum, & illi peccauerint statuendo. Ex quo tamen mentis non est adhibita de statuto tempore receptionis ad seruandum statutum arctatur vi statuti, quod licet in se sit iniquum, non tamen simoniam inducit. Sic ille.

CAPVT XLV.

Qui ordinauit aliquem sub promissione de non petendo ab ipso prouisionem: ordinator per triennium a collatione, presentator vero ab executione ordinum etiam per triennium suspensi sunt: ordinatus vero ab ordine perpetuo sit suspensus, & solum per sedem Apostolicam cum eis dispensatur.

Idem.

SI quis ordinauerit, seu ad ordinem presentauerit aliquem, promissionem, vel iuramentum

mentum ab eo recipiens, quod super prouisione sua non inquietet eundem : ordinator à collatione, præsentator verò ab executione ordinum per triennium, & ordinatus ab ordine sic suscepto, donec dispensationem super hoc per sedem Apostolicam obtinere meruerint, nouerint se suspensos.

Casus. Quia frequenter ordinantur aliqui sine certo titulo, propter quod fiunt promissiones illicitæ, statuit Gregor. quod si aliquis ordinauerit, seu ad ordinem præsentauerit aliquem recipiens ab eodem promissionem vel iuramentum, quod super sua prouisione non inquietabit eundem : ordinator à collatione, & præsentator ab executione ordinum per triennium nouerint se suspensos, & ordinatus ab ordine sic suscepto nouerit se suspensum, donec dispensationem per sedem Apostolicam meruerint obtinere.

Nota primò. In eo quis punitur, in quo peccauit : Sic in proposito qui circa ordinis sacramentum peccauerunt, suspenduntur ab executione ordinum.

Nota secundò. Remissio, vel retentio temporalis debiti pro spirituali consequendo, simoniam inducit. Anton. hîc n. i. Paria enim videntur dare, & debitum remittere. arg. c. Veniens. i. & ibi à DD. annotat. de testib. c. Talia. 8. q. 3. & l. Quinetiam. ff. de calum. & l. Si mulier. ff. de condit. causa data. latè Decius ff. de reg. iuris. l. Si quis oblatione.

CAPVT XLVI.

*Habet duo dicta: secundum ibi: & adre-
signationes, & propter breuitatem &
varietatem lectionarum aliter non sum-
matur.*

Idem.

Mandato nostro recepto: vt cum mo-
nachis qui per simoniam dato aliquo
locum in monasterijs sunt adepti, secundum
constitutionem generalis Concilij dispensa-
res: & infra. Consultationi tuæ breuiter re-
spondentes dicimus mandatum Apostolicum
etiam ad Abbates extendi. Et ad resignationes
spiritualium & temporalium quæ nullo pacto
sed affectu animi præcedente: vtrunque taliter
acquiruntur: in quo casu delinquentibus suf-
ficit per solam pœnitentiam suo satisfacere
creatori, eos pro simonia huiusmodi non
teneri.

Casus literalis. Quidam recepit in manda-
tis à Papa, vt secundum constitutionem ge-
neralis Concilij. supra eod. cap. Quoniam. dis-
pensaret cū monachis qui per simoniā aliquo
dato in monasterijs sunt recepti nulla de Ab-
batibus in mandato Papæ habita mentione
Consuluit Papam iste vtrum auctoritate istius
mandati possit dispensare cum Abbatibus. I-
aliqui sunt adepti spiritualia nullo dato pretii
nullo pacto dandi, vel recipiendi præcedent
qu

quæritur vtrum isti propter istum affectû teneatur ad restitutionem huiusmodi spiritualium. Ad primum respondet Pontifex, quod mandatum Apostolicum ad Abbatem etiam extenditur, & sic constitutio illa. c. Quoniam simoniaca. continet dispensationem per Papam exhibendam. Ad secundum respondet, quod isti per huiusmodi simoniam non tenentur ad resignationem spiritualium, vel temporalium quæ nullo pacto sed affectu animi præcedente ex vtraq; parte taliter acquiruntur, sed sufficiat delinquentibus per solam pœnitentiam in hoc casu satisfacere creatori.

Nota primò text. quod appellatione monachorum Abbas etiam intelligitur, quia propter abbatiam non desinit quis esse monachus: Sic quoque nomine monialium Abbatisa continetur. supra eod. c. Quoniam.

Secundò aduertendum cum Glossa in verb. Affectu animi, quod sola voluntas siue affectus animi non facit aliquem simoniacum, licet aliter peccet (intellige nō efficit simoniacum qui subiaceat pœnis in foro exteriori) Sed secus videtur in vsura vbi sola spes vsurarij vsuram inducere videtur. 14. q. 3. c. 1. & c. Consuluit. de vsur. Occasione huius Glossæ communiter DD. in hoc cap. Quærunt quare vsurarius mentalis teneatur ad restitutionem, & non simoniacus similiter mentalis. Sed de hac quæst. quid & quam variè sentiant DD. mox videbitur.

QVÆSTIO I.

*Vtrum simonia mentalis obliget ad
restitutionem?*

DE huius quæstionis materia tractant Adrian. quodlib. 9. in tertio principali sub lit. E. Caietan. Petrus de Aragon. & Gregor. de Valentia in 2.2. S. Thomæ. quæst. 100. art. 6. vbi S. Thomas in solut. ad 6. etiam attingit. Victoria in relect. de simonia. part. 2. quæst. 1. Dominicus Sotus lib. 9. de iustitia & iure. q. 8. art. 1. Petrus à Nauarra lib. 2. de restitut. cap. 2. Ioseph. Angles in florib. Theolog. qq. in 2. part. in 4. de restit. in quæst. Quis à restitutione sit liber. 18. difficul. Syluest. in verb. Simonia. quæst. 20. Aurea Armilla cod. num. 58. Martin. Nauarr. in manuali confessor. cap. 23. num. 103. Canonistæ in hoc cap. & alij alibi. Nunc antequam ad resolutionē accedamus, memoria renouandum est, quod in Rubr. notab. 14. annotatum, quod simonia mentalis duplex est. Purè mentalis, quæ in sola mentis deprauatione consistit, ibique quiescit. Non purè mentalis, quæ non committitur quidem sine mentis affectu, non tamen ibi hæret, sed progreditur ad actum exteriorem dandi & recipiendi sine vlllo tamen pacto, aut conuentione interueniente, exemplum ponit in hoc cap. Innocent. tale ex parte dantis & recipientis be-

tis beneficium, aliquis ideò seruiuit, vt beneficium acciperet, & ille qui dedit beneficium, ideò dedit, quia sibi seruiuit. Hic mentis reſtitutio ex parte vtriusque deſideratur. Si autem N. inferuiat alicui prælato principaliter vt beneficium ei det, prælatus autem cognoscens aptum ad officium beneficij N. ei beneficium confert, minus principaliter etiam motus intuitu ſeruitij, mens tum impura eſt tantum ex intentione ſeruiantis.

Prima Concluſio. Simonia purè mentalis nullam inducit obligationem reſtituendi, ſed tantum pœnitentia purgatur. Hæc eſt communis DD. Ratio eſt euident. Vbi nihil datur, aut accipitur, ibi non poteſt eſſe locus reſtitutioni, vt notiſſimum eſt omnibus, ſed in ſimonia purè mentali nihil datur aut accipitur. Quippe quæ ſolius mentis interioris terminis contenta eſt. Quod autem pœnitentia purge-
tur: à fortiori præſens text. comprobatur.

Secunda Concluſio. Simonia mentalis quæ ad opus exterius progreſſa eſt, nec ſola affectus prauitate contenta fuit, nõ obligat ad vllā reſtitutionē, ſed ſufficit delinquentibus per ſolam pœnitentiā ſatiſfacere creatori, vt præſens text. in fin. loquitur. Hęc eſt comuniſſima tã Theologorum, exceptis paucis, quam Canonistarum ſententia, quam ex Theologis apprehenderunt D. Thom. in d. ſolut. ad 6. Caietan. & alij commentatores ibid. S. Antonin. 2. part. tit. 1. cap. 5. §. 11. Viſtor. Petrus à Nauarra, Iose-

ra, Ioseph. Angles, Syluest Aurea Armil. Petr
 à Soto de Instit. sacerdotũ, de sacramento or-
 dinis, lect. 7. prope fin. Nauarr. loc. cit. & lib. 3.
 consilior. de concess. præbend. consil. 1. n. 3. &
 lib. 5. in tit. de simonia; cons. 51. n. 2. & 53. n. 2. &
 alibi. & communiter recentiores nunc Theo-
 logi. Ex alijs Cardin. Alexand. 1. q. 1. in princ
 Idem cum Archidiac. & alijs in ead. causa & q
 cap. Quicumque. Ioan. Andr. Panormit. An-
 ton. Ioan. ab Anania. Felin. & alij in cap. Tu-
 nos. supra eod. & communiter in hoc cap. An-
 dreas Barbat. in cap. Ex parte. 1. num. 36. de of-
 fic. delegat. Alberic. in Repertorio. verb. Si-
 monia. in addit. Ioan. Bapt. Caccialup. in tract
 de pensionib. 1. q. 19. à num. 7. & seq. Cardin
 Zabar. in Clement. 1. de vsur. q. 25. Guido Pa-
 pa in tract. de vsuris. num. 15. & alij communi-
 ter alibi. Contrarium tamẽ tenent simonian
 scilicet mentalẽ etiam obligare ad restitutio-
 nem Adrian. in d. quodlib. 9. Ioan. Maior in 4
 d. 25. q. 1. art. 7. Armachanus lib. 10. c. 23. Hen-
 ricus de Gandauo quodlib. 6. q. 26. Ioan. Me-
 din. in C. de reb. per vsuram acquisitis. q. 4. in
 2. arg. principali. Bartholom. à Medina lib. 2.
 suæ summe. c. 14. §. 12. Dominic. Sotus in d. art.
 1. in solut. ad 6. arg. Nunc probatur concussio
 primò ex hoc c. vbi in secunda parte tam ma-
 nifesta sunt verba text. vt nimix cuiusdam au-
 daciæ fuerit illud inficiari, sicut Nauar. in ma-
 nuali confess. cap. 23. num. 103. vers. Prim-
 quia illud loquitur, maximè adiecta commu-
 ni om

ni omnium DD. interpretatione, imò S. Thomas in dicto art. ad 6. licet alijs verbis mentem omninò Pontificis ex hoc c. refert, si verba ipsius rectè inspiciamus. Sic enim ait: Ad sextum dicendum, quod quoad Deum sola voluntas facit simoniacum. Sed quoad pœnam Ecclesiasticam exteriorem non punitur vt simoniacus, vt abrenunciare teneatur, sed debet de mala intentione pœnitere. Sic ille. Dominicus Sotus ineptam dat expositionem ad hunc D. Thomæ text. Respondet enim, quod S. Thomas non loquatur de simonia mentali, vt communis opinio intelligit d. c. Mandato. alias cum inter pontificia decreta iam tunc extaret, ipsum citasset. Sed vocat simoniacum mentalē eum qui intēdit pretio dare, aut accipere rem spiritualē, tamen verè non dat. Hanc Soti interpretationē Petr. de Arag. & eiusdem nominis à Nauarra d. c. 2. n. 399. merito reprehendunt, & irrident. Quandoquidē nihil manifestius, quā simoniam mentalē, quę exterius se nō prodit dando & accipiendo nō obligare ad restitutionē. Nihil enim restituet, qui beneficium per pecuniā acquirere tantū desiderat, sed nunquam acquisiuit. Quis vnquam dubitauit vsurarium illum non obligatum ad restitutionem, qui tantum desideriiu delectationemq; habuit dandi ad vsurā, & recipiendi lucrum vsurarium, nihil tamē adhuc accepit. Ridiculum ergo est tam dissonum sensum D. Thomæ contra ipsam literam imponere.

Nec

Nec refert quod S. Doctor cap. Mandato, non allegauit, sufficit quod sensum decretalis ferè verbis æquipollentibus retulerit. Quod etiam fecit ibidem in sol. ad 5. Vbi multa refert ex cap. Quoniam. cod. tit. & ex cap. De regulis ibidem. Nunc videndum quid respondeatur à Doctoribus contrariam partem tenentibus ad clarum text. cap. Mandato. Henricus de Gandauo ad illud cap. hanc dat Glossam, quod non intelligatur de receptione in monachum, sed de loco inter monachos. Quæ Glossa ex sola textus inspectione tollitur, ideò non est multum in ea laborandum, sed omissis alijs, quorum quidam dicunt, cap. intelligi de simonia prohibita iure positiuo, cum tamen loquatur clarè de religionis ingressu, sicque sit iure diuino illa simonia damnata, alij procedere in foro exteriori, quamquam text. etiam apertus sit de foro conscientie, nunc videndum quid Adrian. & post eum Sotus in illum text. commententur. Sotus Adriani commentum approbat & latius explicat in hunc, qui sequitur modum: Ait si quidem, illic (loquitur de Adriano) Pontificem nullatenus decernere in simonia mentali non esse necessariam resignationem spiritualium, aut temporalium restitutionem: imò contrarium docet, sed lectio quæ punctum & comma ineptè collocat, errorè generat. Vulgò namque post narrationem casus, responsum in duo diuiditur, videlicet vt post verbum,

bum, extendi, fiat rubrica, & inde quasi noua clausula sic legatur: Et ad resignationem spiritualium, & temporalium, quæ nullo pacto, sed affectu animi præcedente, in quo casu delinquentibus sufficit per solam pœnitentiam suo satisfacere creatori, eos pro simonia huiusmodi non teneri, ita vt hoc vltimum verbum referatur ad præcedentia, scilicet non teneri ad resignationem temporalium & spiritualium. Quod apparet Papam non sensisse, &c. Igitur vt textus rectè legatur, præmittendus est casus capituli. Quidam enim dato praua intentione pretio absque pacto recepti sunt ad religionem: & forsan dederant monasterio aliquam præbendam, & insuper aliquod temporale. Postmodum verò compuncti Romanam miserunt, vt cum illis fieret dispensatio. Papa verò misit mandatum, vt eadem fieret. Sed tamen dubitauit postea eius Abbas de extensione mandati quantum ad duo: nempe vtrum extenderetur facultas vsque ad Abbates: vt ipse posset cum illis dispensare: Item vtrum extenderetur etiã ad dispensandum super resignationibus ne ex alterutra parte fierent: vt scilicet conuentus resignare non teneretur, sed omnia posset retinere, quæ monachi contulerāt. Respondet ergo ad vtrumque Pontifex affirmatiuè: dicens: Mandato nostro recepto, vt cum monachis, qui per simoniam dato aliquo (scilicet munere tam temporali quam spiritali) locum in monasterio

sterio sunt adepti secundum constitutionem generalis Concilij (videlicet Constantiensis, vt habetur cap. Quoniam. paulò ante in cod. tit. & infra.) Sequitur conclusio. Consultationi tuæ breuiter respondentes, dicimus mandatum Apostolicum (id est facultatem dispensandi) ad Abbates extendi (vt scilicet ipsi valeant dispensare) & ad resignationes spiritualium & temporalium. Itaque verbum, extendi, fertur in hoc quod sequitur, sed interlita rubrica rem obscurauit, peruertitque subinde lectionem, vt intelligeretur non teneri ad resignationes. Debes ergo sic legere: Extendi ad Abbates vt ipsi possint dispensare, extendique ad resignationes tam temporalium quam spiritualium, si modo nullum interuenit pactum, nempe vt Abbas possit dispensare, ne resignatio tam temporalium quam spiritualium, quæ alias necessaria erat, non fiat. Addit verò, quæ vtrunque taliter acquiruntur, vtpote quod dispensetur, ne vel monasterium restituat, quæ perceperat, neque verò monachi inde abire cogantur, id quod alioqui iuxta tenorem dicti Concilij facere tenebantur, & transire ad aliud monasterium. Ait ergo Papa, quod in illo casu, id est, facta dispensatione, delinquentibus sufficit per solam pœnitentiam suo satisfacere creatori. Verbum ergo (solam) non excludit, quin ex natura simoniæ facienda esset tam resignatio spiritualium, quàm restitutio temporalium. Imò cum

cum dicat mandatum dispensandi, ad id extendi, palam docet super his dispensationem fuisse necessariam, sed excludit illa, quæ in dicto concilio iubentur: scilicet ne exeant monachi à monasterio, sed mancant in suo loco cum sola pœnitentia. Sic Sotus. Circa hanc Soti in text. lectionem in primis aduertendum quod non satis casum text. intellexit, aliter enim res se habet, vt constat ex narratione casus statim post capitulum posita. Non enim mandatum, cuius hîc mentio facta est, directa fuit ad Abbatem, sed ad alium, scilicet Apostolicum legatum, sic non Abbati etiam tradita fuit commissio dispensandi. Commissarius autem ille cum accepisset in mandatis à Pontifice, vt secundum constitutionem generalis Concilij (Non est illud Concil. Constantiens. quod longo tēpore Gregorius nonus, cuius hoc c. est, præcessit, sed Lateranense sub Innocentio III. c. 64. Vnde Soti lectio errore Typographorum est corrupta, dum pro Lateranensis, ponit Constantiensis, quamuis Petr. de Aragon. & à Nauarra, Sotum etiam ita allegent, nec lectionem corrigant, cum nō expenderit) relati in c. Quoniam simoniaca. supra dispensaret cum monachis, qui locum in monasterio pretio dato adepti fuerant, nulla facta mentione de Abbate, qui pretium accepit, consuluit ergo super hoc Papam, An virtute istius mandati posset etiā cum Abbatibus dispensare. Cui respondet Gregor. mandatū hoc

Ll 2

etiam

etiam ad Abbates extendi, ita ut cum illis sicut cum monachis simoniace locum adeptis possit dispensari: & hæc est prima pars text. Atque sic facile perspicitur, quod Pontificis mandatum non extenditur ad chimeras, ut Adrian. loquitur, & sequi putat ex communi DD. lectione, sed planè arguat suam extensionem esse chimericam, nec coherentem cum sequentibus. Secundò rogatus fuit Pontifex: An tales simoniaci, siue monachi dantes, siue Abbates recipientes, teneantur spirituale & temporale resignare, ita ut nec Abbates pretium, nec monachi habitum & locum (quæ spiritualia sunt) debeant resignare. Huic secundæ interrogationi Papa respondet: Et ad resignationes spiritualium & temporalium, quæ utrinque prauo animo acquisita sunt, eos non teneri, modò pactum non interuenerit, &c. sed ad solam pœnitentiam suo creatori faciendam. Ad hæc secundum Soti lectionem impossibile est aptare aliquam constructionem tolerabilem, ut bene Nauarr. obseruauit illi versic. Eos pro simonia huiusmodi non teneri. Repugnant illi Glossæ Adriani & Soti summarium præfixum omnibus etiam exemplaribus insertum. Gloss. casus ab ead. formatus, & communis DD. in illud cap. expositio. Etiam consonat antiquæ lectioni, & distinctioni lectio Decretalium cum suis Gloss. restituta suæ integritati auctoritate Gregorij XIII. Pontificis felicissimæ memoriæ. Ratio etiam

etiam huius conclusionis breuiter tangitur à Syluestro in d. quæst. 20. quam latius placet declarare, eamque sic formamus. Obligatio restituendi ratione simoniacè acceptorum descendit ex iure positiuo, & non ex naturali & diuino, vt docent Victoria in d. relect. Caïetan. 2. 2. quæst. 100. art. 6. Syluest. loco cit. Nauarr. Petrus à Nauarr. DD. in hoc cap. & alij alibi. Sed nulla est dispositio iuris humani siue positiui, quæ modò absit pactum, iubeat accepta in simonia mentali restituere, cum lex humana iuxta communem magis & receptam sententiam non puniat actus interiores mentis, qui ex natura propria minimè possunt in foro exteriori probari, & ex consequenti puniri, vt testes sunt S. Antonin. 3. part. tit. 23. cap. 4. Maior in 3. sentent. d. 25. quæst. 3. Iacob. Almain. in tract. de potest. Ecclesiæ. cap. 3. Caïetan. 2. 2. quæst. 11. art. 3. Alphons. Castrens. lib. 2. de potestate legis poenalis. cap. vlt. conclus. 1. Syluest. in d. quæst. 20. & in verb. Excommunicatio. 7. §. 2. Martin. Nauarr. de poenitentia. d. 5. in principio. num. 19. & seq. & in cap. Cogitationis. de poenit. d. 1. Didac. Couarr. in relect. cap. Peccatum. de reg. iuris. 2. part. in initio. num. 7. & alij. facit ad hoc illud Vlpiani in l. Cogitationis. ff. de poenis. relatum à Gratiano. in d. cap. Cogitationis poenam nemo patitur. His accedit quod nemo debet puniri (intellige ab homine) de peccatis occultis. 6. q. 1. cap. Si omnia. & cogitationes sunt penitus oc-

cultæ, & soli Deo reſeruata. Ipsi enim præparantur cogitationes. 1. Reg. cap. 2. & 16. Homo videt, quæ parent. Dominus aut cor intuetur. Concordat & S. Thomas 1. 2. quæſt. 91. art. 4. in hæc verba: De his poteſt homo legem facere, de quibus poteſt iudicare. Iudicium autem hominis eſſe non poteſt de interioribus motibus qui latent, ſed ſolum de exterioribus actibus qui apparent. Quæ in contrarium adferri poſſunt ſoluuntur, ab Alphonſo & Nauarr. Ergo nulla obligatio reſtitutionis ſuper eſt in ſimonia mentali, quando conuētio, aut pactum abeſt. Nunc reſpondendū argumētis in contrarium, quæ difficultatem facere videntur. Primum de quo communiter DD. in hoc cap. Vſurarius mentalis tenetur ad reſtitutionem cap. Conſuluit. de vſur. Gloſſ. & DD. ibidem. Gloſſ. & DD. in hoc c. Ergo etiam ſimonia mentalis obligabit ad reſtitutionem, quia ſimilis videtur ratio. Reſpondetur, quod hoc argumentum quærit ſolutionem, quare vſurarius mentalis reſtitutioni ſit obnoxius, & non ſimoniacus mentalis, & varij ſunt DD. in aſſignatione differentię, vt patebit. Atque in primis, quidam ſunt DD. qui negant vſurarium mentalem eſſe obligatum ad reſtituendum, nec in hoc eſſe vllam differentiam inter vſurarium & ſimoniacum mentalem. Sic ſentiunt ex Theologiſ Scot. in 4. d. 15. q. 2. art. 2. Richard. ibid. art. 5. q. 5. Gabriel ead. d. q. 2. art. 2. dub. penult. Angel. in verb.

Reſtitu-

Restitutio 1. vers. Vfurarius mentalis utrū teneatur. Sylu. in verb. Vsurā 6. q. 3. & ex iurispræ-
ritis Bald. in l. penult. ff. de condit. ob turpem
caus. Alexan. in l. Si non sortem. §. 1. ff. de con-
dict. indeb. Paulus Leazar. in Clem. 1. de vsur.
Anton. à Butrio in cons. 17. incip. Occurrenti-
bus. & Carol. Molinæus in tract. de commer-
cijs & vsuris. num. 6. atque hi DD. non labo-
rant in reddenda differentia. Sed quoniam
nos in cap. Consuluit. de vsur. q. 1. tradidimus
cum sententia DD. probabile esse vsurarium
mentalem obligatum ad restitutionem lucri
acquisiti, ideò cum alijs in hoc cap. etiam dif-
ferentiam assignare debemus, atque cum hîc
proprius locus sit, aliqua sunt inferenda, quæ
in commentario d. cap. & quæst. etiam col-
legimus.

Prima assignatio differentię potest attribui
Hostiensis in hoc cap. quod vsura sit prohibi-
ta utroque testamento, & sic Papa in eo dis-
pensare non potest. Sed simonia in beneficio
est prohibita ex sola institutione Ecclesiæ. Sed
hæc solutio non subsistit, quia Pontifex loqui-
tur de simonia iure diuino prohibita, scilicet,
quæ committitur pro religionis statu. Diui-
no enim iure reprobatur venditio status reli-
gionis, quandoquidem omninò spiritualis
est, & extra ordinem rerum, quæ sub contra-
ctus merè humanos cadunt. Deinde ut Pa-
normitanus ait, nimis restringit hæc senten-
tia textum. His additur quod in antiquo

testamento etiam Giezi commisit simoniam, & ideò percussus lepra. i. q. i. cap. Cito turpem. & in nouo testamento. Gratis date, gratis accepistis. Matth. 10.

Secunda ratio diuersitatis est Ioannis Andreæ, quod magis vulneratur bonum charitatis in vsura mentali, quam in simonia. Præterea in vsura sola mens vsurarij est deprauata, exigentis videlicet aliquid vltra sortē: non autem soluentis, ideò ei debet fieri restitutio. In simonia autem vtriusq; animus est corruptus. Cum tam emi, quam vendi spiritualia sit prohibitum. Sed hæc diuersitatis ratio non inferuit ad propositum. Simonia cum sit detestabilius peccatum, quam vsura, magis lædit bonum charitatis. Quia maius peccatum, magis vulnerat. Deinde mens deprauata nemini debet suffragari. Ergo cum in simonia secundum opinionem dictam mens vtriusque sit corrupta, multò minus debet acquiri dominium, quam in vsura, vbi corruptio tantum est ex vna parte. At huic sententiæ adhærent Guido Papa de vsuris. num. 15. & quidam alij.

Tertia differentia attribuitur alijs à Panor. mit. in hoc cap. qui dixerunt, quod in simonia non fit restitutio, quia concernit actum exteriorem & venditionem, sed vsura concernit animam iuxta illud Euangelicum. Mutuum dantes, nihil inde sperantes. Verum hæc ratio valde infirma, vt etiam innuit Ioannes Andreas: quia non redditur ratio, quare vsura magis

magis concernat animam, quam simonia: cum potius contrarium dici debeat, eo quod simonia grauius peccatum sit.

Quarta Panormitani, qui cum ostendisset aliorum rationes non esse satis efficaces, dicit non malè posse reddi rationem, illud indutum esse in odium vsurarum, quia si hoc esset permissum, daretur sapè materia figmentis, vt sine pacto soluerent vsuras. Vel vt restringatur hoc cap. ad simoniam prohibitam ex constitutione Ecclesiæ: Vel vt intelligatur in effectu, & spe secundaria, & non primaria, hoc putat tutius tenendum, vt vbi intentio fuit principalis immineat restitutio. Sic Panormitan. Prima ratio ab eo reddita, parum vrget, cum maius odium sit simoniæ quam vsuræ: peius enim peccatum maiori odio dignum est. Secunda ratio refutatur eodem modo, quo ratio secundæ opinionis reiecta est. Postrema quam alijs tutiorem existimat, præsupponit falsum, vt rectè iudicat Nauarrus in manuali confessoriorum. cap. 23. num. 103. videlicet quod cap. loquatur de illo qui non dat, vel facit temporale principaliter pro spirituali, sed minus principaliter & secundariò. Quia hoc c. agit de simonia, quæ est peccatum mortale. Tale autem non est facere aliquid minus principaliter & secundariò pro spirituali, vt etiam supra demonstratum est.

Quinta est Andreæ Barbat. in cap. Ex parte 1. num. 37. de officio delegat. ita esse in vsura-

Ll 5. rio men-

rio mentali, quia vitium vsurarum est magis frequentatum, & vnum delictum aggrauatur ad pœnam propter suam frequentiam. Sed vitium simoniæ non est ita frequentatum. Ergo. Sed hæc differentia non est fundamentalis, sed extrinseca & impertinens ad radicem restitutionis, maximè in peccatis occultis, ad quæ potestas fori exterioris se non extendit.

Sexta redditur ratio diuersitatis à Cardin. Zabarel. in Clem. 1. de vsur. quæst. 25. quia in simonia intentio non est causa propter quam detur, vt si recipio beneficium, & in mente habeo aliquid dandi, pro hoc ista non est causa, quare ille det beneficium. Similiter intentio conferentis de aliquid recipiendo non est causa, quare ipse conferat cum teneatur conferre. Mutuans autem cum spe aliquid percipiendi, alias non mutuaturus hac sola spe ducitur, & dato quod hæc ratio, vel alia, de quibus in dicto cap. fin. non essent omninò sufficientes, sufficit tamen ita scriptum esse præcipuè, quia vsura & simonia, sunt crimina omninò diuersa. Hæc ille quæ & obscura, & valdè dubia, nunc videndum quid Theologi dicant.

Septima esse potest ex Adriano in 4. de restitutione. §. Aggredior casus speciales. vers. Ad rationes ante oppositum, cui videtur suo iudicio, quod hæc ratio diuersitatis magis probabilis sit, videlicet quia restitutio simoniæ

niacè acquisite fieri debet Ecclesiæ, quæ in hoc facultatem habet ius suum remittendi, si vult. Sed restitutio vsurarum debetur personis privatis, à quibus vsuræ fuerunt extortæ: quam obligationem nec Papa, nec Imperator, neque Ecclesia vniuersalis sine aliorum assensu remittere potest. Longè ergo dispar ratio est de mentali simonia & vsura. Sed nec certum est, an in simonia mentali non obligetur homo resignare & restituere quod taliter acquisiuit: & sic iterum labitur in expositionem huius text. iuxta declarationem supra datam, & sentit quod simonia mentalis ita obliget ad restitutionem sicut vsura. Sed ista differētia imaginaria est, nec ratione, nec textu aliquo satis probatur, quod Ecclesia dispēset cum aliquo in tali casu, cum non opus sit vlla dispensatione, sed sufficiat delinquētibus per solam pœnitentiã suo satisfacere creatori.

Octaua est Ioannis Medinæ in C. de rebus per vsuram acquisitis. quæst. 4. in secundo argum. principali, quod sicut vsura mentalis in iudicio animarum, siue foro conscientię restitutionem inducit, iuxta cap. Consuluit. Ita & simonia mentalis cæteris paribus, nec est discrimen inter hæc assignandum. Ad text. autem qui videntur contrarij dicendū, quod cap. Consuluit, procedit in foro conscientię, vt ex ipso constat. Cap. autem hoc fin. de simonia locum habet in foro exteriori, in quo non tenentur simoniaci mentales ad resignationem

tionem beneficiorum, & restitutionem temporalium: & ita nulla est repugnantia. Quia Medina animaduertit malè text. ab Adriano & Soto declaratum, ita intelligit de foro exteriori: sed suus intellectus non est ad mentem canonis, qui loquitur apertè de foro cōscientiæ, quia declarat quod delinquentibus solum sufficiat in hoc casu pœnitere, nec ad aliud teneantur pro huiusmodi simonia.

Nona sit Caietani in 2. 2. S. Thomæ. quæst. 100. art. 6. qui dicit, quod ratio quare vsurarius mentalis tenetur ad restitutionem eius, quod non animo donandi à mutuuario datum est: simoniacus autem mentalis non tenetur ad restitutionem eius, quod à mentali simoniaco animo emendi, vel vendendi est donatum, quia quod taliter datur vsurario, non datur spontè, sed inuoluntariè redimendo vexationem. Est enim ibi voluntarium mistum inuoluntario, vt patet ex 3. Ethicor. Quod autem datur simoniaco mentali, voluntariè datur, quoniam datur animo emendi & vendendi. Emptio autem & venditio sunt voluntarij contractus absque voluntario misto, vt ex 5. Ethicor. patet. Est igitur tota ratio diuersitatis, differentia inter voluntarium & inuoluntarium, quia ibi inuoluntariè datur, & ideò restituendum est: hic autem voluntariè, & ideò non est restitutioni obnoxium. Hæc Caietan. cui adhæret Victoria loco cit. Nauarr. in manuali confessor. cap. 23. num. 103.

num. 103. Gregor. de Valentia in d. art. 6. Cosmus Philiarc. Theologus Florentinus tomo 2. de officio sacerdotis. lib. 6. c. 16. & alij iuniores in scholis. Sotus lib. 9. de iustit. & iure. q. 8. art. 1. ad 6. Contra hanc Caietani sententiam instat, atque ait: Sed neque ista solutio hærenti animo satisfacit: nam perinde simoniacus inuitus videtur conferre pretium, atque ille qui accipit ad vsuras: siquidem mallet gratis accipere, vt iure diuino alter tenebatur conferre. Nauarrus pro Caietano, diluit hanc Soti obiectionem loc. cit. in hunc modum: Ad hoc vt consensus dantis impediatur restitutionem, non sufficit quod mallet gratis habere, quam pretio: quoniam alioqui etiam omnis venditor teneretur restituere pretium ementi, sed sufficit consensus præstitus via contractus approbati, & quod datur per viam simoniæ, datur per viam commutationis quæ de se iure probatur: Non autem quod datur per viam vsuræ.

Decima quæ præcedenti multum affinis est, sed satis clara esse poterit, quam in primis Victoria dedit, & post eum Cosmus Philiarcus & alij quidā amplectuntur, quod vsura est contra iustitiam commutatiuam, venditur enim id quod non est, vel idem bis venditur, & propterea semper obligat ad restitutionem. Per simoniam autem non fit contra iustitiam commutatiuam; quia hinc inde datur & accipitur, & fit commutatio, & quædam emptio & vendi-

& venditio, licet iniqua & sacrilega, & propterea ex natura rei simonia nō obligat ad restitutionem, nisi quatenus in pœnā præcipitur. Victoria alijs verbis clarius. In vsura afficitur iniuria ille, à quo exigitur vsura, & ideò ei restituendū est: sed in simonia non fit iniuria illi, qui libenter dedit pecuniam, sed iniuria facta est rebus sacris, sicut si in loco sacro aliquis haberet rem cum propria vxore, non faceret illi iniuriam, sed templo. Ita in proposito nulla fit iniuria illi, à quo pecunia accepta est, sed rebus spiritualibus, & ideò nulla est restitutio facienda illi, qui dedit pecuniam de iure diuino.

Vndecima potest ascribi Nauarro loc. cit. quam putat nouam, & efficaciorē illa Caietani differentia: & est hæc, quod vsura bene soluitur, & male recipitur. Nam vluram solvere non est peccatum. cap. Debitores. de iur. iur. Recipere autem sic. cap. Quoniam. de vsuris. & qui malè recipit ab eo, qui bene dat, tenetur id restituere danti. cap. Non sanè. cum Gloss. 14 q. 5. At qui per simoniam mentalem accipit ab eo, qui malè dat, bene suscipit ob ignorantiam malæ intentionis: aut saltem accipit à malè dante, & consequenter nemini tenetur illud restituere, saltem si præstet id, propter quod datum est, per regulā ab eo positam in cod. manuali. cap. 17. num. 37. scilicet eum qui benè, aut malè aliquid accipit ab eo qui malè dat, ad illud restituendū ex præcepto non

non teneri, saltem si illud cuius causa datum est, fecit, & nulla speciali lege iubeatur id restitui. Et quamvis de accepto per simoniam realem sit lex specialis, quæ id iubet cap. de hoc. de simonia, nulla tamen talis est de accepto per simoniam mentalem: imò contraria expressè ponitur in d. cap. fin. Concludo igitur ait Nauarr. proculdubio, quod simonia mentalis non obligat ad restituendum quæsitum per eam, siue illud sit spirituale, siue temporarium, quod præcedit etiam in simonia iure naturali, & diuino prohibita, &c. Sic Nauarr. cuius ratio differentia sua non caret difficultate, & nimis longè petita videtur. Proinde Cosmus Philiaricus dicit, quod non sit sufficiens, sicut nec duæ illæ regulæ, quandoquidem propria ratio inducens obligationem restituendi, vel ab ea liberans est, quia fit, vel non fit contra iustitiam commutatiuam: contra quam non semper facit, qui turpiter recipit à bene dante.

Duodecima ratio diuersitatis vera & lepida datur à Ioanne ab Anania canonista in hoc cap. Quia reperitur iure diuino & humano cautum, quod nihil debeat sperari ex mutuo. At non sic in simonia. Quare autem istud fuit, vel fortè in odium vsurarum, vel quæras ab ipsis constitutoribus. Ex his & similibus quæ adferri possent, manifestum est, multum laborasse Doctores in assignanda diuersitate rationis. Cum autem decisio
Ponti-

Pontificis in nostro cap. clara sit, humiliter illi assentiendum est, quamuis rationem qua motus fuit, non penetremus arg. cap. Ego solus. d. 9.

Secundum argumentum contra conclusionem, potest erui ex S. Thoma in corpore. d. art. 6. Nullus potest licitè retinere id quod contra voluntatem Domini acquisiuit, exemplum pro declaratione ponit. Si aliquis dispensator de rebus domini sui daret alicui contra voluntatem & ordinationem domini sui, ille qui acciperet licitè retinere non posset. Sed Dominus, cuius Ecclesiarum praelati sunt dispensatores, & ministri, ordinauit, vt spiritualia gratis darentur. Matth. 10. Gratis accepistis, gratis date. Ergo qui simoniacè & alicuius temporalis interuētū spiritualia quæcunque assequitur, ea licitè retinere non potest. Respondetur in primis cū Petro à Navarra, quod ista ratio nihil omninò probet de restitutione pecuniæ & rei temporalis simoniacè acquisiti etiam pacto intercedente, iure diuino aut naturali, homo enim est dominus talis pecuniæ rei que temporalis, eam autem voluntate dat, dominium autem iure naturali voluntate transfertur. Cum ergo recipiens iure diuino incapax non sit dominij acquirendi, manifestum est contractum tenere quo ad acquisitum temporale, nec iure naturali esse restituendum. Nunc ad argumentum in specie solum probat collatorem mortaliter

peccare

peccare contra ius diuinum ex pacto simoniace conferendo, non tamen quod contractus eodem iure sit nullus, licet enim non sit dominus, tamen est administrator, ac per consequens licet malè administret, tamen validum est quod efficit, tanquam potestatem habens in administratione: recipiens etiam beneficium non vt suum recipit, sed vt Ecclesiæ quo ad dominium eius, quamuis suum quo ad vsum fructum & administrationem. Sic ille D. Gregorius de Valentia respondet, Prælatum in proposito transferre dominium rei spiritualis, domino etiam approbante translationem, non quidem simpliciter ex omni parte (auerfatur enim illam vt p̄pote irreligiosam) sed eatenus, vt sit valida, quando contractus tantum mentaliter fuit simoniatus, non enim constat nobis de contraria domini voluntate.

Tertium argumentum contra. Datio & receptio in omni contractu simoniaco est illicita, & contra canonicas leges, vt constat quam maximè ex hoc tit. Ergo dominium per illam non acquiritur: & consequenter ex natura rei facienda erit restitutio. Probatur consequentia. Quia translatio dominij debet esse secundum leges, & non contra eas. Respondet idem Gregorius dationem eam & receptionem esse quidem illicitam, sed tamen non est illicita iniuste, ita vt iure naturæ oriatur inde obligatio restituendi; sed tantum est illicita

irreligiosè. Propter quod quidem irreligiositatis peccatum præcepto ac statuto Ecclesiæ in pœnam criminis prohibetur translatio dominij in simonia reali, non autem quando simonia tantum mentalis est argum. huius cap.

Quartum argumentum. Qui mutuam dat, propterea tenetur vsuras restituere, quia gratis mutuare debet. Sed prælatus Ecclesiæ etiam gratis tenetur spiritualia conferre, ex præcepto Christi Matth. 10. Gratis date, gratis accepistis. Ergo si pro pecunia conferat, acquisitum est restitutioni obnoxium. Hoc argumentum Sotus ponit inter sua fundamenta. Respondetur, quod obligatio restituendi nō oritur ex hoc, quod gratis aliquid faciendum, vel dandum sit, sed ex hoc quod iustitia commutativa læditur, & sic in vsura necessitas restituendi non oritur hinc quod gratis mutuandum sit, sed quia venditur id quod non est, scilicet vsus rei mutuatae, qui non distinguitur à re, & propterea gratis est mutuandum. Vt autem gratis faciendum, vel dandum, inducat restituendi obligationē, oportet quod sit contra iustitiam commutatiuā, quod dupliciter contingere potest. Primò, quia nisi fiat gratis, venditur id quod non est, vt in vsura. Secundò, quia est alterius ius acquisitum ad illud, vnde ei contra iustitiam venditur, quod suum est, vt in administratione iustitiæ, & etiam in simoniace accepto, quādo daretur ad redimendam vexatio-

vexationem propter ius acquisitum. In simonia autem venditur id quod est, scilicet spirituale, quod licet, gratis sit dandum, nemini tamen in particulari competit ius ad illud ut ei vendatur, quod suum est, & consequenter non fit contra iustitiam commutativam, quia sicut accipitur, ita etiam pro eo datur, licet iniuria fiat rei sacræ, & sacrilega venditio reddatur. Sic Cosmus Philiarco.

Quintum argumentum etiam sumptum ex fundamentis Soti. Res spiritualis quæ in simonia venditur, nullo pretio æstimari potest. Ergo venditio iure naturali est nulla & iniusta, & per consequens obligat ad restitutionem. Respond. in primis, quod res spiritualis pretio æstimari non potest, non quia sit infra omne pretium, sed potius quia omne pretium excedit. Vnde danti pecuniam, non fit iniuria vlla, ut possit conqueri de re sibi data pro pretio, quasi non habeat pretium: sed potius ei beneficium impenditur, & multo plus ei datur, quam pecunia valeat. Cum autem res caret pretio propter suam utilitatem, tum iniustitia esset pro pretio vendere: ut peccatum, quod nec delectationem, nec ullam utilitatem haberet, vel quid simile quod vendibile non est: cum sit infra omne pretium, ut Petrus à Nauarra latius declarat. Secunda responsio cum Cosma Philiarco adhiberi potest, quod licet res spiritualis in se nullo pretio æstimari possit,

Mm 2 tamen

nen 1

tamen quantum ad vsus humanos, & quatenus ex illa habentur temporalia commoda, & temporales fructus potest ab hominibus taxari æstimariue, quia pecunia facta est pretium omnium rerum etiam earum, quæ multum excedunt, & nullum habent pretium. Ista enim relata ad pecuniam taxantur secundum communem æstimationem. Exempli gratia, vita hominis omne pretium excedit, condemnatur tamen homicida, imò & in conscientia tenetur ad restitutionem pecuniariam faciendam hæredibus occisi pro arbitrio prudentium: & hæc ratione simonia potest dici commutatio spiritualis cum temporalis, & spiritualium venditio & emptio, vt ex definitione simoniæ liquidum est: & quia sic non est contra iustitiam commutatiuam nec iure naturali, nec diuino obligat ad restitutionem, sed est tantum impia & sacrilega emptio & venditio, qua iniuria rebus diuinis irrogatur, atque ideo S. Thomas 2.2. q. 100. art. 1. in corpore circa finem ait: quod aliquis emendo, vel vendendo rem spiritualem, irreuerentiã exhibet Deo & rebus diuinis, propter quod peccat peccato irreligiositatis. Quod si aliquando in decretis patrum, quæ maximè habentur in 1. quæst. 1. dicatur simoniacus esse in statu damnationis, nisi abrenunciet malè & simoniacè acquisitò, de simoniaco ex pacto, id intelligendum est.

QVÆSTIO II.

*Vtrum simonia conuentionalis obliget
ad restitutionem?*

DE hac re Syluest. in verb. Simonia. q. 20. Caietan. eod. & 2. 2. quæst. 100. art. 6. Gregor. de Valentia ibidem. Dominicus à Soto lib. 9. de iustitia & iure, q. 8. art. 1. Petrus à Nauarra lib. 2. de restitut. cap. 2. num. 410. & seq. Martin. Nauarr. in manuali confessor. c. 23. num. 104. & 106.

Ante resolutionem obseruandum, quod duobus modis potest contingere simonia mentalis. Primò sine voluntate interiori emendi, sed tantùm pacto exteriori adiecto. Secundò quando verè est voluntas emendi, ac pro aliquo temporali acquirendi spirituale, aut spirituali annexum cum adiectione pacti, siue conuentionis declaratæ.

Prima Conclusio. Qui fictè & non verè simoniam conuentionalem committeret, in foro conscientia non teneretur ad restitutionem siue renunciationem eius, quod sic acquisiuit. Hanc tenent Caietan. tom. 2. opusculorum, tract. 9. q. 2. Sotus & Petrus à Nauarra locis cit. Gregor. de Valentia in d. quæst. 100. S. Thomæ, puncto quinto. & alij quidam recentiores contra Martinum Nauar. in d. num. 106. Ratio fundamētalis, quia in tali casu non committitur simonia, cùm non sit studiosa,

Mm 3

sed

sed ficta voluntas emendi spirituale, aut spirituali annexum. Cui autem non conuenit definitio ab eodem remouetur definitum. Ergo etiam non est obligatio restituendi acquisitum. Nauarri autem fundamentum infirmum est. Ad essentiam, inquit, simoniæ non est necessaria vera voluntas emendi, sed sufficit voluntas faciendi, aut dandi aliquid, quod formaliter, vel virtualiter est temporale pro spirituali consequendo. Quod fit in hoc casu. Sed negatur, quod talis habeat voluntatem emendi veram, ficta enim est voluntas. Vnde non consistit etiam essentia simoniæ, de cuius ratione est, quod sit studiosa voluntas emendi. Emptio autem in proposito est tantum simulata & secundum apparentiam: Apparentia autem vt rectè Caictan. loquitur, est conditio diminuens, sicut pictura: non aut homo pictus est homo, & ita nec apparēs simoniacus est simoniacus. Vt conclusio rectius, & ea quæ hîc dicuntur intelligatur, placet casum sic formare. Est aliquis deceptor, qui Episcopo pro beneficio conferendo promittit centum aureos, eamque promissionem instrumento confirmat, absque vlla intentione soluendi & emendi, sed solum vt beneficium consequatur, & Episcopi animum experiatur: iam conclusio dicit, quod sic beneficium consecutus, non teneatur illud resignare. Non dubitant tamen DD. talem mortaliter peccare, tum quia participat peccato simoniæ, alterius scilicet venden-

vendentis, cum efficaciter illum moueat ad peccandum: tum quia scandalo afficit proximum: tum quia mentitur & se infamat.

Secunda Conclusio. Talis qui sic dolosè & apparenter simoniam committit, in foro exteriori posset puniri, & sic acquisito priuari per sententiam. Hæc est communis DD. allegatorum. Ratio quia Ecclesia non iudicat de occultis, quæ non apparent, sed de eis quæ sunt manifesta. Cum autem in hoc casu appareat de simonia, Ecclesia potest iudicare in foro exteriori simoniam esse commissam, & consequenter talem punire pro simonia. Atque etiam si constaret de animo alieno à simonia adhuc punire non esset absurdum ob iniuriam apparentem, & alia crimina, quæ ibi miscentur. Nunc agendum de ea simonia, quæ propriè conuentionalis vocatur.

Tertia Conclusio. In simonia purè conuentionali, id est, quando tantū conuentio facta est, & pactum intercessit, sed nihil vltro citroque datum & acceptum est, nulla est restituendi obligatio. Conclusio est communis, & ratio euidentis. Vbi enim nihil datur, aut accipitur, nihil restitutioni obnoxium est.

Quarta Conclusio. Quando simonia est conuentionalis & tantū temporale acceptum, non tamen traditum spirituale, illud restituendum danti ante iudicis sententiam. Caietan. in summa. Sotus, Gregorius de Valentia, Victoria & alij.

Quinta Conclusio. Quando acceptum spirituale, nō tamen traditum temporale, in praxi receptior opinio est, quod non sit restituendi obligatio. Nauarr. in manuali. cap. 23. num. 104. ex auctoritate Cassad. in decis. 5. de constitut. & Gomesio in regula cancellariæ de triennali possess. quæst. 12. asserentibus collationem beneficij per simoniam conuentionalem factam valere. Quia id obseruat eis attestantibus antiquus stylus Romanæ curiæ, qui facit ius. cap. Ex literis. de constitut. & cap. Quam graui. de crim. fals. probationem huius conclusionis longè persequitur Nauarr. Pro hac conclusione est etiam Didac. Couarr. in relect. cap. Peccatum, de regul. iuris. 2. part. §. 8. num. 7. Petrus à Nauarra in d. cap. 2. num. 428. & seq. qui tamen de rigore iuris veriolem existimat Caietani & Soti sententiam, qui sentiunt in casu huius conclusionis necessariam esse restitutionem etiam ante sententiam, sed à praxi curiæ recepta, & obseruatione approbata non est recedendum. Conueniunt tamen communiter in hoc DD. quod in pœnam tanti criminis, qui spirituale videlicet beneficium accepit, eo possit per iudicis sententiam priuari.

QVÆSTIO III.

An simonia realis obliget ad restitutionem?

Scribunt DD. de hac re in locis proxima q. allegatis, & Victorja in relectione de simonia. 2. parte, A lensis 2. part. q. 187. memb. 5. S. Thom. 2. 2. quæst. 100. art. 6. in corp. & ad 3. Turrecrem. & Cardin. Alexand. in c. Non est putanda, 1. q. 1. Canonistæ cum Gloss. supra eod. cap. De hoc,

Tenendum mente ex Rubr. notab. 14. quæ sit & dicatur realis simonia,

Prima Conclusio. Quicquid acquisitum est per simoniam realem pro beneficij collatione, siue eius acquisitione, quam primum restituendum est, etiamsi nulla scientia aut sententia iudicis accedat. Hæc est communissima DD. tam Theologiæ quàm iuris canonici sententia. Conclusio probatur ex cap. Ordinationes, & cap. Presbyter. & cap. Si quis Episcopus. 1. quæst. 1. & supra eod. tit. cap. De hoc. & cap. De simoniacæ, & cap. De regularibus, & similib. & clarius ex Extrauag. 2. de simonia. & in Concilio Constantiens. sess. 43. in quibus decernitur nullum ius acquiri per electiones, prouisiones & collationes simoniacas. Si nullum ius acquiritur. Ergo statim restituendum, quod iniuste retinetur. Et licet quidam DD. senserint beneficij collationem

tionem ab initio nullam esse quo ad simoniam publicam, & non quantum ad eam quæ occultè commissâ est, & latet, vt tradidêre Gomes. in reg. de trienn. possess. quæst. 12. & post eum Couarr. loc. cit. tamen illam ambiguitatem sustulerunt Concil. Constant. & d. extrauag. 2. dum statuunt simoniacum etiam occultum nullum ius in beneficio, quod per simoniam habuit acquirere, atque ideò licet simonia in beneficio occultissimè sit commissâ, tamen tam dans quam accipiens tenentur quam primum ad restitutionem hinc inde perceptorum.

Secunda Conclusio. Qui scienter simoniacè beneficium acquisiuit præter beneficij resignationem etiam tenetur ad restitutionem fructuum omnium, qui à diligenti possessore percipi potuerunt. Alexand. Alensis loco cit. S. Thomas 2. 2. quæst. 100. art. 6. & eius commentatores ibidem. Couarr. in d. num. 7. Sotus vbi supra. & hæc est communis DD. sententia. Probatur in primis ex Extrauag. 2. de simonia ibi. Per electiones verò postulationes, prouisiones, confirmationes, seu quasuis alias dispositiones, quas simoniaca contigerit labe fieri, & quæ viribus omnino careant, in Ecclesijs, monasterijs, dignitatibus, personatibus, officijs Ecclesiasticis, & quibusuis beneficijs, aut aliquo eorum, cuiquam ius nullatenus acquiratur: & subditur his verbis: Nec inde faciat aliquis fructus

ctus suos, sed ad illorum omnium, quæ percepit restitutionem, sub animæ periculo sitastrictus. Hæc in d. Extrauag. & in d. loco Concilij Constant. idem habetur. Nec promoti, ait, aut prouisi faciant fructus suos: sed ad illorum restitutionem tanquam iniquè ablata percipientes teneantur. De his Rebuffus in praxi beneficior. 3. part. in titu. de simonia, in resignatione. num. 7. 8. & 15. Ratio etiam euidentia est. Collatio & prouisio beneficii simoniacè facta ipso iure nulla est ex iuribus supra allegatis. Ergo beneficium sic possidens iniustus est possessor, & non facit fructus suos, & consequenter tenetur ad restitutionem perceptorum. His accedit, quod generaliter possidens sine titulo, tenetur de omni damno & lucro percepto & percipiendo. l. Si naus. ff. de rei vendic. Quod dictum de restitutione fructuum, intelligendum ex sententia S. Thomæ de fructibus qui supersunt deductis expensis factis causa fructuum.

Tertia Conclusio. Qui beneficium per simoniam ignoranter & inuoluntariè acquisiuit, utpote quando ab alijs videlicet consanguineis, aut amicis simonia commissæ est, quamprimum rescierit se simoniacè ingressum habuisse, tenetur beneficium dimittere. Sanctus Thomas in d. art. 6. ad tertium. & Commentatores eius ibidem. Syluester in verb. Simonia. quæst. 13. dicto 8. Couarr. Sotus & Petrus

Petrus à Nauarra loc. cit. & alij communiter. Probatur ex cap. De simoniacè. cap. De regularibus. & cap. Ex insinuatione. & Nobis, supra eod. & DD, ibidem. Et qui sic simoniacè simonia commissà ab alijs beneficium acquisiuit, si à tempore scientiæ criminis statim beneficium non dimittat, videtur ratum habere factum simoniacum aliorum, & participare in peccato, Imò si nolit dimittere potest cogi à iudice ad dimittendum.

Quarta Conclusio. Qui sic possedit beneficium ex simonia ignoranter commissà tenetur etiam ad restitutionem fructuum ratione beneficij simoniacè possessi acquisiteorum, qui adhuc extant; non tamen ad restitutionem eorum, qui bona fide durante consumpti sunt, S. Thom. loco cit. & eius commentatores. Victoria in relect. 2. part. num. 8. Martinus Nauarr. lib. 5, consilior. in tit. de simonia. consil. 61. Syluest. Sotus. Couarr. Petrus à Nauarra. locis cit. Quando autem conscius sit sceleris, si statim vt in conscientia tenetur, beneficium non dimittat, à die scientiæ tenetur etiam fructus restituere, cum tunc mala fides incipiat, & cognoscat se iniuste sine titulo canonico beneficium possidere. Antequam enim ad scientiam ipsius criminis commissi narratio deuenierit, cum nullum crimen commiserit, nec culpam aliquam contraxerit tanquam bonæ fidei possessor possedit. Lex canonica non solum eum, qui scienter, sed etiam

iam eum, qui ignoranter beneficium per simoniam acquisiuit, incapacem reddidit acquisitionis beneficij in pœnam tanti criminis. Atque in hoc casu quando simoniæ peccatum ab alijs commissum est, ignorante eo, qui beneficium acquisiuit, priuatio beneficij à iure imposita non habet rationem pœnæ: cum talis possessor non peccauerit, sed est quædam incapacitas à iure imposita omni possessori beneficij simoniacè collati siue scienter, siue ignoranter: sicut irregularitas aliquando est pœna; vt in occidente priuata auctoritate; quandoque non est pœna, sed quædam incapacitas, vt in iudice qui sine vilo peccato ad mortem condemnat malefactorem. Sed nunc videndum cui restitutio facienda.

Quinta Conclusio. Pecunia siue res temporalis data pro acquisitione beneficij, si iudicis sententia & condemnatio accedat, restituenda est Ecclesiæ, in cuius ignominiam aut damnum, talis pecunia data: vel pauperibus, si in nullius certæ Ecclesiæ ignominiam cessit. Hęc est communis DD. Gloss. in cap. De hoc. supra eod. & alij ibidem. Syluest. in verb. Simonia. quæst. 20. Sotus. Victoria. Caietan. & alij. ex cap. De hoc. cit. & arg. cap. Si quis in atrio. 17. quæst. 4.

Sexta Conclusio. Pecunia talis ante sententiam, & in foro conscientiæ restituenda est danti. Hęc est probabilis, quam tenent Dominicus Sotus lib. 9. de iustitia & iure. quæst. 8.

art.1. & ante eum Victoria in 2. part. relectionis de Simonia. num. 6. Petrus à Nauarra lib. 4. de restitut. cap.2. num. 147. Ioseph. Angles in 2. part. in 4. sentent. in quæst. Quis à restitutione liber sit. difficult. 17. Petrus de Aragon in d. art. 6. D. Thomæ. & ibidem. Gregor. de Valentia, & alij quidam recentiores. Dicit tamen Victoria, quod ex sententia omnium DD. restitutio non debet fieri ei, à quo accepta est, quia non est facta ei iniuria, licet de hoc non adducant Doctores aliquem canonem id determinantem, quod ego sciam. Sic Victoria, cuius tempore communis fuit opinio. At post Sotum, qui nostram conclusionem altius fundauit, licet breuius plures relictæ communi in hanc descenderunt sententiam, quæ hoc fundamento munitur. Lex pœnalis ante condemnationem reum non obligat, vt ipsemet teneatur esse executor suæ sententiæ pœnalis, quando requiritur actio ad executionem. argum. cap. Fraternitas 12. q. 2. Gloss. ibid. quam sequuntur in eod cap. Archidiacon. Cardin. Alexand. Turrecr. Martin. Nauarr. & alij. Archidiac. Petrus Ancharan. & Philippus Francus in c. Cum secundum leges. de hæreticis. in 6. Ioannes Andr. in c. Pro humani. de homicid. in 6. Bart. in l. Eius qui delatorem. ff. de iure fisc. & ex Theologis S. Thomas 2. 2. quæst. 62. art. 3. in corp. Caictan. & alij commentatores ibid. Syluest. in verb. Assassinus. q. 5. Conrard. de contractib. q. 7. Adrian. quod-

quodlibeto 6.art.1. Barthol. Medina in 1. 2. S. Thom. q. 96. art. 4. & latissimè Dominicus Sotus lib.1. de iustitia & iure. q. 6. art 6. & alij a-
libi communiter contra quosdam DD. Sed
lex quod talis pecunia detur Ecclesie, aut pau-
peribus, alienetq; à se illam pecuniã, qui eam
accepit pœnalis est à lege canonica inducta vt
supra dictum, & requirit ad sui executionem
actionem & passionem. Ergo. S. Thomæ do-
ctrina in d. q. 100. art. 6. ad 4. videtur obstarè
huic conclusioni. Sed ea intelligenda secun-
dum 5. conclusionem, vt Sotus intelligit.

Septima Conclusio. Renunciatio beneficij si-
moniacè collati debet fieri in manibus ordi-
narij, siue Episcopi, aut alterius superioris,
qui renunciantem possit inuitum destituere
iusta de causa. Hanc docet Nauarr. lib. 5. con-
sil. de simonia. consil. 61. in respons. ad 1. quæst.
probat ex Innocentio in cap. Quod in dubijs.
de renunciat. Panorm. in c. Cum ex iniuncto.
in fin. de hæret. & alijs dicentibus, quod pote-
stas recipiendi resignationem beneficij perti-
neat ad eum qui potest inuitos destituere. Sed
rectius allegasset Nauarr. ad propositū Gloss.
in c. De regularibus. super verb. Dimittant. su-
pra hoc tit. Innocent. Hostien. Ioan. Andr. Pa-
norm. Anton. & communiter alios ibidem,
qui loquuntur in casu nostro, & dicunt quod
inferiores renunciât beneficia simoniacè pos-
sessa & accepta in manibus prælatorum & su-
periorum suorū: Quod utiq; intelligendum
de præ-

de prælatis & superioribus, qui habent potestatem, & iurisdictionem Episcopalem priuandi & destruendi, quando iusta causa subest. Si autem sint prælati inferiores exempti, non renunciant nisi in manibus Papæ, vel Legati secundum Hostiensem, & alios post eum. Et Episcopus non potest nisi in manibus Papæ aut sine eius consensu. Hinc non rectè iudicat Victòria, dum dicit loc. cit. non videtur dubitandum, quin debeat fieri collatori, id est, talis debet reddere in manus illius, ad quem spectat prouidere. Collator enim non semper habet potestatem inuitum ex iusta causa aut priuandi, aut destituendi. Addit tamen rectè Nauarr. in d. consil. num. 3. quod superior in cuius manibus huiusmodi renunciatio fit, non possit beneficium renunciatum denuò conferre renuncianti, si eius collatio non pertineat ad eum, sed collatio fiet ab eo, ad quem illa alias pertineret, quia licet, vt ipse ait, regulariter, iure communi solo attentò, ad quem pertinet potestas destituendi, pertineat potestas instituendi, & contra. ex d. cap. Ex iniuncto. & Glossa ibid. communiter recepta. Secus tamen est, cum institutio iure particulari priuilegij, foundationis, vel consuetudinis pertinet ad alium quam ad destituere potentem, vt ibi & alibi resoluitur. S. Antonin. 2. part. tit. 1. cap. 5. §. 11. prope finem dicit aliquid notabile ad præsens institutum, nescio tamen an tempestiuum sit remedium.

Nota

Nota septimo, inquit, quod Episcopus vel alius qui simoniacè tenet beneficium veniens ad mortem, si vult saluari, debet renunciare secundum Hostiens. mente, & in manibus confessoris, si non potest habere eum, in manibus ordinarij deberet resignare, & sub hac conditione renunciabit si placuerit Papæ, vel alteri, ad quem spectat collatio eius. Et si conualuerit, vadat quam citius ad eum, & pareat ei. Et caueat ne moram præbeat, nec fructus sibi appropriet: sed fideliter custodiat, vel in vtilitatem Ecclesiæ expendat. Hæc ille. Dubium hîc esse potest. An qui simoniacè beneficium nunc adeptus est, ipso iure sit inhabilis ad illud, & ad alia quæcunq; obtinenda? Difficultatē facit extrauagans Pij V. quæ incipit: Quamprimum. & est 12. libri suarum constitut. vers. Qui beneficium, aut officium Ecclesiasticum simoniacè adeptus fuerit, illis similiter sit ipso iure priuatus, & ad fructuum omnium quos susceperit, restitutionem teneatur, & perpetuò sit inhabilis ad ea, & quæcunque alia beneficia Ecclesiastica obtinenda. Hæc ibi. Nauarr. in tit. de simonia. consil. 34. mouet hanc dubitationem occasione d. extrauag. Pij V. Respondet in primis Nauarr. quod præfata extrauag. non habeat locum in foro conscientiæ ante sententiam, quia pœna non ligat conscientiam ante illam inflictam iuxta Gloss. solemnem in d. c. Fraternitas. & per alia sup. allegata. Alia et-

iam argumenta pro parte negante accumulatur. Nauarr. & postremo bene dicit, quod suo iudicio à paucis prædicta constitutio quo ad hunc effectum est usu recepta, licet à plurimis circa beneficia, simonia committatur, & lex quæ non est usu recepta, non ligat. §. Leges. d. 4. & glossa recepta. cap. i. de treuga & pace.

Octava Conclusio. Licet in ordinatione simoniaca, qui pretium temporale recipit, teneatur ad eius restitutionem, tamen qui ordinem recipit, nihil spirituale restituere potest. Hæc elicitur ex communi doctrina DD. Prima pars patet ex superioribus & ab omnibus recepta est. Secunda non minus clara. In ordinatione confertur ordo cum character.

Sed nec ordo semel collatus adimi potest, nec character qui indelebilis est, reijci valet.

F I N I S.



INDEX



INDEX RERVM IN HOC TRACTATV contentarum.

A.

ABBAS de dilapidatione suspectus, est suspen-
dendus. fol. 378.

Abbas suspenditur qui pro receptione monachi reci-
pit pecuniam. 321

Abbates Cistercienses de iure communi subiecti sunt
Archiepiscopis. 508

In Abbatis consecratione ex pacto aliquid dare si-
monia est. 313

Pro absolutione ab excommunicatione pecuniam
dare simonia est. 342

Pro absolutione ad redimendam vexationem po-
test offerri pecunia. 343

Accessorium gratuitum quando. 86

Acceptio personarum in beneficiorum collatione
nonnunquam committitur. 255

Acceptio personarum quid sit. 255

Actus aliquis dicitur spiritualis dupliciter. 359

Accusator non Catholicus in crimine simonia non
admittitur. 106

Ambitio unde dicitur. 192

Anniuersaria pro pretio celebrare est simoniacum.
364

Aquam benedictam vendere simonia est. 52

N^o 2

B. Ad

I N D E X.

B.

- A**D Baptismi necessitatem aquam emere non
est simonia. fol. 177
- Pro Baptismi administratione quando & qualiter
potest dari pecunia. 177
- In beneficio sunt duo clericatus & titulus seu ius
præbenda. 113
- Beneficialis confidentia qua sit. 74
- In* beneficia præstimonialia an cadat simonia. 153
- In* beneficio acquirendo simonia committitur. 216
- In beneficiorum collatione pactio quæ illicita? 219
- Casus ponuntur in specie. 220
- In* beneficij collatione partem fructuum reseruans
simoniam committit. 221
- Quando possit Episcopus reservare. 223

C.

- C**alicem consecratum quomodo & quando li-
ceat vendere. fol. 52
- Canonicus vadens ad Ecclesiam principaliter ut dis-
tributiones accipiat, simoniam committit. 358
- Si vadat minus principaliter secus. 360
- Canonici pro adeptione possessionis quid dare pos-
sint.
- Canonicatus est simplex beneficium. 334
- Causa civilis qua dicatur, & quando dicatur ciui-
liter agi. 383
- Celebrans ante confessionem qui mortale commisit
peccatum. 113
- Clericus dans bona sua ut in canonicum recipia-
tur. 133
- Clericus

I N D E X.

- Clericus potest sollicitare in causa laici Romæ.* 213
- Clericus habens sufficiens patrimonium potest acceptare beneficium.* 435
- Clericus viuens ex patrimonio suo quando beneficit.* 443
- Ponit exempla duorum Iodoci Lorichij & Generosi de Brandenburg.* 448
- Clericus offerens bona Ecclesiæ suæ ut præbendam, retineat simonia.* 404
- Clericus de quibus bonis possit disponere.*
- Clericus non debet sua relinquere hereticis.*
- Confirmans aliquem in beneficio, nil iuris dat.* 355
- Confirmatio pecunia comparata ignorante electo non est simonia.* 402
- Pro confraternitatis ingressu dare quando simonia.* 146
- Pro consecratione altarium quando aliquid exigi potest.* 186
- Consanguineis conferre beneficia quàm periculosum.* 253
- Non est simonia.* 255
- Consanguineo digno conferre non est acceptio personarum.* 257
- Consanguineo conferre ut domus reddatur nobilior potentior, est simonia.* 258
- Pro chrismate pecuniam accipere simoniacum est.* 302.427
- Conscientia peccati mortalis quæ.* 113
- Conscientia quid & quotuplex.* 419
- Conscientia erronea obligat.* 420
- Contra conscientiam dubiam agere est peccatū.* 420

<i>Contra scrupulosam non.</i>	322
<i>Conscientie scrupulosa quando standum.</i>	312
<i>Conuiuia in professione monialium damnantur.</i>	138

D.

D ebitor potest pro debito excommunicari.	341
Dimissoria ad ordines debent gratis dari.	96
Dignum se iudicans cura animarum potest preces offerre.	242
Propter distributiones visitans Ecclesiam quando simonia.	385
Dispensare potest Pontifex in pœnis simonia.	328
Aliquando Episcopus.	330
Dispensare in simonia in ingressu religionis quis possit.	337
Docere Theologiam pro pretio quando licet.	25
Doctor iuris quando pro munere docendi potest accipere pretium.	21
Dona & munuscula quando inducunt simoniam.	313

E.

E leemosinam pro Missa accipere non est simonia.	364
Eleemosinas largas dare monasterio vt facilius recipiatur non est simonia.	144
Electio quid sit.	191
In electione simonia.	193
In electione munera damnarunt Ethnici.	196
In electione possunt induci pacta de conditionibus qua iure insunt.	203
In ele-	

I N D E X.

<i>In electione suffragia pecunia comparare simonia-</i> <i>cum.</i>	207
<i>Aut beneficium promittere.</i>	207
<i>Aut tertio pecuniam dare.</i>	208
<i>Ad electionem impediendam quando pecuniam dare</i> <i>licet.</i>	209
<i>Per electionem simoniacam nullum ius acquiritur.</i>	211
<i>Electio simonia inducit excommunicatione.</i>	211
<i>Episcopus aut minister eius quid accipere potest pro</i> <i>consecratione templi vel altaris.</i>	185
<i>Pro examine ordinandorum accipere quando simonia-</i> <i>nia.</i>	92
<i>Excommunicatus à iure potest ab homine excom-</i> <i>municari.</i>	109
<i>Pro exequijs pecuniam accipere quando simonia.</i>	365
<i>Ad Eucharistiam quis dicatur preparatus.</i>	114

F.

F <i>Inis duplex.</i>	266
<i>Fructus primi beneficiorum quomodo soluen-</i> <i>di Episcopis.</i>	224

G.

G <i>Ratio, virtutes, &c. nec de iure nec de facto</i> <i>endi possunt.</i>	491
<i>Gratis aliquid dare non est illicitum in receptione</i> <i>Canonicatus.</i>	517

H.

H <i>Omnia quid sit.</i>	305
N n 4	Homa-

Homagium pro spiritualibus præstari non potest, sed iuramentum fidelitatis. 308

I.

- I***mpositio* manuum est ordinatio. 36
Infidelium conuersionem procurare quando licet. 184
Inimicus non admittitur testis. 384
Insinuato de simonia quando indicenda purgatio. 190
Intentio examinanda quantum ad simoniam. 406
Pro inuestitura an possit aliquid exigi. 427. & 226
Iudex accipiens pecuniam, vt ferat sententiam debet restituere. 409. & seq.
Quando committit simoniam. 412
Iuramentum ab Episcopo ante electionem factum quando valet. 204
Iurisdictio Ecclesiastica sine simonia vendi non potest. 462
Iurisditionis commoda ferens. 463
Iurisdictio ciuilis emi potest. 468
Ius patronatus laicorum an sit quid temporale. 14
Ius patronatus est spiritali annexum. 17
Ius patronatus acquiritur constructione, dotatione & fundatione Ecclesie. 19
Ius patronatus quid sit. 295
Ius patronatus emere per se est simonia. 297
Ius patronatus transit cum castro, villa, &c. 247
Ius patronatus per se non potest in feudum dari. 301
Nec in diuisione bonorum assignari pro recompensatione inaequalitatis. 301

L. Labor.

I N D E X,

L.

L Abor in sacramentis quando vendi potest.
fol. 492

Legare monasterio certam summam si filium susce-
perint, quomodo licet. *140*

M.

M Anerium quid sit. *2*

Manus impositio significat ordinationē. *86*

Matrimonium non solum est sacramentum, sed et-
iam contractus. *504*

In matrimonio quomodo potest pecunia dari. *505*

Mediatores in beneficijs quando simoniam commit-
tunt. *230*

Metu incussus beneficium conferens quando peccat.
249

Ministro dare pecuniam vt ad collatorem habeat ac-
cessum. *231*

Ministro baptismi pecunia quando dari potest. *177*

Minus digno conferre curam animarum reiectō
digniori peccatum. *260*

Missam vnam pro altera dare non est simonia. *273*

Monachus quid sit. *323*

Monachi nomine Abbas intelligitur. *323*

Monialis nomine non comprehenditur Abbatissa.
479

Moniales quando possunt pacisci cum ingredi volen-
tibus. *125*

Cur possint moniales & non monachi. *137*

Monasterium simoniacē ingressus, ad aliud mona-
sterium est transferendus. *344*

I N D E X.

<i>Munus à lingua quid.</i>	<u>228</u>
<i>Munus ab obsequio quando inducit simoniam.</i>	<u>264</u>
<i>Munus liberaliter dare post actus spirituales non est simonia.</i>	<u>314</u>
<i>Munus quando gratis datur.</i>	<u>316</u>
<i>Mutatio nominis non mutat contractum.</i>	<u>429</u>

N.

N otarius in ordinatione quando nil debet accipere.	<u>94</u>
<i>Notarius quando committit simoniam.</i>	<u>95</u>

O.

O bjectum simonia.	<u>21</u>
<i>Officia merè temporalia possunt vendi.</i>	<u>51.</u>
<i>quando, & quando non.</i>	<u>51. & 467</u>
<i>Item officia quæ habent dependentiam à re spirituali.</i>	<u>463</u>
<i>Omittere actum spiritualem non est quid spirituale.</i>	<u>291</u>
<i>Omittere huiusmodi actum pretio, avaritia est non simonia.</i>	<u>292</u>
<i>Ordinari simoniacè potest quis tripliciter.</i>	<u>326</u>
<i>Ordinari nemo debet ordine sacro sine titulo.</i>	<u>432</u>
<i>Ordinem recipere ab eo quem credit simoniacum non licet.</i>	<u>417</u>
<i>Ordinem conferens per simoniam est suspensus.</i>	<u>425</u>
<i>Circa ordines quando simonia.</i>	<u>89</u>

P. Paci-

I N D E X.

P.

- P**acisci pro victu cur moniales non monachi possunt. 134
- Pallium quid & quis vsus. 88
- In pallij traditione ex pacto dare pecuniam simonia est. 313
- Patrimonio pingui dotatus potest viuere ex beneficio. 442
- Patrimonium sufficiens possidens, si ex eo viuat, beneficia relinquendo pauperibus, rem laude dignam præstat. 443
- Duo ponit exempla, D. Iodoci Loricij Doctoris Friburgi, & Generosi D. Ioannis à Brandenburg Luxemburgi. 448
- Quando peccant habentes patrimonium & beneficium accipiunt. 449
- Pecunie nomen quicquid pretio aestimari potest complectitur. 28
- Pensio vnde dicatur & quid sit. 152
- Non est beneficium. 153
- Solus Pontifex dispensat. 154
- Causæ requiruntur. 157
- Pensionarius tenetur ad officium B. Virginis recitandum. 161
- Pensionarius Ecclesiasticus matrimonium contrahens amittit pensionem. 164
- Pensionario moriente quid & quantum deuoluitur ad hæredes. 165
- Pensionarius autoritate Pontificis potest esse securus. 167
- Pensio

I N D E X.

<i>Pensio clericalis emi non potest.</i>	<u>167</u>
<i>Pensio redimi quomodo potest.</i>	<u>171</u>
<i>Pensio gratis potest remitti.</i>	<u>176</u>
<i>Permutatio beneficiorum quando fit simoniace.</i>	<u>275</u>
<i>De permutando potest fieri tractatio sine scitu superioris.</i>	<u>275</u>
<i>In permutationibus inaequalium beneficiorum quando simonia.</i>	<u>276</u>
<i>Pontifex quando incurrit simoniam.</i>	<u>97</u>
<i>Dispensat in simonia.</i>	<u>102</u>
<i>Non incurrit pœnas.</i>	<u>101</u>
<i>Pœna simoniacorum varia.</i>	<u>57</u>
<i>Preces apud collatores sunt triplicis generis.</i>	<u>238</u>
<i>Preces quando inducunt simoniam.</i>	<u>239</u>
<i>Preces pro indigno ad beneficium illicitæ.</i>	<u>241</u>
<i>Preces pro seipso quando licitæ.</i>	<u>242</u>
<i>Preces pro seipso in Episcopatu illicitæ quare.</i>	<u>246</u>
<i>Prelatis ex officio competit subditos corrigere.</i>	<u>377</u>
<i>Prelati regulares facilius amouentur quam seculares.</i>	<u>388</u>
<i>Primi fructus beneficiorum quando soluendi.</i>	<u>224</u>
<i>Pro, præpositio quid significet in hac materia.</i>	<u>3</u>

Q.

R.

R <i>Eligionis habitus & status est à sustentatione distinctus.</i>	<u>134</u>
<i>Pro ingressu religionis temporale accipere quando simonia est.</i>	<u>133. & 135</u>
<i>Religiosa quomodo securè recipitur sine simonia.</i>	<u>144</u>

Renun-

I N D E X.

Renunciatio beneficij debet fieri auctoritate superioris. 280

Renunciatio cum pacto simoniaca habetur. 281

Renunciare vt Titio conferatur illicitum. 281

Renunciare vt expensa soluantur simonia est. 285

Renunciatio beneficij simoniacè obtenti debet fieri in manibus Ordinarij. 553

S.

Sacerdos excommunicatus celebrans fit irregularis. 111

Sacerdos in peccato mortali celebrans peccat mortaliter. 113

Sacramenti nomine in vtroq; iure iuramentum intelligitur. 312

In hac materia comprehendit omnia spiritualia. 120

Sacramenta in elemento corporali quando vendi possunt. 492

Sacramenta administrantibus quid debeat. 498

Scholaris sine simonia potest sibi procurare pecunia locum in Collegio. 146

Sepultura nomine quid intelligatur. 482

Sepulturam vendere quando est simonia. 483

Sepultura locus generaliter quomodo vendi possit. 488

Servire pro beneficio simonia est. 272

Pro sigillo testimonialium accipere pecuniam quando simonia. 96

Simon Magus quid emere voluerit. 4

Simonia latè & strictè quid. 2

Simonia quid. 3

Simonia

I N D E X.

<i>Simonia à Simone Mago.</i>	4
<i>Simonia quomodo pertinet ad forum Ecclesiasticum.</i>	7
<i>Simonia commissa in lege <u>Moyfi.</u></i>	26
<i>Simonia potuit esse in lege naturæ.</i>	27
<i>Non potuit esse apud paganos.</i>	27
<i>Est mortale crimen de grauioribus.</i>	30
<i>Dicitur hæresis.</i>	33
<i>Est contra ius diuinum & naturale.</i>	46
<i>Simonia in beneficijs est iure diuino prohibita.</i>	48
<i>Datur simonia quæ est tantum iuris positiui.</i>	53
<i>Simonia est triplex.</i>	54
<i>Simonia confidentiæ quot modis committitur.</i>	73
<i>Simonia in ordine ab Episcopo quæ.</i>	89
<i><u>Simonia</u> in beneficijs.</i>	215
<i>Simonia est plus accipere à monasterio quàm pro victu est necessarium.</i>	135
<i>Simonia est si Iudex aliquid accipiat pro decreto commissionis.</i>	116
<i>Simonia mentalis ab Ecclesia nõ punitur quare.</i>	322
<i>Simonia mentalis quæ obligat ad restitutionem.</i>	525
<i>Simonia quomodo probatur.</i>	388
<i>In simonia per signa proceditur.</i>	110
<i>Simonia non est pro ingressu confraternitatis aliquid dare.</i>	146
<i>Simonia non est ex liberalitate dare post actum spirituale expletum.</i>	314
<i>Simoniam committens dolosè, potest puniri.</i>	551
<i>In simonia purè conuentionali nulla est restitutio.</i>	551
<i>Simonia realis restitutionem requirit.</i>	553
<i>Simonia-</i>	

I N D E X.

Simoniacè recipiens beneficium tenetur ad omnes fructus.

554

Simoniacè accepta pecunia cui restituenda.

557

Simoniacus quando suspensus.

425

Simoniacus quando excommunicatus.

58

Simoniacus notorius in beneficio, deponitur.

288

Statuta in receptione canonicorum de certo quid soluendo.

515

T.

Theologia quando potest doceri pretio.

25

Testis in simonia quis esse possit. 392. & seq.

Titulus beneficij quatuor in se continet.

49

V.

Vexationem licet pecunia redimere in temporalibus.

349

In spiritualibus quando simonia.

351

Via quatuor ad Ecclesiasticas dignitates.

201

Vsurarius mentalis tenetur ad restitutionem.

533

FINIS INDICIS.

